

TUSI LESONA 3

*TAMAITAI
TALAVOU*

Tamaitai Talavou Tusi Lesona 3

Lomia ma faasalalauiina e le
Ekalesia a Iesu Keriso o le Au Paia o Aso e Gata Ai
Aai o Sate Leki, Iutā

©1995 e le Ekalesia a Iesu Keriso o le Au Paia o Aso e Gata Ai
Ua taofia aiā uma
Lomia i le Iunaite Setete o Amerika
Faamaonia le Gagana Faaperetania: Ianuari 1992
Faamaonia mo le faaliliuina: Iuni 1995
Faaliliuina o le *Young Women Manual 3*

Faasino Mataupu

Numera o Lesona ma Autu	Itulau
Faatomuaga	v
Ola e Faapei o se Afafine o le Atua	1
1 O le Atua le Tama	2
2 O le Iloaina o le Faaola	7
3 Ola i le Talalelei i Aso Taitasi	11
Faataunuina o Matafaioi Paia Faatamaitai	15
4 O Le Saunia e Avea ma Soa e Faavavau	16
5 Faatupuina o se Siosiomaga Faaleagaga i Totonu o le Aiga	19
6 O se Tiutetauave o se Tamaitai le Aoao Atu	22
7 O lo Tatou Faamoemoega i le Olaga	26
Fesoasoani i le Olaga Faaleiga	31
8 Aiga e Faavava	32
9 Faamalosia le Lotogatasi i Totonu o le Aiga	36
10 Faamalosia o Gaoioiga Faafifafia i le Aiga	39
11 O Sootaga o le Aiga Lautele	42
Aoao e Uiga i le Perisitua	45
12 O Faamanuiaga o le Perisitua	46
13 E Mafai e le Perisitua ona Faamanuiaina Aiga	50
14 E i ai so tatou Tofi Ofoofogia	53
O Le Aoao e Uiga i Talafaasolopito o Aiga ma Galuega Faalemalumalusa	57
15 O Faamanuiaga o le Aiga o Israelu	58
16 Faaeega Paia i le Malumalu	61
17 Saunia e Ulu Atu i le Malumalu	65
18 Faaipoipoga Faalemalumalu	69
19 O le Tofi	73
O Le Aafiaga i Galuega Faafaifeatalai	77
20 O le Malamalama i Tiutetauave o se Faifeatalai	78
21 Aoao ia Fetufaai Atu le Talalelei	82
Faateleina o le Faaleagaga	85
22 Vaaiga Mamao i le Faavavau	86
23 Foiaina o Tulaga Tuufafeagai	90
24 Saolotoga	95

25	Usiusitai	99
26	Salamō	103
27	Faamagaloina o i Tatou Lava	106
28	O Le Foai Atu ma le Taulaga	110
29	O le Suia o le Loto	114
30	Suesueina o Tusitusiga Paia	117
31	Auaunaga i le Ekalesia	121
32	Auaunaga i le Alalafaga	125
Ola i se Olaga Mamā		129
33	O Tagata Taitoatasi Uma e Paia ma Faavavau	130
34	Aloese Mai le lē Faamaoni	134
35	Filifiliga o Faauoga	137
36	Tulaga Manaomia o se Faaipoipoga	140
37	O Le Afioga a le Atua e Avea ma Tapasā	143
Faatumauina o le Ola Maloloina		147
38	O Uiga Lelei Tau le Soifua Maloloina	148
Atinaeina o le Vafealoai ma Lagona		151
39	O le Illoaina o lo Tatou Taua Taitoatasi	152
40	Alofa ia i Tatou Lava Faapea ma Isi	155
41	O Le Faalagolagoina	158
42	Saunia mo Suiga	162
43	Fegalegaleaiga ma Isi	165
Puleaina o Meatotino a le Tagata Lava ia		169
44	Foiaina o le Ola i Faigata	170
45	Filifiliga O Se Galuega	173
46	Puleaina o Tupe	176
Atinaeina o le Tomai Faaletaitai		179
47	Savali a Perofeta o Aso e Gata Ai	180
48	Mo le Faiaoga: Faatulagaina o Lesona mai Lauga o Konafesi Aoao	185
	Ata	187

Faatomuaga

FAAMATALAGA
FAALAUITELE

O lenei Tusi Lesona ua fuafuaina mo *tamaitai talavou* mai le *sefululua* i le sefulufitu tausaga o le Ekalesia. O le aoaoina o lesona i totonu o lenei tusi lesona o le a mafai ai ona malamalama atili tamaitai talavou taitoatasi i le fuafuaga a le Alii mo ia ma ia *mafai lelei ai e ia ona faavaeina* ana lava filifiliga ma ana amioga i luga o mataupu faavae o le talalelei.

Na apoapoi mai le susuga a Elder M. Russell Ballard: “E apoapoi atu i faiaoga ina ia latou suesue ma aoao lelei i a latou tusitusiga paia ma a latou tusi lesona a'o latou te le i faaaogaina nisi tusi faaopoopo. Ua tele naua faiaoga e foliga mai ua se ese mai tusi ua uma ona faamaonia mo le faiga o lesona e aunoa ma le iloiloina atoatoa o na tusi. Afai e lagona e faiaoga le manaomia ona latou faaaoga o nisi tusi lelei faaopoopo e ese mai lo tusitusiga paia ma tusi lesona, e tatau ia i latou ona mafaufau e faaaoga muamua mekasini a le Ekalesia” (Lipoti o le Konafesi, Aperila 1983, itulau 93;poo le *Ensign*, May 1983, p. 68).

Aoao atu i Iunite

Ua vaevaeina lenei tusi lesona i iunite nei:

Ola e Faapei o se Afafine o le Atua
Faataunuina o Matafaioi Paia Faatamaitai

Fesoasoani i le Olaga Faaleaiga

Aoao e Uiga i le Perisitua

O le Aoao e Uiga i *Talafaasolopito o Aiga* ma Galuega Faalemalumalusa

O le Aafiaga i Galuega Faafaifeatalai

Faateleina o le Faaleagaga

Ola i se Olaga Mama

Faatumauina o le Ola Maloloina

Atinaeina i le Vafealoai ma Lagona

Puleaina o Meatotino a le Tagata Lava ia

Atinaeina o le Tomai Faaletaitai

O lo o atinaeina e iunite taitasi ni sootaga o mataupu faavae ma faamalosia i latou ina ia mafai ai ona malamalama tamaitai talavou ma faaaogaina nei mataupu faavae. I le aoaoina atu o nei iunite, ia e iloiloina mea o lo o manaomia e tamaitai talavou i lau vasega i lou fesili ifo ia te oe lava:

O a ni faafitali o faafeagai ma i latou?

O a ni lesona sa latou faia muamua e uiga i le mataupu?

O a ni mea ua uma ona latou iloaina e uiga i le mataupu?

O fea o nei lesona o le a mafai ona faafetaiaia lelei ai mea o lo o latou manaomiaina?

A maea loa ona e iloiloina lelei mea o lo o manaomia e au tamaitai talavou, ona aoao loa lea o ulutala o lesona ma faamoemoega o lesona taitasi e iloa poo fea le lesona o le a faafetaiaia lelei mea na latou manaomiaina. O le saunia mamao atu o au fuafuaga, o le a e mautinoa ai o le a maua e tamaitai talavou lesona i iunite uma ma o le a saunia ai mo i latou le polokalama atoatoa o lesona ma aoaoga.

Risosi

Ia faaaoga risosi nei o lo o mulimuli mai i le sauniaina o au lesona:

O Tusitusiga Paia: O le faavae autu o lenei kosi o tusitusiga paia. Ia uunaiina tamaitai talavou e o mai ma aumai a latou tusi faavae o le Ekalesia i le vasega i vaiaso taitasi.

La faaaoga tusitusiga paia i au lesona i vaiaso taitasi: Afai e faatapulaaina le taimi pe ua tau leai foi se naunau o tamaitai talavou, ona filifili lea na o mau e pito i sili ona lelei. O le a auala mai i au sauniuniga le mafai ona avea tusitusiga paia ma mea faigaluega malosi e aoao atu ai.

E tatau i tamaitai talavou i lau vasega ona latou faitauina taitoatasi tusitusiga paia i le faagasologa o lesona taitasi uma lava. Ia e faagaeetaina i latou i lou fai atu lea i ai o se fesili pe faamatala atu foi i ai se faafitauli. Atonu o le a e manao e tusi i luga o le laupapa le mau ina ia iloa ai e tamaitai talavou le mau e sue. E masani lava ona tatau ona faia muamua se fesili a'o le i faitauina se mau. A le o lea, e tatau ona toe faitau e teine le mau ina ia mafai ai ona tali atu i le fesili. O nisi taimi atonu e tuuina mai e se tamaitai talavou se tali sao i ana lava upu e aunoa ma lona liliu atu i le faitauina o le mau. A tulai mai se mea faapena, ona taumafai lea e fai atu nisi fesili faaopoopo ina ia ona faitauina ai le mau, e pei o le faataitaiga lenei, “Na faapefela le faaupuga a le aposetolo o Paulo?” poo le “O a nisi mafaufauga loloto faaopoopo e mafai ona tatou maua mai lenei faamatalaga?”

Ae e te le i uunaiina tamaitai talavou ia fafia e sue mai mau, e ao foi ia te oe ona e muai fafia i ai. Ia e saunia oe lava i lou suesue, tatalo, ma manatunatu loloto e uiga i na mau o le a outou talanoaina i le vasega.

O le Aoao Atu—E Leai Se Isi Valaauga e Sili Ai (33043 890) O se tusi aoga tele mo faiaoga uma lava. O lo o aofia ai ni fautuaga mo le sauniaina o lesona, sauniaina faaleagaga, ma ala e faia ai aoaoga e pei o tala faatino i taga, talanoaga i vaega toaitiiti, o fesili, faamalamalamaga e faia i le laupapa, lesona faatino, ma le faaaafaina o tamaitai i le lesona. O lo o aofia ai foi ma manatu e uiga i amioga pulea i totonus o le vasega, le saunia lelei o le potu aoga, ma le faaalualuina i luma o auala e faia ai aoaoga. Ia tagai i ai mo se fesoasoani i le sauniaina ma le aoaoina atu o lesona.

Mekasini a le Ekalesia: O lo o iai i Mekasini a le Ekalesia ni mataupu ma ni tala e mafai ona fesoasoani e faalauteleina ai mataupu o i lesona.

FAATULAGAINA O LE LESONA

E tofu uma lesona ma mea nei:

1. *Faamoemoega:* O lo o ta'u mai ai le autu o le lesona— le mea e te manao ia malamalamai iai tamaitai talavou ma faataunuina o se taunuuga o le lesona.
2. *Sauniuniga:* O lo o aofia ai iina mea na e manaomia e faia i le lesona, e pei o ata ma pepa e tufa atu i le vasega, ma mea e tuuina atu i le vasega e faia, na e manaomia ona tapena mamao atu. O le tele lava o ata o lo o manaomia i le lesona o lo o i le pito i tua o le tusi lesona. O le numera o lo o faapuipuiina atu () e faailoa atu ai o le ata, e maua mai lea i le potutusi o le falelotu. E le tatau ona aveesea mai le tusi lesona nei ata. O pepa fai kopi e tufaina atu i le vasega atoa ma pepa galuega, o lo o i le pito i tua o le tusi lesona lenei. Atonu o le a e manao e fai ni kopi o pepa na mo le vasega. O le tele lava o lesona e manaomiaina ai tusitusiga paia, penisina, atoa ma laupapa.
3. *Fautuaga mo le Faalauteleina o le Lesona:* O faamatalaga o lo o i le itu tauagavale ua fautuaina atu ai auala e faia ai aoaoga, ma o le tino autu o le lesona e faamatalaina atu ai mea e aoao atu. Ia filifilia mai mea ua saunia, mea ma auala sili e faia ai lesona ina ia lelei ona faataunuina ai mea o lo o manaomia e au tamaitai talavou i taimi avanoa. (E tatau ona faauumi atu le faiga o lesona ia sili atu i le na o le tasi o le vasega e faia, pe afai e tatau ai).

O mea nei o lo o aofia ai i le tino o le lesona:

- a. *Faatomuaga.* O se auala fautuaina lenei e amata ai le lesona ina ia fafia ma ua'i mai ai loto o le vasega i le lesona.
- e. *Ululata.* O vaega taitasi o le lesona ua aofia ai manatu autu. Aoao atu vaega taitasi ia faaaogaina ai tusitusiga paia, o tala, upu sii, ma gaoioiga ua saunia atu.
- i. *Faaiuga.* E maua mai i le aotelega o le lesona ma fautuaina mai ai le fefaaalai o lagona e uiga i mataupu na talanoaina, po o se molimau foi e uiga i lena mataupu o le talalelei.
- o. *Faatinoga o le Lesona.* O se fautuaga lenei mo se fuafuaga faapitoa o se gaoioiga, tofiga, po o se sini e fesoasoani i tamaitai talavou ina ia faaaoga le mataupu na talanoaina i lona olaga. Afai e talafeagai ai, e mafai ona faavanoaina sina taimi i le

amataga o le isi vasega o le a sosoo ai e faamatala pe fetufaaai ai e tamaitai talavou mea na latou oo i ai. E mafai ona e fai atu, “O le vaiaso na tea na tatou talanoa ai e uiga i _____. Pe na outou faataitaia? Na faapefea ou lagona e uiga i lena mea? Afai e le tali mai tamaitai talavou i le taimi muamua, e mafai ona e fai atu, “Na ou faataitaia, ma o le mea la lenei na ou oo i ai.” O lou ta’uina atu o mea lelei na tutupu ia te oe, o le a mafai ai ona e fesoasoani i tamaitai talavou e aoao i le ala e latou te faaaogaina ai nei mataupu i o latou olaga.

- u. *Gaoioiga Fautuaina*. O gaoioiga nei e mafai ona fuafuaina e faalau tele ma faamalosia ai se mataupu faavae o le talalelei.

O tala ma faataitaiga o lo o tuuina atu i totolu o lesona ua faatatauina ina ia fesoasoani atu ai i tamaitai talavou ia malamalama pe faapefea ona faaaogaina i o latou olaga i aso taitasi mataupu faavae o le talalelei o lo o latou aoaoina. A o e tatalo i le sauniaina ma le tuuina atu o lau lesona, atonu o le a lagonaina le uunaia o oe e te tuuina atu ni tala po o ni faataitaiga mai lou lava olaga poo soo se isi lava auala faamoemoaina ma e silafia uma e tamaitai talavou o lo o e aoaoina. Afai o le a faia le ala lena, ia tautuana i lou mafaufau le mataupu faavae o le talalelei e pei ona aoaoina atu i le lesona. O tala faaopoopo e tatau ona lagolagoina ma fesoasoani i le aoaoina o le mataupu faavae e pei ona tuuina mai i le faamoemoega o le lesona.

E le manaomia ona aoaoina atu lesona i le faasologa e pei ona iai i totolu o le tusi lesona, ae o ulutala uma e tatau aoaoina uma i se taimi o le tausaga.

AOAOINA O TAMAITAI TALAVOU

Ia manatua o lo o e aoaoina tamaitai talavou, e le na ona aoao atu o lesona. Ia tatalo mo ni musumusuga e fesoasoani i ai latou ia latou ausia lo latou taumafai ma le atoatoa e avea faapei o afafine o le Atua.

O le lelei o le aoaoga e aofia ai lou iloa lelei o tamaitai talavou taitoatas, o ona matua, ma lona aiga. Ia e mafaufau i tamaitai talavou taitoatas ma o latou aiga. Ia e vaai atu i ai latou e pei ona silasila mai iai le Tama oi le Lagi. Ia e taliaina i latou taitoatas e tusa ai ma o latou tulaga ma fesoasoani ina ia latou tuputupu a’e i le talalelei.

Aoao e uiga i tamaitai talavou taitoatas e ala i lou fesili ifo o oe lava i fesili nei:

- O a ni mea e fiafia i ai o ia, faanaunauga, taleni, sini?
- E faapefea le tulaga na ia ola mai ai atoa ma mea uma na ia oo i ai i le aiga? le ekalesia? le aoga? le galuega? ma ana tupulaga?
- O a ni mea na te manaomiaina?
- Pe faapefea ona ou fesoasoani ia te ia?

O le auala pito sili e fesoasoani atu ai i tamaitai talavou taitoatas, o le fesoasoani lea ia aoaoina e ia le talalelei ma ola ai. Na fautua mai Peresitene Marion G. Romney: “O le aoaoina o le talalelei mai mea ua tusia i tusi ua le lava lea. Ae tatau ona ola ai. Auā o le mea moni, o le iloa o le talalelei ma ola ai, e le mafai ona tuueseeseina. E ao ona fuifulua faatasi ia mea e lua. E le mafai e se tasi ona aoao atoatoa le talalelei e aunoa ma lona ola ai. O le malamalama i le talalelei e aoaoina auaua’i: a aoaoina e se tasi sina mea itiiti, usiusitai iai ma tausia; toe aoaoina se isi mea ma faapena foi ona usiusitai iai ma tausia. O lenei aoaoga e faaaauauina pea lava pea e le uma. Ona pau lea o le ala e mafai ai e se tasi ona maua le atoatoa o le malamalama o le talalelei” (*Records of Great Worth*, “Ensign, Sept. 1980, p.4).

FAAAOGAINA O I LATOU E FAALETONU TINO PO O MAFAUFAU

Na tuuina mai e le Faaola se faataitaiga mo i tatou ina ia tatou maua le lagona alofa mo i latou e faaetonu tino po o mafaufau. Ina ua asiati atu o Ia i tagata Sā Nifaē ina ua mavae lona toetu, sa ia faapea atu:

“Po ua ia te outou nisi e mama’i? Aumaia i latou iinei. Po ua ia te outou ea nisi ua pipili, pe tauaso, pe setu, pe manu’ā, pe lepela, pe mamae, pe tutuli, pe puapuagatia i se tasi mea? Ina aumaia i latou iinei, ou te faamaloloina i latou, aua ua mutimutivale lo’u alofa ia te outou” (3Nifae 17:7).

I le avea ai o oe ma se faiaoga i totolu o se potuaoga a le Ekalesia ua talafeagai lelei le tulaga lena e te faaali atu ai lou alofa. E ui lava o se faiaoga e le’i maua e ia se aoaoga

faapitoa po o ni mea e tuuina atu ai le fesoasoani i tagata e faaletonu tino po o mafaufau, ae faamoemoe lava e tatau ona maua e faiaoga taitasi i le Ekalesia le loto malamalama ma le agaga fia fesoasoani ma le naunau e faaaofia ai nei tagata mama'i i so o se tulaga e mafai ai i gaoioiga uma faaleaoaoga e faia e le vasega.

O tagata o le vasega e faaletonu tino poo mafaufau atonu o le a faigata i ai latou le tulaga o le aoaoina, faaletonu le mafaufau, le gagana poo le faigata ona tautala, vaai, poo le leaga o le faalogo, amioga ma faafitauli i le va fealoai, le lelei le mafaufau, faigata ona gaoioi, poo ni faafitauli tau le soifua maloloina. O nisi atonu latou te mauaina le faigata poo le le masani i le gagana ma aganuu. Ia aua nei amanaiaina le tulaga o tagata taitoatasi, ae o tagata uma o le vasega e fetufaaai faatasi le manao ina ia alofagiaina ma taliaina, ia aoao le talalelei, ma auai ma le fiafia, ma auauna atu i isi.

Ia faaaoga fautuaga o lo o mulimuli mai a'o e aoaoina i latou e faaletonu tino poo le mafaufau:

- Ia tele sou malamalamaaga i lē ua faaletonu le tino poo le mafaufau ma ia e iloa lelei o ia. Ia faaali ou uiga masani, uiga faaleuo, ma uiga alofa.
- Ia e iloa mea e malosi ai ia faapena foi i mea e vaivai ai.
- Ia aoao tagata o le vasega i lo latou tiutetauave o le faaaloalo i isi tagata o le vasega. O le fesoasoani i se tagata e faaletonu le tino poo le mafaufau e mafai ona avea o se aoaoga faa-Keriso mo le vasega atoa.
- Ia saili auala aupito sili ona lelei mo le aoaoina o le vasega e ala lea i le talanoa atu i matua, o isi tagata o le aiga, ma, pe afai e talafeagai ai, ma isi lava tagata o le vasega.
- A o le'i valaauina ni tagata o le vasega e faaletonu tino poo mafaufau e faitau, tatalo, poo le auai mai, ia fesili i ai latou po o le a so latou lagona i le auai mai i le vasega. Ia faamamaafa atu mea e mafai e tagata uma taitoatasi ona fai ma vaai ni auala e mafai ai ona auai mai ma le atoatoa ma le fiafia i latou.
- Ia faafetaui mea ua saunia mo le lesona ma siosiomaga faaletino ina ia faafetaiaia manaoga o tagata o le vasega e faaletonu tino poo mafaufau.

Ola e Faapei o se Afafine o le Atua

O le Atua le Tama

FAAMOEMOEGA O le a faateleina ai le malamalama o tamaitai talavou taitoatasi e uiga i lona Tama Faalelagi.

- SAUNIUNIGA**
1. Ata 1, O le Uluai Faaaliga (62470), o lo o i tua o le tusi lesona lenei.
 2. Pule oe pe fai: Ia saunia se pepa lautele e tusia ai mau ma o latou ulutala o lo o lisiina i le vaega lona lua o le lesona.
 3. Tofia se tasi e usu sana solo pe na te taitai foi isi e usu le pese “Ma‘eu Lou Pa‘ia” (Viiga, nu. 155) po o le “Lo‘u Tama e Oi le Lagi” (Viiga, nu.305).
 4. Ia tofia ni tamaitai talavou e faamatala atu so o se tala, poo ni mau, poo ni upu sii e te manao i ai.

**FAUTUAGA MO
LE FAALAUATELEINA
O LE LESONA**

Faatomuaga

Ia faamalamalama atu ua faaalia mai i le tala lea se manatu masani e oo i ai le toatele o tagata, e faatatau i lo latou malamalama i le uiga moni o le Atua le Tama.

Tala

Sa i ai pea ni nai mea itiiti i le olaga fesuisuiiai o Evile, o se alii talavou na ola a‘e i le Setete o Georgia i le vaitaimi o le 1950. O se tasi o mea masani na ia iloa e fai i vaiaso uma lava taitasi, o le aofai lea e lona tina o lo latou aiga toatele ma ave i le lotu. O le tamā o Evile o le faifeau lea.

Pe tusa ma le sefulufa tausaga o Evile, na amatamata loa ona ia fesiligia nisi o aoaoga a lana lotu. Na pito i fenumiai lava lona mafaufau e uiga i la latou faamalamalamaga e uiga i le Atua. Na faigata ia Evile ona vaai atu i se Atua e leai se tino, itu, poo ni lagona, o lē e mafai ona afio i soo se mea i le taimi lava lena, ae peitai e leai sona nofoaga faapitoa e i ai. Na i ai lava sona malamalama itiiti e uiga ia Iesu, aua na vaai o ia i ata o Iesu i tala o le Tusi Paia e uiga i lana misiona i le lalolagi.

Na faateleina ona faigata ia Evile ona alu i le lotu, e ui lava faapea na fafia tele o ia e pese i le au faipese. Ae o le mea e sili ona matautia, na faateteleina ona faigata ia te ia ona tatalo atu i lona Atua lilo. Na faapea ona iloa e ia ua matua tea ese lava lona olaga ma le tele o tulaga faaleagaga na aoao mai ai o ia a o ola a‘e.

I ni nai tausaga mulimuli ane, na fetaui ai o ia i lana galuega ma ni faifeautalai a le Au Paia o Aso e Gata ai e toalua. Na lagona le ootia o lona loto e uiga i lona olaga faalelotu sa ola a‘e ai, ma sa ia talosagaina faifeautalai e o atu i lona fale e aoao o ia. Ina ua faamatala e faifeautalai le tala ia Iosefa Samita, sa le‘i ofo Evile i le ala na fenumiai ai le mafaufau o Iosefa le itiiti po o fea le ekalesia e tatau ona auai i ai, aua na ia manatua foi le lagona na oo ia te ia a o talavou.

Ata

Faaali le Ata o le Uluai Faaaliga

Na toe faamatala atu e faifeautalai le tala e uiga i le Uluai Faaaliga na vaaia e Iosefa Samita, ma faamatala ia Evile le faaali mai o le Tama ma le Alo o ni tagata mamalu mavaevae se toalua. Na iloa e Evile le moni o le faaaliga, ma na faatumulia ai lona loto i se lagona mafanafana ma le ofoo fogia.

Na papatiso o ia i se taimi mulimuli ane. Na ala mai i lona malamalama o le Atua o lona Tama Faalelagi, ma o ia moni o se atalii i la le agaga o le Atua, na mafai ai e Evile ona ia maua le faamoemoega sili mo lona olaga.

	E Mafai Ona Faateleina Lo Tatou Malamalama E Uiga I Le Atua Le Tama
Talanoaga	<ul style="list-style-type: none"> • Aisea na faigata ai ia Evile ona tatalo atu i lona Tama Faalelagi? • O le a se mea na aoaoina e Evile mai le tala i le Uluai Faaaliga na vaia e Iosefa Samita? • Aisea na matuai ootia ai o ia i lea tala? • E faapefea ona tatou iloa le natura moni o le Atua? <p>Ia mautinoia ia malamalama tamaitai talavou e tatou te iloa le natura o le Atua e ala mai i molimau a le au perofeta, tusitusiga paia, ma faaaliga i le tagata lava ia?</p> <p>Ia faamalamalama atu na aoao mai e Iosefa Samita, “o le mataupu muamua lava o le talalelei le iloa ma le mautinoia o le Uiga o le Atua” (<i>Teachings of the Prophet Joseph Smith</i>, sel. Joseph Fielding Smith [Salt Lake City: Deseret Book Co., 1938], p. 345).</p> <p>Ia ta’u atu i tamaitai talavou na faamatala mai Iosefa Samita e uiga i le Tama ma le Alo. Ia fai atu i tamaitai talavou e faitau leotele le Iosefa Samita 2:17 ma le Mataupu Faavae ma Feagaiga 76: 19-24.</p> <p>Ia ta’u atu i ai latou o le suafa o le Atua le Tama o Elohim, ma o ia o le Tama o agaga o le fanau uma a tagata. O Ia foi o le Tama o Iesu Keriso i la le tino.</p> <p>Faitau le faamatalaga lenei mai le Au Peresitene Sili: “O le Atua le Tama Faavavau o Lē ua tatou faasuafaina i se suafa maualuga o ‘Elohim,’ o se Matua moni lava o lo tatou Alii ma lo tatou Faaola o Iesu Keriso, faapea ma agaga o fanau a tagata (“The Father and The Son:A Doctrinal Exposition by the First Presidency and the Twelve,” <i>Improvement Era</i>, Aug, 1916, p. 934).</p> <p>Ia faamalamalama atu na faaali mai le Atua lava Ia le Tama pe na fetalai mai foi i perofeta i le lalolagi i nisi o taimi. Pe a faaali mai o Ia, ua Ia faia e molimau faapitoa mai ai le pule paia oi lona Alo o Iesu Keriso.</p> <ul style="list-style-type: none"> • O anafea na molimau mai ai le Tama e uiga i lona Alo? (I le Uluai Faaaliga na Vaaia e Iosefa Samita, i le taimi na papatisoina ai Keriso, i le taimi na liua ai Keriso i luma o lana Au Aposetolo, i le taimi na faaali atu ai Keriso i tagata Sa Nifaē ina ua mavae lona toetu mai.)
Faamatalaga a le faiaoga ma mau	<p>Laupapa ma le upu sii</p> <p>Ia faamatala atu o mea nei na ta’uina mai e Iosefa Samita ina ia tatou malamalama ai i uiga o le Atua le Tama. A’o e faitauina manatu nei e ono, ia e tusia upu nei i luga o le laupapa: 1. <i>Faavavau</i> 2. <i>Alofa Tunoa</i> 3. <i>E lē Masuia</i> 4. <i>Upu Moni</i> 5. <i>Amiontonu</i> 6. <i>Alofa</i>.</p> <p>“Muamua, sa avea o Ia ma Atua a’o le i foafoaina le lalolagi, ma o le Atua lava lea e tasi ina ua mavae ona foafoaina le lalolagi.</p> <p>“Lua, e alofa mutimutivale ma agalelei o Ia, e telegese lona toasa, e tumu o Ia i le faamaoni, ma e mai le vavau o Ia e oo atu lava i le faavavau.</p> <p>“Tolu, e le liliu o Ia, pe ia te Ia foi se mea faaletumau; peitai e tutusa o Ia mai le vavau e oo atu lava i le faavavau, o Ia lava mai ananafi, le asō, e oo atu lava i le faavavau; ma o lona ala o se taamiloga faavavau e tasi, e le masuia.</p> <p>“Fa, o Ia o le Atua o le faamaoni, ma e le mafai ona pepelo.</p> <p>“Lima, e le faailoga tagata o Ia: o lē mata’u i le Atua i nuu uma lava ma fai le amiontonu, e talia i latou e Ia.</p> <p>“Ono, o le alofa lava Ia” (<i>Lectures on Faith</i>, comp. N.B. Lundwall [Salt Lake City: N. B. Lundwall, n.d], p. 35).</p> <p>Ia tusia mau nei mai tusitusiga paia i le tasi itu o le laupapa a o nisi uiga o le Atua i le isi itu. (Pe faaali atu le pepa lautelē na e sauniaina.) Fai i tamaitai talavou e su’e mau ma faitau leotele pe a maua. Fai atu i ai e tusi ni laina e faafesootai ai mau ma faamatalaga tonu e talafeagai ma mau.</p>
Aoaoga i le Laupapa po o le Pepa Lautelē	

Ioane 3:16	O Ia o le Tamā o o tatou agaga.
MFF 130:22	E alofa o Ia i ai tatou.
Eperu 12:9	E ia te Ia se tino o aano ma ivi.
MFF 109:77	E le liliu lava o Ia.
Mamona 9:9	E afio o Ia i le lagi.

O I Tatou o Fanau ma Suli o lo Tatou Tama Faalelagi.

Upu sii

Ia faamatala atu ua aoao mai i tatou e o tatou perofeta o aso nei e gata ai, o i tatou o ni fanau i la le agaga a lo tatou Tama Faalelagi.

Ia faitauina atu upu sii nei:

“O i tatou o fanau moni lava a le Atua. Afai e malamalama tagata, talitonu, ma talia lenei upu moni ma ola ai, o le a toe liua ma toe faaolaina lo tatou lalolagi leaga ma le vaivai, ma o le a maua e tagata le filemu iinei ma aso nei, ma le olioli e faavavau pe a mavae lenei olaga” (Marion G. Romney, Conference Report, Apr. 1973, p. 133; or *Ensign*, July 1973, p. 11).

Talanoaga

Ia uunaiina tamaitai talavou ia manatunatu i ni auala faapitoa ua aafia ai o latou olaga i le malamalama ua latou maua o i latou o fanau a le Atua. Atonu e te fia fesiliga i latou i ni fesili faapenei:

- E faapefea i le malamalama ua ia te oe, o oe o se afafine o le Atua, ona aafia ai mea o lo o e faia i tagata o lou aiga ma uo?
- E faapefea ona aafia faiga e te faia i lou aiga ma au uo i lenei malamalama?
- O le a le ituaiga olaga e te oo i ai pe ana fai e te leiloa o lo o i ai sou Tama Faalelagi o Lē e mafai ona e tatalo atu i ai?

O le iloaina o le Atua o lo tatou Tama, e aumaia ai le filemu ma le olioli ma fesoasoani ina ia tatou malamalama ai i le taua tele o tagata uma taitoatas i luga o le fogaeleele.

Talanoaina o le mau

Ia tuuina atu i se tamaitai talavou na te faitauina mai le Roma 8: 16-17.

Ia faamalamalama atu ua aoao mai e nei fuaiupu o i tatou o fanau a le Atua ma o i tatou o ona suli. E mafai ona tatou maua le ola e faavavau, o le ituaiga olaga lena o lo o soifua ai le Atua. O le a faatagaina mai i tatou e le Atua e fetufaa atu lena lava malamalama e tasi ma le mamalu ua ia maua. Ae peitai, ua faavaeina e le Atua ni tulaga e tatau ona tatou faataunuina, pe afai tatou te fia mauaina le ola e faavavau.

- O fea tatou te maua ai nei tulaga e tatau ona tatou faataunuina? (I tusitusiga paia, i aoaoga a perofeta i ona po nei, i aoaoga a o tatou matua, ma sauniga faale-Ekalesia).

Ia faamalamalama atu o nei tulaga, o poloaiga ia ua tuuina mai e le Atua. Ua faailoa mai e nei poloaiga ia i tatou le ala e mafai ai ona tatou fiafia i lenei olaga ma tatou maua ai le ola e faavavau i le olaga a sau.

Ia fesoasoani atu i tamaitai talavou ia malamalama e leai se isi mea e sili atu ma pito i matagofie nai lo o le ituaiga soifuaga o lo o soifua ai le Atua. E le mafai foi ona tatou manatu faalemafaufau i le olioli ma le matagofie o se vaega o lena olaga. O le tausia o poloaiga ua matua tatau ai lava iai taumafaiga uma e tatau ona fai, ua ua na o le faia o lena mea e mafai ai ona avea i tatou e pei o lo tatou Tama, ma maua ai le ola e faavavau.

**E Mafai Ona Tatou Aoao e Uiga i le Tama oi le Lagi e Ala Lea i le Aoao
e Uiga ia Iesu Keriso**

Talanoaina o le mau

Ia tuu atu i se tamaitai talavou e faitau mai le Ioane 14:7.

Ia faamalamalama atu e le tele ni afioga ma galuega a lo tatou Tama oi le Lagi o lo o tusia i tusitusiga paia. O se tasi o auala pito i sili ona lelei e mafai ai ona tatou aoao e uiga i lo tatou Tama oi le Lagi, o le aoao lea e uiga i lona Alo, o Iesu Keriso.

Ina ia fesoasoani i tamaitai talavou ia malamalama i le mafuaaga e mafai ai ona tatou aoao e uiga i le Tama e ala i le aoao e uiga ia Iesu Keriso, o lo o faaali mai i manatu nei:

1. O le Tama Faalelagi ma Iesu Keriso e tasi.

- O a ni tulaga e tasi ai le Atua le Tama ma Iesu Keriso?

Ia mautinoa ia malamalama tamaitai talavou o le Tama ma le Alo e tasi i la'ua i o la finagalo, faamoemoega ma sini. O i la'ua o ni tagata mavaevae, ae ui i lea, talu ai ona e atoatoa ona au faatasi o i la'ua i mea la te manatu i ai ma faia, e mafai ai e le tasi o i la'ua ona fetalai le isi mo le tasi. E mafai ona tatou aoao e uiga i mea na fetalai i ai le Keriso ma faia, ma e tatou te iloa o le a faapena foi ona fetalai le Tama ma faia ia mea uma lava. (Tagai i le Ioane 17: 20-23.)

O nisi taimi e fesili ai tamaitai talavou po o fea taimi i tusitusiga paia o lo o fetalai mai ai Iesu Keriso ae poo a taimi e fetalai mai ai le Tama. O le a fesoasoani tele le upu sii o lo o mulimuli mai i le taliina o lena fesili:

Upu sii

“O le tele o tusitusiga paia o lo o talanoa e uiga i le Atua po o le Alii, e le o ta'uina mai ai po o le Tama po o le Alo, aua e leai lava sona eseesege po o le fea le Atua o lo o aafia ai. E tasi i la'ua. O afioga po o galuega a soo se tasi o i la'ua, o afioga foi ia ma galuega a le isi i le tulaga lava e tasi.

“E le gata i lena, afai e oo mai le faaaliga pe e ala mai i le mana o le Agaga Paia, e masani lava o na afioga ua mai le Alo, e ui lava o mea e fetalai mai ai le Alo o mea foi ia e fetalai mai ai le Tama, ma o le a faapea lava ona ta'ua na afioga o afioga a le Tama” (Bruce R. McConkie, “Our Relationship with the Lord,” in *Brigham Young University 1981-82 Fireside and Devotional Speeches* [Provo: Brigham Young University Press, 1982], p.101).

2. E tutusa le alolofa o le Tama Faalelagi ma Iesu i ai tatou.

I mea uma lava na te faia, e faailoa mai e Iesu i ai tatou le alofa e faavavau. E faapena foi ona alofa le Tama Faalelagi i ai tatou. Pe a tatou faitau e uiga i galuega alofa silisili na faia e Iesu a'o i ai o Ia i le lalolagi faatasi ma tagata Iutaia ma le au Sa Nifaē, e mafai ai ona tatou iloa e alofa le Tama i ai tatou i le ituaigna alofa atoatoa lava lea e tasi. Na aoao mai i tatou e Keriso e uiga i le alofa silisili o le Tama mo i tatou.

Ia tofia se tamaitai talavou na te faitauina le Mataio 7: 7-11. Ia faamalamalama atu e alofa tele le Tama i ai tatou, e le taitai lava ona faia e ia se mea e le lelei mo i tatou.

3. Sa Faataunuina e Iesu Keriso le Ata o le Faaolataga a Lona Tama.

O le ata o le faaolataga o le fuafuaga lea a Tama. Na ia tuuina mai i ai tatou i le mua'i olaga ma filifilia lona Alo o Iesu Keriso na te faataunuina. Na afio mai Keriso i le lalolagi ma aoao i tatou e uiga i le fuafuaga o le salamo ma le usiusitai i poloaiga a le Atua. Ona Ia puapuagatia lea mo a tatou agasala, ma na ia toetu mai ina ia mafai ai ona tatou toe foi atu i lo tatou Tamā pe afai tatou te salamo. E mafai ona tatou malamalama i le poto ma le alofa o lo tatou Tamā oi le Lagi, pe afai tatou te aoao e uiga i le ata o le faaolataga na faataunuina e Iesu Keriso.

4. Ua na o Iesu Keriso lava lē na fanaua e le Tama i la le tino, ma e foliga ia te Ia ma faia mea e pei ona faia foi e lona Tama (tagai i le Ioane 1:14; Eperu 1: 1-3

5. Tatou te tatalo atu i lo tatou Tama oi le Lagi i le suafa o Iesu Keriso. Tagai i le 3 Nifae 18: 19-21; 2 Nifae 32: 9.

6. Ua faailoa mai i ai tatou e Iesu Keriso le ala e toe foi atu ai i le Tama e ala lea i ana faataitaiga.

Faa'iuga

Ia faamalamalama atu o le avea ma se afafine o le Atua, ua tuuina atu ai i tamaitai talavou uma taitoatasi se tiutetauave e faateleina ai lona malamalama e uiga i le natura o le Atua. A'o ia aoao atili e uiga i lona Tama oi le Lagi, o le a faateleina ai e ia lona manao ma lona naunau e usiusitai i ana poloaiga, ma maua lona agavaa i le avea ma ona afafine.

Pese

Ia usuina se solo, pe fai foi i tamaitai talavou e usu le "Ma'eu Lou Paia" (Viiga nu. 330) po o le "Lo'u Tama e Oi le Lagi" (Viiga nu. 305).

Faatinoga o le Lesona

1. Fai atu i tamaitai talavou ia manatua i le vaiaso a sau le malamalama ua ia te i latou o i latou o fanau a le Atua, ma o isi tagata o o latou tuagane ma uso. Fai iai e tusi i a latou tusi o o latou talaaga auala ua avea ai lenei malamalama ma mea ua suia ai o latou lava uiga po o faiga latou te faia ai i isi.
2. Fai atu i tamaitai talavou e tauloto mai le Ioane 17:3.

FAAMOEMOEGA	O le a taumafai tamaitai talavou uma taitoatasi e avea Iesu Keriso ma ana uo.
SAUNIUNIGA	<ol style="list-style-type: none">Ata 2, O Iesu i le Faitotoa (62170), o lo o i le pito i tua o le tusi lesona.Ia faaali atu i luma o le vasega le ata.Ia fai atu i se tamaitai talavou e faaali mai ona lagona e uiga i le Faaola ma lana fesootaiga ma ia.Ia tofi ni tamaitai talavou e faamatala mai soo se tala, mau, po o ni upu sii e te manao i ai.
FAUTUAGA MO LE FAALAUATELEINA O LE LESONA	Faatomuaga
Tala	<p>Ia faamatala atu le tala lenei:</p> <p>Na maliu se alii ma sa toetu mai ma faatalitali i se potu e faatalanoaina ai. Sa iai se isi tagata sa muamua atu ia te ia. Na matala le faitotoa ona ulufale atu lea o le tagata, ona toe tapuni mai lea o le faitotoa. Na mafai ona lagona uma atu e le tagata sa i fafo talanoaga sa faia i le isi itu o le faitotoa. Na amata ona faapea atu le tagata na faia le faatalanoaga: "Ou te manao e te ta'u maia ia te a'u se mea ua e iloa e uiga ia Iesu Keriso."</p> <p>"Ioe, na fanau mai o Ia ia Maria i Peteleema; e tolusefulutolu tausaga na soifua ai o Ia, ma na ia faaluina tausaga mulimuli e tolu e faatulagaina ai lana ekalesia, filifilia lana au apostolo, ma tuuina mai le talalelei e taitaiina ai o tatou olaga."</p> <p>Na taofi o ia e lē na faia le faatalanoaga ma faapea atu: "Ioe, ioe, e sa'o uma lava na mea, ae ou te manao e te ta'uina mai ia te a'u se mea ua e iloa e uiga i a Iesu Keriso."</p> <p>"Ioe, na puapuagatia o Ia ma maliu ina ia tatou maua le ola e faavavau. Ona toe soifua mai lea o Ia ina ua mavae aso e tolu, ina ia mafai ona tatou toe foi atu i lo tatou Tama oi le Lagi."</p> <p>Ioe, ioe, e sa'o le mea lena, ae ou te manao e te faamatala mai pe o le a se mea e te iloa e uiga ia Iesu Keriso." Na taufai si fememea'i laititi o le tamaloa ona toe amata foi lea o lana faamatalaga: "Ia, na Ia toefuataiina mai i le lalolagi le talalelei i lona atoatoaga e ala mai i a Iosefa Samita, ma toe faatulagaina lana Ekalesia ma tuuina mai i ai tatou ni malumalum ina ia mafai ona tatou faia galuega e faaolaina ai o tatou aiga ua maliliu. Na ia tuuina mai i ai tatou ni sauniga tau le tagata lava ia mo lo tatou faaolataga ma le faaeaga."</p> <p>Na toe taofi foi o ia e lē na faia le faatalanoaga ma faapea atu: "O mea uma ua e ta'uina maia ia te a'u e moni." Ona valaaulia foi lea o lena tagata e tuua le potu. Ina ua ia tuua le potu, na matala le faitotoa ae ulufale mai le tagata lona lua. A'o agai atu o ia i lē na te faia le faatalanoaga, na ia faapa'ū ifo i ona tulivae ma alaga, "Lo'u alii e, Lo'u Atua e."</p>
Talanoaga	<p>E Mafai E i Tatou Taitoatasi Ona Aoao Ina Ia Iloa Iesu Keriso</p> <p>Ia fai atu i tamaitai talavou taitoatasi e mafaufau ifo o ia i lona lava tulaga ma tali i le fesili lenei i lona lava mafaufau. Tuu atu se minute e filemu ma manatunatu ai ia latou tali.</p> <ul style="list-style-type: none">• Pe o e masani lelei ea ma le Faaola i le taimi nei ina ia e iloa ai o Ia pe a faapea e te savali atu i lona afioaga? <p>Tuu atu i le vasega e talanoaina o latou lagona. Ia mautinoa ia latou malamalamā e le tau manaomia fua le vaai i le Faaola ina ia mafai ai ona iloa o Ia. E ui lava sa Ia folafola mai o le a Ia faaali mai o Ia lava i ē amiotonu i lona lava ala ma ona lava aso (tagai i le MFF 93:1), na Ia fetalai atu foi ia Toma, "Amuia o ē le vaai mai, ae talitonu mai pea" (Ioane 20:29).</p>

Talanoaina o le Ata	Ia faaali atu le ata o Iesu o lo o tu i le faitotoa.
	<ul style="list-style-type: none"> • O le a se mea ua tulaga ese ai lenei ata? (E leai se au o le faitotoa i le itu i fafo.) • Afai e afio mai Keriso i totonu o le a se mea e tatau ona tupu? (E tatau i ai tatou taitoatasi ona tatalaina le faitotoa.)
Mau	<p>Ia tusi i luga o le laupapa le 3 <i>Nifae</i> 9: 14. Ia fai atu i tamaitai talavou taitoatasi e sue le mau. Ia faitau ma talanoaina lelei faatasi ma le vasega.</p> <p>Ia fesoasoani atu i le vasega ia latou iloa ua valaauna i tatou uma taitoatasi e Keriso e o atu ia te Ia. Peitai o i tatou lava e tatau ona faia le filifiliga o lea mea.</p>
Tala	<p>Faitau atu le tulaga na oo i le susuga a Elder Melvin J. Ballard ina ua ia iloa le olioli o lo o mafai ona maua e i latou o ē o atu moni i a Keriso.</p> <p>“Ou te manatua se tulaga na ou oo i ai i le lua tausaga ua mavae, na ou maua ai se molimau i lo'u agaga e uiga i le moni a'ia'i o Lona maliu, o Lona faasatauroina, ma Lona toetu mai, e le mafai ona galo ia te a'u. Ou te tuuina atu la'u molimau i lenei po, ia te outou o alii ma tamaitai talavou; e le tuuina atu ina ia viia ai au, ae peitai e tuuina atu ona o le agaga faafetai faapea ma le fia faamanu atu o lo'u agaga. Ua ou iloa o lo o soifua o Ia, ma ua ou iloa o Ia lava e tatau ona maua mai ai e tagata lo latou faaoalataga, ma e le mafai ona tatou faatalale i lenei taulaga paia ua Ia tuuina mai i ai tatou e avea ma ala tatou te alualu ai i luma i le faaleagaga ina ia saunia ai i tatou e o atu ia te Ia ma tauamiontuina ai.</p> <p>“I le nofoaga e ta'u o le Fort Peck Reservation lea sa ou galue ai i se galuega faafaifeautalai, sa fai ai sa'u miti i se tasi po i lena maota pa'ia, le malumalu. Ina ua mavae se vaitaimi o talosaga ma le olioli, sa ta'uina mai ia te au o le a ou maua se avanoa ou te ulu atu ai i totonu o se tasi o na potu ma te feiloai ai ma se Tagata mamalu, ma a'o o'u ulufale atu i le faitotoa, sa ou vaai atu o nofo mai i luga o se tulaga maualuga, le Tagata pito i sili ona mamalu faatoa vaai lea i ai o'o mata pe faatoa ou vaaia lea o i ai i lalolagi uma e faavavau. A'o ou agai atu i ai e faailoa atu au, sa tulai o ia ma savali mai agai ia te au ma ona aao e sisii mai , ma sa fofoga fiafia mai o ia a'o ia ta'uina mai ma le malū lo'u igoa. Afai ou te ola ia atoa le miliona o ou tausaga, e le mafai ona galo ia te au lena laufogofa fiafia. Sa ia tago mai fusi atu au ma sogi mai ia te au, ma fusi mau atu au i lona fatafata, ma faamanuia ia te au, se'ia oo ina foliga mai ua liu suavai mea lololo o'o ivi! Ina ua maea, sa ou faapaū ifo i ona aao, ma a'o o'u faataeleina ona aao i o'u loimata ma ou sogi atu i ai, sa ou vaaia tulaga o fao na tutui i aao o le Togiola o le lalolagi. O le lagona na oo ia te au i luma o Ia o Lē o lo o i ona aao mea uma lava, ia ou maua Lona alofa, ma e na uiga ese ana faamanuia ma, afai ou te maua sina lagona itiiti lava o le faalogona sa ou tofoina, ou te tuuina atu lo'u ola atoa, ma mea uma lava ua ou faamoemoeina ina ia mafai ai ona ou maua le lagona sa ou faalogoina i lena taimi!” (<i>Melvin J. Ballard: Crusader for Righteousness</i> [Salt Lake City: Bookcraft, 1966], pp. 138-39).</p>

Ua Aoao Mai Ia I Tatou Tusitusiga Paia ma Perofeta Le Ala Tatou Te O Atu Ai Ia Keriso

- Po o se mea tatau ea le avea ma se apusetolo ina ia mafai ai ona avea ma se uo ia Keriso? Pe tatau ea ona atoatoa?

Upu sii

Fai i se tamaitai talavou e faitau le faamatalaga lenei:

“Ua finagalo o Ia ia tatou o atu ia te Ia i le tulaga e pei ona tatou i ai. E le faapea se'ia atoatoa i tatou ona tatou o atu lea ia te Ia. A'o i ai Iesu i le lalolagi sa faifai mea faatasi o Ia ma le au telona ma tagata agasala ma sa fesili foi ona soo ia te Ia pe aisea e faatasi ai o Ia ma i latou, ma o se fesili lea na tuuina mai ai e Iesu se tali matagofie lava ma le faigofie: ‘E le aoga le fomai i e malolo, na o e mamai.’ (*Mareko* 2:17). E le i fetalai mai le Alii i ai tatou ia faamama i tatou i mea ua le atoatoa ai faatoa o atu ai lea ia te Ia, a ia o atu ia te Ia ma mea na ua le atoatoa ai ona Ia fesoasoani mai ai lea i ai tatou e faatoilaloina na vaivaiga. E alofa le Alii ia i tatou ma e finagalo o Ia ina ia tatou manumalo i a tatou agasala, ma o le a Ia fesoasoani mai i ai tatou a'o tatou faaaoga la tatou filifiliga saoloto. E tatau lava ona tatou amataina le faagasologa o mea e fai e salamo ai, ma tatou taumafai ma lo tatou malosi atoa ina ia faatoilaloina o tatou vaivaiga” (*Mataupu Faavae o le Talalelei* [O se Tusi Lesona Mo Korama a le Perisitua Mekisateko, 1970-71], itulau 57-58).

Mau ma le Laupapa

Ia faamamafa atu e faapea, e mafai e i tatou taitoatasi ona iloa le Faaola o le lalolagi. E le tau manaomia ona tatou atoatoa ina ia mafai ai ona tatou o atu ia te Ia, peitai na te manaomia lo tatou taumafai.

- E tusa ai la ma le faamatalaga faatoa uma ona faitauina atu, o le a se mea e tatau ona tatou faia e faalatalata atu ai i le Faaola?

Tusi tali a tamaitai talavou i luga o le laupapa i lalo o le ulutala, “Pe mafai faapefea ona ou faalatalata atu i lo‘u Faaola?” (Tagai i mea o tusia i le laupapa o lo o i le faaiuga o le vaega lenei.)

Ia faamalamalama atu o lo o ta‘u mai foi e Iesu se tasi mea e manaomia i le Ioane 15: 14. Ia faitau le mau; ona faaopoopo atu lea i le laupapa o le mea e manaomia.

Upu sii

Ina ia fesoasoani i le vasega ia malamalama i lona uiga ia faia “mea uma lava ou te fai atu ai ia te outou,” ia faitau atu upu sii nei:

“O outou le au talavou matutua, o outou o le augatupulaga sili nai lo se isi lava augatupulaga. Ia faatumauina lo outou mamā. Ia avea outou ma tagata autu i le galuega tele o lo o fai nei o le aumaia o tagata uma lava i le Matai. Ia saunia o outou mafaufau e ala i le faatumuina i upu moni faavavau o lo o i tusitusiga paia. Ia outou usiusitai i o outou matua ma le Atua. Ia outou faalogologo ma pepese i viiga o le lagi. Ia outou tetee i le le migao ma le tulaga maualalo o musika faa-Satani. O lo o manao o ia ina ia outou fafia atu i ana musika faasalemausau ma faapea ona ia taitaina atu ai outou i lalo i seoli. Ia tetee atu i faaososoga e ala lea i le atinaeina o se fesootaiga maumaututu ma Iesu Keriso. E leai se isi fesootaiga e mafai ona e maua ai le olioli ma le fafia e sili atu” (William R. Bradford, in Conference Report, Apr. 1976, p. 146; or *Ensign*, May 1976, p. 98).

Talanoaga

Ia talanoaina nisi o fautuaga a Elder Bradford. Ia fesoasoani i tamaitai talavou ina ia latou iloaina o nei fautuaga lelei o le a fesoasoani ia i latou e ola ai i poloaiga. O le usiusitai i poloaiga ma mulimuli i fautuaga a perofeta soifua, o le a mafai ai ona latou faalatalata atu i le Faaola.

Mau

Ia tusi i luga o le laupapa le *Mataupu Faavae ma Feagaiga* 88: 62-63. Fai atu i tamaitai talavou e sue mai le mau.

- O le a se isi mea na finagalo mai i ai le Faaola i ai tatou e faia ina ia mafai ai ona avea ma ana uo?
- E faapefea ona tatou “faalatalata atu,” “saili,” ma “ole atu”? Ia tusi upu nei i le laupapa.

Aotelega

Ia faamamafa atu, a‘o taumafai tamaitai talavou e faia mea o lo o tusia i luga o le laupapa, o le a latalata atu ai i latou i lo latou Faaola. O lesona i le tausaga lenei o le a fesoasoani i ai latou e malamalama lelei ai ia Iesu Keriso ma avea ma ana uo.

E mafai faapefea ona ou faalatalata atu i lo‘u Faaola?

1. Sau ia te Ia mo se fesoasoani i le faatoilaloina o ou sese.
2. Taumafai ia salamō ma faatoilaloina o‘u vaivaiga.
3. Ia fai le mea ua poloaiina ai e Keriso e ala lea i le ola ai i poloaiga uma lava.
4. Ia faalatalata atu, saili, ma ole atu.

Faaiuga

Upu Sii

Ia faaiuina le lesona i le faitauina atu o upu sii nei e lua:

“Ia avea ma se aumea a Keriso, ona faalatalata mai ai lea o Ia ia te oe ma avea ma au uo mamae. E leai se isi uo e sili atu nai lo Keriso” (William R. Bradford, in Conference Report, Apr. 1976, p. 146; or *Ensign*, May 1976, p. 98).

“Ou te molimau atu ia te outou o lo tatou Alii ma lo tatou Faaola, o Iesu Keriso, o la tatou uo. I ana fetalaiga ma le alofa o lo o tuuina mai i ana poloaiga, aoaiga, faafeiloaiga, faaaliga, faalaeiau, ma lona faapalepale, ua ia faamaonia mai ai nei mea uma i aso taitasi.

Molimau

E moni lava o lo o naunau mai o Ia e talia i tatou i le tulaga o lo o tatou i ai, ae peitai e finagalo o Ia e tuuina mai i tatou ia tatou alulau i luma i ana afioga faapea ma ona ala" (Marvin J. Ashton, in Conference Report, Oct. 1972, p. 34; or Ensign, Jan. 1973, p. 43).

Ia alu ane le tamaitai talavou na tofiaina e faaali atu ona lagona e uiga i le Faaola. Ia faatagaina foi isi tagata o le vasega e faia lava lea mea e tasi.

Ia tuuina atu lau molimau e uiga i lou lava alofa i le Faaola. Ia uunaiina tamaitai talavou taitoatasi ina ia taumafai malosi e faalatalata atu i lona Togiola i le tausaga a sau. O lesona mo le tausaga lenei o le a tuuina atu ai i tamaitai talavou taitoatasi se faamalosiauga faaopoopo. E tatau i tamaitai talavou ona aumai a latou tusitusiga paia i le vasega, ma suesue i afioga a le Faaola na auala mai i perofeta ua mavae ma perofeta o ona po nei. O tamaitai talavou taitoatasi e suesue i tusitusiga paia, ma salamō i so o se agasala ma so o se vaivaiga, ma ola i poloaiga, o le a maua e ia se fesootaiga sili atu ona tuputupu malosi ma sili atu ona vavalalata ma Iesu Keriso.

FAAMOEMOEGA O le a taumafai tamaitai talavou taitoatasi ia latalata atu i le Alii i aso taitasi o lona olaga.

SAUNIUNIGA

- Ata 3, o le Faaola (62572), o lo o i le pito i tua o le tusi lesona.
- Pule oe pe Fai: Ia saunia se pepa lautelē e tusi ai le Mataupu Faavae ma Feagaiga 19:23
- Pule oe pe Fai: Ia saunia ni fasi pepa po o se pepa lautelē e tusia ai upu nei, *Alofa, Tatalo, Auauna Atu, Usiusitai, Suesue, Galue*.
- Pule oe pe Fai: Ia saunia se faailogatusi po o se mea faapena mo tamaitai talavou taitoatasi e tusia ai upu ia, “O le ala mautinoa i le filemu ma le fiafia i lenei olaga ma le olaga a sau, o le auauna atu lea i le Alii i lea *asō* ma aso uma lava.”
- Ia tofia ni tamaitai talavou se toaono ia tofu ma se ulutala mai le lisi o lo o i lalo: Ia faamatala mai se mea na e oo i ai na fesoasoani ai ia te oe le (1) alofa, (2) tatalo, (3)auauna atu, (4)usiusitai (5) Suesue i tusitusiga paia, (6) galue, e te lagona ai lou latalata atu i le Alii. Afai e le atoa se toaono o tamaitai talavou i lau vasega, ona faia lea o ni nai ulutala ititi.
- Ia tofia se tamaitai talavou e usu pe faitau mai upu nei, “Come Follow Me” (Hymns, no. 116), “Ua Naunau Ia te Oe” (Viiga, nu. 102), po o se isi lava viiga e faapena foi lana savali.
- Ia tofia ni tamaitai talavou e faamatala mai soo se tala lava, se mau, po o ni upu sii e te manao i ai.

FAUTUAGA MO
LE FAALAUATELEINA
O LE LESONA

Ata, Pepa Lautelē,
ma talanoaga

Faatomuaga

Ia faaali atu le ata o le Faaola ma le pepa lautelē o le Mataupu Faavae ma Feagaiga 19: 23. Ia talanoaina le mau, i le faamamafaina atu lea o le taua o le aoao e uiga ia Keriso, ma ola faapei o Ia ina ia mafai ai ona tatou olioli i faamanuiaga o le filemu i o tatou olaga. Ia fai i tamaitai talavou e faailoga le mau i a latou tusitusiga paia, ma fai atu i ai latou ia taofi pea nei mea i o latou mafaufau a'o faagasolo pea le lesona.

E Mafai Ona Tatou Lagonaina le Latalata Atu i le Alii i o Tatou Olaga i Aso Taitasi

Talanoaga i le Laupapa

Ia faamalamalama atu afai e tatau ona tatou lagona le filemu o Keriso i o tatou olaga, e tatau ona tatou faia taumafaiga e latalata atu ai ia Keriso i aso taitasi.

- O le a se mea e mafai ona tatou faia ia lagona ai lo tatou latalata atu i le Alii i aso taitasi o o tatou olaga?

Ia tusi tali a tamaitai talavou i luga o le laupapa. E le taumate o le a aofia i a latou tali manatu e pei o manatu nei, faaalia le faateleina o le alofa, faitauina tusitusiga paia, ia faateleina le tatalo faatauanau, ma faia galuega auauna atu e tele.

A uma loa ona faaali mai e tamaitai talavou o latou manatu, ona fai atu lea i nisi o i latou e faitau upu sii nei na tuuina mai e taitai o le Eklesia. Ia fai atu i ai o nei upu sii ua ta'u mai ai nisi o mea e tatau ona latou faia, pe afai e mananao ia lagona le latalata atu o le Alii i o latou olaga i aso taitasi. A uma ona faitauina upu sii taitasi, ona fai lea i le tamaitai talavou na tofia e faamatala mai pe ua fesoasoani faapefea ia te ia lenei aoaoga ina ia latalata atu ai i le Alii.

Upu o loo tusia
i fasipepa

A'o faitauina e tamaitai talavou upu sii, ia faaali atu upu e talafeagai ai o lo o tusia i fasi pepa po o le pepa lautelē, pe tusi foi upu na i luga o le laupapa.

Alofa. “E manaomia e le fanau a le Atua ona alofaina, ma e tatau foi ona i ai se tasi e alofa i ai. . . . E lua lui pito sili lava ua tuuina mai ia i tatou, o oe ma a‘u, ma e le uma lava le lui seiloga e uma le soifua: o le filifilia lea o Ia, ma alofa le tasi i le isi. Ona mafai ai lea ona tatou mautinoa o le a tatou iloa o Ia i lenei lalolagi ma iloa mulimuli ane i le malo lena e le o se malo o lenei lalolagi” (Marion D. Hanks, in Conference Report, Apr. 1980, pp. 42-44; or *Ensign*, May 1980, pp. 30-31).

Tatalo. “O le tatalo ma le loto faamaoni, o le fatu lea o le fiafia ma le olaga faamanuiaina. E faamalosia e le tatalo le faatuatua. O le tatalo o le sauniuniga lea mo ni vavega. E tatalaina e le tatalo le faitotoa mo le fiafia e faavavau” (H. Burke Peterson, in Conference Report, Oct. 1973, p. 13; or *Ensign*, Jan. 1974, p. 19).

Auauna Atu. “O le auauna atu i isi ma le naunautai ma le le manatu faapito, e tatau ona avea ma amio pito i sili ia i tatou. E le o se mea e te filifili i ai. O se mea e tatau ona fai, ma o se poloaiga paia. . . .

“O le mea lea ia auauna atu ai le tasi i le isi i le alofa faaleuso, e le fiu i mea e poloaiina ai i tatou, e onosai ma faapalepale ma agaalofa” (Ezra Taft Benson, “Your Charge,” *New Era*, Sept. 1979, p. 44).

Usiusitai. “O se tasi o sini e fetufaai e le toatele o i tatou i lenei olaga, o le naunau lea ia maua le olioli moni ma le fiafiaga tumau. E na o le tasi lava le auala e faia ai lenei mea, ma o lena auala o le usiusitai lea i poloaiga uma a le Atua. . . . ‘Afafai e poloai mai le Alii, ia faia’ o se tulafono lea na ola ai le uluai perofeta o lenei augatupulaga. Tau ina ia avea lena mea ma manatu autu ma mea e faia e i tatou taitoatasai” (Delbert L. Stapley, in Conference Report, Oct. 1977, pp. 26, 30; or *Ensign*, Nov. 1977, pp. 19, 21).

Suesue. “Afafai tatou te mulimuli i fautuaga a o tatou taitai e faitau ma duesue, o le a oo mai mea lelei ma soo se faamanuiaga ia i tatou. . . . O fea se isi taimi e aupito sili ona faaaogaina tatau, nai lo le taimi tatou te faitautina ai mai faletusi o tusitusiga paia, ia tusi o lo o aoao mai ai i tatou ia iloa le Atua, ma malamalamama i la tatou faiā ma Ia?” (Howard W. Hunter, in Conference Report, Oct. 1979, p. 91; or *Ensign*, Nov. 1979, p. 64).

Galue. “O le galue malosi, ma le i ai o se faamoemoega e faia ai, e taitaiina atu ai i le tino maloloina lelei, o se faataunuuga e onomea i ai le viiga, manatu manino, ma le moe faafouina. E masani lava ona avea le galue ma se faamanuiaga i le tagata. Tau ina ia outou manatu faaaloalo atoatoa i le galue, pe faia e le ulu, loto, po o lima” (Ezra Taft Benson, “Your Charge,” p. 44).

Talanoaga

A uma loa ona faitau upu sii, ma ua uma foi ona faia mea na tofia ai tamaitai talavou latou te faia, ona fai atu lea o le fesili lenei:

- Aisea e faigata ai i nisi taimi ona tumau i le faalatalata atu i le Alii i aso taitasi? Ia uunaiina tamaitai talavou e tuuina mai ni tali faapitoa.

Ia faamanatu atu i tamaitai talavou afai latou te fia latalata atu i le Alii i aso taitasi, e tatau ona latou avea nei aoaoga faavae o se vaega o o latou olaga i taimi uma. Ua le lava le ola amiotonu na o le Aso Sa pe faia foi faatasi i se taimi.

Upu sii

Ia faitau atu upu sii nei: “O le auala mautinoa i le filemu ma le fiafia i lenei olaga ma le olaga a sau, o le auauna atu lea i le Alii i le *asō* ma aso uma lava” (Marion G. Romney, *Serve the Lord Today*, *Ensign*, June 1979, pp. 2-3).

Faailogatusi

Ia tuuina atu i tamaitai talavou taitoatasai se faailogatusi po o se mea tai faapena na e sauniaina. Ia fautua atu i ai ia teuina lelei i se mea e mafai ona faamanatu mai ai ia te ia i aso taitasi savali o lo o i ai.

Afafai Tatou te Ola i le Talalelei, o le a Fesoasoani Mai Le Alii ia i Tatou e Faataunuina Lu‘i o Aso Taitasi

Talanoaga

- Po o le ola ea latalata atu i le Alii o le a matua taofia uma ai o tatou faafitauli?

Ia faamalamalama atu o le a avea pea lu‘i ma vaega o o tatou olaga, e tusa lava pe tatou te ola i le talalelei. Ae peitai, e tuuina mai e le talalelei le taitaiga e fesoasoani ia i tatou e fo‘ia ai o tatou faafitauli, ma o le faalogona lelei ma le filemu tatou te maua mai le ola latalata i le Alii, o le a mafai ona fesoasoani ia i tatou e faafetaiaia ai nei faafitauli e aunoa ma le popolevale ma le fefe.

- O a nisi o lu'i ma faafitauli e faafeagai ma oe i aso taitasi? Ia tusi tali a tamaitai talavou i luga o le laupapa.

Ia faamalamalama atu o a tatou lu'i e eseese lava ituaiga faigata e oo i ai. O nisi o ia lu'i e laiti ma faatauvaa. Ae peitai, a le sa'o ona taulimaina, o le a mafai ona tupu mai ai le le malamalamalama, faalii, ma le ita. E i ai foi faafitauli e tetele atu ma tugā, e mafai ona faaauauina pea mo se taimi umi, ma faatupuina ai le popole i aso taitasi.

Ia fai atu i tamaitai talavou e filifili ni faafitauli se lua po o se tolu na ua uma ona tusia i luga o le laupapa. Solo le laupapa ae tusi ai faafitauli nei i le pito i luga. Ia fesili atu i tamaitai talavou e ta'u mai ni auala e mafai ai ona faaaogaina mataupu e ono ona latou talanoaina—alofa, tatalo, auauna atu, usiusitai, suesue, ma le galue—e fesoasoani ia i latou e faafetaiaia ai nei lu'i. Tusi a latou fautuaga i lalo tonu o le faafitauli e tatau ona tusia ai.

Tulaga Aoaoina

Ia ta'u atu i tamaitai talavou o le a e tuuina atu ia i latou ni mea e faamatalaina ai nisi o ni lu'i pito i faigata atonu o le a faafeagai ma nisi o i latou poo a latou uo. Fai i ai e ta'u mai ni auala e mafai ona latou faaaogaina ai mataupu o le talalelei e fesoasoani e fo'ia ai faafitauli.

1. A'o le 'i oo mai i le taimi nei, e le'i ta'u maia lava e lau uo ia te oe se mea e uiga i nisi o faafitauli faaleaiga, ua matua faapopoleina ai lava o ia. Na amata ona ulaula lona uso ma faaluina le tele o lona taimi e faatasi ai ma ana uo o ē ua avea ma faatosinaga leaga. Ua faateteleina le feupuai o ona matua ma ua amata nei ona la talanoa e uiga i le tatalaina o le la faaipoipoga. O lo o maofa pe mafai faapefea ona aliali mai nei ituaiga faafitauli i lona aiga ma lona olaga. Ua oo lava foi ina fesiliga e ia le moni o le talalelei. Ua ia ta'u atu ia te oe se mea e uiga i nei faafitauli ma ua ole atu i sau fautuaga. O le a se mea e mafai ona e ta'u atu ia te ia e fesoasoani ia te ia na te taulimaina ai nei faafitauli?
2. Ua e faatupuina lava e oe ia se faafitauli ia te oe lava i lou faia o se faaiuga vave ma le sese. I le faaiuga o le kuata aoga, na e kopiina ai se lipoti mo lau mataupu o le talafaasolopito, ona ua e lagona ua e mafatia i le tele o mea o lo o manaomia mo mataupu uma lava. Na maua sou togi o le "A" i lou lipoti, ae o lenei la ua te'a atu le avega mamafa sa e tauaveina ae ua e lagona le tausalaina ma lou ma. Ua e salamo aua sa e kopi, ae ua vevesi foi lou mafaufau aua afai e te ta'ua na e kopi, o le a ofo isi tagata ma lē fiafia ia te oe. O le a se mea e tatau ona e faia?
3. Ua manao lava ia te oe se alii talavou e lē auai i le Eklesia. O se alii lelei tele i le aoga, e oti lelei lona ulu ma lelei le faiga o ona lavalava, ma e foliga mai e lelei lana amio. Ae peitai, ua e iloa e ulaula ma inu pia o ia i lea taimi ma lea taimi. O le a sau mea e tatau ona fai?

Talanoaina o le mau

Ia fai atu i se tamaitai talavou e faitau mai le Mataupu Faavae ma Feagaiga 58:2-4.

Ia faamanatu atu i tamaitai talavou e le'i folafolaina mai e le Alii o le a tatou saoloto mai faafitauli, ae na folafola mai e ia o le a fesoasoani o Ia e foia o tatou faafitauli. Afai o le a tatou faamaoni i le faatoilaloina o na faafitauli, o le a maua so tatou taui sili i le malo o le lagi.

Faaiuga

Ia tofi se tamaitai talavou e usu pe faitau le "Come Follow Me," "Ua Naunau ia te Oe", po o se isi viiga e faapena lana savali.

Faatinoga o le Lesona

1. Ia fautua atu a'o faia e tamaitai talavou a latou fuafuaga i le vaiaso a sau, ia fuafuaina e i latou se isi gaoioiga faigofie faaopoopo e fesoasoani ia i latou e lagona ai le latalata atu i le Alii. Atonu e mananao i latou e faaaoga mataupu e ono na talanoaina i le lesona e fesoasoani ia i latou e filifili ai le gaoioiga lenei.
2. Ia fautua atu i tamaitai talavou, a'o faafeagai i latou i le vaiaso a sau ma faafitauli i aso taitasi, ia latou taumafai e taulimaina na faafitauli e tusa ai ma mataupu na talanoaina i le lesona. Ia fai atu ia i latou ia iloiolina pe o le a se isi tulaga sili atu latou te fo'ia ai faafitauli.

*Faataunuina o Matafaioi Paia
Faatamaitai*

O Le Saunia e Avea ma Soa e Faavavau

FAAMOEMOEGA O le a iloa ai e tamaitai talavou taitoatasi auala e mafai ona sauni i ai e avea ma soa e faavavau.

SAUNIUNIGA

1. Ia tofu tamaitai talavou ma se pepa ma se penitala.
2. Pule oe pe fai: Ia saunia se laulau e faaali atu ai vaega o sauniuniga mo se faaipoipoga. O mea e faaali atu e mafai ona aofia ai tusitusiga paia, o se tusi o le talaaga o le olaga, meaai tuuapa, mea su'isu'i, po o ni mea e fai ai se togalaau.
3. Ia tofia ni tamaitai talavou latou te faamatalaina atu ni tala, mau, po o ni upu sii e te manao iai.

**FAUTUAGA MO
LE FAALAUTELEINA
O LE LESONA**

Tala Ia faamatala atu le tala lenei:

O le aso 23 o Tesema. O le aso lena na taunu ai Diane i lona aiga mai se tasi aai mamao lava, e faimalologa faatasi ma lona aiga i le Kerisimasi. A'o solosolo malie ane le taavale i luma o le fale, na taufetuli atu i fafo lona tama ma lona tina o ona tuagane ma ona uso e faafeiloai ia te ia. Ina ua maea ona latou feiloai, sa latou o atu loa i totonu o lo latou fale ua faatumulua atoa i le manogi o keke o le Kerisimasi o lo o taoina. E leai se isi taimi na pito sili atu ona maoae ia Diane nai lo lena taimi i lona aiga. Sa matuui ona misia lava loa aiga!

A'o fesoasoani atu o ia i lona tina i le fufuluina o ipu i lena afiafi, sa talanoa atu Diane e uiga i le tele o mea na ia aoaoina a'o toesea o ia. "E tasi le mea na ou aoaoina tina," lana tala mai, "Ou te le'i taitai lava o'u saunia e fai so'u toalua. Pe a te'i lava ua tuua na o oe ma au uo i le aoga ma taumafai ia outou fealofani, o le a tele mea e te aoaoina e uiga ia te oe, lou tulaga, ma tomai tau le tausiga o le aiga— po o le leai o sou iloa i le tausiga o le aiga. Na ou moomoo maimau pe ana faapea na ou vaavaai lelei i lou faamamaina o mea, ma kuka, ma le faasoasoaina lelei o tupe. Semanu e faigofie ai lava ia te au. Ia ae lelei ua ou maua se avanoa ou te faaa'oa'o ai na mea i teine aoga o lo o matou nonofo, nai lo le taumafai e aoao le faiga o mea uma lava i se tane fou!

Na ou aoaoina e a'u lava ia, e tatau ona sili atu ona ou maua le onosai ma ia ou manatu alofa e uiga i isi ma o latou faalogona. Ua ou iloa foi lo'u manaomia o le faalagolago i lo'u Tama Faalelagi pe a leai oe ma Tamā. Ua faateleina lo'u naunau e suesue i tusitusiga paia ma lo'u saunia e aoao atu i isi e uiga i le talalelei. O le a ou aoaoina le tele o mea e mafai ona ou aoaoina a'o o'u i ai i lo tatou aiga ma galue malosi pe afai ou te toe foi atu i le aai ina ia saunia ai lo'u tagata mo se aso o lumanaia ina ia avea ai lo'u aiga ma se aiga fiafia."

Talanoaga

- O le a se mea na aoaoina e Diane e uiga ia te ia a'o toesea o ia mai lona aiga? O a ni vaega na ia iloa ai lona le saunia ma lona le agavaa?

Faamatalaga
a le faiaga

Ia faamalamalama atu e eseese ituaiga o tiutetauave ua faia e tamaitai i aso nei. Ae peitai, o lo o iai le tiutetauave toetoe lava o tamaitai uma ua i ai ia te i latou i se taimi o muamua i o latou olaga. Ia fesili atu i tamaitai talavou po o le a so latou manatu o le a lena tiutetauave. (Ava/Toalua). O le a lava le ituaiga faataunuuga e faia ai e ia lenei tiutetauave, o le a matua faalauteleina lava lona fiafia e faavavau ma le fiafia o i latou e latalata atu ia te ia.

Upu sii

Na saunoa mai Peresitene Spencer W. Kimball e faapea: "E tatau ona fuafua ma saunia tamaitai talavou mo le faaipoipoina, fanauina ma le tausiaina o fanau. O lau aia tatau paia lena ma o se auala lena i se fiafaga maoae ma le silisili ese" (*Ensign*, Nov. 1978 p. 103).

Talanoaina o le mau	Faitau ma talatalanoa faatasi ma tamaitai talavou i nisi o mau nei: Kenese 2:18, 24 ; 1 Korinito 11:11; Mose 3:18, 21–24. Ia fesoasoani atu i tamaitai talavou ina ia malamalama o le faaipoipoga na faauuina e le Atua.
Talanoaga	Ia faamalamalama atu e toatele tamaitai ua ulufale atu i le faaipoipoga ma le itiiti o a latou sauniuniga mo tiutetauave e tele e faia ai. Ia tusi ulutala nei i luga o le laupapa: <i>Faaleagaga</i> ma le <i>Tausiga o le aiga</i> . Ia faamalamalama atu o lo o i ai nisi vaega e tatau ona saunia i ai tamaitai talavou, ae o le lesona lenei o le a talanoaina ai na o le lua.
Upu Sii	• O a ni auala e mafai ai e se tamaitai talavou ona sauniaina ai o ia i vaega taitasi uma nei? Ia tusia tali a tamaitai talavou i luga o le laupapa.
Gaoioiga	Na saunoa mai Peresitene Kimball e faapea: “Ou te ta‘u atu i tamaitai talavou. . . e tatau ona latou faia mea uma e mafai ona latou faia ia aulelei mai ai o latou lavalava ma foliga, ma ia atamamai i mataupu e tele, ma faaleagaga i o latou lagona i le faamaoni ma le ta‘uagavaaina” (<i>Marriage Is Honorable</i> , in <i>Speeches of the Year</i> , 1973 [Provo: Brigham Young University Press, 1974], pp. 261–62).
	Ia fai atu i ai atonu e le lava le agavaa o tamaitai talavou i nisi o vaega taitasi nei i taimi e faaipoipo ai. Ae peitai, o le tele o lo latou saunia, o le tele foi lena o lo latou mauaina o se faaipoipoga fiafia.

O Le Saunia Faaleagaga	
Faamatalaga a le faiaoga	Ia faamalamalama atu afai ua saunia i tatou faaleagaga, o le a lelei atili ai foi ona tatou taulimaina lu‘i po o faigata o faaipoipoga. O se mea taua le faatupuina e tamaitai o ni uiga lelei o le suesue i tusitusiga paia, tatalo, anapogi, ma tusi se tusi o lona talaaga. Na tuuina atu e Peresitene Ezra Taft Benson lenei fautuaga i tamaitai talavou uma o le Ekalesia:
Upu sii	“Tamaitai talavou e, e mafai ona ou aoaiina outou ina ia outou auai i se polokalama o le faitauina ma le suesueina o tusitusiga paia i aso taitasi. . . . O le a suia lou olaga e le Tusi a Mamona. O le a faamalosia outou e tetee atu i uiga leaga o o tatou aso. Na te aumaia le faaleagaga i lou olaga nai lo se isi lava tusi. O le a avea ma se tusi sili ona taua o le a e faitau ai i au sauniuniga mo lu‘itau o le olaga. O se tamaitai talavou na te iloa ma alofa i le Tusi a Mamona, o lē na te faitauina i le tele o taimi, o lē e iai sana molimau maumaututu i lona moni, ma lē na te faaaogaina ona aoaoga o le a mafai ona tu e tetee atu i togafiti a le tiapolo ma o le a avea ma se mea faigaluega malosi i aao o le Alii” (<i>Ensign</i> , Nov. 1986, p. 82).
Talanoaga	E faapefea ona faamanuiaina lou olaga e le Tusi a Mamona? E faapefea ona avea le suesue i tusitusiga paia ma faamanuiaga ia te oe pe afai e te faaipoipo ma faia sou aiga?
Tala	O lo o faaalia i le tala o lo o mulimuli mai le ala na fesoasoani ai le saunia faaleagaga o se tasi tamaitai talavou ia te ia i le avea ma se tina fou.
	Na maua e Brad ma Kathy ni fautuaga poto mai se tasi e faia faamauga i le malumalu i le aso na la faaipoipo ai. “O le a tulai mai ni feseeseariga. Aoao ia iloa ona fesootai lelei. Tatalo mo mea e te lua eseese ai ma faafitauli. Ia fefaamagaloa‘i. Ia auauna atu i le tasi ma le lē manatu faapito.”
	E ui ina sa la‘ua talisapaiaina lenei fautuaga, ae sa foliga mai e le‘i taua i ai la‘ua i lена taimi. Ae peitai, e le‘i leva talu ona faaipoipo ae tupu mai loa se feupuaiga i lo la‘ua va.
	Ae le‘i faaipoipo i la‘ua, e le manatua e Kathy pe i ai se taimi na la feupuai ai. I le taimi na tauupu ai, e tele ni mea sa le tatau ona la tautatala ai, ma sa faanatinati atu loa i fafo Brad mai le fale ma le ita tele.
	E le‘i lagonaina lava e Kathy se tiga faapea o lona loto i se taimi muamua. A‘o le‘i faaipoipo sa masani ona i ai ni matua alolofa ma ni uo e liliu atu i ai i taimi o faigata, ae o le taimi lenei ua na o ia lava. Na ia tootuli ifo i lalo ma tuuina atu ona lagona i lona Tama Faalelagi. Sa ia tatalo ina ia faamalūlūina o la loto ma ia toe foi mai le lotogatasi i lo la‘ua aiga.
	Ina ua uma lana tatalo sa ia iloaina po o a lava faafitauli e oo mai, ae manao lava i le faaipoipoga ia faavavau. Afai la te saili le fesoasoani a le Alii o le a mafai ona la foiaina o

Talanoaga	la'ua faafitauli. Ina ua toe foi mai Brad, sa feiloai atu le tasi i le isi ma faamafanafana atu ma faatoese le tasi i le isi. Na la toe tootutuli faatasi lea i le tatalo.
	• Na faapefea e sauniuniga faaleagaga a Kathy ona fesoasoani ia te ia ina avea ma ava lelei? O le a se iuga atonu e oo i ai le feupuaiga pe ana fai e le tatalo ia Kathy? O le a se aafiaga o le faamauga i le malumalu i lenei faaipoipoga?

Faamatalaga a le faiaga	Sauniuniga o Tomai mo le Tausiga o le Aiga Ia faamalamalama atu na fesiliglia se tasi alii talavou a'o i le misiona pe o le a se mea na pito i ona misia a'o alu ese atu o ia ma lona aiga. "O kuka manaia a tina," lana tali mai e aunoa ma se faatali. Na fesiliglia se tamaitai talavou na alu ese atu e aoga pe o le a se mea e pito i ona misia lava. "O lagona fiafia e faatupuina e tina i totolu o lo matou aiga. O taimi uma lava e mamā ai lo matou fale ma teuteuina lelei i ana lava teuga ma avea ai lo matou fale o se fale e faapitoa i ai matou. "Na fesiliglia se tasi tamā pe o le a se mea e pito i ona misia lava ina ua alu ese atu lona toalua mo ni nai aso i le falemai e fanau ai le la pepe muamua. "Ou te matea ou te le'i mautinoaina lelei lava mea uma na ia faia ia avea ai lo matou fale ma se nofoaga lelei e te alu i ai. I le oo mai la o se pepe fou i lo ma aiga, ou te matua faafetai faapitoa ai lava ona ua saunia lo'u toalua i le tomai i mea manaomia mo le tausiga o le aiga ma le vaaiga o la ma fanau".
Talanoaga	• O a ituaiga mea na misia e tagata nei e toatolu? (Tomai i le tausiga o le aiga.) Aisea ua e manatu ai e taua tele nei tomai i se faaipoipoga ma se aiga?
Upu sii	Na saunoa mai le tuafafine o Camilla Kimball, le faletua o Peresitene Spencer W. Kimball e faapea: Soo se tasi lava e faatoese mai faapea, 'Ua na o au o se tausiaiga' na te le'i talisapaaina atoatoa le taua ma le lavelave o lona tiutetauave. O nisi o amioga e manaomia e avea ai ma se tausiaiga alualu i luma o le i ai o le alofa lē faatuaoia ma le onosai, lē manatu faapito, ma le tumau pea. "E tatau ona atamai le tamaitai i le tausiga o se tamaititi, atamai i mataupu faalemafaufau ma le va fealoai, i mataupu tau le soifuaga ma le pulea lelei, i meaai aoga mo le tino ma le tausiga" (A Woman's Preparation," <i>Ensign</i> , Mar. 1977 p. 58).
Talanoaga	• O a vaega o le sauniuniga na ta'ua e le tuafafine o Camilla Kimball? O a au mea o lo o fai nei e saunia ai oe e tauave le tiute o le tausiaiga? Ia faamalosia tamaitai talavou e talanoaina ni vaega patino e mafai ona latou faia e saunia ai i latou e avea ma tausiaiga lelei.

Faamatalaga a le faiaga	Faaieu Na faapea mai se tasi, "E leai se taimi e faatali ai, na o le taimi e saunia ai." O se fautuaga lelei faapitoa lenei e faatatau i faaipoipoga. E masani i nisi taimi ua na o le faatalitali o tamaitai talavou mo se faaipoipoga nai lo o le saunia a'o latou faatalitali. Ia faamalamalama atu i tamaitai talavou afai latou te saunia, o le a avea i latou ma ituaiga tagata o le a tosina mai i ai ni alii talavou agavaa. O tamaitai talavou uma lava o le a eseese taimi e faaipoipo ai. Ae peitai, afai latou te sauniaina i latou e tusa ma vaega na talanoaina i lenei lesona, o le a faateleina le tele o avanoa latou te maua ai ni faaipoipoga fiafia ma le alualu i luma.
----------------------------	---

	Faatinoga o le Lesona Ia uunaiina tamaitai talavou e ave a latou lisi i le fale ma teu i totolu o a latou tusi o talaaga o o latou olaga po o se nofoaga e malupuipua ai ma vaavaai pea iai i taimi uma. Ia tuu atu i ai latou se lu'i e filifili se mea e tasi mai mea na latou tusia i lalo ona galue lea agai i ai i vaiaso o muamua. Ia e tuuina atu foi i ai se lu'i e toe iloilo a latou lisi ma filifili nisi mea faaopoopo e galulue i ai i tausaga a sau.
--	--

Faatupuina o se Siosiomaga

Faaleagaga i Totonu o le Aiga

Lesona

5

FAAMOEMOEGA O le a taumafai tamaitai talavou taitoatasi e faatupuina se siosiomaga faaleagaga i totonu o lona aiga.

SAUNIUNIGA

1. Ia saunia ni pepa ma ni penitala mo tamaitai talavou taitoatasi.
2. Ia tofia ni tamaitai talavou e aumai se mea mai le fale e faamatala mai ai ni lagona lelei i lona aiga. Ia fai atu ia i latou e faamatala atu lena mea i le vasega.
3. Ia tofia ni tamaitai talavou e faamatala mai soo se tala lava, mau poo ni upu sii e te manao iai.

FAUTUAGA MO
LE FAALAUTENEINA
O LE LESONA

Faatomuaga

Tusitusiga Tufa atu ia pepa ma penitala. Fai atu i tamaitai talavou e tusi faasolosolo agai i lalo i le itu tauagavale o le pepa le numera tasi e oo i le valu. Fai atu i tamaitai talavou e tusi a latou tali muamua i se upu e tasi pe lua mo upu taitasi uma e te faitauina. Ona faitauina atu loa lea o le lisi lenei.

1. Aiga
2. Lauhofoga fafia
3. Gaogaosā
4. Malumalu
5. Potumoe
6. Pogisa
7. Musika
8. Matua

Talanoaga Fai atu i tamaitai talavou e faatusatusa a latou tali; ona talanoaina lea:

- O fea o upu nei e faatupuina ai se lagona lelei ia te oe? Aisea?
- O fea o upu nei a faatupuina ai se lagona lē lelei ia te oe? Aisea?
- E faapefea ona faatupuina e o tatou siosiomaga, e pei o upu nei, ni lagona ma ni uiga lelei?

E Faatupuina e se Tamaitai Talavou se Lagona i Lona Aiga

Laupapa Faamalamalama atu e tele mea e fesoasoani i le faatupuina o se uiga po o se atemosifia i se aiga. O le lesona lenei o le a talanoaina ai mea e lua: (1) o le siosiomaga faaletino (2) o uiga o ē o nonofo ai. Tusi vaega nei e lua i luga o le laupapa.

O le Siosiomaga Faaleitino

Tusitusiga Fai atu i tamaitai talavou e vaai atu faalemafaufau i o latou lava potu (po o vaega o o latou fale latou te vaaia) i foliga tonu lava na i ai ae latou te le'i tuua. Fai i ai e tusi i le itu taumatau o a latou pepa ni upu se fa e faamatala mai ai le potu po o le vaega lena i le taimi nei.

Tala Ia faamatala atu le tala lenei na faamatalaina e se faletua o se peresitene o se siteki:

	<p>“Sa matou nonofo ma le susuga a Elder LeGrand Richards i le taimi o le konafesi a le siteki. A’o o’u faasinoina atu o ia i le potu o le a faamautu i ai, sa ou mafaufau e uiga i isi na latou faaaogaina lenei potu.</p> <p>“Sa matou nonofo faatasi i se tasi vaitaimi ma ni tupulaga ulavavale lava, ma sa latou teuteuina le potu e tusa ai ma o latou loto ma uiga. O nisi taimi e faafefe tagata tele le tatala atu o le faitotoa ae tau atu le vaai i ata pepa lautetele o ni manu feai, o ni tagata le taupulea o tietie i ni pasika, po o ata foi o ni tagata pese lauiloa o lo o tilotilo mai i nei ata. Sa le o se potu e maua ai ni lagona lelei pe a e ulu atu i ai.</p> <p>E le’i leva talu ai nei lava ona nonofo ai la’u fanau teine e toalua ma teuteuina lelei e tusa ma o la’ua uiga. A ou tatalaina le faitotoa i le taimi lenei, ou te iloa o se potu ua talafeagai mo le faaaogaina e se Apostolo a le Alii.”</p>
Talanoaina o le mau	<p>Ia fai atu i tamaitai talavou e faitau mai le faatuatuaga e sefulutolu ma le Mataupu Faavae ma Feagaiga e 90:18.</p> <ul style="list-style-type: none"> • Aisea e taua ai le tuu ese o le paie ma le lē tumamā mai ia te oe? <p>Fai i tamaitai talavou e vaai i upu na latou faaaogaina e faamatala mai ai o latou potu.</p> <ul style="list-style-type: none"> • Pe o atagia mai ai le faaleagaga i nei upu? <p><i>Uiga</i></p> <p>Ia faamatala atu o uiga o se tagata e toatasi e mafai ona aafia ai le aiga atoa.</p> <ul style="list-style-type: none"> • E faapefea ona avea ou uiga ma mea e aafia ai isi tagata o lou aiga?
Tala	<p>Faamatala atu le tala lenei:</p> <p>Na foi mai i le fale le tina o Heather i se tasi afaifi ina ua uma mai se fonotaga umi lava o fuafuaga faatasi ma le au peresitene o Tamaitai Talavou a le uarota. Sa le lavā o ia ma sa ia tulimatai atu i se filemu e maua i lona lava fale. Na fai si maatiati ma tiga o le faafeiloai a Heather.</p> <p>“O fea sa e i ai tina ? E masani lava ona e i le fale pe a matou o mai. O lea na o le faalili lava e Brad o teineiti. Ua ou fia ‘ai, ma ua ou fiu foi e su’e le ofu lena na e folafola mai e te su’iina mo a’u. Ua toe o ni nai minute ona ou alu loa lea i le fale o Sally.”</p> <p>Na mapusela le tina o Heather ma fesili atu, “Na faapefea mai la outou taaloga i lenei aoauli?”</p> <p>“O le leaga ia,” o le tali mai lea a Heather. “Na matou faiaina, ae e le o matou le pogai. O le leaga ia o le faiga o le taaloga e le laufali!”</p> <ul style="list-style-type: none"> • O le a se aafiaga na tuuina atu e Heather i le lagona sa i ai i lona aiga? • E mafai faapefea ona ia maua se aafiaga lelei?
Talanoaga	<p>Ia fai atu i tamaitai talavou e mafaufau i ni mea na tutupu i o latou aiga na faateleina pe faaitiitia ai foi le lagona faaleagaga i o latou aiga. Ia valaaulia i latou e fetufaaai atu nei lagona i le vasega.</p> <p>Ia faamalamalama atu i tamaitai talavou o amioga ma uiga o lo o atinaeina nei e i latou i le tausiga o o latou aiga ma a latou amio e faia ai o le a aafia ai le faalogona e maua i o latou aiga i o latou olaga atoa. E mafai e i latou ona faaitiitia pe faateleina le aafiaga faaleagaga i o latou aiga.</p>
Faamatalaga a le faiaoga	<p>Ia fai atu i tamaitai talavou ua tofaina e faaali atu mea na latou aumaia i o latou aiga ma faamalamalama atu.</p>
Tagata o le Vasega	

O le Faatupuina o se Aafiaga Faaleagaga i le Aiga e Manaomia ai Sauniuniga ma Galuega

Upu Sii ma le Talanoaga

Faitau le saunoaga lenei mai ia Peresitene David O. McKay: “O le Faaleagaga o le iloaina lea ua e pulea oe lava faapea ma le fesootaiga ma le Silisili Ese” (in Conference Report, Apr. 1949, p. 17).

Ia faamalamalama atu e tatau ona tatou manumalo mai o tatou uiga ma amioga leaga pe afai tatou te mananao e faaleiea le tulaga faaleagaga i o tatou aiga.

Tala ma le Talanoaga

Faamatala atu le tala lenei:

“Sa i ai sa‘u uo i le aoga e mata fiafia lava e pei o le susulu o le la. O taeao uma lava na te faamalosiau ma fiafia ma matou taitoatasi. Sa ou leiloa ni o‘u uiga malie lelei pe a ou ala mai, ou te le malamalamama foi i ona uiga.

“I se tasi aso, sa ou fesili ai ia te ia pe aisea e fiafia ai lava o ia i taeao. O lana tali na fai mai e le mafai ona galo ia te au. Fai mai a ia, a o laititi o ia, e faa‘ū‘ū lava i taeao uma ma e leai se isi e fia latalata atu ia te ia. I se tasi aso, na ave ai o ia e lona tina ma fai atu i ai, o le a matua mafatia lava sona toalua ma sana fanau i le lumanai i ona uiga, sei vagana ua sui lana amio. Na matua faateia lava o ia i lena mea.

“Ona o lona le manao e faaali atu i sona aiga i le lumanai ona uiga leaga, o lea na tonu ai loa ia te ia e sui. I taeao uma lava i le tele o masina, na te faamalosia ai lava o ia e nofo a‘e i luga ma faafoliga atu o lo o fiafia. Sa faigata i le taimi muamua. Na tuu uma i ai ona uiga pulea lelei i ai. Ae ina ua mavae sina taimi puupuu, sa le toe faafoliga atu loa o ia o lo o fiafia.

“Na tonu ia te a‘u o le a ou taumafai foi i ai. Sa faigata, ae ina ua mavae nai masina sa ou iloaina ai e mafai ona ou ala a‘e i luga ma le fiafia ma le mata ataata. O lea la ua avea a‘u ma se tamaitai talavou ua faaipoipo, ma e ua mafai ona ou iloa eseesege o la‘u amio, ona o le aafiaga faaleagaga ua maua i lo matou aiga.”

- E mafai faapefea e uiga o lea tamaitai talavou sa i ai muamua ona faaitiitia le faaleagaga i se aiga?
- Na faapefea ona suia o ia?

Faamatalaga
a le faiaoga

Ia faamalamalama atu o le atina‘eina o uiga ma amioga e faaalualuina ai i luma le faaleagaga e le faigofie, ae o se taumafaiga e aoga. O le faateleina o le faaleagaga e aumaia ai le alofa ma le fiafia i o tatou aiga. Faamalamalama atu e soo se mea lelei lava e mauaina i le olaga e manaomia ai le fuafuaina lelei, sauniuni, ma le galue.

Talanoaga

- Aisea e taua ai le suia o uiga le lelei?
- E faapefea ona e suia uiga?

A‘o talanoaina lenei mataupu, atonu e te manao e otootoina tali i luga o le laupapa. Atonu e aofia ai vaega nei i le lisi:

1. Ia tonu ia te oe o le a e suia.
2. Ia saili le fesoasoani a le Alii e ala i le tatalo.
3. Galue malosi ina ia suia.

Faamatalaga
a le faiaoga

Ia fai atu i tamaitai talavou e tusi i luga o a latou pepa se masani po o se amioga o lo o i ai latou ua le fesoasoani e maua ai se aafiaga faaleagaga i o latou aiga.

Ia tuuina atu i ai latou se lu‘i ia faateleina le aafiaga faaleagaga i o latou aiga e ala i le galulue malolosi ia suia lea masaniga ma lea amioga. Ia faamalamalama atu o le a faigofie lenei mea pe afai o le a tumau i ai latou se siosiomaga matagofie ma le mamā ma o le a mafai ona valaulia ai le auai o le Agaga o le Alii. A amata atu i le taimi nei ma saili le fesoasoani a le Alii, o le a faateleina lo latou faaleagaga, e tusa po o a mea e faia e isi tagata o o latou aiga.

Fai atu i ai e tusi i lalo nisi mea faapitoa e mafai ona latou faia i le taimi nei e faateleina ai le faaleagaga i o latou aiga.

Faaiuga

Molimau a le faiaoga

Ia molimau atu i tamaitai talavou a‘o latou faia o latou aiga o ni nofoaga faaleagaga, o le a matuai fiafia i latou i le taimi nei ma e oo atu lava i le faavavau.

Faatinoga o le Lesona

Ia uunaia tamaitai talavou e faamaumau i lalo o a latou tusi o talaaga le tulaga o le alualu i luma ua latou oo i ai i le aveeseina lea o mea i o latou olaga e faaitiitia ai le faaleagaga i o latou aiga.

O Se Tiutetauave o se Tamaitai le Aoao Atu

FAAMOEMOEGA	O le a malamalama tamaitai talavou taitoatasi ma faataunuuina e ia lona tiutetauave o le aoao atu.
SAUNIUNIGA	<ol style="list-style-type: none"> Ata 4, O Iesu ma Tamaiti; ata 5, O Iesu o lo o Aoao mai le Vaa; ata 6, Lauga i luga o le Mauga (62166). O lo o maua uma ata nei i le pito i tua o le tusi lesona. Ia tofia ni tagata o le vasega e faamatala mai uiga e lima o aoaoga a Keriso o lo o talanoaina i le vaega lona lua o le lesona. E tatau i tamaitai talavou taitoatasi ona talanoaina lana lava vaega na tofia e fai i lona faaaogaina lea o mau ua saunia. Ia tofia ni tamaitai talavou e faamatala mai ni tala, mau, po o ni upu sii e te manao iai.
FAUTUAGA MO LE FAALAUATELEINA O LE LESONA	O Le a Tatou Mauaina Avanoa e Aoao Atu ai i o Tatou Olaga Atoa
Mau ma le Talanoaga	<p>Fai atu i ni tamaitai talavou se toatolu e faitau mau nei: Mataupu Faavae ma Feagaiga 88:77; 88:118; Mosaea 4:14 -15.</p> <ul style="list-style-type: none"> • O le a le uiga o le aoao o se tasi? • Aisea e taua ai le aoao o isi? <p>Ia faamamafa atu e faapea, afai tatou te aoao te atu i le ala sa'o, o lo tatou tuuina atu foi lena o le malamalama ma le agavaa i isi ina ia latou mafai ai ona faaleleia o latou olaga ma olaga o isi. Tatou te aoaoina le tele o mea tatou te manaoiaina mai isi tagata, ae le o a latou upu po o a latou faataitaiga.</p> <ul style="list-style-type: none"> • O a ni auala e avea ai se tamaitai ma se faiaoga? <p>Ia faamalamalama atu i tamaitai talavou o le a latou mauaina avanoa e aoao atu ai i o latou olaga atoa. Latou te aoao atu i o latou aiga o lo o iai nei; i le a'oga; i o latou tuaoi, uo, ma a latou tupulaga; i o latou nuu; ma o latou tofiga i le Ekalesia. O le a latou aoao atu foi i o latou aiga e faia i le lumanai.</p> <p>Afai latou te talanoa faatasi ma se uo, faufautua atu i se tasi, po o le aapa atu foi i se olaga o se tamaititi, ua latou aoao atu lava. Latou te aoao atu i aso taitasi e ala i upu, amioga, uiga, ma faataitaiga. O lo o latou aoao atu pea.</p>
Upu Sii	<p>Na saunoa mai le susuga a Elder Boyd K. Packer e faapea: "O le tele o mea o lo o tatou faia, o le aoao atu. O le faaali atu i se tamaititi laititi le nonoaina o lona seevae, . . . o le fesoasoani atu i se tama teine i le faiga o le fua o se meaai, o le tuuina atu o se lauga i le lotu, tuuina atu o se molimau, taitaiga o se fonotaga faaleautaitai, ma le aoaoina o se vasega— o nei mea uma o le aoao atu, ma o lo o tatou faia lea mea e le aunoa" (<i>Teach Ye Diligently</i> [Salt Lake City: Deseret Book Co., 1975], p. 2).</p>
Laupapa	Tusi i luga o le laupapa: <i>Ia Avea Pea ma Faiaoga</i>
Talanoaga	<p>Fai atu i tamaitai talavou e mafaufau i ni auala atonu na latou aoao atu ai e ala i upu, amioga, uiga, po o faataitaiga i le luasefulufa itula ua tuana'i. Ia uunaia tamaitai talavou e ta'u mai ni mea faapitoa na latou faia.</p> <ul style="list-style-type: none"> • O fea le nofoaga pito i sili ona taua e aoaoina ai se tasi?
Upu Sii	Ia faitau atu le saunoaga lenei mai i a Peresitene David O. McKay: "O le aiga o le nofoaga muamua lea ma le lelei mo tamaiti e aoao ai lesona o le olaga: upu moni, o le ava, amio lelei, puleaina e le tagata o ia lava; le taua o aoaoga, galue faamaoni, ma le faamoemoega

Tala

ma avanoa o le olaga. E leai se mea na te aveesea le tulaga o le aiga i le taitaina ma le aoaoina o fanau, ma e leai se isi alualu i luma e suitulaga i le pa'ū o le aiga" (*Tusi Lesona o Afiafi Faaleaiga*, 1968-69 itulau 3).

Ia faamatala atu le tala lenei i se tina ma ana aoaoga na faamanuiaina ai lana tama i le taimi na ia manaomiaina ai.

Sa avea le susuga a Elder Frank Croft o se faifeautalai i le itu i saute o le Iunaite Setete i pōpō fou o le Ekalesia. Sa ia aoaoina atu le talalelei i nofoaga sa iai tagata sa feitai lava i ana aoaoga. Sa ave o ia e se vaega o tagata faaauupegaina i le vao, ma faatonuina o ia ina ia talai ona lavalava e pau mai i luga a'e o ona sulugatiti. Sa latou saisaiina ona lima ma lona tino i se laau ma saunia e sasa lona tua seja oo ina tafe mai ai le toto.

Sa leai se isi filifiliga a Elder Croft ae na o le fai o le mea na faatonuina ai o ia e tagata leaga e fai, ae peitai a'o ia faia e pei ona faatonuina ai o ia, sa pa'ū ese mai lana taga se tusi. Sa tusiaina e lona tina, o lo o nofo i Utah. I se taimi e le'i leva atu sa tusi atu ai Elder Croft i ona matua ma ta'u atu i ai faiga a tagata leaga, ma o le tusi lenei mai lona tina o le tali i ona atugaluga. E faapenei le tusi:

“ ‘La‘u tama pele e, e tatau ona e manatua upu a le Faaola ina ua Ia saunoa atu e faapea, “Amuia e faasauaina ona o le amiontonu: aua e o latou le malo o le Lagi;” ma le isi “Amuia outou pe a latou upu leaga ma faasaua ia te outou, ma latou tuuaiina sese outou ona o au. Ina olioli ma fiafia ia: aua o loo i le lagi lo outou taui e tele: aua na faapea ona latou faasaua i perofeta o ē na muamua ia te outou.” Ia e manatuap foi le Faaola i luga o le satauro, na puapuagatia mai agasala a le lalolagi, ma sa ia fetalai mai ai i nei upu faalelagi, “Tama, ia e faamagalo atu ia te i latou; aua ua latou le iloa le mea ua latou faia.” E moni, la‘u tama e, o i latou ua soona faia a outou Susuga, latou te le iloa le mea ua latou faia.

E iai se taimi, i se nofoaga, o le a latou malamalamā ai ona latou salamo ai lea ia latou amio ma latou faamamaluina outou mo le galuega matagofie o lo o outou faia. O le mea lea, ia e onosai, la‘u tama e, ia e alofa atu ia te i latou o loo soona faia oe ma soona lafo upu leaga ia te oe ona faamanuiaina ai lea o oe e le Alii ma faapupulaina oe i o latou mata ona manuia ai lea ma viia lau misiona.

Na piki i luga e le taitai o le vaega leaga le tusi ma amata loa ona faitau. Na iloa lelei i ona foliga le faigata ma le sāuā ma na iloa ai e Elder Croft le leai o se lagona ootia o ta'u mai i ona foliga. Na moeini ona mata ma faatalitali i le taimi e oo atu ai le sasa, ma mafaufau lemu lava i lona aiga ma lona tina e pele ia te ia. E le'i leva ae toe pupula ona mata ma ia iloaina ai o lo o nofo i lalo le taitai i se pogati laau i tafatafa ane ma o lo o toe faitau le tusi.

Na vaaia le suia o ona foliga. “O ona foliga faigata ma le sāuā ua alu ese; o ona mata ua nenefu i le sūsū. O lona ituaiga tagata atoa e foliga mai ua matuai suia lava. Sa ia faitauina se laina se tasi po o se lua po o se palakalafa foi ma nofo i lalo ma mafaufau, ma o totonu o le loto o Elder Croft o lo o iai se faamoemoega, ioe, o le suiga i le loto o le tagata le la ua ootia ona o le matagofie ma le manaia o le tusi a lona tina.”

Na tu a'e i luga le tamaloa ma faapea atu, “ ‘Uso, ai se lelei o lou tina. E te iloa, sa iai foi ia te a'u.’ Ona ia faapea atu lea i isi tagata o le vaega leaga, ‘Alii, ina ua uma ona faitauina le tusi lenei a se tina Mamona, sa le mafai ona ou toe faaauauina le galuega. Masalo e sili ia ona tuu atu o ia e alu.’ Sa faasaolotoina ia Elder Croft ma alu atu loa i lona ala” (Arthur M. Richardson, *The Life and Ministry of John Morgan* [Nicholas G. Morgan, Sr., 1965], pp.267-88).

Talanoaga

- Na faapefea ona aoaoina e lenei tina lana tama?
- O le a sou manatu o le a se mea na faia e lenei tina ina ia saunia ai o ia e aoao atu ma le malosi ma le alofa?
- O le a se mea na mafai ona e aoaoina mai lenei tina e uiga i le tiutetauave o se tamaitai o le aoao atu?

Ia faamalamalama atu i tamaitai talavou o i latou o faiaoga i totonu o o latou aiga i le taimi nei ma saunia ai foi e aoao a latou fanau i le lumanaí.

Faamatalaga a le faiaoga	Ia faamalamalama atu i tamaitai talavou e tele ni auala e mafai ai ona saunia i latou i le taimi nei e avea ma ni faiaoga lelei.
Ata	<ul style="list-style-type: none"> • O ai sa avea ma faiaoga sili? <p>Faaali atu le ata o Iesu o lo o aoao atu, ma faamatala atu o Iesu o le faiaoga sili lea. Ia faamatala atu e tele mea e mafai ona tatou aoaoina e ala lea i lo tatou suesue i ana auala ma mulimuli i ana faataitaiga.</p> <p>Fai atu i tagata o le vasega na tofiaina e faamatala mai le faiga o aoaoaga a Iesu ma faamatala mai pe faapefea e mau na latou aoaoina ona faaali mai ai nei uiga. A'o tuuina mai faamatalaga a tamaitai talavou taitoatas, ia tusi ototo i luga o le laupapa se aotelega o manatu.</p>
Mau ma le talanoaga	<ol style="list-style-type: none"> 1. Na alofa Iesu i tagata na Ia aoaoina, ma na latou lagonaina lona alofa. Tagai i le 3 Nifae 17:3-10. (Na alofa tele Iesu i tagata o lea na umi ai ona nonofo faatasi o Ia ma i latou aua sa latou manaomia o Ia. Na Ia faamaloloina o latou ma'i, ma sa latou tapua'i ia te Ia.) 2. Sa ia faaaogaina tala ma faataitaiga e masani iai tagata ina ia mafai ona latou malamalama ma ia mafai ona latou faaaogaina ana aoaoaga. Tagai i le Luka 15:3-10. (Na faaaogaina e Iesu ia faataitaiga o le leoleo mamoe ma se fafine na ia faamamaina lona fale e faaali atu ai le fafia o le Tama Faalelagi i se tagata agasala ae salamō.) 3. Na ia aoaoina tagata pe a manaomia ona aoaoina. E le'i fetalai atu o Ia e faatali se'iloga e avanoa o Ia. Tagai i le Luka 9:10-11. (Na malaga ese atu Iesu ma le Au Aposetolo i se mea ina ia mafai ai ona na o i latou, ae peitai na mulimuli atu lava tagata i ai latou. E le'i fetalai atu Iesu i ai latou e toe foi atu i o latou aiga ona toe o mai ai lea i se isi taimi. Sa Ia aoao i ai latou ma faamalolo i latou.) 4. Na silafia lelei e Ia tusitusiga paia ma saunia ai o Ia faaleagaga e aoao atu. Tagai i le Mataio 4:1-11. (Na afio atu Iesu i le vao ina ia mafai ai e Ia ona faalu sona taimi e anapogi ai ma faatasi ai ma lona Tama oi le Lagi. Ina ua oo mai le tiapolo ma faosooso ia te Ia, sa mafai ona teena e Ia faosoosoga aua ua Ia malamalama lelei i mea o lo o ta'uina mai i tusitusiga paia.) 5. Na tatalo o Ia e le aunoa mo le Tama oi le Lagi ina ia fesoasoani mai ia te Ia e aoao ma faamanua tagata o lo o Ia aoaoina. Tagai i le 3 Nifae 17:14-17. (Ina ua tatalo atu Iesu i le Tama oi le Lagi ma faatoga atu i ai e faamanua i tagata, o mea na Ia saunoa i ai na matuui pa'ia lava e le'i mafai e tagata ona tusitusia i lalo.) <p>Ia faamalamalama atu o le mulimuli i faataitaiga a Iesu, o le a mafai ai e tamaitai talavou ona aoao i isi ma fesoasoani e suia ai o latou olaga.</p>
Tulaga Aoaoina	<p>O lo o ta'ua mai i tulaga aoaoina nei o lo o mulimuli mai ni avanoa e maua e tamaitai talavou e aoao atu ai. Fai atu i tagata o le vasega e mafaufau pe na faapefea e nei tamaitai talavou ona mafai ona faaaogaina ia auala mai le soifuaga o Keriso e pei ona sa talanoaina.</p> <p>Ia tuuina atu tulaga aoaoina nei ma ia tele se taimi e talanoaina ai.</p> <p><i>Tulaga Aoaoina 1</i></p> <p>Na fetaui Sarah ma Judy, o sona tei e le auai i le Ekalesia i se faatasiga faaleaiga na faia. Na amata ona fetusia'i i la'ua ma avea ma uo lelei. E le'i leva atu nei lava talu ona tusi atu Judy ia Sarah ma fai i ai e faamatala mai e uiga i ona talitonuga i lana lotu.</p> <p><i>Tulaga Aoaoina 2</i></p> <p>Na talosagaina Lynne e fesoasoani i lona tuagane laititi o Tom i le faiga o lana numera. Na fai mai Tom o ia e le fafia i le numera ma o numera e leai se uiga ia te ia.</p> <p><i>Tulaga Aoaoina 3</i></p> <p>Na valaauna Eileen e avea o se faiaoga asiiasi a le Aualofa. Na valaauna o ia e se tasi uso e alu atu i lona fale, ae sa ia talosagaina Eileen ia aua ne'i ona tuuina atu se savali faalelotu.</p> <p><i>Tulaga Aoaoina 4</i></p>

Na tofiaina JoAnn e lona tama e talanoaina le mataupu o le salamō i la latou afiafi faaleaiga. E iai uso laiti e toatolu o JoAnn ma lona tina matua i lo latou aiga.

Faaiuga

Upu sii

Ia faamalamalama atu na tuuina mai e Peresitene Spencer W. Kimball le saunoaga lenei e uiga i o tatou tiutetauave sili ona taua mo le aoao atu:

“Tatou manatua upu a Nifae a'o ia aoao atu: ‘Ua matou tautalatala ia Keriso, ua matou olioli ia Keriso, ua matou talai ia Keriso, ua matou vavalou atu foi ia Keriso. . . ina ia iloa e a matou fanau le mea latou te faamoemoe iai.’ (2 Nifae 25:26.) E maeu le malosi o le a maua e tagata taitoatas i pe afai na te iloaina o le Matai ma ana aoaoga o le faamoemoega sili lena o lona taitaiga, o le faamoemoega sili lena o faataitaiga sa'o, o lona faamoemoega sili lena mo se fesoasoani! O la tatou sini muamua lena ia tatou aoaoga uma e tuuina atu i le aiga” (“O Lea, Sa Ou Aoaoina Ai,” *O le Liahona*, Aokuso 1982, itulau 3).

Faatinoga o le Lesona

Fai atu i tamaitai talavou e taumafai e faaaoga le tele o auala o aoaoga a Keriso i le vaiaso atoa. Atonu e te manao e fai atu i ai latou ia manatunatu i ni tulaga atonu o le a aoaoina atu e i latou i le faagasologa o le vaiaso.

O Lo Tatou Faamoemoega i le Olaga

FAAMOEMOEGA	O le a saili e tamaitai talavou taitoatasi ina ia iloa ma faataunuina lona faamoemoega i le olaga.
SAUNIUNIGA	<ol style="list-style-type: none"> 1. Ia saunia se kopi mo tamaitai talavou taitoatasi o auala e lima e mafai ai ona tatou aoao e uiga i lo tatou faamoemoega i le olaga, o lo o maua i le vaega lona lua o le lesona lenei. 2. Afai e maua i lo outou eria, atonu e te manao e faaali le ata o le <i>Man's Search for Happiness</i>, o se vaega o le kaseti vitio o le <i>Come Unto Me</i> (53146). 3. Ia tofia ni tamaitai talavou e faamatala mai ni tala, mau, po o ni upu sii e te manao ai.
FAUTUAGA MO LE FAALAUTELEINA O LE LESONA	E i ai so tatou Faamoemoega i le Olaga
Upu sii	<p>Ia faamalamalama atu e i ai lava taimi atonu tatou te lagona ai e le taua i tatou ma tatou manatu pe iai se uiga o o tatou olaga. Na tautino e Peresitene Gordon B. Hinckley i ai tatou e faapea e taua tagata uma taitoatasi i le fuafuaga e faavavau a le Alii ma ua iai se mea ua la faamoemoeina mo i tatou ua fananau mai i lenei augatupulaga.</p> <p>“Ou te talitonu ua filifili e le Atua. . . outou taitoatasi mo se mea taua i lana fuafuaga sili. . . . E alofa o Ia ia te outou ma o lo o iai sana galuega mo outou uma taitoatasi e faataunuina” (in Conference Report, Oct. 1972, p. 106; poo le <i>Ensign</i>, Jan. 1973, p. 91).</p>
Faamatalaga a le faiaoga	<p>Ia faamalamalama atu afai tatou te faatusatusaina le numera toaitiiti o le Au Paia o Aso e Gata Ai ma le faitau aofai o le lalolagi atoa, atonu e foliga mai e faaletaua i tatou. O lo tatou tiute faale-Atua o le saunia lea mo le afio mai faalua o le Faaola, ua foliga ua telē tele mo ni tagata toaitiiti e pei o i tatou. O faamatalaga o lo o mulimuli mai o lo o tuuina mai ai ni fautuaga faamalosiau e uiga i le galuega e tatau ona tatou faia:</p>
Upu sii	<p>“Ua toeitiiti ono afe tausaga, na faapolopoloina ai outou e le Atua seja faatoa faaali mai outou i aso amuli a'o le'i oo mai le Áfio Faalua mai o le Alii. O augatupulaga uma o le talalelei ua mavae na iu ina liliu ese, ae o tatou o le a leai. . . . Na faasaoina e le Atua nisi e malolosi o lana fanau mo le toe laasaga lenei, o e o le a latou fesoasoani i le tauaveina ese o le manumalo o le Malo. Ma o iina o le a tatou ofi mai ai i totonu, ona o outou o le tupulaga e tatau ona sauniuni e fetaiai ma le Atua.</p> <p>“I augatupulaga uma na vaaimamao mai ai le au perofeta i o tatou taimi. E piliona i latou o e ua maliliu ma e e le'i fananau mai o lo o latou tulimataia i tatou. Aua ne'i faaseseina outou- o outou o se tupulaga o lo o tulimataia mai. E le'i iai lava se taimi ua faamoemoeina ai se faatuatua tele i se taimi puupuu e pei o i tatou” (Ezra Taft Benson, “In His Steps,” in <i>Speeches of the Year</i>, 1979 [Provo: Brigham Young University Press, 1980], p. 59).</p>
Faamatalaga a le faiaoga	<p>Ia faamalamalama atu sa tatou nonofo ma lo tatou Tama Faalelagi i se taimi umi lava ae tatou te le'i fananau mai ma e silafia e Ia mea uma e uiga i ai tatou- o mea tatou te malolosi ai ma mea tatou te vaivai ai, o mea tatou te mananao ai ma mea tatou te le mananao ai, o le loloto o lo tatou faatuatua ma a tatou molimau, o a tatou taleni ma mea e mafai ona tatou faia, o lagona i o tatou loto. E silafia lelei e Ia le ala e mafai ai e i tatou taitoatasi ona faaaogaina nei faaaaoaoga mo lo tatou tuputupu a'e lelei ma mo le atinaeina o le malo o le Atua i aso nei e gata ai.</p>
Upu sii	<p>Na saunoa mai ia Epikopo H. Burke Peterson e faapea:</p> <p>“Pe tou te mafaufau ea i se taimi pe na auina mai ea e le Tama Faalelagi se tasi o lana fanau i lenei lalolagi faafuasei po o le le'i fuafuaina, e aunoa ma se galuega ua faamoemoeina na te faataunuina? . . .</p>

"A'u ue pele e, o outou o se augatupulaga tau tupu. Na faasaoina outou ina ia outou o mai i le lalolagi i le taimi nei mo se faamoemoega faapitoa. E le na o se vaega toaitiiti o outou, ae o outou uma lava. O lo o iai mea mo outou taitoatasi e ao ona faia e le mafai e se isi lava tagata ona faia e pei ona outou faia. . . . Afai tou te tuuina atu se avanoa ia te Ia, ou te molimau atu o le a outou savavali faatasi ma lo tatou Tama Faalelagi i le faigamalaga o le olaga ma musuia oe ina ia e iloa lou faamoemoega faapitoa iinei" ("O Lo o iai Se Faamoemoega o Lou Olaga," *O le Liahona*, Iuni 1980, itulau e 35 ma le 37).

O Le Aoao i le Finagalo o le Alii e Mafai ai Ona Maua le Taitaiga i o Tatou Olaga

Mau ma le talanoaga

Faitau faatasi ma faailoga le Faataoto 3:5-6.

- O le a se mea ua manaomia ona tatou faia o lo o ta'uina mai i lenei mau?
- E mafai faapefea e i tatou taitoatasi ona iloa faamoemoega faapitoa ua uma ona sauna e lo tatou Tama Faalelagi mo i tatou?

Laupapa

Ia tusi i luga o le laupapa tali a tamaitai talavou ma faaopoopo atu i ai manatu nei pe afai e le o aofia ai:

1. Tatalo a le tagata lava ia

Ia faamalamalama atu e mafai ona tatou talanoa atu i lo tatou Tama Faalelagi i a tatou lava tatalo taitoatasi ma saili atu i ai po o le a le mea e finagalo tatou te faia a'o tatou iai i le olaga. Na apoapoai mai Peresitene Spencer W. Kimball e faapea, "O le a le afaina ai i tatou pe a tatou malolo i le faiiuga o a tatou talosaga ma faalogologo lelei ma le naunautai- mo sina minute po o le lua foi- ma tatalo e le aunoa e pei ona sa faia e le Faaola, 'aua le faia lo'u loto, a'o lou finagalo' (Luka 22:42)" (*O Le Liahona*, Mati 1980, itulau 5).

Talanoaga

- Pe iai ea ni taimi ua feteenai ai o tatou loto ma le finagalo o le Alii? Ia fai atu i tamaitai talavou e ta'u mai pe o a nisi taimi.

2. O le Suesue ma le Mafaufau Loloto

Faamatalaga
a le faiaga

Ia faamalamalama atu o le faitauina o tusitusiga paia atoa ma le agaga tatalo e mafai ona fesoasoani i ai tatou e malamalamai ai i le mea o lo o finagalo ai le Alii tatou te fai. O lo o ta'u mai e tusitusiga paia i ai tatou poloaiga a le Atua, na e tatou ona tatou mulimuli uma iai. Ae e mafai lava ona tatou faaaoga soo ia tusitusiga paia e su'e ai tali i ni o tatou tulaga faapitoa.

Mau ma le talanoaga

Ia faamalamalama atu o le tele o tusitusiga paia na tuuina mai e fesoasoani atu ai i tagata taitoatasi ia malamalamai i le mea e finagalo ai le Alii i ai tatou e fai. O nei tagata sa ola i se isi vaitaimi, peitai o le lapataiga na tuuina atu e le Alii ia te i latou e mafai foi ona faatatau iai tatou. O le Vaega e 121 o le Mataupu Faavae ma Feagaiga o le tatalo a Iosefa Samita na tuuina atu a'o iai o ia i le falepuipui i Liberty i le taimi o lo o ia matuai manaomia ai se fesoasoani. Na ia fia iloaina poo le a se mea e finagalo le Atua na te faia.

Faitau le fuaiupu e 7 ma le 8, o lo o aofia ai se vaega o le tali a le Alii.

- E mafai faapefea e le tali lenei i le tatalo a Iosefa Samita ona fesoasoani ia i tatou ina ia iloa le mea o lo o finagalo le Alii tatou te faia i aso nei?

3. Meaalofa o le Agaga Paia

Ia faamalamalama atu o le avea o i tatou ma uso o le Ekalesia, ua tatou maua uma lava le meaalofa o le Agaga Paia. O le Agaga Paia o se tasi lea o o tatou taiala sili e malamalamai ai i le mea o lo o finagalo le Alii tatou te faia iinei i le lalolagi. O le a ia musuia ma taitaia i tatou i o tatou olaga atoa.

Upu sii

"Ia faatosinaina oe e lena leo itiiti ma le filemu. Ia manatua o lē na i ai le pule na faaee atu ona lima i lou ulu i le taimi na faamauinai ai oe ma faapea atu, 'Talia le Agaga Paia.' Tatala o outou loto, e oo i o outou agaga, i lena leo faapitoa o lo o molimau i le mea moni. E pei ona folafola mai le perofeta o Isaia, 'E faalogo foi o outou taliga i le upu. . . e faapea mai, O le ala lava lenei ia outou savavali ai' (30:21)" (Thomsa S Monson, "O le Moli o le Faatautaiga a le Alii," *O Le Liahona*, Oketopa 1980, itulau e 177).

Talanoaga	Ia fai atu i tamaitai talavou e fetufaa ni mea na latou maua na latou lagonaina ai le aafia ga a le Agaga Paia. Atonu e te manao foi e faamatala atu se mea na e mauaina.
Faamatalaga a le faiaoga	<p>4. Faamanuiaga a le Perisitua</p> <p>Ia faamalamalama atu e mafai e tamaitai talavou ona talosaga atu i o latou tamā, faiaoga o aiga, po o nisi taitai perisitua agavaa mo ni faamanuiaga pe a latou manaomiaina se fesoasoani poo le taitaiga. E mafai ona musuia e le Alii i latou nei o umiaina le perisitua e tautatala atu i ni upu o le taitaiga ma le faamafanafanaga.</p>
	<p>5. Faamanuiaga Faapeteriaka</p> <p>Ia faamalamalama atu e faapea, i le avea ai o i tatou ma uso agavaa o le Ekalesia, ua i ai tatou le aia e maua ai se faamanuiaga faapeteriaka lea e tuuina sao mai i ai tatou taitoatasi e le Alii. A tatou maua se faamanuiaga faapeteriaka, o lo o ta'uina mai ai ia te'i tatou le tele o faamanuiaga o lo o teuina e le Tama oi le Lagi mo i tatou i lenei olaga ma le faavavau. O nei faamanuiaga o le a tatou maua pe afai tatou te ola faamaoni ma faatuatua. O nei faamanuiaga faapeteriaka e masani lava ona faailoa mai ai a tatou meaalofa faaleagaga. O le iloaina la o nei meaalofa o le a mafai ai ona fesoasoani i ai tatou e iloa ai lo tatou faamoemoega i le olaga. (Tagai i le MFF 46:10-12.) O nisi taimi e lapataiina ai i tatou e aloese mai nisi o aafia ga faaletiapololu, lea e silafia e lo tatou Tama o le a faaosoosoina ai i tatou. O le iloaina o faamanuiaga folafolaina, o a tatou meaalofa faaleagaga, atoa ma lapataiga, o le a mafai ai ona tatou faia ni faaiuga poto i o tatou olaga atoa.</p>
Tala	Sa faaletonu lava le mafaufau o Ianeta. Sa fai atu Toma ia te ia la te faaipoipo. E tusa ma le tausaga o faauo i la'u ma sa matua alofa tele le tasi i le isi. Sa manatu Ianeta o le aso sili ona fiafia i lona olaga o le aso lea o le a faapea atu ai Toma ia te ia o le a avea o ia ma ona toalua. Ae peitai sa oo mai lea aso, ae sa lagona pea e Ianeta le faaletonu. Sa ia le tuuina atu se tali ma'oti ia Toma, ae sa ia ta'u atu iai o le a ia tuuina atu le tali i le aso e sosoo ai. O le a le mea sa popole ai o ia? O Toma ua na maua le tofi toeaina i le Ekalesia ma sa ia fai mai afai o le mea lena e manao ai o ia, o le a la faaipoipo i le malumalu. Sa le mafai ona faia se tofiga o Toma i le Ekalesia mo se vaitaimi umi ona o lana galuega, ae na folafola atu e ia ia Ianeta o le a sua lana galuega pe a uma ona la faaipoipo.
	Sa manatua e Ianeta o lo o ta'u mai i lona faamanuiaga faapeteriaka se mea e uiga i le tagata o le a la faaipoipo, ma o le mea lena na tago ane ai loa ava'e lona faamanuiaga faapeteriaka ma amata ona faiatou: "O le a oo mai le taimi e te fia faaipoipo ai. Ou te fai atu ia e tatalo ma le agaga faatauanau ina ia e mafai ona e maua le atamai e te filifili ai i ē saili mai ia te oe, i se tasi agavaa ma ola mama. O failogi nei o le a e iloa ai le ua faamaonia e le Alii: o le a mama o ia i le tino ma le mafaufau, e umia e ia le perisitua paia, ma iai le agaga naunautai e aveina atu oe i le malumalu ma faamauinai ai oe iina ia te ia, ma faamauinai ai foi o ia ia te oe mo le taimi nei ma le faavavau". Sa iloa e Ianeta e le'i ausia e Toma tulaga uma nei e manaomiaina, ma e le o ia ua faamaoniaina e le Alii.
Upu sii	Na saunoa mai le susuga a Elder Thomas S. Monson e faapea: "E mafai ona maua le fesoaoasani e ala mai i lou faamanuiaga faapeteriaka. O lea faamanuiaga o lo o iai i itulau mai lau tusi o avanoa e faavavau. Ia faiatou i lou faamanuiaga e le aunoa. Suesue lelei i ai. Ia taitaiina oe i ona lapataiga. Ia e ola e te mauaina ona folafolaga" ("O le Moli o le Faatautaiga a le Alii," <i>O Le Liahona</i> , Oketopa 1980, itulau e 177-178).
	<p style="text-align: center;">O Lo Tatou Tiutetauave le Usitai i Taitaiga Ua Tuuina Mai iai Tatou</p> <p>Ia faamalamalama atu, e oo mai i le vaega lenei, ua uma ona talanoaina i le lesona auala e mafai ai ona tatou sailia ai le faasinomaga ma maua ai le taitaiga. Ae ia tatau ona tauaveina le tiutetauave e galulue ai i le taitaiga tatou te maua. E le mafai ona tatou faatali seiloga e ta'u mai e le Alii le mea e ao ona fai. Na saunoa mai le susuga a Elder John Groberg:</p>
Upu sii	"Sa ou taumafai i le taimi ua mavae e filifili pe tatau ona ou galue faapisinisi, pe ou te faiaoga, pe ou te faia lava se isi lava matātā. A'o amata ona ou agai atu i se tasi ala, sa tele po o le itiiti foi o mea na ou iloa, sa ou mauaina e faapea afai o lena filifiliga e sese po o le taitaiina atu ai foi o a'u i le ala sese- e le o se ala leaga ae o se ala e tatau ai mo a'u- e le aunoa lava ona faailoa mai ia te a'u e le Alii lenei mea: 'E sese le mea lena; aua e te ui i le auala lena. E le mo oe!'

"I le isi itu, atonu e lua pe tolu ni auala na mafai ona ou alu agai i ai, ma, soo se auala lava o na auala atonu e sa'o ma iai i le auala lautele e maua ai se faataitaiga po o se mea aoga e mafai ona ou faataunuina ai le misiona ua faamoemoeina e le Alii mo a'u. Aua ua silafia e Ia e manaomia e i tatou le tuputupu a'e, e masani lava ona ia le faapea mai, 'Ia tatala le faitotoa lena ma alu i le itu le la mo le sefululua iata; ona toe liliu lea i le itu taumatau ma alu mo le lua maila. . . .' Ae afai e sese, o le a Ia faailoa mai i ai tatou- o le mea moni lava o le a tatou lagonaina. Ou te matua mautinoa lava lena mea. Nai lo le tatou faapea atu, 'Ou te le gaoioi seiloga e mu lo'u loto,' ae ia tatou faapea atu, 'O le a ou gaoioi seja ou lagonaina e sese; ma afai e sese, ona ou le faia lea. 'O lo tatou aloese mai nei auala sese uma lava, o le a vave lava ona e iloaina ai o lo o e alu agai i le mea e tatau ona e alu agai iai, ona mafai lea ona e maua le faalogona mautinoa: 'Ioe, o lo o o'u alu agai i le itu sa'o. O lea ou te faia le mea o lo o finagalo ai lo'u Tama oi le Lagi ou te faia aua ou te le o faia mea e le o finagalo Ia ou te faia.' Ma e mafai ona e iloaina ma le mautinoa lava mea. O se vaega lena o le tuputupu a'e, ma o se vaega o le faataunuina o le mea o lo o finagalo ai lo tatou Tama oi le Lagi mo i tatou" (What is Your Mission?" in *Speeches of the Year*, 1979, [Provo:Brigham Young University Press, 1980], pp. 97-98).

Talanoaga

- O le a se tiutetauave ua i ai tatou i le faia o filifiliga e uiga i o tatou lava olaga patino? Na faapefea ona iloa e Elder Groberg pe o alu o ia i le ala sa'o poo le auala sese?

Fesili e
manatunatu iai

Ia faamalamalama atu o le tauaveina o le tiutetauave mo o tatou lava olaga, e manaomia ai lo tatou galulue. Fai atu i tamaitai talavou e tali ifo lava le tagata ia te ia lava i fesili nei:

1. O anafea le taimi mulimuli na ou anapogi ai ma tatalo faatauanau mo le taitaiga i lo'u olaga?
2. Pe ou te faalogo ea i tali a le Alii pe a maea a'u tatalo?
3. Pe ua ou maua ea lo'u faamanuiaga faapeteriaka? Afai ua maua, o le a le umi talu mai ona ou faitaua? Pe o o'u faaaogaina ea e fai ma taiala i le faiga o faaiuga?
4. Pe na ou ole atu ea faapitoa i le Tama oi le Lagi e taitaiina a'u i le sailia o lona finagalo mo lo'u olaga?
5. Pe o o'u ola agavaa ea ina ia saunia ai a'u ou te mafai ona ou faalogo i musumusuga a le Agaga?
6. Pe o o'u faia ea ni faaiuga ma faatutuina ni sini e taitaiina ai a'u i le ala amiontonu?
7. Pe o fiafia ea le Alii i a'u amioga i aso taitasi?

Aotelega

Upu sii

I se tautalaga na ia tuuina atu i le autalavou a le Ekalesia na fautua atu ai Elder John Groberg e tatau ona tatou faamamafaina i o tatou olaga le taua o mea e tolu: muamua, o lo o i le Atua lo tatou Tama oi le Lagi se misiona faapitoa mo i tatou uma e faataunu ma faia a'o tatou iai iinei i lenei lalolagi; lona lua, ina ia mafai ona tatou iloa iinei ma le taimi nei ona iloa lena misiona; ma o lona tolu, e mafai ona tatou faataunuina lena misiona i lona fesoasoani mai, ma iloa ma mautinoa o lo o tatou faia le mea e fiafia ai lo tatou Tama oi le Lagi - iinei ma le taimi nei i lenei olaga. O ni manatu taua tele nei manatu; ma e moni lava" ("What Is Your Mission?" p. 92).

Faatinoga o le Lesona

Tufa atu kopi o auala e lima e mafai ona tatou aoao e uiga i lo tatou faamoemoega i le olaga. Ia uunaiina tamaitai talavou taitoatas i manatunatu loloto i auala ma tauivi e aoao nisi mea e uiga i lona olaga.

Fesoasoani i le Olaga Faaleaiga

Aiga e Faavavau

FAAMOEMOEGA

O le a malamalama tamaitai talavou taitoatasi ua saunia e le Alii le ala mo i tatou e ola ai o ni aiga e faavavau, ma o le a mananao ia maua faamanuiaga o se aiga e faavavau.

SAUNIUNIGA

1. Ata 7, O se Aiga i Tafatafa o le Malumalu, o lo o i le pito i tua o le tusi lesona.

2. Ia saunia ni pepa ma ni penitala mo tagata o le vasega.

3. Ia tofia ni tamaitai talavou e faamatala mai soo se tala, mau, po o ni upu sii e te manao iai.

Faaaliga: Ia mataalia i ni manaoga ma lagona o ni tamaitai talavou e na o i latou e auai o o latou aiga i le Eklesia pe o mai foi i se aiga e le o tulaga lelei.

FAUTUAGA MO
LE FAALAUATELEINA
O LE LESONA

Upu sii

O le Aiga o se Iunite Autu i le Fuafuaga a le Atua

Ia faitau atu le faamatalaga lenei:


“O le sini ma le faamoemoega atoa o le talalelei ina ia mafai e alii ma tamaitai - ona avea ma tino e tasi i le Alii - ia foafoaina mo i latou lava ni iunite o ni aiga e faavavau. E saunia i tatou e le faaipoipoga faaselesitila mo le olioli ma le fiafiaga sili ua iloa e tagata ola, ma mo le olaga e faavavau i malo oi luma.

“E a pe a tatou faapea atu, e faapei ona sa faia e le toatele ua mavae atu, o le mea ua ta‘u e tagata o le talitonuga faa-mamona, o le faatulagaga tonu lea o tulafono ma upu moni e avea ai le lalolagi ma lagi, ma avea ai le tagata ma se atua” (Bruce R. McConkie, “O Mea Lilo e Uiga i Talitonuga Faa-Mamona,” *O le Liahona*, Mati 1980, itulau e 78).

Talanoaga i le laupapa

Ia faamalamalama atu i tamaitai talavou o lenei lesona o le a tulimatai atu pe mafai faapefea ona faavavau aiga.


Tusi ata nei i luga o le laupapa:



Ia toe talanoaina ma tamaitai talavou mea nei:

1. O le lagi sa tatou aoao ai e uiga i le fuafuaga a le Atua mo i tatou e o mai i le lalolagi ma nonofo ai o ni aiga.
2. O le a avea le olaga i le lalolagi ma tofotofoga e iloa ai lo tatou agavaa e alualu i luma, ma avea faapei o o tatou matua faalelagi.
3. E tusa ai ma le fuafuaga a le Atua, afai tatou te faatuatua ma agavaa i lenei olaga, o le a tatou maua faamanuiaga silisili. Afai e leai, o le a iai foi ni aiaiga ua tuuina mai mo i tatou i le olaga a sau.
4. Afai ua faamaonia lo tatou faatuatua ma lo tatou agavaa, o le a faamauina o tatou aiga ma o le a faaauauina pea o tatou olaga faaleaiga e faavavau. O se vaega lenei o le fuafuaga a le Atua e saunia ai se ala mo i tatou e faatasi ai o ni aiga e faavavau.


Talanoaga i le laupapa Ia faaopoopo atu mea nei i ata o lo o i luga o le laupapa:



Ia fai atu i tamaitai talavou e faaaoga a latou tusitusiga paia e tali ai fesili nei o lo o mulimuli mai:

- O le a se mea ua tatou iloa e uiga i le olaga faaleaiga i le olaga a sau? (Tagai i le MFF 132:19-20; o i latou na faamauina a latou faaipoipoga i le malumalu ma ola agavaa o le a faaeaina ma o le a nonofo faatasi ma o latou aiga e faavavau.)
- O le fea tikeri a o le fea foi le malo o le a faatagaina ai aiga e faatasi pea? (Tagai i le MFF 131:1-4.)

Tusi faauma ata i le laupapa e pei ona faaalia, ma faamamafa atu faapea, ina ua faavaeina e le Atua le iunite o le aiga, na ia faamoemoeina ia faaauau pea e faavavau. Ae peitai, na pau lava le mea e oo mai ai iai tatou lena faamanuiaga, o lo tatou agavaa. Ina ia faatumauina pea le aiga o se iunite e faavavau, e tatau ona tatou agavaa e ulu atu i le tikeri pito i maualuga o le malo selesitila. O lo o faaalia mai i le laupapa o lo o faatasia aiga i le tikeri pito i maualuga o le malo selesitila.



O Faamanuiaga o le Faavavau o le Olaga Faaleaiga e Na o le Malumalu Lava e Mafai Ona Maua Ai

Faitauina ma
le Talanoaina
o le Mau

Faitau atu le Mataupu Faavae ma Feagaiga 132: 13 -20 i tamaitai talavou ma talanoaina fuaiupu.

- E tusa ai ma nei fuaiupu, o ai e ona le pule e faamauina ai feagaiga? (Tagai i le MFF 132:13-14).
- O fea e te manao e te faaipoipo ai ina ia mafai ai ona faamauina au feagaiga o le faaipoipoga e faavavau?
- O le a se mea e tupu i le olaga a sau i ai latou o e le faaaogaina le avanoa e faaipoipo ai i malumalu a le Alii? (Tagai i le MFF 132: 15-17.) Ae faapefea i latou e le'i mafai ona maua le avanoa i le olaga lenei? (O faamauga i le malumalu e mafai ona fai mo i latou ua maliliu.)
- O le a se tulaga e oo i ai latou o e le nonofo faatasi o ni aiga i le olaga a sau? (MFF 132:18–20.)

Ata

Ia faaali atu i luga le ata o le aiga i tafatafa o le malumalu.

Ia mautinoa ua malamalama tamaitai talavou, o i latou e mauaina le tikeri pito i maualuga o le malo selesitila o le a ola o se aiga ma o le a avea ma ni atua.

E Tatau Ona Tatou Saunia Nei mo se Aiga e Faavavau

Upu sii ma
le talanoaga

Faitau ma talanoaina upu sii nei:

“Afai e le mafai e se alii [po o se tamaitai] ona tumau i le tulafono selesitila, e le mafai ona maua e ia se mamalu selesitila; afai e le mafai e se tagata ona tumau i le tulafaono teresitila, e le mafai ona maua e ia se mamalu teresitila; ma afai e le mafai e ia ona tumau i se tulafono telesitila, e le mafai ona maua e ia se mamalu telesitila, ae o le a mau i se malo e le o se malo o le mamalu. O le tulaga lea e tusa ai ma faaaliga mai le Atua i ai tatou” (Wilford Woodruff, in *Journal of Discourses*, 12:278).

- Aisea e taua ai lo tatou saunia i le taimi nei mo le olaga e faavavau?

Ia mautinoa ua malamalama tamaitai talavou e le mafai ona latou nonofo faatasi ma o latou aiga e faavavau, seiloga e lava lo latou ola amiotonu e maua ai i le taimi nei lena faamanuiaga. O le a faaaluina o latou aso e faavavau i le malo na latou saunia i ai, ma o se taumafaiga lelei le taumafai ia agavaa i le taimi nei mo faamanuiaga o le malo selesitila.

Molimau

Ia faaali atu ou lagona ma tuuina atu lau molimau e uiga i le taua o le maua o sauniga faalemalumalu e manaomia ma ola i le tulafono selesitila i o tatou aiga faalelalolagi, ina ia avea ai ma iunite o aiga e faavavau.

Faatinoga o le Lesona

Tufa atu pepa ma penitala i tamaitai talavou. Ia faamanatu atu i ai latou o lena sa latou talanoaina ni mea taua e tele i le lesona e uiga i o latou olaga i le lumana. Fai iai e manatunatu e uiga i se mea e tasi o lo o taofia i latou mai le avea ma se tagata e mafai ona agavaa e maua se fesootaiga faavavau faaleaiga.

E mafai ona latou tusia, “O le a ou taumafai ia aua . . . “ ma faaopoopo atu i ai ma le mea lena na latou filifili o le a galulue agai iai. O nisi faataitaiga atonu e pei o le-

1. Itaita gofie i totonu o le aiga.

2. Ua ou manatu faapito lava na o a'u, ma ou faamuamuaina mea ou te fiafia ma ou loto i ai, ua sili atu nai lo mea e lelei ai lo'u aiga.

3. O le lē lava o lo'u onosa'i i o'u matua

A uma ona tusia e tamaitai talavou mea o le a latou galulue agai iai e taofia, ona e fautua atu loa lea iai ia latou manatunatu i se mea e manaomia ona latou amata faia, ia agavaa ai e avea ma se vaega o le iunite o se aiga e faavavau.

Fai i tamaitai talavou e tusi, “O le a ou taumafai e . . . “ ma faauma ona tusi i lalo le vaega o totoe o le faamatalaga. O nisi o faataitaiga e mafai ona latou tusia o le -

1. Ia faaali atu lo'u alofa tele ma le ava i o'u matua.

2. Ia ou alofa ma faaaloalo i o'u tuagane ma uso.

3. Ia ou fesoasoani tele i tiutetauave faaleaiga

4. Ia ou naunau e fesoasoani i isi

Ia uunaia tamaitai talavou e faataunu sini na se'i faatoa faatutuina mo i latou, ma faia mea uma latou te mafaia i le taimi nei e saunia ai i latou lava ia agavaa mo faamanuiaga o le olaga faaleaiga e faavavau.

Faamalosia le Lotogatasi i Totonu o le Aiga

FAAMOEMOEGA O le a uunaiina ma faamalosia e tamaitai talavou taitoatasi le lotogatasi i lona aiga.

SAUNIUNIGA

1. Ia saunia ni pepa ma ni penitala mo tagata o le vasega.
2. Ia saunia ni fasi maea, tuaina, po o vulu e matala le isi pito e faaaoga i le faataitaiga ma tuu atu i tamaitai talavou i le faaiuga o le lesona. Ia mautinoa ia tele ni fasi maea o le maea e faigofie ona toso ese. Faaa'oa'o ona fai le faataitaiga a'o le'i tuuina atu i le vasega.
3. Ia saunia ni kopi o tulaga o lo o i le vaega lona tolu o le lesona.
4. Ia tofia ni tamaitai talavou e faamatala atu soo se tala, mau, po o ni upu sii e te manao ai.

Faaaliga: Ia mataalia i ni lagona ma manaoga o ni tamaitai talavou e o mai i ni aiga e le o tulaga lelei.

**FAUTUAGA MO
LE FAALAUATELEINA
O LE LESONA**

Lesona faatino

Faamatalaga
a le faiaoga

Faatomuaga

Tuu atu se fasi maea i se tamaitai talavou. Fai atu iai e taumafai e momotu le fasi maea, ia faaaoga lava soo se faiga ia motu ai se'i vagana ai le tago e ooti. Ona faataitai lea i le vasega le faiga e mafai ai ona momotu le maea, o le tase'i taitasi ese mai fasi maea.

Ia faamalamalama atu e tutusa lelei lava uiga o le aiga ma le maea lenei. E malosi se aiga pe a galulue faatasi uma ona tagata, ma pei o le maea e le mafai ona momotu gofie. Ae a le galulue faatasi tagata taitoatasi ma le lotogatasi, o le a vaivai le aiga, e pei lava foi o le maea, ma o le a faigofie ona momotu. O le a lelei tagata uma o le aiga pe a galulue faatasi o latou tagata.

O le Lotogatasi o le Aiga o se Vaega o le Fuafuaga a le Alii

Faamatalaga
a le faiaoga

Ia faamalamalama atu o le faatulagaga o le olaga faaleaiga na faavaeina a'o le'i iai se lalolagi. I le lagi, sa avea ai i tatou o se vaega o le aiga faalelagi, ma na tatou o mai i le lalolagi o se vaega o le aiga faalelalolagi. O lo o molimau mai tusitusiga paia o lo o finagalo le Alii ina ia tatou lotogatasi. Fai atu i tamaitai talavou e faitau ma talanoaina mau nei:

1. 3 Nifae 11:29
 2. Mataupu Faavae ma Feagaiga 38:27 (fuaiupu mulimuli)
 3. 4 Nifae 1: 15-16
- Aisea e taua tele ai le tuufaatasia o se aiga? (Aua o le a mafai ai ona fesoasoani atili le tasi i le isi ia maua le faaeaga ma faia la latou vaega i le galuega a le Alii.)

E Mafai e i Tatou Taitoatasi Ona Fesoasoani ia Lotogatasi le Aiga e Ala i a Tatou Amioga ma Gaoioiga

Faamatalaga
a le faiaoga

Ia faamalamalama atu e le faapea e lotogatasi uma aiga. Atonu o nisi tamaitai talavou oi le vasega o lo o moomoo maimau pe ana se'i tele atu lava le alofa o le tasi i le isi o tagata o o latou aiga ae ia faaitiitia le fefinaua'i i totonu o o latou aiga. E oo lava i aiga e foliga mai e alofa le tasi i le isi, e masani lava ona iai ni taimi e tatau ai ona latou galulue malolosi ina ia lotogatasi.

Tala mai tusitusiga paia ma le talanoaga

Ia faamanino atu e alofa le Tama Faalelagi i aiga taitasi uma ma e finagalo o ia e fia fesoasoani i ai latou e saili le olioli e maua mai le lotogatasi o le aiga. E tele auala e mafai ai e se tagata e toatas i se aiga ona faateleina lona alofa ma le lagona filemu i le aiga atoa.

Ia faamalamalama atu o le a e faamatalaina atu se tala mai tusitusiga paia, e faailoa atu ai se aafiaga e mafai ona tuuina atu e se tagata e toatas i se maua ai le lotogatasi i le aiga.

Faamatala le tala o le aufana a Nifae na gausia, mai le 1 Nifae 16:17-32. Ona fai atu lea o fesili nei ma fai atu i tamaitai talavou e faitau fuaiupu o le mau lena e ta'u mai ai le tali.

- O le a ni uiga na faaalia e uso o Nifae e uiga i lea tulaga? (Fuaiupu e 20.) Na faapefea ona ootia lagona o isi tagata o le aiga e tusa ai ma o latou uiga na faaalia?
- O le a se uiga na faaalia e le tamā o Nifae? (Fuaiupu e 20.)
- O le a se mea na faia e Nifae lava ia e uiga i le faafitauli ? (Fuaiupu 22-23.) Na faapefea ona aafia lona tamā ma ona uso ma isi tagata o le aiga i ona uiga faaalia?
- O le a se aafiaga na tuuina atu e Nifae e uiga i le lotogatasi i le aiga?

Ia faaaauau pea le talanoaga a le vasega i le fai atu o fesili nei:

- O le a se aafiaga e oo iai le lotogatasi i o tatou lava aiga pe a taumuimui ma fatio?
- E faapefea ona afaina le lotogatasi i le aiga pe a manatu faapito lava le tagata ia te ia lava?
- O a ni uiga e mafai ona iai i se tamaitai talavou atonu e mafai ona avea ai o ia ma ituaiga tagata e pei o "Lamana"? Po o se ituaiga tagata e pei o "Nifae"?

Tala

Ia faamatala atu le tala lenei:

O tagata o le aiga o Ane e foliga mai e tauaimisa lava latou, ma e masani ona ia fatioina i latou i lo latou sailia o sese o isi ma faaalia ni uiga le talafeagai.

I se tasi aso, na talanoa atu ai le tama o Ane ia te ia. Na ia faamalamalama atu ia te ia o lo o iai se faafitauli tugā i mea tau tupe i totonu o lo latou aiga. E le'i iloaina e Ane o nisi o ana amioga o lo o faaopoopo atu i le feteenaiga o lo o iai nei i totonu o le aiga. E masani lava ona ia fatio pe a oo mai lona taimi e na te fufuluina ai ipu, ma e faamoemoe o ia e maua atu i lona tina se tupe mo mea na te manaomia. O nisi taimi ua leai se tupe, ma ua leotele le fatio a Ane.

Na faamalamalama atu e le tama o Ane ia le tele o taulaga o lo o faia e lona tina. E leai se tupe e faatau ai ni ona lavalava. O le tupe faaopoopo na te maua mai i le faatauina atu o ana fualau 'aina e faaaoga lena e faatau ai nisi mea e manaomia e le aiga. E le'i gafatia e ia ona faatau sana matatioata, ma o nisi taimi e faigata ai ia te ia ona faiat.

Ina ua uma ona ia faalogo atu i lona tama, sa mafaufau loa Ane e sui nisi o ona manatu ma ana gaoioiga. O le a le toe fatio o ia i lona tina, ae o le a ofo atu o ia na te vaia le pepe ina ia mafai ai e lona tina ona maua se afifi e na o i la'ua ai ma lona tama. Sa ia taumafai e fai ana galuega i le fale ma lona agaga naunautai, ma sa ia taumafai e aua nei toe fefinauai ma ona uso ma ona tuagane.

Na maitauina e Ane e iai isi mea ua amata ona suia i totonu o le aiga. Ua matuai gauai atu lava ona tuagane ma ona uso i le faia o a latou galuega ma, na talu mai lava ona ia taumafai e aua nei toe fefinauai, ua faaitiit lava le fefinauai i totonu o le aiga. Ua amata ona fiafia le aiga i le faatasia i afifi faaleaiga.

I masina o lumanai, na amata ai ona tuuina atu e Ane ni lesona piano i tamaiti o lo latou vaiaai. Sa ia faasaoina sana tupe, ma sa ia mafai ona ia tuuina se afifi faapitoa i lalo o le laau Kerisimasi mo lona tina. O totonu sa iai se matatioata o lo o ia manaomiaina. Sa fesoasoani lona tama ia te ia i le mauaina o le fua sa'o o le matatioata. Na ala atu i ana taumafaiga ona mafai e Ane ona tuuina atu se auauanga taua mo lona aiga.

Faamatalaga a le faiaoga

Ia faamalamalama atu e tele avanoa i le olaga faaleaiga i aso taitasi e faifai mea faatasi ai, ma mo isi. O nisi taimi e manaomia ai i lenei tulaga, ona tuu mea tatou te mananao ai aua mea o manaomia e se tasi.

Ia fai atu i tamaitai talavou latou te mafaufau pe faapefea ona latou mafai ona fesoasoani i le faiga o ni suiga i totonu o o latou lava aiga.

Tulaga ma
le talanoaga

Tufa atu faataitaiga nei o lo o i pepa taitasi. Fai atu i tamaitai talavou taitoatas i faitau mai lana faataitaiga ma tuuina mai ni fautuaga i ni auala e mafai ona latou fesoasoani atu ai ia maua le lotogatasi i le aiga i lea tulaga.

1. Ua amata ona ulaula lou tuagane, ma ua talosaga mai ou matua ia te oe mo se fesoasoani. Ua e ma i amioga a lou tuagane.
2. O lo o faamisiona lou tuagane ma o lo o faalagolago o ia i lo outou aiga i mea tau tupe mo lana misiona.
3. E le iai lou tina i le tale i le ao, ma e tou te tauaimisa lava pea ma ou tuagane ma ou uso laiti i se mea i le tale pe a tuua mai a latou aoga.
4. E le atoatoa le malosi o lou uso ma e manaomia lava e ia se fesoasoani faapitoa.
5. Ua mulimuli lou tama i le fautuaga a le perofeta ma ua totoina e ia se faatoaga laau 'aina i lenei tau totogo.
6. O po o afiafi faleaiga i lo outou aiga o se mea e leai se isi e tulimatai atu iai e aofia ai ma oe. E leai se tasi e fia auai i le lesona, ma o le taimi lava e uma ai e tau fai o ese uma ai lava.

Faa'iuga

Ia faamalamalama atu ina ua tatou osia se feagaiga i le papatisoga "o le fesui i a outou avega e ave ina ia māmā ai," ma "faanoanoa faatasi ma e ua faanoanoa," ma "faamafanafana i ē tatau iai le faamafanafanaga" (Tagai i le Mosaea 18: 8-9).

- E mafai faapefea ona tatou faatatauina lenei feagaiga i o tatou lava aiga?

Upu sii

Ina ia tuuina atu ai i tamaitai talavou ni manatu, ia faitau atu le upu sii lenei:

"Ou te fia fautua atu ia tuu atu le tele o o tatou taimi. . . . Atonu o se mea e faigofie e pei o le faateleina o le laufofoga fiafia i totolu o lou aiga.

"O le a sou manatu iai e uiga i le taumafai e tautala fiafia atu? La taumafai pea e fai atu faafetai pe faamolemole?

"O le a sou manatu e uiga i le sailia o se avanoa e fai atu ai ni faamatalaga faaviivii lelei i [tagata] i aso taitasi, ma vaai pe o le a sa latou tali mai?

"Ae a pe a e filifili e te laumata fiafia nanei i luga o le laulau ai i le taimi e aai ai, ma e tusa lava pe o a mea a isi e fai mai ae tumau lava lou laumata fiafia. Vaai pe o le a le umi e te mafai ai ona siitia i luga lou aiga atoa" (H. Burke Peterson, Conference Report, Oct. 1972, pp. 148-49; or *Ensign*, Jan. 1973, p. 115).

Faatinoga o le Lesona

Ia uunaiina tamaitai talavou e filifili i se auala e mafai ai ona faamalosia atili e i latou le lotogatasi i o latou aiga i lenei vaiaso. Tufa atu pepa ma penitala ma fai iai e tusi i lalo le mea ua latou filifilia. Tufa ia tofu tamaitai talavou ma le fasi maea e faamanatu atu ai ia te ia e mafai ona ia fesoasoani e tuufaatas i lona aiga ma faamalosia.

FAAMOEMOEGA O le a iloa e tamaitai talavou taitoatasi ni auala e uunaiina ai e ia le faia o gaoioiga faafifafia i lona aiga.

SAUNIUNIGA

1. Ia saunia ia tofu le tamaitai talavou ma le pepa ma le penitala.
2. Ia saunia se taga pepa po o se taga ie faigofie e tusia ai upu nei i tua o le taga, "O Le Taga O Mea e Fiafia i ai Le Aiga".
3. Afai e maua i lo outou eria, ia faaali atu le ata vitio o le *Family First* (53119).
4. Ia tofia ni tamaitai talavou e faamatala mai ni tala, mau, po o ni upu sii e te manao iai.

FAUTUAGA MO
LE FAALAUATELEINA
O LE LESONA

Gaoioiga

Faatomuaga

Ia faaali atu i tamaitai talavou le taga o mea e faafifafia ai le aiga. Ia faamalamalama atu e ui lava o le tele o taimi e galulue faatasi ai o tatou aiga, ma e tele tiutetauave o tagata taitoatasi o le aiga, ae e taua lava foi i le aiga le fiafia faatasi. Fai i tamaitai talavou e tusi i luga o se fasi pepa se gaoioiga e fautuaina mai e i latou e latou te mananao e faia faatasi ma o latou aiga. (O a latou auala atonu e aofia se savalivaliga faatasi, faia se taaloga, kuka se meaai e fiafia iai, po o le alu o se malologa.) Ia tuu uma fasi pepa a tamaitai talavou i totonu o le taga o mea e faafifafia ai le aiga.

E Mafai Ona Fesoasoani Tamaitai Talavou Ia Maua e o Latou Aiga le Fiafia Faatasi

Faamatalaga a le faiaga

Toese mai fasi pepa mai le taga o mea e faafifafia ai le aiga ma faitau taitasi auala o lo o ta'ua mai ai. Ia faamanino atu le tele o auala eseese ma fai atu i tamaitai talavou e latou te talanoaina. Ia faamalamalama atu e mafai e tamaitai talavou ma e tatau ona fesoasoani i o latou aiga ia maua faatasi le fiafia e ala lea i le auai i gaoioiga na fautuaina mai e tagata taitoatasi o le aiga.

- O a nisi auala e mafai ai e gaoioiga faaleaiga ona avea ma ni mea e fiafia tele iai?
1. *O gaoioiga faaleaiga e tatau ona maua ai e tagata taitoatasi o le aiga se avanoa e faaali atu ai mea faapitoa e fiafia iai atoa ma mea e agavaa ai o ia.* Ia faamalamalama atu o se tasi aiga e fiafia Ioane e 'au'au, e fiafia Nani e asiiasi i le fale mataaga, ae fiafia Time e pu'e iniseti. I se tafaoga la sa faia a le aiga, na o ai faatasi e 'au'au, o nisi taimi latou te asiiasi atu ai i fale mataaga, ae o nisi taimi latou te pu'eina ai ni iniseti.
Ia faamalamalama atu e tofu lava le tagata o le aiga ma le mea e manao ma fiafia iai, ma e faatupuina le malamalama ma le alofa o le tasi i le isi a'o latou taliaina ma auai i gaoioiga e fiafia iai le tasi. E mafai i nisi taimi ona fuafua aiga e faia se gaoioiga e fetau tonu ma mea e agavaa ai se tagata talavou, matua, po o se tagata foi o le aiga e ma'i.
 2. *E taua tele le tumau pea o ni uiga lelei ma lagolagoina e le tasi le isi a'o outou auai i gaoioiga faaleaiga.* Ia faamalamalama atu afai tatou te faitio ma faaali ni uiga le lelei i taimi o gaoioiga faaleaiga, e masani lava ona le malie ma fiafia ni gaoioiga faapena. O le faaviivii o isi ma faailoa atu o latou tulaga lelei, ua tatou faaalia atu lava lea o lo tatou alofa ma fesoasoani atu i isi ia maua le lagona lelei.

E mafai e faamatalaga ma amioga a tamaiti matutua o le aiga ona fesoasoani e sua lagona i gaoioiga faaleaiga. Fai atu i tamaitai talavou pe faapefea o latou uiga i le taimi o gaoioiga faaleaiga e faatupuina ma faamalosia ai tuagane, o uso, ma matua.

	<p>3. O le faatulagaina o le faasologa o a tatou mea e fai ina ia maua ai se taimi e faia ai mea e fiafia ai le aiga, atonu o le a manaomia ai le tuu o ni mea o tatou loto iai, ni a tatou fuafuaga, ae sui i mea e tatau ona faamuamua. Na saunoa mai le Au Peresitene Sili e faapea:</p> <p>“E tatau i alii ma tamaitai talavou ona faapaleni lelei lo latou aafia i gaoioiga faaleaoaoga ma isi gaoioiga faafafia i lo latou auai i gaoioiga faaleaiga ma faalu ni o latou taimi tatau i le aiga” (<i>O le Lagi i Totonu o o Tatou Aiga</i> [Tusi Lesona o Afiafi Faaleaiga, 1980-81], itulau e iv).</p> <ul style="list-style-type: none"> • O le a sou manatu o a ni lagona o tagata o le aiga pe afai e seāseā auai se tuagane po o se uso matua i gaoioiga faaleaiga? <p>Fai atu i tamaitai talavou e talanoaina ni faaiuga alofa mai vaega nei:</p> <p>I le afiafi faaleaiga, sa fuafuaina ai e le aiga o Susana se ‘aiga i le afiafi o le Aso Toona’i e faamanatu ai le aso fanau o lona tuagane ma lona papatisoga. Na valaaulia matua o ona matua ma isi tagata latou te aiga. I le aso o le ‘aiga, na telefoni mai ai se uo a Susana ia te ia ma fesili mai iai pe mafai ona la o i se pati i le afiafi lena. Na matuai manao lava Susana e alu i le pati ma faatasi ai ma ana uo.</p> <p>Ua uma ona iai le faagasologa o galuega a Paula e faia i le vaiaso. E na o le tasi lava le po e malolo ai. Ua fuafua lona tama e ave lo latou aiga i se faafiafiaga faapitoa faaleaganuu i lena po, ae sa fuafua Paula e o ma ana uo i se isi faaaliga.</p>
Tulaga aoaoina ma le talanoaga	<p>4. E mafai ona laitiiti se tuge e alu i gaoioiga faafafia a le aiga. Ia faamalamalama atu o le toatele o i tatou e faigofie lava ona mafaufau i ni gaoioiga faafafia e tele se tuge e alu ai. Ae o le tulaga moni lava, o le a maua ai e i tatou le avanoa e faalautele ai o tatou mafaufauga ma sogasoga.</p> <p>Faapea o le isi tagata o le aiga e fia alu e ‘ai i se fale‘aiga e fai ma gaoioiga faaleaiga. Atonu e mafai e tagata o le aiga ona fai se fuafuaga ma sefe se tuge mo le o i le fale‘aiga i se afiafi. Ae peitai, afai o le o i le fale‘aiga o le a taugata tele, e mafai la faapefea e le aiga ona galulue faatasi ia faataunuina ai lea manaoga?</p> <p>Fai atu i tamaitai talavou e tuuina atu ni o latou manatu. E mafai ona latou toe faatulagaina le fale‘aiga? O a nisi auala e mafai ai e tagata taitoatasi o le aiga ona aafia i le fuafuaina o lea afiafi? (E mafai ona fai se lisi faapitoa o meaai, e mafai ona toe faatulaga lelei le laulau, e mafai ona sauniaina uma e le aiga le meaai. E mafai ona saunia e le aiga atoa se faafiafiaga e fai i le ‘aiga.)</p> <ul style="list-style-type: none"> • E te manatu o se ‘aiga faaleaiga i le fale o se mea e faagalogatā i le aiga? Aisea?
Faamatalaga a le faiaoga ma le talanoaga	
Talanoaga i le laupapa	<p>E Mafai Ona Faigofie pe Faigata foi Gaoioiga Faaleaiga</p> <p>Tusi le mau lenei i luga o le laupapa: “O mea faatauvaa ma mea faavalea ua faataunuina ai mea tetete” (Alema 37:6).</p> <p>Fai atu i tamaitai talavou e tau mai nisi auala e mafai ai ona faataunuina e o latou aiga nisi o fautuaga faatauvaa mai le taga o mea faafafia mo le aiga.</p> <p>POO LE</p> <p>Fai atu i tamaitai talavou e ta‘u mai ni gaoioiga faaleaiga e le manaomia le tele o se sauniuniga. Ia faamanino atu o ia gaoioiga e mafai lava ona faataunuina e aunoa ma le fuafuaina. (O auala atonu e aofia ai le taaalo i le uluai timu aisa, taaalo i se taaloga faaleaiga, tōtōina o se togalaau, po o le asiati i se tagata matua e tuaoi.)</p> <p>POO LE</p> <p>Fai atu i tamaitai talavou e ta‘u mai gaoioiga faaleaiga na e manaomia ai le fuafua mamao atu ma e faigata foi, e pei o le aoaoina faatasi o se mea fou, faatuina po o le fausiaina o se mea, amataina o le faaputuina o meaai, fuafuaina se galuega auauna atu faaleaiga, alu se malaga, po o le fuafuaina foi o se faatasiga faaleaiga. O afea ae faapefea foi ona latou faaali atu o latou manatu e uiga i se gaoioiga autu i o latou aiga? E faapefea ona latou avea le fuafuaina ma se vaega o le gaoioiga?</p> <p>Ia faamalamalama atu o nisi taimi o gaoioiga faatauvaa faaleaiga e mafai ona avea ma mea e faauau ai pea le naunau ma le aafia o le aiga:</p>
Tala	

E iai se uili taavili a se aiga i Austria ua sili atu i le 100 tausaga le matua. E fiafia tele i latou a aoao e faataavili le uili. E oo lava i le tamā o le aiga na ia aoao ona vili le uili i se aso e tasi. E oo mai nei ua vili e le aiga atoa le uili i o latou taimi avanoa, ma faia ai e i latou ni ‘ie lalaga matagofie. E masani lava ona tātā le kitara a se tasi o tamaitai ma pese a’o vili e isi le uili. Ua le gata ina fesoasoani lea gaoioiga i le aiga e faia ai e i latou mea latou te manaomiaina ae ua tosina mai ai foi nisi uo le lolotu. (tagai i le tala a Marion G. Romney, “A Close- Knit Family, “The New Era, Jan. 1979, pp.27-29).

Faamatalaga
a le faiaga

Ia faamalamalama atu o nisi taimi e mafai ona avea gaoioiga faaleaiga e fai ma masani. Atonu o le a mananao tamaitai talavou e fesoasoani e faia se galuega faaleaiga pe faavaeina foi se faiga masani e fesoasoani i o latou aiga e manatua pe faamanatu ai foi se mea faapitoa na tupu. O nisi aiga ua latou faia se ie lalaga e su’i ai se faaupuga faaleaiga po o se mau faapitoa; o isi ua latou faapipii ai ata o le aiga i se isi auala faapitoa; o isi ua latou tuufaatasia ni tamaitusi ma ni ata atoa ma ni tala mai olaga o o latou tuaa . O nisi ua latou aoao e uiga i o latou tuaa e ala i le faamatalaina lea o se tala e uiga i ai latou i le aso e faamanatu ai o latou aso fanau.

Talanoaga

Fasino i le mau o lo o i le laupapa

- O a ni mea taua e mafai ona faataunuina i le faia o gaoioiga faigofie faaleaiga?
(Lotogatasi o le aiga, masaniga, galuega faaleaiga, atinaeina o taleni.)

Faauga

Upu sii

Na tuuina mai i ai tatou e le Au Peresitene Sili nisi o fautuaga faapitoa e uiga i le taimi tatou te faaaluina faatasi o ni aiga e faapea: “Ia outou talanoa faatasi e le aunoa ma fefaaalai ai ni faafitauli ma ni faamanuiaga o lea aso ma lea aso. Fuafua faatasi a outou galuega ma gaoioiga ia faia e le tagata lava ia lana lava vaega, ma fesoasoani ia maua ai se aiga fiafia. Matou te folafola atu, a’o outou faia nei mea ma a’o outou tatalo faatasi ma o outou aiga e le aunoa, pepese faatasi, faitau ma talanoaina faatasi tusitusiga paia, ma fetufaai a outou molimau e le tasi i le isi, o le a faatuputeleina le alofa ma le toafimalie i totonu o o outou aiga” (Tusi Lesona o Afiafi Faaleaiga, 1979-80, itulau v).

Ia faamamafa atu le folafolaga mai le Au Peresitene Sili, o le a faatuputeleina le “alofa ma le toafimalie” i o outou aiga a’o latou fesoasoani i le faia faatasi o ni gaoioiga e le faagaloina. E mafai e tamaitai talavou taitoatasi ona faia mea e tele e fesoasoani ai i o latou aiga ia fai faatasi a latou gaoioiga e fiafia ai.

Faatinoga o le Lesona

Fai atu i tamaitai talavou taitoatasi ia lagolagoina e ia gaoioiga uma ua fuafuaina mo lona aiga i lenei vaiaso pe fautua atu foi se gaoioga mo lona aiga e auai iai.

Gaoioiga Fautuaina

E mafai ona fuafuaina se gaoioiga e fai i le gasologa o le vaiaso ina ia mafai ai e tamaitai talavou ona fai se taga o mea e faafafia ai le aiga mo o latou lava aiga.

O Sootaga o le Aiga Lautele

FAAMOEMOEGA	O le a saili tamaitai talavou taitoatasi e faamalosia sootaga ma tagata o o latou aiga lautele.
SAUNIUNIGA	<ol style="list-style-type: none"> 1. Ia saunia ni kopi o le fesili “O ai a‘u” mo tamaitai talavou taitoatasi. Ia saunia ma ni penitala. 2. Ia faaali atu ata eseese o tagata o aiga lautele o lo o faifai mea faatasi. 3. Ia tofia ni tagata se toalua o le vasega e sauni e faamatala mai ni auala e faamalosia ai e o latou aiga le fesootaiga ma tagata o le aiga lautele. 4. Ia tofia ni tagata se toalua o le vasega e faamatala ototo mai le tala ia Ruta ma Naomi (tagai i le Ruta 1-4) ma Ietero ma Mose (tagai i le Esoto 18:7-27). 5. Ia tofia ni tagata o le vasega e faamatala mai ni tala, mau po o ni upu sii e te manao i ai.
FAUTUAGA MO LE FAALAUATELEINA O LE LESONA	Faatomuaga
Pepa e tufaina atu	<p>Fai atu i tamaitai talavou taitoatasi e faatumu le fesili lea “O ai A‘u?”.</p> <p><i>O Ai A‘u?</i></p> <p>Faatumu avanoa na e faatatau ia te oe i ni igoa se tele e te mafaia.</p> <p>O a‘u o le afafine o _____</p> <p>O a‘u o le uso o _____</p> <p>O a‘u o le uso faaletulafono o _____</p> <p>O a‘u o le tama a le tama teine _____</p> <p>O a‘u o le tama a le uso o _____</p> <p>O a‘u e tausoga o ma tamā ma _____</p> <p>O a‘u o le uso o le tina o _____</p>
Faamatalaga a le faiaoga	Ia faamalamalama atu o aiga e masani lava ona aofia ai ni matua ma a latou fanau, ae aofia ai foi ma isi tagata e pei o matua o matua, uso o tina, uso o tama, tausoga tama po o tina, taitoalua o tuagane ma uso, fanau teine a uso po o tuagane, atoa ma fanau tama a uso po o tuagane. O isi ia tagata e tau iai e ta‘u o tagata o le aiga lautele, ma e mafai ona faaleleia atili ai lio o o tatou lava aiga.
Talanoaga	<p>Fai atu i tamaitai talavou e faitau pe fia tagata o o latou aiga lautele na latou tusia i lalo.</p> <p>Ia faamalamalama atu o le tele lava o tagata e toatele tagata o o latou aiga lautele e mafai ona latou faatupuina se fesootaiga tumau.</p>
Faamatalaga a le faiaoga	<p>E Tatau Ona Tatou Faamalosia Sootaga ma Tagata o Aiga Lautele</p> <p>Ua tuuina mai i ai tatou e tusitusiga paia ni faataitaiga e tele o auala na faavaeina ai e tagata lautele o aiga ni sootaga malolosi, ma faaalia ai le alofa tele ma le popole o le tasi i le isi. O se tasi o faataitaiga, o Iosefa o lē na faatauina atu i Aikupito e ona uso. Na avea Iosefa ma se taitai i Aikupito, ma na o atu ia te ia ona uso o ē na faa‘ole’ole ia te ia, e saili se fesoasoani. Na latou leiloa o lo latou uso lea sa latou faatauina atu i tausaga e tele ua mavae. Na faigofie lava ia Iosefa ona saili e taui atu ma sui, ae peitai nai lo o lena, na ia</p>

	<p>folafola atu o le a le gata ina fesoasoani i ai latou, ae faapena foi a latou ava, atalii, afafine, ma i latou uma o fanau a lona tamā. (Tagai i le Kenese 45; 47: 11-12.) Na mafai ona avea o ia ma se faamanuiaga sili i lona aiga atoa.</p>
Faamatalaga a tagata o le vasega	<p>Fai atu i tamaitai talavou na muai tofia e faamatala mai tala ia Ruta ma Naomi (tagai i le Ruta 1-4), ma Mose ma Ietero (tagai i le Esoto 18: 7-27).</p> <ul style="list-style-type: none"> • O le a se mea e mafai ona tatou aoaoina mai nei tagata e uiga i le finagalo o le Alii pe faapefea ona tatou galulue faatasi ma tagata o o tatou aiga lautele?
Upu sii	<p>Ia faamalamalama atu ua uma ona fautuaina i tatou i aso nei e gata ai ia faatupuina le fesootaiga vavalalata ma tagata o o tatou aiga lautele. Na saunoa mai Peresitene Spencer W. Kimball e faapea: "E tatau ona tatou uunaiina a tatou fanau ia latou iloa o latou aiga. E manaomia ona tatou talanoa e uiga i ai latou, taumafai ia fesoottai ma i latou, asiasi i ai latou, ia auai i faalapotopotoga faaleaiga, ma isi." (O Le Liahona, Iulai 1975, itulau 4).</p>
Talanoaga	<ul style="list-style-type: none"> • Aisea e te manatu ai e taua ona tatou iloa o tatou aiga? <p>Ia faamamafa atu vaega nei: (1) O le alofaina o i tatou e tagata o o tatou aiga lautele e mafai ai ona tatou maua le lagona puipuia ma maua ai le lagona o le auai i le aiga. (2) Ua i ai tatou se tiutetauave o le fesoasoani i tagata o o tatou aiga lautele, ma tatau ona iloa mea latou te manaomia ina ia mafai ona tatou fesoasoani atu pe a tatau ai. (3) O le a mafai ona sili atu a tatou sailiga o gafa faaleaiga ma maua mai igoa o isi tagata o le aiga mo galuega faalemalumalu, pe afai tatou te galulue faatasi o se aiga lautele.</p>
<hr/>	
	<h3>E Tele Auala e Mafai Ai Ona Tatou Faamalosia Nei Sootaga</h3>
Faamatalaga a le faiaoga	<p>Ia faamalamalama atu e faigofie ona faapea atu tatou te pisi tele, e mamao ese, pe tatou te le ano foi e faamalosia lo tatou sootaga ma tagata o o tatou aiga lautele. Ae peitai o le tuuina atu o sina galuega maelega itiiti ma tuuina atu sina taimi, e mafai ona tatou fai fai mea faatasi ai ma tagata o o tatou aiga lautele ma o le a avea ma nisi o taimi sili ona faagalogatā.</p>
Faamatalaga a le tagata o le vasega	<p>Fai atu i tamaitai talavou na muai tofiaina e faamatala mai i le vasega ni auala na faamalosia ai e o la aiga le fesootaiga ma tagata o o latou aiga lautele.</p>
Talanoaga	<ul style="list-style-type: none"> • O a nisi auala e mafai ai ona faamalosia nei sootaga? <p>Atonu e aofia i tali ia faatasiga faaleaiga; tusi faaleaiga; galulue faatasi i le faiga o gafa; faavaeina pe auai i faalapotopotoga faaleaiga; valaaulia tagata o le aiga lautele i aso fanau, papatisoga, faaipoipoga; galulue faatasi i le faia o se galuega mo se tagata o le aiga o lo o manaomia se fesoasoani; fesoasoani i tagata o le aiga i taimi o faalavelave ma mala tutupu faafuasei.</p>
Tala	<p>Ia faamalamalama atu o se tasi auala e faamalosia ai le fesootaiga i le aiga lautele o le fuafuaina lea o se gaoioiga faafafia e faia e mafai ona faatasitasi uma atu iai tagata o le aiga. O na gaoioiga e mafai ona aofia ai ni tafaoga, faamanatuina o se aso fanau, faiga malologa faatasi, pe na o le asiasi atu foi i le fale o se tasi.</p>
	<ul style="list-style-type: none"> • O a ni gaoioiga sa e fiafia ai faatasi ma lou aiga lautele?
	<p>O se tasi auala e faamalosia ai le fesootaiga i le aiga lautele e ala lea i tusitusiga, e pei ona faaalia mai i le tala lenei i se tamaitai talavou ma sona tina matua.</p>
	<p>Na manao Nancy e ave sana meaalofa faapitoa mo lona tina matua mo lona aso fanau. Sa nofo latalata lava Nancy i lona tina matua seja oo i lona tausaga mulimuli i le aoga mauluga, lea na siitia ese ai loa lona aiga. Ma ua le toe tele ai sona taimi e vaai ai o ia i lona tina matua e pei o le mea sa masani ai muamua. Na tonu ia Nancy o le a ia tusiina atu se tusi i lona tina matua e faamanatu ai mea uma lava faapitoa sa masani ona la faia faatasi. Sa ia faailoa atu lona alofa, agaga talisapaia, ma lona loto faafetai. Na fiafia tele lona tina matua na maligi ona loimata i le fiafia. Talu mai lena taimi, sa ia ta'uina atu pea ia Nancy i le tele o taimi le taua tele o lana tusi ia te ia. Na ia faitau ma toe faitau lena tusi ma sa ia auina atu foi ni kopi o lena tusi i nisi tagata o lona aiga.</p>
Talanoaga	<ul style="list-style-type: none"> • O le a sou manatu aisea na tali mai ai faapea le tina matua? O le a se mea e mafai ona e faia e faatupuina ai lea ituaiga sootaga vavalalata ma tama ma tina matutua?

	O Le A Oo Mai Faamanuiaga Ona o Sootaga Faaleaiga Lautele
Faamatalaga a le faiaoga	Ia faamalamalama atu e toetoe lava soo se tasi e malaga ese mai lona aiga, o uo, mo se taimi umi e le pine ae ona iloaina le tele o mea lelei e maua pe a malolosi ia sootaga faaleaiga. E faigofie lava, ae peitai, e tatou te le talisapaiaina pe a tatou vaai soo iai i taimi uma.
Gaoioiga ma le talanoaga	O nisi o tamaitai talavou oi le vasega atonu o le a tuua e i latou o latou aiga i ni tausaga o lumanai mo aoaoga po o galuega. Ia fai atu i tagata uma o le vasega e manatu ifo faalemafaufau faapea o lea ua latou tuua o latou aiga ma e le o nofo latalata i se tagata o o latou aiga lautele. Fai atu lea iai e ta'u mai nisi o mea o le a pito misia e i latou mai lo latou vavalalata ma tagata o o latou aiga lautele. (O nisi o a latou tali atonu e aofia ai ni 'aiga faaleaiga, se faauoga vavalalata ma se tasi e tausoga tama po o tina, o le siisii o sona tei pepe faatoa fanau mai, talatalanoa i se uso o sona tina e fiafia iai, tietie solofanua i se solofanua a le uso o lona tama, vaai atu i le laufofoga fiafia o tina matua ma 'ai i ana kuka mananaia, ma taaloga, pati, ma le faailogaina faatasi o aso faailogaina.)
Faamatalaga a le faiaoga	Ia faamalamalama atu e tusa lava pe tatou te nonofo vavalalata pe vavamamao foi ma tagata o o tatou aiga lautele, e tatau lava ona tatou faaaogaina ma faatauaina le tele o faamanuiaga na latou aumaia i o tatou olaga.
	Na faamatalaina mai e le susuga a Elder Vaughn J. Featherstone se tala i le ala na avea ai lona tina matua ma se aafiauga maoae i le tuafafine o lona tama:
	"E iai se tuafafine o lo'u tama o Beryl Hollindrake e ese le lelei. Na ia faamatala mai ia te a'u, pe tusa o le tolu i le fa o ona tausaga, e masani ona tago lona tina matua o Featherstone ma faanofo o ia i luga o ona vae ma faamatala atu ia te ia le tala e uiga i le Faaola, ma tala mananaia uma lava. Ona ia faamatalaina atu lea ia te ia le tala na faamatalaina atu e lona tina e uiga i le faamasinoga o le Faaola ma lo latou sasaina o ia ma faatauemuga ia te ia, ma feanu ia te ia- lo latou tosoina o ia ma faamalosi ona faasatauro o ia, ma tutu'i fao lapopoa i ona lima ma le sau. Na ia faapea mai, 'A'o faamatalaina mai e lo'u tina matua nei tala ia te a'u, e maligi ifo ona loimata ma tafe ifo i ona alafau.' Ma ia faapea mai, 'O luga lava o vae o lo'u tina matua na ou aoao ai ou te alofa i le Faaola ma lo'u loto atoa ma lo'u agaga atoa'" (in Conference Report, Oct. 1974, p. 39; poo le <i>Ensign</i> , Nov. 1974, p. 30).
	• Pe na faamalosia ea e se tagata o le aiga lautele lau molimau i le talalelei? I le a le auala?

Faaiuga

Ia faamanatu atu i tamaitai talavou, e moni o tagata o aiga lautele o se faamanuiaga lava i ai latou. E tatau ona latou mulimuli i fautuaga ua tuuina atu e o latou taitai ma faavanoa so latou taimi ma latou faia ni taumafaiga e faamalosia ai ia fesootaiga. O ia fesootaiga o le a faatamaoaigaina ai o latou olaga ma avea ma faamafanafanaga ma malosiaga e mafai ona latou faalagolago iai.

Faatinoga o le Lesona

Fai atu i tamaitai talavou e filifili se tagata o o latou aiga lautele e mananao i latou e fia faalatalata iai, ma faaaoga se tasi o auala na talanoaina i le lesona e faamalosia ai lena sootaga.

Aoao e uiga i le Perisitua

O Faamanuiaga o le Perisitua

FAAMOEMOEGA O le a malamalama atili tamaitai talavou taitoatasi e uiga i le perisitua ma faamanuiaga e ala mai i le mana o le perisitua.

SAUNIUNIGA

1. Ata 8. Sauniaina o le Laulau Faamanatuga; ata 9, Tamaitai Talavou o Lo o Papatisoina; ata 10 Teineititi o lo o Faamauina. O lo o maua uma i tua o le tusi lesona.
2. La saunia se pepa lautele e tusi ai le ata o le lio faaleperisitua o lo o faaalia i le lesona.
3. Faatasi ai ma le faatagaga mai lou taitai perisitua, ia fesili atu i se tama o se tasi o tagata i le vasega po o se tasi na te umiaina le Perisitua Mekisateko, e talanoa i ni nai auala o lo o ia faaaogaina ai lona perisitua e faamanuiaina ai isi.
4. Ia tofia ni tamaitai talavou e faamatala mai soo se tala, mau, po o ni upu sii e te manao iai.

**FAUTUAGA MO
LE FAALAUATELEINA
O LE LESONA**

Faatomuaga

- O le a le perisitua?

Upu sii

Faitau le upu sii lenei pe faia lava i ni au upu se aotelega o nei faamatalaga:

“O le perisitua o le pule ma le mana a le Atua. Na ia te Ia talu le amataga ma o le a faaaauau pea ona iai seia oo atu i le faavavau uma (tagai i le MFF 84:17). O le perisitua lava na Ia foafoaina ai, faataunuina ai, taitai ai, faaolaina ai, ma faaeaina ai.

“E tuuina mai e le Atua le mana o le perisitua i alii agavaa uma o le Eklesia, o ē latou te mauaina e ala i valoaga ma le faaee atu o lima o Ana auauna tofia (tagai Mataupu Faavae o le Faatuatua 1:5; Eperu 5:1,4). O le perisitua e mafai ai e tagata ona galulue i le suafa o le Atua mo le faaolaina o le fanauga a tagata. O le perisitua e mafai ai ona tofia i latou e talai atu le talalelei, fai sauniga o le faaolataga, ma taitai le malo o le Atua i le lalolagi” (*Tusi Taulima a Taitai o le Perisitua Mekisateko*, itulau 5).

E Lua Perisitua ua i ai Tatou: Arona ma le Mekisateko

- O a igoa o perisitua e lua o lo o i ai i le Eklesia?
- O a nisi ‘o vaega e eseese ai i la’ua?

Talanoaga o le mau

Ia faitauina e tamaitai talavou le Mataupu Faavae ma Feagaiga e 107:1, 6-8.

- O a tofiga e i totonus o le Perisitua Arona?

Ia faamalamalama atu o tofiga i le Perisitua Arona o tiakono, aoao, ositaulaga, ma le epikopo. Ae peitai o epikopo e filifilia mai le Perisitua Mekisateko aua o i latou o lo o umiaina le Perisitua Mekisateko o lo o iai le pule e galue ai i korama uma a le perisitua maualalo (tagai i le MFF 68: 14-15; 107: 14-17).

- O a nisi o fiutetauave a i latou o lo o umiaina le Perisitua Arona?

Ia faitauina e tamaitai talavou le Mataupu Faavae ma Feagaiga e 13.

Ia faamalamalama atu o i latou o umiaina le Perisitua Arona latou te tufaina atu le faamanatuga, aoina le taulaga anapogi, ma fesoasoani i le epikopo i le vaaia o tagata o le uarota. O i latou o ositaulaga e mafai ona latou faamanuiaina le faamanatuga ma papatisoina tagata fou.

- O a tofiga e i totonus o le Perisitua Mekisateko

Faamatalaga a le faiaoga	Ia faamalamalama atu o korama a le Perisitua Mekisateko o toeaina, fataulaga sili, peteriaka, Fitugafulu, ma Aposetolo. O i latou o lo o umiaina lenei perisitua ua iai le mana latou te taofia ai faamanuiaga faaleagaga o le Ekalesia (tagai i le MFF 107:18). Afa i galue i lalo o le taitaiga a se taitai pule faamalumalu, atonu e mafai ona latou papatiso, tuuina atu le meaalofa o le Agaga Paia, faauuina alii i korama a le perisitua, ma faataunuina sauniga o faamauga i totolu o malumalu. Atonu e mafai foi ona latou faauuina mai ma fai isi sauniga. E mafai ona latou faataunuina galuega uma a le Perisitua Arona. O alii uma ua agavaa latou te mauaina le Perisitua Mekisateko, ua latou tauaveina i o latou luga se matafaioi pa'ia, ua ta'uua o le tautoga ma le feagaiga a le perisitua.
Talanoaga i le laupapa	Ia faitauina e tamaitai talavou le Mataupu Faavae ma Feagaiga e 84: 33-44 ma talanoaina fuaiupu. Ia tuu atu faamatalaga nei i luga o le laupapa.

Tautoga ma le Feagaiga a le Perisitua

Na Folafola atu e le Atua i ai Latou e Umiaina le Perisitua

1. O le a faapaiaina i latou e le Agaga
2. O le a faafouina o latou tino
3. O le a avea i latou ma suli filifilia o le Atua
4. O le a latou taliaina le Tama ma le Alo
5. O le a latou mauaina uma mea o iai i le Tama ma avea ma atua


Na Folafola atu e i Latou o Umiaina le Perisitua i le Atua

Ia mauaina le perisitua ma faalauteleina

- O le a le mea na folafola atu e le tagata o umiaina le perisitua i le Atua?
- O le a le mea na folafolaina atu e le Atua i le tagata na te umiaina le perisitua o lē na te faamamaluina le tautoga ma le feagaiga a le perisitua?
- O le a sou manatu o le a le uiga o le folafolaga a le Alii i e faatuatua “o mea uma foi o iai i lo‘u Tamā”? (Ua ia folafola mai le ola e faavavau.)

E oo mai Faamanuiaga Silisili i Alii ma Tamaitai e Ala mai i le Perisitua

Talanoaga	Ia faamalamalama atu e mafai e i latou o umiaina le perisitua ona tuuina atu faamanuiaga silisili i isi pe afai latou te faamamalu i feagaiga a le perisitua.
Laupapa ma ata	Fai atu i tagata o le vasega e mafaufau i le fesili lea: O a faamanuiaga o le perisitua o lo o avanoa mo tamaitai uma oi le Ekalesia? Ia faaali atu ata o sauniga a le perisitua e talafeagai ai i le taimi o le talanoaga. Tusi faamatalaga a tamaitai talavou i luga o le laupapa. Ia mautinoa ia maua uma e tamaitai taitoatas i le avanoa e tuu atu ai sana tali. O tali atonu e aofia ai: papatisoga mo le faamagaloina o agasala, faamauna ma le mauaina o le meaalofa o le Agaga Paia, o le faamanatuga, o le faaeega i le malumalu, faaipoipoga i le malumalu, sauniga o le malumalu mo e ua maliliu, o le igoa o se pepe ma le faamanuiaga, o se faamanuiaga faaletamā, faamanuiaga o e mamai, faamanuiaga faapeteriaka, faamanuiaina mo se tofiga i le Ekalesia, taliaina o faiaoga o aiga, faatalanoaga a le tagata lava ia ma uso e le au epikopo.
Pepa lautele	Fesoasoani i tamaitai talavou ina ia latou vaai i le tele o faamanuiaga taua i o tatou olaga e ala mai i le perisitua. Ia faaali atu le ata lautele o le li‘o o le perisitua. Ia faamalamalama atu o vaega o le li‘o o lo o faamanino mai ai le ala e faalauteleina mai ai e le Tama Faalelagi faamanuiaga o le perisitua i tagata uma o le Ekalesia.



Ia faamalamalama atu o faamanuiaga o le perisitua ua faasafua atu i tamaitai uma o le Ekalesia, e tusa pe le o iai se tasi na te umiaina le perisitua i totonu o lona aiga. O faamanuiaga taitasi e pei ona taua i lenei lesona o lo o maua e ala i ai latou o umiaina le perisitua o lo o lisiina atu i le li'o o le perisitua.

Tala

Ia faamatala atu le tala lenei i se tamaitai talavou o lē sa ia mauaina ni faamanuiaga silisili e ala i le mana o le perisitua.

Na soifua mai Jane Snyder Richards i totonu o le Iunaite Setete i le 1823. Sa tau ane ai lona tuagane o Robert i le taimi na toeitiiti ai lava maliu i le Feagaiga Fou e uiga i le papatisoga e ala i le faatofu ma ia tatalo ina ia iloaina poo ai na te mafaia ona faatunuina ma le sao lenei sauniga. Na ia faalogoina i lona mafaufau le igoa o "John E. Page". E lei leva ae ona ia iloaina o John E. Page o se faifeautalai mai le Ekalesia na ia sau ma talai i la latou eria. Ina ua mavae ona ia talosaga mo lona papatisoga ma lona mauaina o faamanuiaga o le perisitua mai ia Elder Page, na toe maua le malosi atoatoa i le tino o Robert ma ia alu atu ai ma papatisoina le faitau fiaselau o tagata.

Ina ua atoa le sefuluono o Jane, na papatisoina ai le toatele o tagata o lona aiga, a'o Jane e leai. Sa matuai mai tigaina lava o ia, ma e le'i maua se fomai e fofoina. Na foi mai Robert mai lana galuega faamisiona ma asiiasi atu ia te ia. I ni upu a Jane:

"Ina ua ia foi mai ma ia iloaina o lo o o'u mai, sa ia popole tele ma tatalo ma anapogi mo au... e aunoa ma se vai poo se meaai mo le tolu poo le fa aso. . . . Na ia sau i totonu o lo'u potu ma ia fai mai ia te au, 'Tuafafine, ou te moomoo maimau pe ana ua e papatiso.'

"O le taeao na sosoo ai. . . na matuai pe atoa ai lou tino ma ua pei lava ua ou oti. E lei mafai ona ou toe tautala pe gaoioi, e ui ina ou mafai ona ou malamalama i mea uma ma lue atu iai ma lo'u ulu. Sa tagi lo'u tuagane i ou tafatafa ma ia toe fai mai foi maimau pe ana ua ou papatiso. Ona ia fai mai lea pe mafai ona ia faamanuiaina au i le suaau ma tatalo mo au. . . . A'o ia tatalo sa oo mai se malamalama i lo'u mafaufau, ma ou vaai manino atu ai e pei o se tusi o fofola mai i ou luma o lo o tusia mai ai i totonu le manaomia ona ou papatisoina. Afai o Keriso o le e leai sana agasala ae sa manaomia ona papatisoina, pe o le a ou taumafai ea ia ou sili atu nai lo ia?

"I le taimi lava lena, na alu ese atu ai le tiga mai ia te au. Ua leai se toe pe o lou tino. Ae na o lou vaivai. A'o tu a'e i luga lo'u tuagane, sa ou talosaga atu iai mo le papatisoga. Sa ia finau mai o le a faigata ona o lea ua oo i le ogatotonu lemu o le taumalulu ma ua liu aisa uma le vai. Ae sa ou le fefe i le oti - ae na o lo'u manao lava ia ou papatiso.

"Talu ai ona o lo'u faatauanau atu pea o lea na aveina atu ai a'u i se tasi vaituloto i le aso na sosoo ai pe tusa ma le futu le mafafia o le aisa ua uma ona tata'eina. Ua tumutumu atu le toatele o tagata. O le toatele o nisi tagata na latou fai mai ia te au e molia nei lou tuagane pe afai na te faatofuina au a'o feagai au ma ni tulaga faigata. Ae peitai sa faataunuina lava, ma sa ou manuia talu mai lena taimi. . . . sa ou fai atu i tagata o nei mea uma sa ou faia i lau lava filifiliga saoloto, ma e le i faamalosia au e faia,. . . . ma e le

tatau ona latou faia se mea leaga i lou tuagane aua sa ia faia le galuega a le Atua ma o le a faasalaina i latou e le Atua pe a latou faia." E lei moliaina Robert, ma sa faamaloloina Jane ona o se vavega, ma e lei aafia o ia talu mai lena mea. (Autobiography sketch of Jane Snyder Richards, in LDS Historical Department, pp. 1-7.)

- O a ni auala na faamanuiaina ai Jane e le perisitua. (Na faamanuiaina e lona tuagane ao mai o ia. Na ia papatisoina o ia, ma sa faamaloloina o ia ma mauaina sana molimau i le talalelei.)
- O le a se mea na faagaeetia ai oe e uiga ia Jane? O le a se mea na e aoaoina mai lona olaga?

Upu Sii

Aotelega e ala i le faitauina o upu sii o lo o mulimuli mai:

"O le perisitua e mo le faamanuiaina uma o - tamā, tina, ma fanau. E ala mai le perisitua le mafai ona tatou mauaina ma faataunuina sauniga o le talalelei, e aofia ai le papatisoga, faamauga, le faamanatuga, o sauniga uma o le malumalu, e aofia ai le faamauina mo le taimi nei ma le faavavau atoa, ma galuega mo e ua maliliu. O le mana o le perisitua e faamaloloina ai mai, savavalii ai e ua pipili, pupula ai tauaso, ma faalogo ai e tutuli, e tusa ma lo latou faatuatua ma le finagalo o lo tatou Tama oi le Lagi. O faamanuiaga o le perisitua e faamafanafanaina ai e faanoanoa, ma fesoasoani atu ai i e ua mafatia" (N. Eldon Tanner, "The Priesthood of God," *Ensign*, June 1973, p. 6).

"O tamaitai talavou, faapena foi ma alii talavou, ua latou olioli i le toefuataiina mai o le perisitua. Ua tatou olioli. . . . aua o le perisitua na toefuataiina mai ina ia faamanuiaina uma ai aiga uma. O le mana o le perisitua e tuufaatasia ai tama ma tina, atalii ma afafine, ma aiga pe a faaaogaina sa'o. E iai se mafuaaga tatou te olioli faatasi ai. O le faatasitasi i le fiafia o le finagalo tonu lena o le fuafuaga a lo tatou Tama oi le Lagi mo ona atalii ma ona afafine. O se fuafuaga matagofie tele ma e tofu i tatou ma se vaega iai" (Ardeth G. Kapp, "Together in Righteousness," *New Era*, June 1986, p. 20).

Faamatalaga a le tagata asiasi.

Fai atu i le tamā na tofiaina e talanoaina nisi o auala na ia faaaogaina i lona perisitua e faamanuiaina ai nisi o ona tuaoi.

Talanoaga

- E faapefea ona avea se tamaitai talavou ia lelei ina ia mafai ona ia mauaina faamanuiaga o le perisitua?

Ia faamamafa atu afai tatou te ola agavaa, e mafai ona tatou mauaina faamanuiaga e ala mai i le perisitua.

Faaiuga

Molimau

Ia tuuina atu lau molimau e uiga i faamanuiaga e mafai ona tuuina mai e le perisitua i o tatou olaga. Ia faamamafa atu, talu ai ona e taua tele i o tatou olaga le mana ma faamanuiaga o le perisitua, o tamaitai talavou taitoatasi uma ua iai le tiutetauave ia malamalamai ai i le perisitua ma faamalosia alii talavou uma ina ia faalauteleina o latou valaauga. E taua tele lona ola agavaa o ia lava ma filifilia se alii agavaa o umiaina le Perisitua Mekisateko e avea ma ana tane.

E Mafai e le Perisitua Ona Faamanuiaina Aiga

FAAMOEMOEGA	O le a malamalama ai tamaitai talavou taitoatasi pe faapefea ona faamanuiaina aiga e le perisitua.
SAUNIUNIGA	<ol style="list-style-type: none"> 1. Ia saunia ni pepa ma ni penitala mo tamaitai talavou taitoatasi. 2. Ia saunia se kopi e tufaina atu “O Tiutetauave o se Tama” mo tamaitai talavou taitoatasi. 3. Ia tofi ni tamaitai talavou e faamatala mai ni tala, mau, poo ni upu sii e te manao iai. <p>Faaaliga: Atonu e iai nisi o tamaitai talavou i totonu o lau vasega e le o iai nisi o iai le perisitua i o latou aiga. Ia e saunia mo ni lagona e aliali mai i nei tamaitai talavou ina ia aua nei faalotovaivaiina ai i latou ona o lenei lesona. E tatau i tamaitai talavou ona faaaloalo i o latou tama e tusa pe latou te le o mauaina le perisitua. O aoaoga o lo o tuuina atu i lenei lesona e mafai ona faaaogaina i soo se mea i o latou aiga ma e tatau ona aoao i ai e faaaogaina i ni o latou aiga i le lumanaí.</p>
FAUTUAGA MO LE FAALAUATELEINA O LE LESONA	E Tatau i ē Umiaina le Perisitua Ona Taitai o Latou Aiga i le Amiontonu
Upu sii ma le talanoaga	<p>Faitau ma talanoaina upu sii nei:</p> <p>“Na faaali mai e le Atua e ala mai i ana perofeta e faapea o alii latou te mauaina le perisitua, avea ma tama faatasi ma le agamalu ma le loto mama, ma le alofa e le uma e tatau ona taitaia ai o latou aiga i le amiontonu e pei o le Faaola ona ia taitaiiina le Ekalesia (tagai i le Efeso 5:23). O le tiutetauave muamua ua tuuina atu ia te i latou o le vaia lea o manaoga faaletino o le aiga (tagai i le MFF 83:2)” (M. Russell Ballard, <i>Liahona</i>, Ian. 1994, p. 90).</p> <p>“E leai se pule e sili atu i mataupu e fitoitonu i le aiga, aemaise lava pe afai o pule faamalumalu ai se tasi na te umiaina le perisitua, poo le tama. O lenei pule e faamamaluina i taimi uma, ma e faaaloalogia tele e tagata uma o le Atua i augatupulaga uma ma e masani ona faamamafaina mai i aoaoga a perofeta o e musuina e le Atua. O le faatulagaga faapeteriaka o se valaauga faalelagi ma o le a faaauauina pea i le taimi nei ma le faavavau” (Joseph Smith, “The Rights of Fatherhood,” <i>Juvenile Instructor</i>, 1 Mar. 1902, p. 146).</p> <ul style="list-style-type: none"> • O a tiutetauave na tuuina atu e le Atua i tama? • O a ni auala e mafai ai e i latou o tauaveina ma le amiontonu le perisitua ona faamanuiaina o latou aiga? <p>Ia faamalamalama atu ua tuuina atu e le Atua i tama le tiutetauave e taitaia o latou aiga i le amiontonu i le faaaogaina lea o le mana o le perisitua. O lea taitaiga e mafai ona aumaiia ai faamanuiaga silisili i aiga. Afai e leai se tama i le aiga poo le lē umiaina foi e le tama o le perisitua, atonu e maua e le aiga faamanuiaga o le perisitua e ala mai i nisi e agavaa latou te aiga, o le epikopo poo le peresitene o le paranesi, taitai o korama, ma faiaoga o aiga ua tofiaina i le aiga. O faamanuiaga o le perisitua e avanoa mo tagata uma o le Ekalesia.</p>
Talanoaina o le mau	<p>Ia faamalamalama atu na tuuina atu e le Atua i taitai o le perisitua ia taiala i auala latou te taitaia ai o latou aiga. Ia faitauina e tamaitai talavou le Mataupu Faavae ma Feagaiga 121: 41-45.</p> <ul style="list-style-type: none"> • O a ni tulaga faaletaitai e ao ona atinaeina e i latou o umiaina le perisitua? <p>Atonu e te manao e tusi atu mea nei i luga o le laupapa, e aofia ai le faatauanau, faapalepale, agalelei, agamalu, ma le alofa faamaoni, malamalama mamā, ia aoai faamalosi</p>

atu pe a uunaiina e le Agaga Paia, ia faaalia le faateleina o lou alofa, alofa moni, ma manatu mamā. Ia toe iloilo le uiga o nisi o nei upu faatasi ma tamaitai talavou ina ia mautinoa ua latou malamalama iai.

- O le a sou lagona e uiga i le taitaiina e se tasi e iai nei tulaga?

E Tele Tiutetauave o Tama

Talanoaga

Ia faamalamalama atu e tele naua tiutetauave taua o tama a o latou taumafai atu e taitaiina o latou aiga i le amiontonu. Ia fesili atu i tagata o le vasega e ta'u mai nisi o tiutetauave o lo o iai ia tama.

Pepa e tufaina atu

Ia tufatufa atu kopi o pepa e tufaina atu na e saunia. Fai atu i tagata o le vasega e faiatua mai faamatalaga taitasi ma talanoaina. Ia faamalamalama atu o le lisi o nisi na o mea o lo o faapea ona galulue iai tama agavaa uma. Ia faamanino atu i la outou talanoaga e faapea, e tatau i tamaitai talavou ona fesoasoani i o latou tama a'o latou taumafai e faataunuina nei sini taua.

O Tiutetauave o se Tama

1. O tama o ulu i o latou aiga i le auala e pei ona faatonuina ai e le Alii (tagai i le Mataupu Faavae ma Feagaiga 121: 41-45).
2. O tama e iai le tiutetauave o le sauniaina ma le puipuiga i le faaletino mo o latou aiga (tagai i le Mataupu Faavae ma Feagaiga 83:2, 4-5).
3. O tama e alolofa ia latou fanau ma aoao atu ia te i latou le talalelei (tagai i le Mataupu Faavae ma Feagaiga 68: 25-28).
4. O tama o lo o latou umiaina le perisitua ua iai ia te i latou le aia ma le tiutetauave o le—
 - Tuuina atu o faamanuiaga o le faamafanafanaga i o latou taitoalua ma fanau.
 - Faamanuiaina o e mamai i totonu o o latou aiga.
 - Mauaina musumusuga ma faaliga mo le aiga.
 - Faaigoa ma faamanuia, papatiso, faamau, ma faauuina a latou fanau, i lalo o le taitaiga a le epikopo.
5. E faamalosia e tama tagata o le aiga e alagatatau ona auauna atu faafaifeautalai ma mauaina faamanuiaga o le malumalu.
6. E tausia e tama poloaiga ma faia ni faataitaiga lelei mo a latou fanau.
7. O tama o ni soa agavaa i a latou ava.
8. E fautua pea e le aunoa tama i o latou aiga ma faamausaliina pea le lelei o fesootaiga ma tagata o le aiga.

Ia tausia e tamaitai talavou lenei lisi. Ao latou fefaauo'a'i ma sauniuni mo se faaipoipoga, atonu o le a latou mananao e toe tomanatu i le lisi ina ia fuafua ai se alii talavou o le a avea ma tama lelei. E tatau i tamaitai talavou ona taumafai malosi ina ia fesoaosani i alii talavou e atinaeina nei ituaiga uiga.

Tulaga Aoaoina

Ia faitauina atu i le vasega tulaga aoaoina nei. Ia fai atu mo ni a latou fautuaga e uiga i ni auala e mafai ai e le tama ona faamanuiaina ma taitaiina lona aiga i tulaga aoaoina taitasi. Pe a mavae faamatalaga a le vasega e uiga i tulaga aoaoina taitasi, ia faiatua atu i ai fautuaga pe afai latou te le i tauina mai.

Tulaga aoaoina 1

O le aiga o Tomasi e toaono le la fanau. O le toatolu o i latou o ni talavou, ae o le isi vaega e i lalo uma ifo o le sefululua tausaga. O le teine matua e i le au soka, ma le toatele o le isi vaega o le fanau e iai i gaoioiga faalelotu ma le aoga. E toatele a latou uo ma e fiafia tele i latou i la latou uarota ma o latou tuaoi. O le uso o Tomasi na ofoina atu iai se tasi galuega lelei i se tasi itu o le atunu. Na feagai le aiga ma se taimi faigata i le filifiliga poo le a se mea a fai. E faapefea ona faaaogaina e le uso o Tomasi lona perisitua e fesoasoani ai i ai latou i le faia o se faaiuga sao?

Fautuaga: E mafai e le uso o Tomasi ona faia se fono faaleaiga e mafai ai e tagata uma o le aiga ona maua le avanoa e faaali mai ai o latou lagona. E mafai ona ia fai atu i le aiga e tatalo ma anapogi faatasi ma saili le taitaiga mai le Tama Faalelagi. I le avea ai ma ulu o le

aiga, ua tofiaina e le Alii le tama na te mauaina faaaliga mo manaoga o le aiga. O le toatele o le aiga e mafai ona fautua faatasi ma ia, tuuina atu ni fautuaga, ma saili se faamaoniga o lena faaiuga e ala i le Agaga Paia.

Tulaga Aoaoima 2

O Susana o se tamaitai talavou e sefuluono ona tausaga ma e iai ni ana uo fou. O nei uo o nisi taimi e ulaula ma e lei leva lava talu ona latou gaoia mai ni lavalava mai se faleoloa e latalata ane. E leiloa e matua o Susana ana uo fou, ae o lo o laua lagonaina e iai se mea e le o sao i le olaga o Susana. E mafai faapefea e lona tamā ona faaaogaina lona perisitua e fesoasoani ai ia Susana?

Fautuaga: Ua leva ona faamanuiaina Susana aua ua musuia ona matua ia laua iloina o lo o ia manaomiaina se fesoasoani. E mafai e matua o Susana ona faaali atu lo la alofa mo ia i le tele o auala ma faafaigofie ai ia te ia ona talanoa atu i ai laua. E mafai e lona tama ona faia sa la faatalanoaga ma Susana. E mafai ona ia ofo atu e na te tuuina atu se faamanuiaga faapitoa mo le malosiaga ma le atamai i le filifilia o ana uo ma le faia o filifiliga.

E Tatau i Tamaitai Talavou Ona Lagolago i o Latou Tama

Talanoaga i le laupapa

- O a ni auala e te mafai ai ona e fesoasoani i lou tama e faataunuina ona tiutetauave o le perisitua? (Afai o nisi tamaitai talavou e le o iai se perisitua i o latou aiga, e mafai ona latou tuuina mai ni fautuaga i ni auala e mafai ai ona latou fesoasoani i o latou tama poo tina e avea ma ni taitai lelei i aiga.)

Ia tusia a latou tali i luga o le laupapa. E mafai ona aofia mai i tali vaega nei:

- Faaaloalo ma alofa i lo'u tama ma usitai ia te ia i le amiontonu uma.
- Fesili i lo'u tama mo se faamanuiaga pe a manaomia, e pei o taimi o ma'i ma faigata.
- Faamalosia lo'u tama ma o'u tuagane i le faataunuina o o latou tofiga o le perisitua, e pei o valaauga faaletaitai i le Ekalesia, aoaoga i aiga, ma auai atu i fonotaga a le perisitua.
- Faaali le faaaloalo i taitai uma o le perisitua.

Gaoioiga tusitusi

Ia tufa atu i tamaitai talavou taitoatas i se fasipepa ma se penitala ma ia tusia e ia lava ni mea e manao na te faia e lagolago ma faamalosia ai i latou o lo o umiaina le perisitua i totonu o lona aiga.

O se tamaitai talavou e le o iai se perisitua i lona aiga e mafai ona ia lisiina i lalo ni mea e mafai ona ia faia e lagolago ai i le taitaiga a lona tama poo lona tina i totonu o lo latou aiga. O tamaitai talavou uma e tatau ona faamamalu ma lagolagoina o latou matua, e tusa pe le o iai se perisitua i totonu o o latou aiga.

Ia fetufaai manatu o tamaitai talavou pe a latou mananao ai. Ia faapena foi ona fautua mai e tagata o le vasega poo a mea e mafai ona latou faia ina ia latou mautinoa ai o le a taitaia o latou aiga e se perisitua i le lumanaia.

Faaiuga

Mau

Faitau le Efeso 6: 1-4. Talatalanoa pe faapefea e tamaitai talavou ona faaaoga lenei mau i totonu o o latou aiga. Ia faamalamalama atu e fiafia le Alii pe a tatou usiusitai ma faamamalu o tatou tama ma fesoasoani ia te i latou ina ia faataunuina o latou tiutetauave o le perisitua.

Gaoioiga Fautuaina mo le Vasega

E mafai ona faaaogaina gaoioiga nei mo le faamautuina o lenei lesona.

1. E mafai e tagata uma o le vasega ona tusi atu se tusi e faaali atu ai le agaga faafetai ma le talisapaia o le taitaiga ma faamanuiaga a le perisitua.
2. E mafai e tamaitai talavou ona faaputuputu ma faatulagaina ni tusi faamaonia e faaaliai ai ni sauniga o le perisitua na latou mauaina, e pei o le faaigoaina ma le faamanuiaina, papatisoga, ma le faamauga.

FAAMOEMOEGA O le a malamalama tamaitai talavou taitoatasi o ia o se tasi o le tofi ofoofogia aua o lo o ia auai i le Ekalesia a Iesu Keriso o le Au Paia o Aso e Gata Ai.

SAUNIUNIGA

1. Suesue i mau nei: 2 Tesalonia 2: 2-3; Mataio 24: 11-12; Isaia 24: 5; 2 Timoteo 4: 3-4; Amosa 8: 11-12
2. Afai e maua i lo outou eria, ia saunia e faaali le ata o le *The First Vision* ma le *Restoration of the Priesthood* mai le kaseti vitio o le *Moments From Church History* (53145).
3. Ia tofia ni tamaitai talavou e faamatalaina mai ni tala, mau, poo ni upu sii e te manao iai.
Faaaliga: O lenei lesona ua sauniaina ina ia fesoasoani ai i faiaoga e faamanatu atu i tagata talavou lo latou tofi silisili o le avea ma tagata o le Ekalesia a le Alii i lenei lalolagi. O le lesona masalo e lua ni itula faatulagaina o le vasega e faia ai.

**FAUTUAGA MO
LE FAALAUATELEINA
O LE LESONA**

Faamatalaga
a le faiaoga

Gaoioiga i mau

Sa i ai se Liliuese Tele

Ia faamalamalama atu na faavaeina e Iesu Keriso lana Ekalesia ao soifua o ia i lenei lalolagi. Na ia faauuina Apostolo ma isi taitai e taitaia lana Ekalesia ina ua mavae lona maliu. O nei taitai na latou aoaoina atu le talalelei i le lalolagi ma faavaeina nisi lala o le Ekalesia. Ae peitai, o nisi tagata na amata ona latou suia aoaoga a le Faaola, ma na toatele tagata na faaseseina ai.

Tusi mau nei i luga o le laupapa:

2 Tesalonia 2: 2-3

Mataio 24: 11-12

Isaia 24: 5

2 Timoteo 4: 3-4

Amosa 8: 11-12

Fai atu i tamaitai talavou latou te sueina nei mau ma faitau ma aoao pe o le a se mea na tupu i le Ekalesia ina ua mavae le maliu o Iesu. A maea le suesueina o mau, ua tatau i tagata taitoatasi ona mafai ona tali fesili nei:

- O le a le mea na tupu i le Ekalesia lea na faavaeina e Iesu ao soifua o ia i le lalolagi?
- Na faapefea ona tupu lenei mea?

Atonu e te manao e faaaoga nisi o nei auala i la outou talanoaga:

- I lana tusi i Tesalonia, o le a le mea na fai mai Paulo o le a tupu i le Ekalesia ao lumanai le toe afio faalua mai o le Faaola? (O le a iai le pauu ese mai le upu moni; tagai i le 2 Tesalonia 2:2-3.)
- Na faamaumaunina e Mataio le valoaga a le Faaola e uiga i le mea o le a tupu ao lei toe afio mai i le lalolagi. O le a se tasi o ia mea na saunoa mai ai Iesu o le a tupu? (E toatele o le a faaseseina e perofeta pepelo; tagai i le Mataio 24: 11-12.)
- Na fai mai Isaia o le a le mea o le a tupu i sauniga o le talalelei? (O le a suaia; tagai i le Isaia 24:5.)

- Aisea o le a liliuese mai ai tagata ma le upu moni? (O le a latou saili i ni aoao latou te tauina atu ia te i latou le mea o lo o latou mananao e faalogo iai, e le faapea o le upu moni; tagai i le 2 Timoteo 4: 3-4.)
 - O le a le ituaiga oge lea na fai mai Amosa o le a oo mai? (O le galala i le fia faalogo i upu a le Alii; tagai i le Amosa 8: 11-12.)
-

Na Toefuataiina Mai le Talalelei i le Lalolagi

Faamatalaga a le faiaga	Ia faamalamalama atu o lenei pau ese mai le upu moni na taua o le Liliuese. Ina ua mavae le Liliuese, sa le toe iai le Ekalesia moni i luga o le fogaelele mo le tele o seneturi. Ona oo mai ai lea o le taimi na toefuatai mai ai e le Alii lana talalelei moni faatasi ma ona mana uma ma faamanuiaga e ala mai le Perofeta o Iosefa Samita.
Faaaliga o le ata vitio	Ia faaali le ata vitio o le The First Vision.
Faamatalaina o mau	Ia iloilo ma tamaitai talavou le faamatalaina e Iosefa Samita o le faaaliga e pei ona faamaumauina i le Iosefa Samita - Talafaasolopito 1:7 -26. Atonu e te manao e tofi se tamaitai talavou e faamatalaina le tala.
Molimau	Ia tuuina atu lau molimau o le talalelei na toefuataiina e ala mai ia Iosefa Samita. Faamatala atu nisi o mea na iloaina pe na e lagonaina na fesoasoani ai ia te oe ia e ilo lenei mea moni. Ia valaaulia tagata taitoatasoi le vasega e fetufaai mai ni o latou lagona na fesoasoani ai ia te i latou ina ia latou iloaina ai o le talalelei moni ua toefuataia. (E mafai ona e faamaeaina le vaega muamua o le lesona iinei.)

Talu Ai Ona o le Talalelei ua Toefuataia, ua Tatou Maua Ai Faamanuiaga Silisili

Faamatalaga a le faiaga	Ia faamalamalama atu e tele mea taua na tutupu ina ua mavae le uluai faaaliga na vaaia e Iosefa Samita. O se tasi o nei mea o le toefuataiina mai o le mana o le perisitua. O le Perisitua Arona ma le Perisitua Mekisateko na toefuataiina mai i le lalolagi. Ao faaliliuina e Iosefa Samita ma Oliva Kaotui le Tusi a Mamona ia Me o le 1829, na la filifili e fesili atu i le Alii mo lana taitaiga e uiga i le papatisoga. Na la o atu i le togavao e tatalo ai, ao laua tatalo, na oo mai ai Ioane le Papatiso mai le lagi, ma tuu ona lima i luga o o laua ulu, ma faauuina i laua i le Perisitua Arona.
Mau	Fai atu i tamaitai talavou e faitau le Iosefa Samita - Talafaasolopito 1:69 ma vaai poo le a le mea na fai mai ai Ioane le Papatiso. Ona iloilo lea o fuaiupu e 70-72.
Faamatalaga a le faiaga	Ia faamalamalama atu ina ua mavae le toefuataiina o le Perisitua Arona, ona oo mai ai lea o Peteru, Iakopo, ma Ioane, o ni Aposeolo e toatolu a le Alii, ma tuuina mai le Perisitua Mekisateko i luga o Iosefa Samita ma Oliva Kaotui. O lenei perisitua e aofia ai le Paia o le Tofi faa-Apostolo, lea na latou maua ai le pule e mafai ai ona latou faavaeina le Ekalesia.
Mau	I le aso 6 o Aperila 1830, na fono ai Iosefa Samita ma le toalimasefulu o isi i totonu o se falelaau i le faatoaga a Peteru Uitimera le matua, i le aai o Seneca i Niu Ioka. O iina na latou faavaeina ai le Ekalesia a Iesu Keriso o le Au Paia o Aso e Gata Ai. O le Vaega e 21 o le Mataupu Faavae ma Feagaiga na tuuina mai i le taimi na faavaeina ai le Ekalesia.
Faamatalaga a le faiaga	Ia faitauina e tamaitai talavou le Mataupu Faavae ma Feagaiga e 21: 1-3. Ia faamalamalama atu o lenei faalapotopotoga na oo mai ai le Ekalesia matagofie ua tatou iloa i ona po nei. O le Ekalesia ua mafai ai ona tatou maua le avanoa tatou te iloa ma tapuai ai i le Alii o Iesu Keriso. E mafai ona tatou o atu i falelotu ma malumalu ma aoao e uiga i le togiola a Iesu Keriso. E mafai foi ona tatou fetagofii atu i le faamanatuga, e faamanatu mai ai ia te i tatou le taulaga silisili na faia e Iesu. E mafai ona tatou aoao i poloaiga a le Atua, e taitaiina atu ai i le fiafia i le olaga nei ma le olaga a sau. E mafai ona faamauina faatasi i tatou o ni aiga i totonu o malumalu paia.
Faaaliga o le ata vitio	Faaali le ata vitio ua faaigoaina o le <i>Restoration of the Priesthood</i> .

	E iai so Tatou Tofi o le Faatuatua
Faamatalaga a le faiaoga	Ia faamalamalama atu o le toatele o tagata na auai i le Eklesia i taimi na faatoa toefuatai mai ai o ni tagata lototetele ma faatuatua. E tele ni faigata na latou feagai, aemaise lava pe a latou tuua o latou aiga ma faamalosia e faimalaga atu mo le fiaafe o maila e faavaeina o latou aiga i le Vanu o Sate Leki. E tusa lava poo fea o lo o tatou nonofo ai nei, ae ua latou tuuina mai se faataitaiga mo i tatou e mulimuli iai.
Tala	Ia faamatala atu le tala lenei e uiga i se tamaitai paionia laititi: O Mary Goble Pay, o le sa valaauna ia Polly, na ia laasia ia atumauga e agai atu i le Vanu o Sate Leki ina ua faatoa sefulutolu ona tausaga. O ia ma lona aiga na liliu mai i le Eklesia i totonu o Egelani. Sa iai se latou taavale solofanua ma ni povi se lua ma sa tofiaina i latou ina ia latou malaga faatasi atu ma se tasi o kamupani latou te tosaina i lima taavale toso. Na matuai mafatia i latou ae sa faaolaina pea i latou ona o lo latou faatuatua i le Atua. Na mulimuli ona tusia lea e Polly nisi o mea na tutupu e pei o nei: “Na matou malaga mai le sefululima i le luasefululima maila i le aso . . . seja oo ina ua matou taunu i le vaitafe o le Platte. . . . Na matou mauaina atu ia kamupani toso taavaletoso i le aso lena. Na matou vaaia i latou o latou laasia le vaitafe. Sa tele ni poloka aisa sa opeopea i luga o le vai. Na matuai malulu lava. O le taeao na sosoo ai e toasefulufa i latou na maliliu. . . . Na matou toe foi i le nofoaga o lo o matou tolauapi ai ma matou tatalo ma . . . pepese ‘O mai, O mai, Ia Galulue Nei.’ Sa ou manatunatu pe aisea na tagi ai lo‘u tina i lena po. . . . O le taeao na sosoo ai na fanau ai lo‘u uso laititi. O le aso luasefulutolu o Setema. Na matou faaigoaina o ia o Edith. E ono vaiaso na ola ai o ia ae maliu. . . . Sa tanuina o ia i le matou kolosiina mulimuli o le vaitafe o le Sweetwater. “Ina ua matou taunu i le Faitotoa o le Tevolo na fai lava si malulu. E tele a matou mea na tuu ai iina. . . . O lo‘u tuagane o James. . . . sa manuia lava e pei ona masani ai ina ua matou momoe i le po lena. I le taeao ua maliu o ia. . . . “Na matuai malō lava o‘u vae; na faapena foi i lo‘u tuagane ma lo‘u uso. E leai lava se isi mea ae na o le aisa lava. E lei mafai ona matou tutuina ni pine i totonu o o matou faleie. . . . Na matou leiloa poo le a se mea o le a oo i ai matou. Ona oo lea i le tasi po na sau ai se tamaloa i lo matou tolauapiga ma fai mai i ai matou. . . . ua auina mai e Brigham Young ni alii ma ni tagata se toatele e fesoasoani ia te i matou. . . . Na matou pepese; o nisi na sisiva, ae o nisi na fetagisi. . . . “E lei toe manuia lo‘u tina. . . . Na maliu o ia i le va o Mauga Tetele ma Mauga Laiti. . . . Ua fasefulutolu tausaga o lona olaga. . . . “Na matou taunu i le Aai o Sate Leki i le iva i le po o le aso sefulutasi o Tesema i le 1856. O le toatolu mai le to‘afa na feola na matuai malō lava. O lo‘u tina na maliu i totonu o le taavale solofanua. . . . “O le taeao po lava o le aso na sosoo ai na sau ai Brigham Young. . . . Ina ua vaai i le tulaga o lo o matou iai, o o matou vae ua malō ma lo matou tina ua maliu, na maligi lemu ifo ai ona loimata i ona alafau. . . . “Na togafitia e le fomai o‘u tamaivae. . . . ae o tamaitai na latou sauniaina le tino maliu o tina mo lona tuugamau. . . . O le aoauli lava lena na falelauasi ai. “E masani lava ona ou mafaufau i upu a lo‘u tina ae matou te le‘i tuua Egelani. ‘Polly, ou te manao ou te alu i Siona a‘o laiti la‘u fanau ina ia mafai ona tutupu ae i latou i le Talalelei a Iesu Keriso’ “ (quoted in Gordon B. Hinckley, “The Faith of the Pioneers,” <i>Ensign</i> , July 1984, pp. 5-6).
Upu sii	<ul style="list-style-type: none"> • O le a sou manatu aisea na mafai ai e Mary ma isi paionia ona latou tutumau i nei faafitauli matuia? <p>Na saunoa mai Peresitene Gordon B. Hinckley e faapea o le tala lenei “o se sui o ni tala e afe ma afe. O se faamatalaga o se faatuatua faigofie ae ofoofogia, o se mea e le tuufesiligia, e faapea o le Atua o le Lagi o Le na faia mea uma ia tonu i lona mana ma faataunuina ona faamoemoega e faavavau i olaga o lana fanau.</p>

"Matou te matuai manaomia lava lena ituaiga faatuatua ola ma le malosi i le Atua soifua ma lona Alo soifua, ona o le faatuatua sili lenei o o tatou tama na aumaia le talalelei" ("The Faith of the Pioneers," p.6).

- O le a se mea na mafai ona e aoaoina mai le tala a Mary e mafai ona fesoasoani ai i lou olaga?

Faa'iuga

Upu sii

Faitau le molimau lenei mai ia Peresitene Joseph Fielding Smith:

"Matou te talitonu pe a mavae ni po uumi o le pogisa, o le le talitonu, ma le o ese mai le upu moni ma le Kerisiano moni, o le Alii lava ia i lona maelega na ia toefuatai mai i le lalolagi le atoatoaga o le talalelei faavavau.

"Ua matou iloa o Iosefa Samita o se perofeta; ma na faaali iai le Tama ma le Alo ia te ia i le tautotogo o le 1820 ina ia taitai i lenei augatupulaga mulimuli o le talalelei; na ia faaliliuina le Tusi a Mamona e ala i se meaaalofa mai le mana o le Atua; na ia mauaina ki ma le pule na auina mai mo lenei faamoe; ma na faaali atu e le Alii ia te ia aoaoga o le faaolataga.

"Matou te faailoa atu o le Ekalesia a Iesu Keriso o le Au Paia o Aso e Gata Ai o le malo lea o le Atua i le lalolagi, na o le pau lea o le nofoaga e mafai ai e tagata ona latou aoao ai aoaoga moni o le faaolataga ma maua ai le pule o le perisitua paia" (in Conference Report, Apr. 1971, p. 5; or *Ensign*, June 1971, p. 4).

Molimau

Ia tuuina atu lau molimau o le talalelei a Iesu Keriso ua toefuataia. Fesoasoani atu i tamaitai talavou ina ia latou malamalama, talu ai ona o lo latou auai i le Ekalesia a Iesu Keriso o le Au Paia o Aso e Gata Ai, e iai so latou tofi sili o le faatuatua ma le upu moni. Ia uunaiina i latou ia atinae ni molimau o lenei Ekalesia e moni, ma na toefuataia mai e ala mai ia Iosefa Samita, ma o faamanuiaga uma lava o le ola e faavavau o lo o avanoa mo e faatuatua.

*Aoao e Uiga i Talafaasolopito
o Aiga ma Galuega Faalemalumalusa*

O Faamanuiaga o le Aiga o Israelu

FAAMOEMOEGA O le a malamalama ai tamaitai talavou taitoatasi i ona faamanuiaga ma matafaioi i le avea ai ma se tasi o le aiga o Israuelu.

SAUNIUNIGA

1. Ata 7, O se Aiga i Tafatafa o le Malumalu, o lo o i tua o le tusi lesona.
2. Ia tofia ni tamaitai talavou e faamatala mai ni tala, mau, poo ni upu sii e te manao iai.

**FAUTUAGA MO
LE FAALAUATELEINA
O LE LESONA**

Faamatalaga a le faiaga

E Mafai Ona Tatou Mauaina Faamanuiaga na Folafolaina Atu e le Alii ia Aperaamo

- O le a se mea e te iloa e uiga i le perofeta o Aperaamo?

A maea ona talanoaina e tamaitai talavou le fesili lenei, ona faamalamalama atu lea o Aperaamo o se perofeta ofoo fogia na soifua i taimi o le Feagaiga Tuai. Na usitai tele ma faatuatua o ia i le Alii i mea uma, ma sa faia e le Alii ni folafolaga matagofie ia te ia.

Fai atu i tamaitai talavou e faitau le Aperaamo 2: 8-11 e aoao ai i nisi o folafolaga na faia e le Alii ia Aperaamo?

- O a nisi o faamanuiaga na folafola atu e le Alii ia Aperaamo?

Ia faamalamalama atu na folafola atu e le Alii ia Aperaamo o le a avanoa pea e le aunoa i ana fanau faamanuiaga taua e tolu. Ia lisi atu faamanuiaga nei i luga o le laupapa e pei ona faalia.

Laupapa

O le Aiga o Israuelu
O Aperaamo ma ana fanau o le a latou mauaina pea—

1. Faamanuiaga o le *talalei*.
2. Faamanuiaga o le *perisitua*.
3. Faamanuiaga o le *ola e faavavau*.

Faamatalaga a le faiaga

Ia faamalamalama atu tatou te mauaina faamanuiaga na folafolaina atu ia Aperaamo e ala mai i ana fanau. O Aperaamo o le tama o Isaako, o Isaako o le tama o Iakopo, o le na suia lona igoa ia Israuelu. O Iakopo poo Israuelu e toasefululua ona atalii, ma o e na tupuga mai ai ua taua o le aiga o Israuelu.

Ua avea i tatou ma tagata o le aiga o Israuelu e ala i lo tatou fananau mai i ni tupuaga o Israuelu poo tatou o ni tamafai. O se tagata e le o se tupuaga moni o le aiga o Israuelu e avea o ia ma tamafai i totonu o le aiga o Israuelu pe a papatisoina o ia. O tagata o le Ekalesia latou te aoao i o latou tupuaga i totonu o le aiga o Israuelu pe a latou mauaina o latou faamanuiaga faapeteriaka.

Upu sii

Faitau atu le faamatalaga lenei:

“O tagata uma latou te taliaina le talalei ua avea ma aiga o Israuelu. I se isi faaupuga, ua avea i latou ma tagata o le tupulaga filifilia, poo fanau a Aperaamo e ala mai ia Isaako ma

Iakopo o e na faia iai folafolaga. O le toatele o i latou ua avea ma tagata o le Ekalesia o ni tupuaga o Aperaamo e ala mai ia Efaraima, le atalii o Iosefa. O i latou e le o ni tupuaga o Aperaamo ma Israelu e tatau ona avea i latou o ni tupuaga, ma pe afai e papatisoina i latou ma faamauina ua tuuina i latou i totonu o le laau ma ua agavaa i latou mo aia uma ma avanoa uma o ni suli" (Joseph Fielding Smith, *Doctrines of Salvation*, comp. Bruce R. McConkie, 3vols. [Salt Lake City: Bookcraft, 1954-56], 3:246; italics deleted).

Ia faamalamalama atu o tamaitai uma taitoatasi, i le avea ai ma tagata o le aiga o Israelu, ua avanoa ai o ia mo faamanuiaga uma na folafolaina atu ia Aperaamo pe afai e agavaa.

E iai o Tatou Faamanuiaga ma Matafaioi i le Avea ai ma Tagata o le Aiga o Israelu

Talanoaga
i le laupapa

Ia tagai i le laupapa ma faamamafa atu o se tasi o faamanuiaga taua ua oo mai i tamaitai talavou uma i le avea ai ma tagata o le aiga o Israelu o le mafai lea ona aoao i le talalelei ma papatiso i le eklesia ao iai i lenei lalolagi.

- O a folafolaga tatou te faia pe a papatisoina i tatou ma pe a tatou tagofia le faamanatuga? (O le a tatou usitai i poloaiga uma a le Atua, o le a tatou manatuaina pea le Faaola, o le a tatou alolofa atu ma auauna atu mo isi.)

Ia faailoa atu o lo tatou mafai ona faia o nei folafolaga faapitoa o se vaega o le faamanuiaga na tatou maua i le avea ai o i tatou o ni tagata o le aiga o Israelu.

Ia faamalamalama atu, i le avea ai o tamaitai talavou taitoatasi ma tagata o le Eklesia ma le aiga o Israelu, ua tuuina atu iai foi ma le avanoa e fiafia ai i faamanuiaga o le perisitua.

Fai atu i tamaitai talavou e toe iloilo faamanuiaga o le perisitua ua latou mauaina nei pe o le a latou mauaina foi i se taimi mulimuli ane. (O nei faamanuiaga e aofia ai le papatisoina e avea ma tagata o le Eklesia moni a le Alii, mauaina faamanuiaga o le perisitua, tagofia o le faamanatuga, ulu atu i le malumalu e faia sauniga mo i tatou ma isi, o le taliaina o taitai musuia e fesoasoani ma taitaia i tatou, o le mafai ona ulu atu i le malumalu ma faaipoipo ai.)

Mea na tutupu i
le tagata lava ia

Fai atu i soo se tamaitai talavou na iai se mea na tupu i lona olaga na matuai aafia ai i latou ona o faamanuiaga a le perisitua. La valaaulia i latou e fetufaai mai nei lagona i le vasega. La tuuina atu foi ni ou lagona pe a e manao iai. Ia faamamafa atu o le mauaina o faamanuiaga o le perisitua e oo mai ai le mafanafana ma le puipuiga i tamaitai talavou taitoatasi.

O Le Ola e Faavavau o lo Tatou Faamanuiaga Silisili Lea i le Avea ai ma Tagata o le Aiga o Israelu

Mau ma le talanoaga

Ia faitauina e tamaitai talavou le Mataupu Faavae ma Feagaiga e 14:7 ma faailoga i totonu o a latou tusitusiga paia.

- O le a le meaalofa silisili o meaalofa uma a le Atua? (Ola e faavavau.)
- O le a le mea na fetalai mai ai le Alii e tatau ona tatou faia ina ia maua ai le ola e faavavau?

Ia tusi tali i luga o le laupapa e pei ona faaalia mai i le isi itulau.

Fai atu i tamaitai talavou e faitau fuaiupu nei ma maitau poo a isi mea e manaomia ina ia maua ai le ola e faavavau. (Faitau le vaega muamua ma le vaega mulimuli o le MFF 132:19 e pei ona faaalia.) Ia faaopoopo atu mea nei o lo o manaomiaina i le lisi o lo o i luga o le laupapa.

Ioane 3:36

2 Nifae 9:39

MFF 132:19: "O lenei foi, e moni ou te fai atu ia te oe, afai e faaipoipo le tane i lana ava i la'u upu, o la'u tulafono lea, ma i le feagaiga fou faavavau, ma faamaufaailogaina ai i ai laua e le Agaga Paia o le folafolaga, e le ua faauuina, ua ou tofia i lenei mana ma ki o lenei perisitua; e ui atu foi i laua i tala ane o agelu, ma atua, ua faatuina i lea mea, e oo i lo laua faaeaga ma le mamalu i mea uma, e pei ona faamaufaailogaina i luga o o laua ulu, o le mamalu lea o le atoatoa ma le fanafanau pea lava pea e faavavau faavavau lava."

Faataitaiga i le laupapa

O le Aiga o Israelu
O Aperaamo ma ana fanau o le a latou mauaina pea—
1. Faamanuiaga o le *talalelei*.
2. Faamanuiaga o le *perisitua*.
3. Faamanuiaga o le *ola e faavavau*.
Ina ia maua le ola e faavavau—
Tausi a'u poloaiga.
Tumau seia oo i le iuga.
Talitonu ia Iesu Keriso.
Ia mafaufau faaleagaga.
Ia faaipoipo i le malumalu.

Upu sii

Fai atu i tamaitai talavou e faalogo lelei i le upu sii lenei ina ia latou iloa ai le eseesega o le tino ola pea ma le ola e faavavau, ma aoao iai poo ai e agavaa e mauaina ia vaega taitasi.

“*O le ola e faavavau* o le igoa lea ua faaigoaina ai le soifuaga o lo o soifua ai lo tatou Tama Faavavau. . . .

“O le ola e faavavau e le o se igoa e na ona faamatalaina mai ai le le faamutaina o le olaga i le lumanai; o le tino ola pea o le ola pea i le tulaga o le toetutu, ma ona o le alofa o le Atua o le a mauaina uma ai e tagata lenei olaga faaauau pea. Ae na o i latou o e usiusitai i le atoatoaga o tulafono o le talalelei latou te mauaina le ola e faavavau” (Bruce R. McConkie, *Mormon Doctrine*, 2nd ed. [Salt Lake city: Bookcraft, 1966], p. 237).

Laupapa

Tusi se laina i luga o le laupapa ona sosoo ai lea ma se tamai togi.

Ta'u atu i le vasega o le laina o le faatusa lena o lo tatou muai olaga. O filifiliga na tatou faia na aafia ai le ituaiga olaga o lo o tatou ola ai i le olaga faaletino. O le olaga faaletino o lo o faatusaina i le tamai togi. Tusi nei loa se laina i tua atu o le togi agai atu i le isi itu o le laupapa. Ia faamalamalama atu o le laina lenei e le gata ma o le faatusa lea o le faavavau. O filifiliga tatou te faia i lenei taimi puupuu o le olaga faaletino o le a fuafua iai lo tatou faavavau.

Faamatalaina o le ata

Toe tagai i le laupapa ma faamalamalama atu o le faamanuiaga silisili e mafai ona oo mai i tamaitai talavou i le avea ai ma tagata o le aiga o Israuelu o le ola lea e faavavau. Toe tagai i le ata o le aiga i tafatafa o le malumalu. Ia faamamafa atu o le faaipoipoga i le malumalu e tatalaina ai faitotoa mo aiga ina ia faamauna ai faatasi i latou e faavavau ma tuuina atu ai le avanoa i tamaitai talavou uma taitoatasmo le avea ma ava ma tina e faavavau. O le faamanuiaga silisili lenei e mafai e le Alii ona tuuina atu i soo se tasi o ona afafine.

Na saunoa atu Peresitene Ezra Taft Benson i tamaitai talavou o le Ekalesia:

“O'u tuafafine laiti e, e iai so matou faamoemoega mo outou. E tele ni mea ua matou faamoemoeina mo outou. Aua tou te faatuutuu i mea o lo o finagalo le Alii ia outou iai. . . .

“Tuu mai ia te au se tamaitai talavou o le e alofa i lona aiga, o lē faiatou ma suesue i tusitusiga paia i aso uma, o lē e iai sana molimau ola i le Tusi a Mamona. . . . Tuu mai ia te au se tamaitai talavou o lē e mama ma lē na te faatumauina lona mamalu, o lē e faamoemoe i se faaipoipoga i le malumalu, ma o le a ou tuuina atu ia te outou se tamaitai talavou o lē na te faia vavega mo le Alii i le taimi nei ma le faavavau atoa uma” (*Ensign*, Nov. 1986, p. 84).

Faaiuga

Iloiloga

Ia faaiuina le lesona i le toe vaavaai i le laupapa. Faamanatu i tamaitai talavou ia faamanuiaga faapitoa e tolu e mafai ona oo mai i tagata o le aiga o Israuelu. Faamamafa atu o le mauaina o nei faamanuiaga o se tiutetauave lea o tamaitai talavou taitoatas uma. E tatau ona ia talaina le talalelei ma ola ai, faamamalu le perisitua, ma ola agavaa ina ia maua le ola e faavavau.

FAAMOEMOEGA	O le a malamalama lelei ai tamaitai talavou taitoatasi i le faamoemoega o le malumalu ma faaeega paia i le malumalu.
-------------	--

SAUNIUNIGA	<ol style="list-style-type: none"> 1. Ata 11, O Totonu o le Malumalu, o lo o i tua o le tusi lesona. Saunia nisi ata o malumalu pe a e manao iai. 2. Aumai se mea faigaluega e le taatele. 3. Pule oe pe fai: Tusi ni faamatalaga se fitu e uiga i le faamoemoega o malumalu i ni fasi pepa ina ia tufa atu i tagata o le vasega. 4. Ia tofia ni tamaitai talavou e faamatala atu ni tala, mau, poo ni upu sii e te manao iai.
------------	--

FAUTUAGA MO LE FAALAUATELEINA O LE LESONA	
---	--

Lesona faatino

Faatomuaga

Ia faaali atu i tamaitai talavou se mea faigaluega e fou i la latou vaai. Filifili se mea faigaluega e le masani ona vaai iai. Tuu atu ina ia latou mateina mai poo le a le mea e faaaoga iai. Ona faamatala ototo atu lea iai o lona aoga ma le mea e faaaoga iai.

Ia faamalamalama atu faapea, atonu sa leiloa e tamaitai talavou le aoga tele o lea mea faigaluega faatoa iloa lava ina ua latou aaooina lona aoga. O faaeega paia i le malumalu e mafai ona faatusaina i se mea faigaluega. E le mafai ona tatou iloaina lona taua tele ma lona aoga i o tatou olaga seiloga ua tatou aoao i ona faamoemoega.

E i ai Faamoemoega Paia o Malumalu

Talanoaga

- O le a se mea ua e iloa e uiga i faamoemoega o malumalu?

Ina ia fesoasoani i tamaitai talavou e suesue ia faamoemoega o malumalu, atonu e te manao e tusi faamatalaga nei i ni fasi pepa ma tuu atu i tagata o le vasega e faitau leo tele mai.


Upu sii

1. “O le malumalu o se maota poo se fale o le Alii. Afai e oo mai le Alii e asia lenei lalolagi, o le a Ia afio atu i lona malumalu . . .
2. “O le malumalu o se nofoaga o aaoaga. O iina e toe faamanatu mai ai mataupu faavae o le talalelei ma faailoa mai ai upu moni aiai o le malo o le Atua e le ma suia.
3. “O le malumalu o se nofoaga o le filemu. O iina tatou te tuuese ai popolega ma atugaluga i fafo o le lalolagi fesouaina. . . .
4. “O le malumalu o se nofoaga o feagaiga, o le a fesoasoani ai i ai tatou ina ia tatou ola i tulafono a le Atua. . . .
5. “O le malumalu o se nofoaga o faamanuiaga. E tuuina mai ai i ai tatou folafolaga, e faamoemoe lea i lo tatou faatuatua. . . .
6. “O le malumalu o se nofoaga e fai ai sauniga faale-Atua. O iina e faamanino mai ai mea lilo o le olaga, ma fesili a le tagata e lei taliina: (1) O fea na ou sau ai? (2) Aisea ua ou iai iinei? (3) O fea ou te alu iai pe a uma lenei olaga?
7. “O le malumalu o se nofoaga o faaaliga. E mafai ona tuuina mai iinei e le Alii faaaliga, ma e mafai ona maua ai e tagata uma faaaliga e fesoasoani ia te ia i lona olaga” (John A. Widtsoe, “Looking Toward the Temple,” *Ensign*, Jan. 1972, pp. 56-57).

Ata	Faaali atu le ata o totonu o le malumalu, o lo o i tua o le tusi lesona poo iai i nisi faasalalauga a le Ekalesia lata mai nei.
Faamatalaga a le faiaoga	Ia faamalamalama atu o totonu o le malumalu, e faataunuina ai e tagata agavaa o le Ekalesia ia sauniaga e aofia ai- <ul style="list-style-type: none"> • Papatisoga mo e ua maliliu. • Faauuga faaleperisitua mo e ua maliliu. • Faaeega paia. • Faaipoipoga. • Isi sauniga o faamauga.
Mau	Ia faitauina e tamaitai talavou le Mataupu Faavae ma Feagaiga e 124: 40-41. <ul style="list-style-type: none"> • O le a se mea o lo o aoaoina mai e lenei mau e uiga i le taua o malumalu?

E Taua Faaeega Paia i le Faaeaina o Tamaitai Talavou Taitoatasi	
Faamatalaga a le faiaoga	Ia faamalamalama atu o le faaeega paia faalemulumalusa o se tasi o sauniga sili ona taua tatou te mauaina i lenei lalolagi. O le upu <i>faaeega paia</i> o lona uiga o se meaalofa o faamanuiaga faaleagaga. Ia faaaoga faamatalaga nei e fesoasoani ai i tamaitai talavou ia latou malamalama i lenei sauniga.
	I le faaeega paia, e mauaina ai e tagata o le Ekalesia faatonuga ma latou faia ni feagaiga. Latou te mauaina faatonuga e uiga i o tatou uluai matua o Atamu ma Eva; o lo la pauu; ma le fuafuaga silisili o le toe faaolaina na mafai ai e i laua ona salamo ma toe faaleleia. O le faaeega paia o lo o aoao mai ai ia te i tatou e uiga i le Liliuese tele, o le toefuataiina o le talalelei ma ona mana uma ma avanoa uma, ma le manaomiaina ona tausia poloaiga uma a le Atua.
Upu sii	I le faaeega paia, e osi feagaiga tagata ina ia latou “usiusitai i le tulafono o le ola mama atoa ma le legavia, ia tuu atu taleni ma mea uma ua maua i le faasalalauna atu o le upu moni ma le siitiaina ae o tagata; ia tumau i le naunautai i le tausia o le upu moni; ma ia saili i soo se auala e fesoasoani atu ai i le sauniuniga tele ina ia saunia le lalolagi e talia lona Tupu, - le Alii o Iesu Keriso. O le tauaveina o feagaiga ma tautinoga taitasi, ua folafola mai ai se faamanuiaga e faatatau lava i le tausia ma le faamaoni o ia tulaga” (James E. Talmage, <i>The House of the Lord</i> [Salt Lake City: Deseret Book Co., 1968], p. 84).
	Na tuuina mai e Peresitene Brigham Young lana faauigaina o le faaeega paia: “O lou faaeega paia o lou mauaina lea o na sauniga uma i le maota o le Alii, ia ua tatau ai mo oe, pe a mavae atu oe mai lenei olaga, ina ia mafai ai e oe ona toe foi atu i le afioaga o le Tama, ma ui atu i agelu o lo o tutu i faitotoa, ma mafai ona e tuuina atu i ai latou upu tatala, faatusa ma faailoga, e faatatau i le Perisitua paia, ma e maua lou faaeaga e faavavau ae le o le lalolagi ma seoli” (<i>Discourses of Brigham Young</i> , sel. John A. Widtsoe [Salt Lake City: Deseret Book Co., 1941], p. 416).
Laupapa	Tusi le Mataupu Faavae ma Feagaiga e 124: 40-41 i luga o le laupapa. Tusi le faataitaiga lea e tusia i lalo e faaali ai le taua o lea laasaga o le faataunuina o le faaeega paia faalemulumalu ia maua ai le faaeaina, pe saunia foi ni fasi pepa e tusia ai upu ma faapipii i le laupapa faapenei:

MFF 124: 40-41



Ia faamalamalama atu o le faaeega paia e taua i le faaeaina o tamaitai talavou taitoatasi. O se laasaga e ao ona ia faia ina ia mafai ai ona toe foi atu i le afioaga o lona Tama oi le Lagi.

E Sauniaina e le Faaeega Paia Faamanuiaga Silisili

Upu sii

Ia faamalamalama atu o nisi sa avea ma peresitene o malumalu sa fesiliglia e faamatala mai nisi o faamanuiaga e maua e i latou e o atu i le malumalu. Toe iloilo a latou faamatalaga faatasi ma tamaitai talavou.

“E le mafai ona e taofia le lagona faagaeetia pe a e tuua le malumalu. E te aoaoina ai le alofa ma le agalelei ma le ootia. E te tuua i fafo o faitotoa o le malumalu ia popolega o le aso, ma pe a e alu atu i fafo, e taitaiina ou vae i ala uma sa e sailia mo se fesoasoani ia te oe i nisi o faafitauli o lo o feagai ma oe.

“Pe a maea ona e osia feagaiga, o le a faigata ona fetosoaiina oe e le lalolagi. O se malosiaga i lou olaga ma e fesoasoani ia te oe i le tausiga o sini amiontonu.”

“Pe a e taunuu mai i le paia o le malumalu, ua e aveeseina lou tagata mai le lalolagi. E mafai ona e faagaloina oe mai le galuega o lo o e faia.”

“Ua e mauaina se faasinomaga o lou olaga e taitaiina ai oe. Ma o le malamalama e maua i totonu o le malumalu e lagolago i le ituiga olaga o le Au Paia o Aso e Gata Ai. E lagolagoina oe, ma mautinoa o lo o e faia le amiontonu” (quoted in Kathleen Lubeck, “Preparing for the Temple Endowment,” *New Era*, Feb. 1987, p. 11).

Tala

Faamatala atu le tala lenei e uiga i se tamaitai talavou o le na ia iloatinoina faamanuiaga o le malumalu:

I le 1846 na faapaiaina ai e tagata muamua o le Ekalesia le malumalu i Navu. O le toatele o le Au Paia ua leva ona latou tuua Navu ma laasia le vaitafe o le Misisipi i le amataina o le latou faigamalaga e agai atu i Winter Quarters. “E le toatele nisi o i latou sa iai i le faigamalaga i Winter Quarters na iai i le faapaiaga, ae o lē sa iai o Elvira Stevens e sefulufa ona tausaga. Na maliliu uma ona matua i Navu ma latou malaga atu agai i sisifo faatasi ma lona uso ma lona tuagane faaletulafono, e faatolu ona laasia e Elvira le vaitafe o le Misisipi ina ia auai atu i sauniga o faapaiaga, ma e na o ia lava le tagata o le latou vaega o taavale solofanua na faia. ‘O le mana faalelagi na matuai matautia,’ na ia tusia ai, ‘Ona ou laasia ai lea ma toe laasia ina ia ou manuia mai ai, ao ou laititi.’ E lei mauaina e Elvira ia sauniga o le malumalu, ae o le mana o le agaga o le mea na tupu ma tulaga uma o le faapaiaga o lo o tumau pea i lona mafaufau o lona. . . olaga i Navu” (Carol Cornwall Madsen, *In Their Own Words: Women and the Story of Nauvoo* [Salt Lake City: Deseret Book Co., 1994], p.23).

Faa'iuga

Tau atu i tamaitai talavou e finagalo le Tama Faalelagi i ai latou taitoatasi ina ia latou mauaina faamanuiaga o le faaeega paia o le malumalu. O faatonuga ma feagaiga e mauaina i totonu o le malumalu o le a matuai faamalosia ai i latou ia ola amiotonu ma fesoasoani i ai latou e saunia ai mo le ola e faavavau. Faaali atu lou manao mo tamaitai talavou uma taitoatasi ina ola agavaa e mauaina nei sauniga.

FAAMOEMOEGA	O le a mananao ai tamaitai talavou taitoatasi e saunia i latou lava e ulu atu i le malumalu.
SAUNIUNIGA	<ol style="list-style-type: none"> Pule oe pe fai: Fesili atu i le epikopo poo le peresitene o le paranesi na te tuuina atu le lesona atoa lenei poo se vaega foi i tamaitai talavou. Tusi fesili e iva mo tamaitai talavou i luga o ni fasi pepa latou te fesili atu ai i le epikopo poo oe. Ia tofia ni tamaitai talavou e faamatala mai ni tala, mau, poo ni upu sii e te manao iai.
FAUTUAGA MO LE FAALAUATELEINA O LE LESONA	<p>E Tatau Ona Agavaa Tamaitai Talavou Taitoatasi Na Te Mauaina Se Pepa Faataga o le Malumalu</p> <p>Ia faamalamalama atu soo se tagata lava e alu atu i le malumalu e tatau ona maua muamua sona pepa faataga o le malumalu. Ina ia maua se pepa faataga o le malumalu, e tatau i se tagata o le Ekalesia ona faia muamua se la faatalanoaga ma le epikopo ma se tasi o le au peresitene o le siteki.</p> <p>Afai o asiasi atu le epikopo i le vasega, e mafai ona ia faamalamalamaina atu tulaga e manaomiaina ina ia maua ai se pepa faataga o le malumalu.</p> <p>Fai atu i tamaitai talavou e iloilo e le tagata lava ia lona olaga ma vaai pe ua agavaa o ia mo se pepa faataga i le taimi nei. Afai e leai, ua tatau nei loa ona amataina ona faaagavaaina i latou.</p> <p>Ia faamalamalama atu, o se faatalanoaga moni lava, e faatalanoaina taitoatasi tamaitai talavou. E tatau ona ia sainia lana pepa faataga ina ia faaali atu ai ua ia taliina uma fesili i le sao ma le faamaoni. Ona molimauina ai lea e le epikopo lena saini. Ona mulimuli ane ai lea ona sainia e se tasi o le au peresitene o le siteki.</p>
Talanoaga	<p>Fai atu i tamaitai talavou e fautua mai ni auala e mafai ona latou saunia ai i latou mo faatalanoaga mo se pepa faataga o le malumalu ma mo le ulu atu i le malumalu.</p> <p>Pe a maea le talanoaga, atonu e te manao e tuuina atu ni fautuaga faapenei:</p> <ol style="list-style-type: none"> Ia matuai suesue lava i tusitusiga paia. E pei ona saunoa mai ai se tasi sa avea ma peresitene o se malumalu, "Ia e sueina lava e oe ia poo ai moni lava Iesu Keriso. E mafai ona e iloaina o ia, ma pe a oulua osi feagaiga ma le Atua, ua e tuuina atu lou lima i lona aao, ma mauaina faamanuiaga mai lona aao i taimi uma lava" (quoted in Kathleen Lubeck, <i>Preparing for the Temple Endowment</i>, <i>New Era</i>, Feb. 1987, p. 11). Tausi poloaiga ina ia e agavaa ai i taimi uma. Ia faitauina e tamaitai talavou le Mataupu Faavae ma Feagaiga e 97: 15-17. Talanoaina le mau lenei poo le a lona uiga i tamaitai talavou ao latou sauniuni atu mo le malumalu. Talanoa i matua ma isi tagata ua uma ona ulu atu i le malumalu. Fesili atu i ai latou e faamalamalama mai le uiga o le malumalu i ai latou ma pe faapefea ona faamanuiaina ai o latou olaga.
Molimau	Ia tuuina atu lau molimau i le fafia e maua e i latou e ola agavaa e ulu atu i le malumalu mo o latou faaeega paia ma tumau pea ona agavaa mo nei faamanuiaga i o latou olaga atoa.

Fesili e Uiga i le Malumalu

O se avanoa lelei lenei e tali atu ai i fesili talafeagai o iai i tamaitai talavou e uiga i le faaeega paia. Ua aofia ai iinei fesili e iva e masani ona fesiligia e tagata ao sauni atu i latou e ulu atu i le malumalu mo le taimi muamua. Atonu e te manao e tufa atu fasi pepa e iva ua uma ona faanumeraina o lo o iai fesili i tamaitai talavou. Faaaoga faamatalaga nei o lo o mulimuli mai e tali ai fesili.

1. O le a se mea e faamoemoeina e se tamaitai talavou pe a ulu atu o ia i le malumalu?

O le a tuuina atu e le au faigaluega i le malumalu le fesoasoani ma le alofa. O le a iai ni tamaitai i tafatafa o se tamaitai talavou i taimi uma pe a manaomia se fesoasoani.

“E tatau foi ona e iloa pe afai e te ulu atu i le malumalu mo le taimi muamua, o le a le tuua ai na o oe e aunoa ma se tasi e fesoasoani ia te oe. O le a fesoasoani atu ia te oe tagata e taitaia sauniga, i latou e faafeiloaia tagata, faapea foi ma isi ua tofia e galulue i totolu o le malumalu, ina ia avea le taimi e te faatasi atu ai i totolu o le malumalu ma aafiaga matagofie ma taua” (ElRay L. Christiansen, “Some Things You Need to Know About the Temple,” *New Era*, June 1971, p. 27).

2. Pe mafai e lo'u aiga, le o le a ou faaipoipo iai, poo a'u ue ona faatasi ma a'u i le sauniga?

O se tamaitai talavou e ulu atu i le malumalu mo le taimi muamua e mafai e lona tina, uso, faiaoga poo se uo o lo o iai sona pepa faataga o le malumalu ona o faatasi ma ia.

3. O le a se mea ou te manaomia ou te alu ma au i le malumalu?

E na o le lua lava mea e taua. O le tasi o ia mea o se pepa faataga o le malumalu (e manaomia se pepa faataga fou i tausaga taitasi) e sainia e le epikopo ma se tasi o le au peresitene o le siteki. O le tasi mea o se ofu malumalu. E mafai e tamaitai talavou ona faafesootai le peresitene o le Aualofa a le uarota ina ia ona iloaina ai le mea e faatau mai ai ofu malumalu.

4. O a ni lavalava e tatau ona ofu atu i le malumalu?

E tatau i se tamaitai talavou ona laei atu ni lavalava e talafeagai ai ma le malumalu. E talafeagai le faaaoga o se ofu e iai ni lima. Pe a maea ona e mauaina lou faaeega paia, ua tatau loa i se tamaitai talavou ona ia laeiina ni lavalava talafeagai e tusa pe ete faaaogaina i le malumalu pe leai. E le talafeagai i se tamaitai talavou ona laei atu sona ofuvae i le malumalu.

5. Pe o le a ou manaomia ni lavalava faapitoa o le malumalu?

I totolu o le malumalu, o i latou e maua faaeega paia latou te oofu i ni laei faapitoa. O ia ofu uma e manaomia, e mafai ona nonoina mai le malumalu, e mafai foi ona faatau. E tatau ona talanoaina e se tamaitai talavou ma lana epikopo lea tulaga a'o le'i alu atu i le malumalu.

Sa fautua mai Elder Hugh B.Brown i le pogai mo nei laei faapitoa:

“O ‘i e le gata ina tatou tuueseina atu ai lavalava e faaaoga i le alatele, ae faapea foi ma mafaufauga o le alatele, ma o le a le gata ina tatou taumafai e faaofuina o tatou tino i ofu papae ma le mama ae faapea foi ona faamamaina o tatou mafaufau ma manatu. Tau ina ia tatou maua se mea aoga mai le afioga tulei mai, ma o le mea e sili atu ona tumau ma sili atu lona aoga, o le maua lea o faatonuga mai le Agaga” (as quoted by ElRay L. Christiansen, “Some Things You Need to Know about the Temple,” p. 26).

6. Aisea e ofu ai e tagata uma le ituiga lavalava e tasi i le malumalu?

“I totolu o le malumalu, e laei papae tagata uma. O le paepae o le faatusa lea o le mama aiai. E leai se tagata eleelea e iai sana aia e ulu atu ai i le maota o le Atua. E le gata i lea, o le laei paepae ua laei uma ai, o le faatusa lea o le tutusa o tagata uma i luma o le Atua lo tatou Tama oi le Lagi. O le mativa ma le mauoa, o le ua aoaoina ma le ua le aoaoina, o le aloalii ma le lē tagolima latou te nonofa faatasi i totolu o le malumalu, ma e tutusa uma lo latou taua pe afai latou te ola amiontu i luma o le Alii le Atua, le Tama o o latou agaga. O se tulaga faaleagaga ma le malamalama lelei e maua e se tasi i le malumalu. O i latou uma ia e tutusa lo latou tulaga i luma o le Alii” (John A. Widtsoe, “Looking toward the Temple,” *Ensign*, Jan. 1972, p. 58).

7. Pe a maea ona faia le faaeega paia o se tagata, pe tatau ea ona ia laeiina ona ofu malumalu i lona olaga atoa?

E mauaina e tagata le ofu malumalu i le faaeega paia ma ofuina pe a maea i o latou olaga atoa. E le tatau ona latou tuuueseina pe suia ia ofu malumalu ina ia mafai ai ona latou laeiina nisi ituaiga lavalava le talafeagai. Na saunoa mai Peresitene Joseph Fielding Smith e faapea:

“Na tuuina mai e le Alii i ai tatou ofu malumalu o le perisitua paia . . . Ae peitai o lo o iai nisi o i tatou ua faaleaga ia ofu, ina ia mafai ai ona mulimuli i faiga valea, le aoga (sei tulou) ma le mataga a le lalolagi. Ina ia mafai e ia tagata ona faataitai atu i faiga a le lalolagi, o le a le faigata i ai latou ona faaleaga ia mea e ta'u . . . o mea paia. . . . E tatau ona latou tausia ia paia nei mea na tuuina mai e le Atua i ai latou, ia le suia ma toe liliu le fua tonu na tuuina mai e le Atua i ai latou. Ia tatou maua le malosi i le mafaufau e tetee atu ai i manatunatuga o le lalolagi, aemaise lava pe a uunaiina i tatou i faiga faalelalolagi tatou te solia ai se feagaiga ma faia ai se agasala matuia” (Editor’s Table, “Improvement Era, Aug. 1906, p. 813).

8. Pe mafai e se tamaitai ua faaipoipo ona ulu i le malumalu mo ona faaeega paia e aunoa ma lana tane? Pe mafai e se tamaitai nofofua ona maua ona faaeega paia?

O se ava e lei faia faaeega paia o lana tane e mafai ona tuuina atu iai se pepa faataga mo ona lava faaeega paia pe afai e agavaa o ia ma ua mauaina e le epikopo se tusi e faaali mai ai le maliega a lana tane. E tatau ona faamalieina le epikopo ma le peresitene o le siteki o le tiutetauave o le a feagai ma le tina i lona faaeega paia o le a le aafia ai lana faaipoipoga.

“E mafai e se tagata nofofua ona maua ona faaeega paia pe afai o agavaa o ia ma ua lava lona matua e malamalamāma tausia ai feagaiga e faia i totonu o le malumaliu. O tagata nofofua ua mananao e maua o latou faaeega paia e tatau ona maua ni fautuaga mai o latou epikopo ma peresitene o siteki.

E mafai e tamaitai talavou ona ulu atu i le malumalu mo o latou lava faaeega paia pe afai o lo o sauni i latou mo se misiona.

9. Aisea ua matuai faalilolilo ai faaeega paia faalemalumalu?

“O sauniga o le malumalu e matua paia lava e le faatagaina ona vaai iai tagata lautele. Ua avanoa mo na o i latou lava ua agavaa e ala i le ola amiotonu. Ua faia ia sauniga i nofoaga ua faapaiaina faapitoa mo lea faamoemoega. Ona o le paia naua, o lea ua matua le talafeagai ai lava ona talanoaina auiliili ia sauniga i fafo atu o le malumalu.

“E tele faamanuiaga e oo mai i ai latou o e maua ma faaloalo i nei sauniga paia, o ni sauniga ua matua tatau lava mo le mauaina o le faaeaina. O le auai i galuega faalemalumalu e maua ai aoaoga malosi, manino, ma le aoga i mataupu faavae o le talalelei, ma o le malumalu o se nofoaga e manatunatu loloto ai ma tatalo.

“O le malumalu o se nofoaga paia e mafai ona e alu ese atu iai mai le lalolagi, o se vaega o le lagi i le lalolagi, ma e tatau i se tasi ona tumau pea ona ola agavaa ina ia mafai ai ona ia alu pea lava pea i le malumalu ma faafouina ana feagaiga” (ElRay L. Christiansen, “Some Things You Need to Know about the Temple,” p.27).

Faaiuga

Mau

A maea ona tuuina atu se taimi e lava lelei mo tamaitai talavou e fesili mai ai e uiga i le malumalu faapea ma le faaeega paia faalemalumalu, ona fai lea iai e latou te faitau le Mataupu Faavae ma Feagaiga e 105:18. Ia tuuina atu lau molimau i le moni o lenei mau, faapena foi ma le taua o le faaeega paia.

Fai atu i tamaitai talavou ia latou matuai tuuina atu i latou ina ia ola agavaa mo se pepa faataga o le malumalu i aso taitasi ma ia faataitai ona laei ni lavalava talafeagai ina ia latou saunia ai mo le laeiina o ofu malumalu.

Gaoioiga e Mafai Ona fai le Vasega

O se gaoioiga e tasi pe sili atu foi mai gaoioiga oi lalo, o le a maua ai se avanoa sili e toe faamanatuina ai le lesona.

1. Ia faia faatasi ma le epikopo se faeasaite e faamatala ai atili ia ituaiga tala tusia ma tali atu ai i fesili.
2. Asiasi atu i malumalu o tatalaina mo tagata lautele ao lei faapaiaina.
3. Asiasi atu i se malumalu e faataunuina ai papatisoga mo e ua maliliu.

FAAMOEMOEGA O le a malamalama ai tamaitai talavou taitoatasi o lana filifiliga e faaipoipo i le malumalu e faavavau ona taunuuga.

SAUNIUNIGA

1. Ia saunia ni fasi pepa se lima e tusi ai fesili e tuuina atu i le vaega lona lua o le lesona.
2. Ia saunia ia tofu tamaitai talavou o le vasega ma se pepa tafatolu ia tusi ai i ona tulimanu e tolu upu nei *Atua*, *Tane*, ma le *Ava*, ma le *Tafatolu Paia* e tusi i le ogatotonu i luma.
3. Ia tofia ni tamaitai talavou e faamatala mai ni tala, mau, poo ni upu sii e te manao iai.
Faaaliga: Ao e aoaoina atu lenei lesona, ia manatua e iai nisi o tamaitai talavou e le o ola o latou aiga i ni auala e agavaa ai i latou e faatasia i le malo selesitila. Ia e mataalia i lea vaega. Fesoasoani atu i tamaitai talavou ia latou iloaina e mafai ona latou faa-afaiaina o latou aiga o iai nei mo le lelei ma faavaeina ni aiga e faavavau mo i latou lava i se aso oi luma.

**FAUTUAGA MO
LE FAALAUATELEINA
O LE LESONA**

Faatomuaga

Tusi upu O Se Tafatolu Paia i luga o le laupapa. I lalo ifo, tusi ai se tafatolu.

Tau atu i le vasega e mafai ona latou fai mai ni fesili se luasefulu ia iloa ai pe o le a le uiga o le tafatolu. E mafai ona e tali atu i a latou fesili i le ioe poo le leai. A latou iloa loa o le tafatolu ua faatatau lea i le vafealoai o le tane, ava, ma le Atua, ona tusi lea o le upu *Atua* i le pito i luga, ma upu *Tane* ma le *Ava* i isi tulimanu e lua.

Talanoaga Ia faamalamalama atu, o le faaipoipoga faalemalumalu, e mafai e le Atua ona faamanuiaina ma taitaiina le tane ma le ava i le atoatoa nai lo se isi lava ituaiga faaipoipoga.

Fai atu fesili nei:

- E toafia nisi o outou na faalogo i se lesona poo se lauga e uiga i le faaipoipoga faalemalumalu?
- E toafia nisi ua faalogo soo i se lesona poo ni lauga e uiga i le faaipoipoga faalemalumalu?
- Aisea ua e manatu ai ua musuia e le Alii ona taitai e faatonuina i tatou ia aoao ma saga aoao atu lenei mataupu paia?

Ia faamalamalama atu o lo o pulunaunau le Alii ia iloa e tagata taitoatasi o le Eklesia lona tiutetauave paia o le faamauina lea mo le taimi nei ma le faavavau atoa, faapea ma taunuuga e faavavau o lea faaiuga.

Tusi le faamoemoega o le lesona i luga o le laupapa, ma ia faitauina faatasi e tamaitai talavou.

E Aumaia e le Faaipoipoga Faalemalumalu Faamanuiaga Silisili

Talanoaga i le laupapa

Fai atu i tamaitai talavou e tau mai poo a ituaiga faaipoipoga e lua o lo o mafai ona avanoa mo i tatou o tagata o le Eklesia.

A ta'u mai le faaipoipoga faalemalu, ona faapipii lea i le laupapa o le fasipepa o tusi ai upu na, pe tusi foi i luga o le laupapa: *Feagaiga mo le Taimi Nei*. A ta'u mai le faaipoipoga

faalemalumalu, ona faapipii lea i luga o le laupapa le fasipepa o tusi ai upu na, pe tusi foi i le isi itu o le laupapa: *Feagaiga mo le Faavavau*.

Tufa atu fesili e lima na e sauniaina. Ia faitauina e tamaitai talavou, ma tuu atu ia latou talanoaina. Faaaoga tusitusiga paia ma faamatalaga o lo o i lalo e fesoasoani ai i tamaitai talavou ia malamalama i auala. Ia tuufaatasi tali i lalo ifo o le ulutala e talafeagai ai. Ia sueina e tamaitai talavou le Mataupu Faavae ma Feagaiga e 132 ma saunia e fatauina mau e fautuina atu.

1. *O fea e fai ai le faaipoipoga?*

Faalemalo: Fale o le Aiga, falesa, falemeli, poo soo se mea lava.

Faalemalumalu: O se potu paia e fai ai faamauga i totonu o le malumalu.

2. *O ai na te faia le faaipoipoga?*

Faalemalo: Faamasino, faifeau, epikopo, peresitene o le siteki.

Faalemalumalu: O se tasi ua tofaina ma ua tuuina atu iai le mana e fai ai faamauga mai le perofeta a le Alii.

Faitau le Mataupu Faavae ma Feagaiga e 132: 7-8, ina ia iloa ai poo ai e faia le faaipoipoga faalemalumalu.

Ia faamalamalama atu o le perofeta o le Ekalesia o lo o ia umiaina le pule o le perisitua e faamauina faatasi ai se alii ma se tamaitai mo le taimi nei ma le faavavau atoa. Na te tuuina atu lenei mana o le perisitua i luga o isi, ona latou maua ai lea o le pule mai le Atua e faataunuuna ai sauniga o faamauga i totonu o malumalu e fusia faatasi ai aiga mo le faavavau.

3. *O le a le umi e tumau ai le faaipoipoga?*

Faalemalo: Seia vagana ua tetea le tane ma le ava ona o le oti.

Faitau le Mataupu Faavae ma Feagaiga e 132: 14-15.

Malumalu: Mo le taimi nei ma le faavavau.

Faitau atu le upu sii lenei:

“E faavavau le olaga. E le faamutaina e le oti le iai o le tagata. E ola pea lava pea o ia. . . E mafai ona faaauau pea le olioli sili o le olaga faaipoipo moni. E mafai ona faatumauina le fesootaiga sili ona matagofie a fanau ma matua. E le mafai ona faamutaina le mafutaga paia ma aiga pe afai ua uma ona faamauina le tane ma le ava i noataga paia o le faaipoipoga e faavavau. E le mafai ona gata lo latou olioli ma lo latou alualu i luma” (Spencer W. Kimball, in Conference Report, Oct. 1964, p. 25; or *Improvement Era*, Dec. 1964, p. 1055).

4. *O a ni mea o le a faia e tagata i le faavavau atoa?*

Faalemalo: O i latou na iai le avanoa e maua ai feagaiga o le faaipoipoga e faavavau i totonu o le malumalu paia ae na latou filifili e faaipoipo i fafo atu o le malumalu o le a latou ulu atu i le malo selesitila poo se tasi o isi malo. Ae le mafai ona faaeaina i latou ma nonofo faatasi e faavavau ma o latou aiga. O le a latou nonofo o ni tagata taitoatasi ma avea o ni auauna i ai latou na latou filifili e mulimuli atu i le fuafuaga a le Atua. O le a tele faamanuiaga silisili latou te le mauaina aua “sa latou mafaufau tele i le lalolagi ma ana feagaiga, nai lo le faia o feagaiga a le Atua” (Joseph Fielding Smith, *Doctrines of Salvation*, comp. Bruce R. McConkie, 3 vols. [Salt Lake City: Bookcraft, 1954-56], 2:65).

O sauniga o faamauga e mafai ona faataunuuna pe a mavae le oti mo i latou o e lei maua le avanoa e faaipoipo ai i le malumalu i lenei olaga.

Faitau le Mataupu Faavae ma Feagaiga e 132:16-17.

Faalemalumalu: O i latou o e faaipoipo i totonu o le malumalu paia ma faatuatua i feagaiga latou te osia iina o le a avea ma atua. O le a faaeaina i latou ma o le a maua le mana uma. O le a latou nonofo faatasi e faavavau.

Faitau le Mataupu Faavae ma Feagaiga e 132:19-20.

5. O le a le tulaga o le a iai le aiga i le faavavau?

Faalemalalo: O i latou o e faaipoipo mo na o le taimi nei o le a leai sa latou aia i tagata o lo latou aiga i le olaga a sau. O le a nonofo i latou o ni tagata taitoatasi. O le amataga lea o le faanoanoa tele mo i latou.

Faalemalumalu: O i latou o e faaipoipo i le malumalu ma ola agavaa i o latou olaga atoa o le a faatasia i latou ma o latou matua amiontonu, tuagane ma uso, ma fanau mo le faavavau. O le faaaauauina pea o le iunite faaleaiga o se tasi lea o meaalofa silisili ua mafai ona tuuina mai e le Atua i lana fanau.

- O le a le ituaiga faaipoipoga e iai le avanoa e aumaia ai le fiafia tele? Aisea?

O Le Tumau Pea Ona Agavaa Tatou te Maua Ai Faamanuiaga o se Faaipoipoga Faaselesitila

Lesona faatino

Toe faasino i le tafatolu paia o lo o i le amataga o le lesona. Fesili atu i le vasega pe o a vaega e tolu o lo o aafia ai i le feagaiga paia e faia i le malumalu.

Ia tapē ese laina o lo o tusi e amata mai le upu *tane* ma le *ava* i le *Atua*, ae tuu ai na o le laina tusi faalava.

Ia faamalamalama atu i tamaitai talavou e tatau ona latou taumafai e faia mea uma e latou te mafai ona tetee atu ai i tulaga o le a le avea ai le Atua ma se vaega o a latou faaipoipoga.

Talanoaga o le mau

Ia toe faitau le vaega lenei o le Mataupu Faavae ma Feagaiga e 132: 19. Fai atu i le vasega e tau mai pe o le a se mea e tatau ona tupu i faaipoipoga faalemalumalu taitasi ao lei mafai ona tumau e faavavau.

“O lenei foi, e moni ou te fai atu ia te oe, afaei e faaipoipo le tane i lana ava i la‘u upu, o la‘u tulafono lava lea, ma i le feagaiga fou faavavau, ma faamaufaailogaina ai ia laua e le Agaga Paia o le folafolaga, e le ua faauuina, ua ou tofia i lenei mana ma ki o lenei perisitua.”

Ia mautinoa ia malamalamama tamaitai talavou e tatau ona faamauina le faaipoipoga e le Agaga Paia o le Folafolaga.

Ia faamalamalama atu o se mea e faamauina e le Agaga Paia o le folafolaga, o se mea lea ua faamausaliina e le Agaga Paia o se mea ua faamaonia e le Alii. O sauniga paia taitasi tatou te mauaina e tatau lava ona faamaoniaina i lea lava auala ao lei faamauina mo le faavavau. E tatau ona tatou ola agavaa ina ia mauaina uma faamanuiaga ua folafolaina mai. E le otometi lava ona oo mai faamanuiaga ona ua tatou mauaina sauniga.

O nisi tagata e faaipoipo i le malumalu latou te le tausia feagaiga latou te faia. Latou te le mauaina faamanuiaga o aiga e faavavau aua e le faamaoniaina e le Alii a latou faaipoipoga faalemalumalu. O i latou o e tausia a latou feagaiga ma ola agavaa i o latou olaga atoa o le a latou mauaina faamanuiaga na folafolaina o le faaeaga aua o a latou faaipoipoga faalemalumalu o le a faamaufaailogaina e le Agaga Paia o le Folafolaga.

Ia faamamafa atu o le faaipoipo i le malumalu e le o se mea ua mautinoa ai le faavavau o aiga ma le faaeaina. E tatau i tamaitai talavou taitoatasi ona taumafai malosi e tausia poloaiga a le Alii ma feagaiga uma na faia i le malumalu i lona olaga atoa.

Faamatalaga a le faiaoga

Ia faamalamalama atu, afaei e tauaveina e ni tagata agavaa ma amiontonu se toalua feagaiga o le faaipoipoga e faavavau i o laua luga, o le a avea le Atua ma se vaega o le la faaipoipoga.

Toe tusi le tafatolu paia. Fai atu i tamaitai talavou e fautua mai ni auala o le a faamanuiaina ai se faaipoipoga e ala lea i le avea o le Atua ma se vaega. Atonu e te manao e fetufaai atu ni ou manatu i se mea na tupu ia te oe lava poo se isi e faamatala atu ai pe faapefea ona faamanuiaina se faaipoipoga faalemalumalu e le Atua.

Ia faamalamalama atu o le sauniuniga mo se faaipoipoga e faavavau e le mafai ona faia i ni nai itula, vaiaso, poo ni nai masina. O ia sauniuniga e alu ai ni tausaga, ma e manaomia ona amata nei loa.

Faaaiuga

Ia tuuina atu i tamaitai talavou taitoatasi se tamai tafatolu o tusia ai le *Atua* i le tasi pito, *Tane* i le isi, *Ava* i le lona tolu, ma upu *Tafatolu Paia* e faalava i le ogatotonu. Ia tusi e tagata uma i le pito i tua: “O le a ou saunia i le taimi nei ina ia ou agavaa ou te iai i le tafatolu paia o le faaipoipoga e faavavau.”

FAAMOEMOEGA	O le a malamalama ai tamaitai talavou taitoatasi i le taua o tu masani na te maua ma faasolo atu i augatupulaga o le lumanai.
SAUNIUNIGA	<ol style="list-style-type: none"> 1. Toe faamanatu le faaaliga ia Liae lea na ia vaai ai i le laau o le ola o lo o faamaumauina i le 1 Nifae 8. 2. La saunia ni peni ma ni pepa mo tagata o le vasega. 3. La filifili se gaoioiga se tasi poo le sili atu o lo o tuuina atu i le vaega muamua o lesona, ma ia saunia lelei iai. Ia aoao uma mai mea e manaomia ma faia tofiga e talafeagai ai ina ia mautinoa o le a aoga ma fiafia iai le vasega i le vaega lenei o le lesona. 4. Faitau tusi e maua mai ai faamatatalaga o lo o i le faiuga o le lesona. 5. Ia tofia ni tamaitai talavou e faamatala mai ni tala, mau, poo ni upu sii e te manao iai.
FAUTUAGA MO LE FAALAUATELEINA O LE LESONA Upu sii	<p>Ua Tofu Tagata Uma ma se Tofi Faapitoa</p> <p>I le amataga o le talafatu faapese lea e taua o le <i>Tagata Ta Vaiolini i le Taualuga o le Fale</i> (Fiddler on the Roof), o lo o tautala mai ai i upu nei ia Tevye, o se alii Rusia e iai sona falesusu, e tupuga mai o ia i tagata Iutaia:</p> <p>“O iienei i lo matou nuu o Anateveka, e iai lava ni a matou lava tu masani ma aganuu e uiga i mea uma - le faiga matou te aai ai, o le momoe, le faiga o a matou galuega, e oo lava i le faiga o o matou lavalava. Mo se faataitaiga, e matou te ufiufiina lava o matou ulu i taimi uma; e matou te faaaogaina foi pulupulu tatalo nei. O lenei faiga e faailoa atu ai lo matou faamaoni e le aunoa i le Atua. Atonu e te fesili ane, pe na faapefeea ona amataina lenei tu ma aganuu? Ou te tau atu ia te oe- Ou te le iloa! Ae o se tu ma se aganuu. Talu ai ona o a matou tu ma aganuu, o le mea lea e iloa ai e tagata uma lava poo ai ia, ae pe o le a foi le mea e finagalo ai le Atua ia te ia e fai.”</p>
Talanoaga	Fai atu i tamaitai talavou e tuuina mai ni faataitaiga o ni tu masani e maua mai o latou aiga, aganuu, ma atunu. E mafai ona aofia ai i tali e tuuina mai ia ni tala, ni tulafono e lei tusiaina, ni talitonuga, ni manatu, ni aganuu, mataupu, ma ni faamatatalaga ofoofogia e tuufaasolo mai i lea augatupulaga i lea augatupulaga. Ia faamanino atu ua tofу i tatou taitoatasi ma tu faapitoa ona e eseese ni aiga tatou te o mai ai, ma e eseese foi ni atunu ma ni aganuu e o mai ai o tatou aiga. E tofу lava le aganuu ma lona uiga faapitoa i aiga taitasi.
O gaoioiga e pule oe pe fai	<p>Ia filifili se gaoioiga e tasi poo le sili atu foi o gaoioiga o lo o i lalo e faamalamalama atu ai tu ma aganuu. O nei gaoioiga e tatau ona faatupuina ai atili le fiafia ma le malamalama o tamaitai talavou taitoatasi i lona lava tofi. Filifili se gaoioiga poo ni gaoioiga e talafeagai lelei ma lau vasega ma o latou tulaga o lo o iai. Ia mautinoa ua maua e tamaitai talavou taitoatasi se avanoa e faaali mai ai pe sailia ai e ia se tu poo se aganuu o lo o avea ma ona tofi.</p> <ol style="list-style-type: none"> 1. Ia saili poo fea le tupuaga o nisi o tagata o lau vasega. Ia aoao e uiga i se tu ma se aganuu mai se atunu se tasi poo le sili atu foi. Ia faaali atu poo le faamatala atu foi nei tu ma aganuu i le vasega. Ia taumafai tagata o le vasega e tau mai poo fea le atunu e sau ai lea tu. 2. Ia tofia tagata uma o le vasega e aumai ni teuga e pei o ula, galuega taulima, poo se ata e faaali mai ai o latou tofi faapitoa. E tatau ona latou saunia e faamatala mai le uiga o ia mea - poo fea e aumai ai, o ai na faia, faapea ma lona taua i le aiga.

Faamatalaga a le faiaga	<p>3. Ia tofia ni tamaitai talavou e faamatala mai pe faatinoina mai se tu faaleaiga, e pei o lona faailogaina o aso fanau poo aso malolo. Fai atu e faamatala mai pe faapefea ona atinaeina lenei tu, ma poo le a se uiga ia te ia.</p> <p>4. Afai e mafai, ia faafesootai tina o tamaitai talavou taitoatasi poo o latou tina matutua. Fai atu iai e tusi sana tusi i lana tama poo le tama a lana tama e tau atu iai se tu faapitoa poo se vaega foi o lona tofi o le a avea ma se tulaga faagaetia i le tamaitai talavou. O ia tusi e tatau ona avea o se tulaga e faateia ai tagata o le vasega, ma e tatau ona tuuina atu i le taimi e fai ai le vasega.</p> <p>Ia faamamafa atu faapea, ua faamanuiaina tamaitai talavou taitoatasi i se tofi faapitoa ua faatumulia i avanoa eseese e tele e maua ai le fiafia. O lenei tofi ua ia maua ona o e e tupuga mai ai. E tatau ona fiafia ma mitamita e tusa ma lana aganuu.</p> <p>Fai atu i tamaitai talavou e faapea, ina ia mafai ona fesootai augatupulaga o o latou aiga i aso ua mavae ma le lumanai, o le mea lea o le a faaaautu ai ia te i latou le talanoaga.</p>
----------------------------	--

Talanoaina o le mau	<p>E Mafai Ona Tatou Faasolo Atu i a Tatou Fanau se Tofi Tatau e Ala i le Ola Amiontonu</p> <p>Tusi i luga o le laupapa: <i>O le a le ituaiga tuaa o le a iai oe?</i></p> <p>Ia faamalamalama atu faapea, e ui ina le mafai ona tatou puleaina le ituaiga tuaa tatou te tutupu mai ai, ae e mafai ona tatou filifili pe o le a le ituaiga tuaa o le a iai i latou e tupuga mai i ai tatou.</p> <p>Fai atu i le vasega e faitau le 1 Nifae 1:1. Ona toe vave lea ona iloiloina le 1 Nifae 2:1-15 ma tali fesili nei:</p> <ul style="list-style-type: none"> • O a ni mea na avea ai matua o Nifae ma ni matua lelei? <ol style="list-style-type: none"> 1. Faatuatua i poloiga (tagai i le 1 Nifae 2:1) 2. Usiusitai (tagai i le 1 Nifae 2:3) 3. Sa faamanuiaina ma aoaoina fanau (tagai i le 1 Nifae 2:9-14) <p>Ia faamalamalama atu faapea e tatau ona tatou mananao ia amiontonu a tatou fanau. Sa iai i a Liae se lagona malosi e uiga i lea mea. Toe faamanatu le faaaliga o le laau o le ola e pei ona tusia i le 1 Nifae 8. Ia faitauina e le vasega le 1 Nifae 8:12.</p> <p>Ia faamamafa atu o le mea sa sili ona naunau iai le loto o Liae, o le o mai lea o tagata o lona aiga ma aai i le fua o le laau, o le faatusa lea o le alofa o le Atua. E pei foi o o tatou aso, o le tu pito i sili tatou te tuuina atu i a tatou fanau o le avea lea ma tagata ola agavaa o le Ekalesia ma ia iai se molimau malosi o le talalelei.</p> <p>Fai atu i tamaitai talavou e faitau le Mosaea 1:5.</p> <ul style="list-style-type: none"> • O a ni tulaga na aafia ai Sa Lamanā ma Sa Nifaē i tu a o latou augatua? <p>Fai atu i tamaitai talavou e faitau le Helamana 15:7-8.</p> <ul style="list-style-type: none"> • E mafai faapefea ona suia aafiaga o tu amioletonu? Ia faamamafa atu faapea, o tu amioletonu e mafai ona faatoilaloina e ala lea i le atinaeina o le faatuatua i le Alii, suesue i tusitusiga paia, ma ia iloa le suiga o le loto, o le liua mai lena i le talalelei.
---------------------	--

Upu sii	<p>Ina ia faamamafa atu le taua o le tuufaasolo o se tofi amiontonu, ia faitau atu le upu sii lenei:</p> <p>“Ua fai mo outou se tofi o le amio Atua. . . . O le fanauina lea i le agaga o se atalii o le Atua, ma faaolaina nei i lona mana ma lona alofa. Aua o oe na ia tuuina mai ai lona Alo Pele e Toatasina Fanaua. Aua o oe na soifua ai ma maliu Keriso ma toetu mai.</p> <p>“O le Ekalesia lenei e maua ai e oe se tofi i le upu moni, i feagaiga, i uunaiiga, i le loto tele, i le taitaiga, i faauoga ma faaletaitai, i le malosi e tulai ae ai nai le efuefu o lenei olaga ma oo atu i se tulaga fou o lenei olaga.</p> <p>“Ia e taofimau i lou tofi. O se tofi lea ua sili ona taua. Ia e mitamita ai.</p> <p>“Ia e mitamita i le tulaga e pei ona e iai nei - ua e le pei o isi. O mea uma lava ua e avea ma ou tofi, ia e faaopoopo atu iai nisi o a oe lava tofi. Ia tuuina atu iai lau fesoasoani. Ia faataunuina. Ia auauna atu. Ia e manumalo. Ia e inu i mea lelei o le olaga ma mea</p>
---------	--

faaleagaga. Ia e ola i se olaga e mafai ai e oe i se aso ona e tuiina atu i lau fanau, ma fanau a lau fanau le faamanuiaga o se tofi e sili atu ona taua nai lo oe lava tofi" (Elaine Cannon, "What of Your Heritage?" *Improvemnet Era*, Aug. 1964, p. 690).

Talanoaga
i le laupapa

- O le a se mea e mafai ona e faia i le taimi nei ia saunia ai oe e avea ma matua lelei, e iai se tofi o tu amiotonu e tuufasolo atu i lau fanau?

Ia tusi i lalo tali a le vasega ao outou talanoaina le fesili. Atonu e aofia ai mea nei:

Ina ia avea ma matua lelei-

1. Suesue i le talalelei.
2. Ia maua se molimau.
3. Tausia poloaiga.
4. Ia faaaogaina tu lelei e alualu ai i luma.
5. Ia atinaeina taleni ma meaalofa.
6. Ia aoao mai aiga o lo o iai tu lelei.
7. Ia auauna atu i isi.
8. Ia foai atu mea mo le atinaeina o le malo o le Alii.

FaaIuga

Gaoioiga tusitusi

Ia tufa atu pepa ma peni. Ina ia avea ma amataga o se tofi o ni tu amiotonu mo e o le a tupuga mai ia te ia, ia fai atu i tamaitai talavou taitoatas i tusitusia lana lava molimau patino poo se tulaga faaleagaga na oo iai. Afai e talafeagai ai, e mafai ona ia tusia le tala o lona liliu mai i le talalelei. E tatau ona teuina lelei lenei pepa ma tuu i totonu o lana tusi o lona lava talaaga.

Molimau

Ia tuuina atu lau molimau e faapea, e tatau i tamaitai talavou ona amata nei ona atinaeina ni tu amiotonu latou te mafai ona tuufasolo atu i ai latou o le a tupuga mai ia te ia. Molimau atu o le talalelei o le oa sili lena e mafai ona tuuina atu i tupulaga o le lumanai.

O MEA E MAUA MAI
AI FAAMATALAGA

"Faapea o le a e aoaoina atu se lesona pe tuuina atu se tautalaga i se faapotopotoga a le au talavou o le Au Paia o Aso e Gata Ai, e faatatau i le autu o lo o tau mai i uluai upu o le Tusi a Mamona: 'O au o Nifae, na fanaua e matua lelei. . . .' (1 Nifae 1:1.) O le a leai se faigata o lenei mea, a ea? E le gata foi i lea, e leai se isi tulaga ua sili ona talia e tagata uma nai lo lea -ma o se mea matua matagofie lava le fanau mai e ni matua lelei, ma fanau mai i totonu o se aiga e manaomia ai le tamaititi ma o le a alofagia ai ma aoaoina ma tuuina atu iai ni faataitaiga lelei.

"Ae a faapea la o oe e te masani lelei i le vaega lea o le a e aoaoina ma ua e iloa o lo o iai i totonu o lena vaega le toatele o tagata talavou o e o le a avea lenei lesona, pe afai e aoao atu i le auala masani, ma mea e tuia ai o latou loto ma faatupuina ai lo latou le to'a ma le maasiasi. O lo o iai foi ma Ioane o le e le o lelei se faataitaiga o se aiga ua saunia e ona matua mo ia, o se ulugalii ua tetea ma ua tatalaina le faaipoipoga ua leva tele aso o feitagai ma le faamaoni le tasi i le tasi ma fetauai i taimi uma. O lo o taumafai Ioane ia ola i se olaga lelei, ma ua ia te ia se agaga naunautai ia ona maua se mea lelei ma saunia ia maua e ia se olaga fiafia. O lo o nofo mai ai foi ma Phyllis o le sa filifilia e lona aiga se auala e matuai ese lava mai le auala sa latou uia muamua ma manao o ia e ola ai. O lo o tu mai foi i le isi itu o le potu ia Ropati o le e alofa i lona tama ae o lo faaletonu lona mafaufau aua e manatu lona tama o le alu e tulimanu ma fagota, faapea ma taalogia uma lava, ma le tapaa ma le ava malosi, e sili atu ona taua ia mea nai lo ona avanoa faaleperisitua.

"O le a faapefea la ona e aoao atu lau lesona i nei tagata talavou e i lea ituaiga faalapopotoga?

"O le a e manao e te fetaiai pea ma le mea moni o iai lou tulaga ao amata ona tuuina atu lau aoaoga, ma faaali atu faapea, e ui lava ina malamalamia i tatou taitoatas i le maua o le fiafia i se tofi moomia o se faamanuiaga sili lea, peitai e toatele matua ma aiga e le o

iai i latou i le tulaga e tatau ona iai. O le tulaga masani lava, e tuuina atu e tagata talavou faamaoni ma le lototetele se faatosinaga moomia i matua ma aiga, peitai e masani lava ona moni e ititi se mea e mafai ona fai ina ia suia ai matua e a latou fanau tama poo fanau teine, o e o lo o latou matua taumafai lelei ia faalelei lo latou tofi.

"O le mea e mafai ona fai ma tatau ona aoao atu, o le manatu lea faapea, e ui lava ina atonu e le o iai i tatou i se tulaga e tele ai se mea e mafai ona tatou faia aua le faalelei o o tatou matua, *e tele mea e mafai ona tatou faia e uiga i le faia o se filifiliga pe o le a le ituaigna matua o le a maua e a tatou lava fanau!* O le tautinoga maoae mai tusitusiga paia e faapea 'O au, o Nifae, na fanaua e matua lelei. . . . e mafai ona tatou aoao atu ai ma le agaga naunautai ma le agaga faamaoni faapea, 'O au, o Ioane, sa ou matua naunau lava ia iai se aso e avea ai au ma se matua lelei. . . .'

"Na faapea mai se tasi, 'E manaomia e tupuga mai i ni tagata lelei, peitai o le mamalu e o tatou tuaa lava ia.'

"O le avea ma se matua lelei o se lui lea ma se faamoemoega e tatau ai mo se tagata talavou ua sili ona malosi ma sili ona mautu lona mafaufau, ma o le faataunuina o lenei sini ua faalagolago lea i luga o le tagata lava ia. E mafai ona maua e le tagata le tulaga na te fia maua ma le agaga faamaoni. . . .

"O lo o iai i tupulaga talavou i le *vaitaimi lenei* ni fatu mo le lumanai. I lalo o ni tulaga ma ni faamoemoega masani, o le a iai i se aso i latou o e o lo a valaauiina i latou o 'tama' poo 'tina,' ma o i latou ia o le a matua suia lava o latou olaga e ala i ituaigna tina poo tama o le a iai i latou. I le avea o i latou ma ni tagata ua faamoemoeina e avea ma ni matua i le lumanai, e tatau ona aoaoina i latou i le mea taua ma ofoofogia o le iai o se tofi lelei, peitai e mafai ona aoaoina i latou i lenei tulaga mai tusitusiga paia i se auala e faagaeetia ai ma o le a maua ai e i latou le lui ma le uunaiga ina ia avea ma ni 'matua lelei'" (Marion D. Hanks, "Johnny, Parent-to-Be. . . .," *Improvement Era*, Feb. 1961, pp. 97, 113).

O le Aafiaga i Galuega Faafaifeautalai

O le Malamalama i Tiutetauave o se Faifeautalai

FAAMOEMOEGA	O le a malamalamala ai tamaitai talavou taitoatasi i tiutetauave o se faifeautalai.
SAUNIUNIGA	<ol style="list-style-type: none"> 1. Ata 12, O Se Faifeautalai ma Lana Soa, o lo o maua i le pito i tua o le tusi lesona. 2. Ia saunia se pepa lautele po o se siata o le faasologa o mea e fai a le faifeautalai i aso taitasi. 3. Pule oe pe fai: Ia saunia ina ia usuina e tamaitai talavou le “Tofia e Auauna i le Atua” (Viiga, itulau 156). 4. Ia tofia ni tamaitai talavou e faamatala mai ni tala, mau, poo ni upu sii e te manao iai.
Faaaliga i le faiaoga	<p>O lenei lesona e talanoaina ai tiutetauave o faifeautalai faamisiona. O alii talavou uma e tatau ona ave ni misiona. O tamaitai e lei faaipoipo ua luasefulutasi tausaga ma sili atu e mafai foi ona ave ni a latou misiona. Ae peitai, o tuafafine talavou e le tatau ona latou lagona o se latou matafaioi le o e ave ni misiona ma e le tatau foi ona uunaiina i latou e ave ni a latou misioina. E le tatau ona faalavelave se misiona i le mauaina e se tamaitai o se avanoa e faaipoipo ai.</p>
FAUTUAGA MO LE FAALAUATELEINA O LE LESONA	Faatomuaga
Ata ma le tala	<p>Faaali atu le ata o soa a faifeautalai, ma faamatala atu le tala lenei:</p> <p>Ina ua mavae tausaga o sauniuniga, sa alu atu loa se tasi faifeautalai i le malae vaalele ina ua oo mai le taimi e tuua ai e ia lona atunu mo Kuatemala i lana misiona. Na ia faapea mai: “Ina ua ou taunu i le faitotoa e tau atu i le mea e ulufale ai i totonu o le vaalele, sa faapea mai lo‘u tamā, ‘Atalii, ia e usitai i tulafono uma ona e maua ai lea o le fiafia i lou olaga.’ Na lue atu iai faatopetope lo‘u ulu, ‘Ia ua lelei Tama,’ ma ou alu ese atu loa. Ao o‘u savali atu i le vaalele, sa ou ataata ifo ia te a‘u lava. ‘Tama, ua e toe “fenumiaia foi au upu.” O lona uiga o lau tala na fia fai mai, ‘Ia e usiusitai i tulafono uma, ona e fiafia ai lea i lau misiona.’” Ina ua mavae lena tulaga, sa gallo ia te au lana fautuaga, ma sa ou faapea o se ‘Fautuaga Faamatua’ lava e masani ai.</p> <p>“I le fitu masina mulimuli ane, na maliu ai lo‘u tama.”</p> <p>I na itula muamua ina ua maea ona ta‘uina atu e le peresitene o le misiona le faalavelave faafuasei matautia na lavea ai lona tama i le vaalele, na matua fenumiai lava lona mafaufau ma faavaivai. Na faapea mai le isi ona itu, “ ‘O a au mea o fai iinei?... [Ua] e sau i se atunu ese, i ni tagata ese ma ni aganuu ese; ae oti lou tama. Ioe e moni, o ni tausaga aupito i fiafia ia e lua o lou olaga. E lua afe maila lou mamao ese mai lou aiga, ma e tuua lava na o oe.’”</p> <p>Ae na faapea mai le isi ona itu, “Ia lototelo oe na le faifeautalai. Sa ia te oe se tama maoae e mafai ona e mitamita ai, ma se peteriaka malosi o le na ia aoao atu ia te oe le talalelei i mea uma lava. Ua e iloa o le ola e faavavau o se mataupu faavae moni o le talalelei, ma ua e iloa o le a faatali mai lou tama ia te oe. Na iai lava sau molimau o le talalelei talu mai lava ona e iloa ona tagi. E le o se taimi lenei e amata ai ona e masalosalo.’</p> <p>“I le lotolotoi la o nei tauiviga i le va o le masalosalo ma le mea moni, na ou toe faalogoina ai i lo‘u mafufau le siuleo o upu mulimuli a lo‘u tama i le malae vaalele e faapea: ‘Lo‘u atalii e, ia e usiusitai i tulafono uma, ona maua ai lea e oe o le fiafia i lou olaga.’....</p> <p>“.... Na avea lona maliu ma se tumutumuga o la‘u misiona. Atonu o se mea uiga ese le fai atu o se tala faapena, ma ou te moomoo foi maimau pe ana o lo o ola lo‘u tama, peitai ina ua mavae lena mea, na avea la‘u misiona ma molimau ola i le olaga o lo‘u tama. Sa le</p>

pine ae ou iloa le taua tele o le ola i ‘tulafono uma.’ E tusa lava poo le a le foliga mai e itiiti poo le le taua o se tulafono, afai ou te ususitai iai, ou te fiafia” (H. Kent Rappleye, “Obey All the Rules,” *New Era*, Jan- Feb. 1979, pp. 24-25).

O fesili e talanoaina

- Aisea ua tuuina mai ai ia te i tatou tulafono e mulimuli ai i le aiga, aoga, ma le Ekalesia?
- O a faamanuiaga e oo mai ia te oe ona ua e filifili e mulimuli i tulafono?

E Tatau i se Faifeatalai ona Usitaia Tulaga uma e Manaomia i le Misiona

Mau

Ia faitauina e tamaitai talavou le Mareko e 16:15 ma le Mataupu Faavae ma Feagaiga e 18:15.

- Aisea ua e mafaufau ai ua manatu le Alii e taua tele le galuega faafaifeatalai?

Faamatalaga a le faiaoga

A amataina loa e se faifeatalai sana misiona, e tuuina atu ia te ia ni tulafono ma ni faasologa o mea na te faia, e fesoasoani ia lelei ai ma manua le galuega a le faifeatalai. E ao i le faifeatalai ona tuuina atu o ia lava i nei mea, ia auauna atu i le Alii ma maua le Agaga e taitaiiina o ia. O le faasologa o mea e faia e le tele o faifeatalai i aso taitasi e aofia ai mea nei:

Pepa lautele poo le siata

Faaali atu le pepa lautele poo le siata

6:30 i le taeao	Ala i luga
7:00 i le taeao	Taimi o suesuega ma le soa
8:00 i le taeao	‘Aiga o le taeao
8:30 i le taeao	Suesuega a le tagata lava ia
9:30 i le taeao	Talai
Aoauli	‘Aiga o le aoauli
1:00 i le afiafi	Talai
5:00 i le afiafi	‘Aiga o le afiafi
6:00 i le afiafi	Talai
9:30 i le afiafi	Uma le talaiga; fuafua gaoioiga mo le isi aso
10:30 i le afiafi	Malolo

Faamatalaga a le faiaoga

Ua faamoemoeina le faifeatalai e mulimuli i tulafono faaopoopo nei, e faalagolago lava i le misiona ma tu ma aganuu a na tagata:

1. Ua faatonuina faifeatalai ia faatasi ona tusi atu i o latou matua i le vaisao.
2. E le tatau i faifeatalai ona telefoni atu i o latou aiga poo uo sei vagana ua tuuina atu iai e le peresitene o le misiona se faatagaga.
3. E tuuina atu e faifeatalai i le latou peresitene o le misiona se lipoti faalevaiaso ma se tusi.
4. E le tatau i faifeatalai ona fai aitalafu. E tatau ona latou faaaoga tatau a latou tupe mo mea e talafeagai mo a latou misiona.
5. E le tatau ona sili atu ma le itula e nonofo ai faifeau i se aiga pe afai e valaaulia mo se taumafataga, ma e tatau ona faaaoga lena taimi e aoao ai tagata o le aiga i a la taumafaiga faafaifeatalai.
6. E le tatau i alii faifeatalai ona na o i laua ma se tamaitai i se mea, pe na o tamaitai faifeatalai foi ma se alii i se mea, pe faia foi e alii faifeatalai ni fegalegaleaiga le tusa ai ma se tamaitai, poo tamaitai faifeatalai foi ma se alii. E le tatau foi ona faia e alii faifeatalai na o i laua se lesona a se tamaitai na o ia sei vagana ua faatasi ai ma se isi tagata matua, e faapena foi i tamaitai faifeatalai.
7. E le tatau i faifeatalai ona tusi atu i nisi tagata o le eria o lo o tala'i ai.
8. E le tatau i faifeatalai ona sopo atu ma fafo o le eria o lo o tala'i ai e aunoa ma se faatagaga mai le peresitene o le misiona.
9. E tatau i faifeau ona faamamalu ma amio lelei, ma aloese mai le fefinaua'i i a latou talanoaga. E tatau ona na o tusi ua faatagaina mai e le peresitene o le misiona e faitau ai.

Upu sii ma le talanoaga	Faitau le saunoaga lenei mai ia Elder Gordon B. Hinckley: "O le galuega faafaifeautalai e faigata. E tele mea e manaomia ai. E le faigofie. E leai lava se taimi ua faigofie ai, ma e le mafai ona faigofie. E manaomia ai le malosi o le tino, malosi o le mafaufau, malosi o le agaga" (Brian Kelly, "O se Talanoaga ma Elder Gordon B. Hinckley e uiga i le Galuega Faafaifeautalai, " <i>O le Liahona</i> , Ianuari 1974).
• Aisea ua e manatu ai ua tuuina mai nei tulafono i faifeautalai?	
• O a ni mea lelei e oo mai i le iai o nei tulafono?	
Faamatalaga a le faiaoga	E Mafai e Tagata o le Ekalesia ona Fesoasoani i Faifeautalai ia Lelei Ia faamalamalama atu e puupuu lava le taimi e auauna atu ai faifeautalai i a latou misiona. E tatau ona latou faaaoga lelei ma le atoatoa aso uma taitasi. I le avea ai ma faifeautalai, e tele naunau mea e faia ma faaaluina ai- o tupe, o taumafaiga a o latou aiga, o tausaga e aoaoina ai ma sauniuni, o taimi, ma o le mea pito i sili ona taua, o i latou lava. I le avea ai o i tatou ma tagata o le Ekalesia, e mafai ona tatou faavaeina se fesootaiga tatau ma faifeautalai ma fesoasoani i ai latou ia maua se mea aoga mai lenei taumafaiga. E mafai ona tatou fesoasoani i ai latou ia manumalo mai se lui aupito sili o faafeagai ma i latou, o lo latou faagaloina lea o i latou lava ae tuuina atu i latou i le galuega.
Upu sii	O le upu sii lenei o lo o faamalamalama mai ai pe faapefea ona lui'iina faifeautalai ia faamaimauina i latou lava i a latou galuega. "Ua tatou mananao uma i se tulaga saogalemu; peitai o le galue ma le maelega o le agaga moni lea o le galuega faafaifeautalai. E lei suia lava lenei mea talu le vaitaimi o le Faaola. Na ia fetalai, ' . . . a o lē faamaumau lona ola ona o a'u ma le talalelei, e faasaoina e ia.' (Mareko 8:35.) E matua moni lava lena mea e uiga i le galuega faafaifeautalai. O le lui pito sili lava ua leva ona iai, o le ole atu lea i le Alii i le agaga tatalo ma aioi atu e foai mai le malosi ma le atamai, atoa ma le taitaiga, ona o atu ai lea ma faataunuina le galuega. Na folafola mai e le Alii: 'Afafai foi tou te manatu tasi i [lo'u mamalu], o le a faatumuina o outou tino atoatoa i le malamalama.' (Mataio 6:22.) Afai o le a galue se faifeautalai ma lona manatu tasi i le mamalu o le Atua, ona alu ese ai lea o le pogisa, o le pogisa o le faapaie, o le pogisa o le agasala, o le pogisa o le faatuutuu, o le pogisa o le mata'u, ma o mea uma nei e faaososo atu i le galuega faafaifeautalai" (Brian Kelly, "O se Talanoaga ma Elder Gordon B. Hinckley e uiga i le Galuega Faafaifeautalai," <i>O le Liahona</i> , Ianuari, 1974).
Fesili ma talanoaga i le laupapa	• O le a se mea e mafai ona fai e se tamaitai talavou o le Au Paia o Aso e Gata Ai e fesoasoani ai i se faifeautalai e faataunuina ona tiutetauave i lana galuega mo le Alii? Tusi i le laupapa fautuaga e tuuina mai e tamaitai talavou. E mafai ona tuuina mai e tamaitai talavou nisi o manatu o lo o maua i upu sii nei. Afai e le o ta'ua maia nei manatu ia ta'u atu iai. "E mafai ona tatou faafeiloai atu aiga lotu ese ma ni a tatou uo i faifeautalai. E mafai foi ona faaeteete i tatou ia le solia ia taimi o faifeautalai. A tatou valaaulia i latou i o tatou aiga e o mai e taumamafa ai, e mafai ona tatou laulauina vave le taumafataga. Ona mafai loa lea ona tatou uunaiina i latou e o e faaauau la latou galuega. E le tatau ona tatou faamoemoeina i latou e fesoasoani e fufulu ni ipu. E le tatau ona tatou valaaulia i latou e matamata televise ma i tatou. E mafai ona tatou aoaoina tulafono a le misiona ma fesoasoani i faifeautalai ia latou usiusitai iai. E le tatau ona na o ni tamaitai talavou ma se faifeautalai [tama] i se mea, e le tatau foi ona uunaiina le faia o ni fesootaiga vavalalata ma le faifeautalai. E le tatau i tamaitai talavou ona latou tusitusi pe telefoni i faifeautalai oi o latou alalafaga. "A'o faaali atu e i tatou uma le faaaloalo i faifeautalai i o latou valaauga, o le a tatou fesoasoani i ai latou e aoao atu le talalelei i isi" (O le Tamaitai o le Au Paia o Aso e Gata Ai, Vaega A, p. 144). Ia faamalamalama atu e mafai foi e tamaitai talavou ona uunaiina alii talavou e o e ave ni a latou misiona. Na saunoa Peresitene Ezra Taft Benson e faapea: "E mafai e tamaitai talavou ona iai so latou aafiaga lelei i le faagaua'iina lea o alii talavou e ave ni a latou misiona. Ia taumafai ia iloa e alii talavou tou te masani o lo o outou

faamoemoeina i latou ia faataunu o latou tiutetauave faafaifeatalai, ma o lo o e manaomia faapitoa i latou e galulue i le galuega faafaifeatalai, aua ua e iloa o le mea lena o lo o finagalo le Alii latou te iai.

“Ia alo ese mai le faia o ni faauoga mautu ma se alii talavou ao faatali le taimi o lana misiona. Afai o le lua fesootaiga e le mautu, ona ia mafai loa lea ona faia le filifiliga e auauna atu ma le faigofie ma o le a ia ua'i uma atu foi lona malosi atoa i lana galuega faamisiona nai lo le mafaufau i lana uo teine o lo o i le fale” (*Liahona*, Ianuari 1987).

Faaiauga

Faamatalaga
a le faiaoga

Ia faamatala atu i tamaitai talavou a'o iai Elder Vaughn J. Featherstone ma lona faletua i le la misiona i le setete o Texas, na ole atu lona faletua i le Alii mo se fesoasoani. Na pisi tele o ia i le misiona na ia le maua ai se taimi mo ia lava pe o ni nai minute foi o se aso. Sa ia tatalo atu, “ ‘Le Tama e oi le Lagi, faamolemole ia e fesoasoani mai ia te au ia ou maua sina taimi mo au a'o o'u iai iinei.’ ” Na matua manino ona oo mai upu nei i lona mafaufau, “ ‘Lo'u afafine e, e le o sou taimi lenei; o lo'u taimi lea’ ” (Vaughn J. Featherstone, i le Lipoti o le Konafesi, Oketopa 1978).

Ia faamalamalama atu o lo o galulue faifeatalai mo le Alii. E leai se tasi e oo lava i faifeatalai, e iai se aia e aveese ai lona mafaufau mai lena galuega Ua manaomia ona tatou faaali atu i faifeatalai lo tatou faaalalo ma le agaga faauo, ma faaali atu foi lo tatou migao. E mafai ona tatou fesoasoani i faifeatalai ia ola i le tulaga ua faamoemoeina ai i latou ma fetufaai atu le sa'o o le talalelei i isi.

Musika

Ia faaiu i le usuina e tamaitai talavou o le “Tofia e Auauna.”

O le Aoao e Fetufaaai Atu le Talalelei

FAAMOEMOEGA

O le a malamalama tamaitai talavou taitoatasi i lona tiutetauave o le fetufaaai atu le talalelei ma o le a maua e ia se lagona mautinoia i le faia o galuega faafaifeautalai.

SAUNIUNIGA

1. Ia saunia se moliga'o (e lelei se moliga'o lapoa) se tasi ma sina masima laitiitii.
2. Ia tusi tulaga o le faatinoga o le tala i se fasi pepa.
3. Ia fai se moliga'o mai se pepa malō mo tamaitai talavou taitoatasi e pei o lenei:



4. Ia tofia ni tamaitai talavou e faamatala mai soo se tala, mau, poo ni upu sii e te manao iai.
-

FAUTUAGA MO LE FAALAUATELEINA O LE LESONA

E Finagalo le Alii Tatou te Fetufaaai Atu le Talalelei i Isi

Faaali atu le moliga'o ma le masima. (Aua le tutuina le moliga'o, aua e le faatagaina lea tulaga i tulafono o le saogalemu a le Ekalesia.)

Fesili atu pe iai se tasi o tamaitai talavou e mafai ona faamalamalama mai, pe na faapefea ona faatusatusa e le Faaola tagata o le Ekalesia i se lamepa ma le masima.

A maea loa se talanoaga puupuu, ona faamalamalama atu lea sa fetalai mai Iesu o i tatou o le masima o le lalolagi ma le malamalama o le lalolagi.

Fai atu i se tamaitai talavou e faitau mai le Mataio e 5: 13-16 ma fuaiupu muamua e lua o le 3 Nifae 18:24.

- O le a lo tatou malamalama lea e tatau ona faasusulu atu?

“[O lo o iai] se tulaga ofoofogia e tupu mai i tagata pe a faapupulaina o latou olaga e le malamalama o le talalelei. E toetoe lava o le taimi lava lena e foliga mai e susulu ai le malamalama o le upu moni e naunau ai e fetufaaai. Pe a faalauateleina o tatou mafaufau e le malamalama fou, ona tatou mananao lea ia iloa e isi: pe a faagaeetia o tatou agaga i le aafiaga faalelagi, e tatou te mananao ia lagona foi e isi; ma a oo ina faatumulia o tatou olaga i mea lelei, e tatou te mananao ina ia maua foi e isi, aemaise lava i latou tatou te alolofa iai, ina ia latou maua foi ia tulaga e pei ona tatou maua” (Carlos E. Asay, in Conference Report, Oct. 1976, p. 58; poo le *Ensign*, Nov. 1976, p. 41).

Mau

Ia faitau faatasi ma tamaitai talavou le Mataupu Faavae ma Feagaiga e 123: 12. Ia faamamafa atu i ai latou o lo o siomia i tatou e o tatou tuagane ma uso, o atalii ma afafine o le Atua, o e o le a latou fusia ma opogi le talalelei pe a latou malamalama lelei ma manino iai, ae ua taofia mai i latou i le upu moni talu ai “latou te le iloa le mea e maua ai.” O lo tatou tiutetauave o le faaali atu lea i ai latou.

	E Mafai e Tamaitai Talavou Uma Ona Aoao Le Ala e Fetufaai Atu Ai le Talalelei
Faamatalaga a le faiaga	Ia faamalamalama atu e tatau ona tatou mafai ona tuuina atu le talalelei i se tulaga lelei, faatasi ai ma le fesoasoani a le Agaga o le Alii, ina ia mafai ai ona iloa e tagata le olioli e mafai ona aumaia ai ia te i latou.
Talanoaga i le laupapa	<ul style="list-style-type: none"> • O a mea e masani ona faalavelavea ai i tatou pe a tatou taumafai e fetufaai ma isi i le talalelei? (Tusi tali i le laupapa. E tatau ona aofia ai mea nei.) <ol style="list-style-type: none"> 1. O le fefe ina ne'i faa'ono'ono mai tagata pe ne'i le fafia mai foi tagata i ai tatou. 2. O le le lava o le agavaa poo le poto masani. 3. O le le lava o le malamalama i le talalelei. <ul style="list-style-type: none"> • E faapefea ona mafai ona faatoilaloina nei mea? (Ia lisi i luga o le laupapa tali e tuuina mai. O nisi nei o fautuaga e fesoasoani ai.) <ol style="list-style-type: none"> 1. Tatalo ma aioi atu i le Alii e fesoasoani mai ia te oe ia e faatoilaloina le fefe ma faamanua oe i le taitaiga a lona Agaga. Afai e te faamaoni ma alofa, e seāseā lava ona teena tagata. Afai e sili atu lou popole mo le faaolataga o lau uo nai lo lou manatu i ou lava mafaufauga, o le a aveesea lou fefe. 2. Ia taumafai ia e iloa le toatele o tagata eseese. Fesili atu iai e uiga i ai latou, ma saili pe o a mea e fafia iai. Pe a e faamasani ma i latou, e mafai ona e faamatalaina atu iai pe faapefea ona mafai e le talalelei ona fesoasoani i ai latou ma o latou manaoga ma atugaluga. Ia faaali atu ma le maelega mea ua faia e le talalelei mo oe. <p>I lona aotelega e tatau ona tatou tuuina se faauoga faamaoni i isi a'o tatou te le'i taumafai e aoao i latou. Na saunoa mai Peresitene Spencer W. Kimball e faapea: “O le mea masani lava e tatau ona tatou <i>faauo</i> atu i o tatou tuaoi a'o le'i mafai ona tatou <i>lapataiina</i> lelei i latou. E tatau ona lava le silafia o o tatou tuaoi i le tatou faauoga ma le faaaumea” (“Report of the Regional Representatives’ seminar,” <i>Ensign</i>, Nov. 1976, p. 140).</p> <ol style="list-style-type: none"> 3. Aoao le talalelei ina ia saunia ai oe e tali sa'o atu i ni fesili pe a maua se avanoa (tagai i le MFF 11:21). Ia e masani i le tala o le toefuataiina o le talalelei e ala mai ia Iosefa Samita ma le oo mai o le Tusi a Mamona. Ia saunia e molimau atu o le Ekalesia a Iesu Keriso ua toefuatai mai i lona mamā, e pei ona faaalia mai i le tala lenei.
Tala	“Sa fesili se . . . faifeau Porotesano i se tasi o a tatou faifeautalai, ‘Aisea ua oulua talai ai i o'u tagata? O i latou o ni tagata Kerisiano lelei uma lava.’ . . . Ma sa sau le tali e faapea: ‘Afai e mautinoa lelei e lau susuga sa faaali mai le Atua le Tama ma lona Alo o Iesu Keriso ma toe fetalai mai i lenei vaitaimi o le talafaasolopito o le lalolagi, ma toefuatai mai faamatalaga taua ma le moomia ma faapea foi ona toefuatai mai e ia le pule moni o le perisitua i se tagata, pe mata e mafai ona e nofonofo pea e leai sau tala e fai atua?’ ” (Robert L. Simpson, O le Faamatalaga Sili Ona Taua, O le <i>Liahona</i> , Me 1975 itulau 33.)
Faamatalaga a le faiaga	E taua tele le aua le taumafai e mafaufau i ni ala e puipuia ai oe pe a talanoa e uiga i le talalelei. E tatou te le tau faatoese atu ona o poloaiga a le Alii. Na tuuina mai e le Atua o le vanimonimo mo le manuia o le tagata.
Tala	Faamatala atu le tala lenei i le auala na mafai ai e Lorenzo Snow, o lē na avea ma Peresitene lona lima o le Ekalesia, ona mafai ona ia fetufaai atu le talalelei i le tele o tagata.
	I le 1850, na auina atu ai e Brigham Young ia Lorenzo Snow ma isi soa e toalua e amataina le galuega faamisiona i Italia. Sa latou galulue mo le tele o masina e aunoa ma lo latou mafai ona fetufaai atu le talalelei i se tagata Italia. Ona faamaumauina lea e Elder Snow e faapea, “na faaalia e le Alii lona mana mo i matou.” O se atalii e tolu tausaga le matua o le aiga na nonofo ai faifeautalai na matuai ma'i tigaina lava ma na foliga mai ua oo atu o ia i le tulaga o le otu. Na vaaia e Elder Snow ma lana soa le tamaititi ma la iloaina ai o lea ua tuuina mai le avanoa la te faaali atu ai i le aiga Italia lenei le silisili ese o le mana o le alofa o le Alii.
	Sa amata loa ona anapopogi Elder Snow ma lana soa, ma sa la o atu i luga o mauga ina ia mafai ai ona na o i laua ma tatalo ai. Sa faamaumauina e Elder Snow e faapea: “Sa ma valaau atu i le Alii e ala i tatalo faamaoni, ina ia faasaoina le ola o le tamaititi. A'o o'u mafaufau i le galuega ma moomoo e faataunuina ma le naunau ia vave ona faailoa atu i maua i le lalolagi; sa ou manatu i lea tulaga o se mea ua sili ona taua. Sa ou leiloaina se isi ofoina atu e mafai ona ou faia, aua sa ou le naunau e tuuina atu o le a tali mai le Alii i a

ma talosaga. Sa ma toe foi atu ina ua ta le tolu i le aoauli, ma ina ua uma ona faapaiaina le suauu, sa ou faauuina lo‘u lima, ma tuu i luga o lona ulu, a‘o ma tuuina atu ma le filemu ia faanaunauga o o maua loto mo lona malosi ia toe faafoisia. . . .

“Mai lena itula sa amata ona iai nai suiga laiti o lona malosi ua toe maua; faatasi ai ma o ma loto ua faatumulua i le faafetai i lo ma Tama Faalelagi, ou te fafia ai ou te faapea atu, i ni nai aso mulimuli ane, sa ia tuua ai lona moega, ma ia faatasi atu i ana uo” (Lorenzo Snow, “Organization of the Church in Italy,” *Millenial Star*, 15 Dec. 1850, pp. 370-71).

I le faaiuga o lenei faaalia o le mana o le perisitua, na tele loto o tagata na faamaluluina, ma na faafuaseia lava ona tatalaina faitotoa i faifeautalai. O le toatele o tagata na faalogologo i le savali o le talalelei ma auai i le Eklesia.

- O le a le mea na faia e Lorenzo Snow na ia faamalūlūina ai loto o tagata na ia taumafai e aoao?
- O le a se mea e mafai ona e aoaoina mai ia Elder Snow e uiga i amioga e tatau ona e maua a‘o e fetufaaai atu le talalelei?

Faatinoina o le tala

O nisi nei o faatusa o avanoa e oo mai i ai tatou e fetufaaai ai le talalelei. Vaevae tamaitai talavou ia tofu soa uma, ma ia e auai foi ma oe pe a tatau ai. Faitau i le faamatalaga ona fai lea i ni tamaitai se toalua e la te faatinoina mai lea tulaga mo le vasega. A maea ona faatinoina mai tulaga e soa a tamaitai taitasi, ona fesili lea i tagata o le vasega mo ni fautuaga i le ala e taulimaina ai lea ituaiga avanoa faafaifeautalai.

1. Ua fesiliglia nei oe e sau uo lotu ese, “E talitonu tagata Mamona ia Iesu Keriso?”
2. Ua manao nei se tagata asiasi faatoa lua feiloai lava e fia iloa, “Pe aisea ua taua ai outou o Mamona?”
3. O se uo e le toaga ua manao o ia e faamalamalama atu pe o le a se pogai e te le inu ava ai ma e le ulaula.
4. Ua fesiliglia nei oe e se tagata faatoa lua masani talu ai nei, “Poo le a le mea e ese mai ai la outou Eklesia mai isi Eklesia?”
5. O lo o e nofo i tafatafa o se tasi i luga o se vaalele poo se pasi. E faapefea ona tosina mai o ia i le Eklesia?

Ia tuu atu se avanoa i le vasega e fefaaalia‘i ai o latou manatu i le fetufaaai atu o le talalelei. Ia faaali atu foi ou lagona.

Faaiuga

Ia faamalamalama atu o le tele lava o taimi e sili atu le avanoa e tatou te maua e fetufaaai ai le talalelei ma a tatou uo nai lo se isi lava na te maua.

E tatau ona tatou fesili ifo i ai tatou lava, “Afai ou te faatalale e fetufaaai le talalelei ma a‘u uo, poo fea, a o afea, ma ao ai foi o le a latou iloa mai ai lea mea?”

Molimau
Atonu e te manao e faaiu i le tuuina atu o lau molimau

Pepa e tufaina atu

Ia tuuina atu i tamaitai talavou taitoatasi se moliga‘o pepa, e faamanatu atu ai ia te ia lana matafaioi o le avea ma se faifeautalai.

Gaoioiga Fautuaina

1. Ia valaaulia ni faifeautalai e o mai i lau vasega e faamalamalama atu pe faapefea ona fesoasoani tamaitai talavou ia te i latou. Ia mautino ua maua e i laua se faatagaga mai le peresitene o le misiona e o mai ai.
2. Ia fai sa outou filifiliga a le vasega i mea e mafai ona outou faia e toe faatoaga mai ai se tagata o la outou vasega.
3. Ia tusi i lalo e le vasega fesili e masani ona fesiliglia e tagata lotu ese, ma tofia tamaitai talavou taitoatasi e tusi i lalo ni tali lelei ma fetufaaai na tali i se vasega i le lumana.
4. Ia fuafuaina se gaoioiga e faia ma valaaulia ni teine lotu ese e o mai ai.
5. Ia valaaulia nisi tagata eseese e o mai i le vasega o ē e mafai ona talanoaina lo latou liliu mai i le Eklesia. Atonu latou te tuuina mai ni auala pe faapefea ona faalatalata atu i tagata lotu ese.

Faateleina o le Faaleagaga

Vaaiga Mamao i le Faavavaau

FAAMOEMOEGA	O le a malamalama ai tamaitai talavou taitoatasi i le vaaiga i le faavavaau o le olaga ma ia saunia lelei ai o ia e fetaiai ma tofotofoga o le olaga faaletino.
SAUNIUNIGA	<p>1. Tusi pe ta i se laau lomitusi mau nei e lua i se pepa malō. Ia faaaoga na o upu lava nei ae aua nei tusia ai i luga le tusi, mataupu, ma le fuaiupu i le pepa malō. “E te onā seja afea? ia tea lou onā i le uaina.” “Aua e te finau ia te au ina ia ou tuulafoai ia te oe, ia le mulimuli atu ia te oe: aua o le mea e te alu iai ou te alu ai foi, e fai lou nuu mo'u nuu; e fai lou Atua mo'u Atua.”</p> <p>2. Ia faamasani i le 1 Samuelu 1 ma le tala ia Ruta o lo o maua i le tusi a Ruta.</p> <p>3. Ia tofia ni tamaitai talavou e faamatala mai soo se tala, mau, poo ni upu sii e te manao iai.</p>
FAUTUAGA MO LE FAALAUATELEINA O LE LESONA	Faatomuaga
Talanoaina o le mau	<p>Ia tuuina atu i se tamaitai talavou le pepa malō muamua lena e tusia ai le fuaiupu o lo o i le 1 Samuelu 1:14. Fai atu iai e faitau leotele.</p> <p>Ia fai atu pe iai se tasi e mafai ona ia tali maia fesili nei:</p> <ul style="list-style-type: none"> • O a ni lagona muamua lava na oo ia te oe e uiga i lenei tala? • O ai o lo o tautala? • O ai o lo o tautala iai lea alii poo lea tamaitai? • O le a se mea sa tupu i le taimi lea? <p>Ia faamalamalama atu i tamaitai talavou o lenei mau o lo o faasino ia Hana, le tina o Samuelu le perofeta. Sa ia tuu atu lona loto atoa i le Alii i totonu o le malumalu aua sa ia le mafai ona maua se fanau. Sa faapea Eli le faitaulaga sili o lo o onā o ia. Ina ua silafia lelei e Eli o ia, sa ia folafola atu ia te ia o le a talia e le Atua lana tatalo.</p> <ul style="list-style-type: none"> • Na suia faapefea ou lagona e uiga i le mau ina ua e iloa le mea lea o lo o tupu? <p>Ia faitau mai e se isi tamaitai talavou le pepa malō o lo o tusia ai le fuaiupu o lo o maua i le Ruta 1:16. Ia fai atu ni fesili e pei o fesili sa faia i le faataitaiga muamua. Talu ai ona o le fuaiupu lenei ua iloa e le toatele, o nisi o le vasega ua tatau ona latou iloa tali i fesili. Ia faamalamalama atu, ina ua latou iloa le mea o tupu i le tala ao le'i faitauina, ma ina ua uma foi ona faitau le fuaiupu, ua mafai nei la ona latou malamalama lelei iai.</p>
Faamatalaga a le faiaga	O Se Vaaiga Mamao i le Faavavaau e Fesoasoani Tatou Te Iloa Ai Mea E Pei Ona I Ai Nei, Mea ua Tuanai, ma Mea o le a I Ai
Talanoaina o le fesili	<ul style="list-style-type: none"> • O le a le vaaiga mamao? (O le agavaa e mafai ai ona iloa mea i lo latou fesootaiga moni.) <p>E pei o le faataitaiga lenei, o se vaaiga mamao tonu lava, e te iloa ai o le pou o le telefoni o lo o tumamao ese atu ma oe e laitiiti i lau vaai atu iai nai lo le pou telefoni o lo o e tu ai i ona tafatafa, e tutusa lelei lava lo la lapopoa. O le vaai mamao atu i mauga, e foliga mai o lo o ufitia uma lava i laau, peitai o se tagata e tonu lana vaaiga mamao na te iloa lava o lo o iai nisi vaega o le mauga e leai ni laau.</p>
Talanoaga	

Tala

Faamatala atu le tala lenei:

Sa faatasi atu se tamaitai talavou i se aoaoga i le toafa. I le taimi o le aoaoga sa tuu eseese ai o ia mai le toatele o le isi vaega ma na leiloa ai o ia. Sa iai lona lagona ua tele ni maila ua latou eseese ai ma le isi vaega. Sa faaauau pea ona savali o ia seia oo ina le toe mafai ona ua pogisa.

Na iu lona ina ua tonu ia te ia e faapea o le mea sili na te faia o le faatali lea seia malama le taeao ma lona faamoemoe o le a maua atu o ia e le isi vaega. Sa ia tatalo ma lona loto atoa ina ua oo mai le pogisa. Na alu le po atoa e le'i moe o ia ma ina ua tafa mai ata, ma ia iloaina ai o totonu o le vanu lea sa iai o ia i le po atoa. Na a'ea'e atu loa o ia i luga o le augutu o le vanu. Ma ina ua ia faia lea mea, sa ia iloa mamaao atu le isi vaega e tusa ma le afa maila le mamaao o lo o tolauapi mai i le tumutumu o se tasi mapu'epu'e.

- O le a se mea o lo o ta'u mai i lenei tala e uiga i le vaaiga mamaao? (Afafai e sa'o la tatou vaaiga mamaao, e mafai ona tatou iloa le mea o lo o tatou iai, ma pe faapefeara ona tatou oo atu i lo tatou taunuuga.)


- O le a le vaaiga mamaao e faavavau?

Ia tuu atu se avanoa i tamaitai talavou e tali mai ai i le fesili lenei. Ona fai atu lea e faitau mai le Mataupu Faavae ma Feagaiga e 93: 24.

- E mafai faapefeara e le malamalama i le upu moni ona faaleleia la tatou vaaiga mamaao?

Ata i le laupapa

Ina ia faamalamalama atu lenei manatu, ia tusi le ata lea i luga o le laupapa:



Fai i tamaitai talavou e faitau le Isaia 55: 8-9 ma le Iakopo 4:13.

Ia faamalamalama atu, a o tatou maua le malamalama o le upu moni o le a pei ai le tatou vaaiga mamaao o le silafaga mamaao a le Atua. O le a faavavau lona natura.

Fai atu i se tasi o tamaitai talavou e faitau mai upu sii nei a Iosefa Samita:

"O le latalata atu o le tagata i le atoatoaga, o le marino foi lena o lana vaaiga lava e tasi o le fuafuaga e faavavau a le Atua e uiga ia te oe ma e iloa ai pe o ai lava oe, o le a le faigata ona e alofa ia te Ia, tausia ana poloaiga, ma ola agavaa mo faamanuiaga uma ua ia te ia mo oe talu mai lava a'o le'i faataatiaina le faavae o le Lalolagi" (*Teachings of the Prophet Joseph Smith*, sel. Joseph Fielding Smith [Salt Lake City: Deseret Book Co., 1938], p. 51).

- O le a se mea e fesoasoani i ai tatou e tatou te iloa ai mea e pei ona iai?

Na saunoa mai Elder LeGrand Richards: "Ia faamanua atu le Atua ia te outou ia outou iloa le mea na outou o mai ai, ma avanoa silisili ua outou maua. Afafai e toe susu'e i tua le veli ma e toe iloa atu na o sina vaaiga lava e tasi o le fuafuaga e faavavau a le Atua e uiga ia te oe ma e iloa ai pe o ai lava oe, o le a le faigata ona e alofa ia te Ia, tausia ana poloaiga, ma ola agavaa mo faamanuiaga uma ua ia te ia mo oe talu mai lava a'o le'i faataatiaina le faavae o le Lalolagi" (*Patriarchal Blessings*, *New Era*, Feb, 1977, p. 7).

- E mafai faapefeara e se vaaiga mamaao i le faavavau ona fesoasoani ia te oe e faafeagai ai ma lui e oo mai i lou olaga?

Upu sii ma
le talanoaga

Fesili e
manatunatu iai

- E faapefea ona faaopoopo atu e lou faamanuiaga faapeteriaka se isi vaaiga mamao i lou olaga?
-

O Se Vaaiga Mamao e Faavavau e Fesoasoani i ai Tatou e Maua ai Uiga Lelei e Faafeagai ai ma Tofotofoga

Ia faamalamalama atu o le vaaiga mamao e faavavau e mafai ona fesoasoani i ai tatou e faafeagai ma faaososoga faatasi ai ma se uiga lelei ma le faatuatua.

Tala

Ia faamatala atu se mea moni lava lenei na tupu:

Na foi mai Tili ma se tala faavauvau mai le ofisa o le alii fomai e faapea e iai se ma'i tugā o lo o tupu i lona maeaalio. Ma e toe ono nei masina e ola ai. I lona mafaufau atu o le a ia tuua lona toalua ma le la fanau laiti e toatolu, o se tulaga lea sa sili ona tiga ia te ia.

O le tiga na oo iai o ia i lenei ma'i e seāseā ona tupu ae na matautia tele. I se tasi osoga o lona ma'i, na ia lagona ai se tasi o mea pito i faigata na te faia, ae o se mea taua lea, o lona taumafai lea ia laumata fiafia i lena taimi. Sa ia iloa e tusa lava poo le a se mea e tupu, o le a faatasi lava o ia ma lona aiga pe a mavae lenei olaga, o lea na ia manao ai e faatumauina le agaga fiafia e tusa ma la latou mafutaga.

Sa avea le suia o ona uiga na le gata ina maua ai e ia le malosi, ae na faamalosia ai foi e na pele ia te ia. Na auauai malie mai lava le faamafanafanaina o ia i le tulaga moni e faapea, afai e tumau lona onosai i lona tiga ma le mafatia, o le a faapea ona aoga ona uiga faaalia mo ia ma isi o siomia o ia, ma o le a matua lavatia ai e ia le tulaga o le a ia oo iai i masina o lo o lumanai.

Talanoaga

- Na faapefea ona fesoasoani le vaaiga mamao e faavavau ia Tili ma i latou na siomia o ia e faafeagai ai ma lenei tofotofoga?

- O a ni auala ua e manatu na aafia ona uiga ona o lana vaaiga mamao e faavavau?

Fai atu i tamaitai talavou e faamatala mai ni faataitaiga o ni mea na oo i o latou olaga poo olaga o a latou uo e faamalamalama mai ai le aoga o le maua o se vaaiga mamao e faavavau.

Ia faamatala atu tala nei e lua e uiga i le faatumauina e tagata o le Ekalesia i lona faatoa amataina o se vaaiga mamao e faavavau i le totonugalemu o ni luitau matautia.

Tala

Ia Mati o le 1832, na toso ai faamalosi Iosefa Samita mai lona aiga i le tulua o po ma ao e nisi o tagata leaga. Na sasaina o ia, titina, ma vali ta ma tuu iai fulufulu manulele e tagata na ita ia te ia. Ona latou tuua ai lea o ia i le malulu.

Ina ua mavae sina taimi, na mafai loa ona ia nofo ae i luga ma taumafai e savali tautevateva atu i le latou fale. Na alu lena po o taumafai ana uo e foefoe ese le ta mai lona tino.

O le aso na sosoo ai o le Aso Sa. Na fai laei o le Perofeta ma alu i le sauniga lotu i le Sapati, lea na ia lauga atu ai i le aulotu. O tagata sa iai i lena sauniga, o nisi o tagata leaga ia na latou faasaua ia te ia i le po ua mavae. I le aoauli o le aso lava lena e toatolu tagata na papatisoina ai. (Tagai i le *Church History*, 1: 261-64.)

Tala

Na faamatalaina e Charles Pulsipher le tala lenei mai lona malamalama i pōpō fou i le Vanu o Sate Leki:

“Na lelei le matou faatoaga sana i le [1849] Na maua ai foi ma a matou fatu mo le isi tausaga na sosoo ai. Ae peitai, i le tausaga na faaleagaina ai e sē akerise a matou faatoaga, ma sa matua utiuti lava a matou meaai, o lavalava ma isi mea e manaomia, ma ua toeititi lava uma a matou falaoamata. O le toatele o isi ua utiuti foi le faasoasoa. E toe tasi le kuata paelo o le falaoamata o lo o iai i totonu o lo matou fale.

“O se tasi o o matou tuaoi na oo mai ma nōnō atu ia tau lava na o sina falaoamata e fai ai se masi ma lona toalua o lo o ma'i, ma e le'i 'ai o ia mo le tele o aso. O lea sa ou fesili ai pe o le a le tele o se matou falaoamata o totoe. Na faapea mai le tali, ‘E toe tasi lava le kuata, ae o le a tatou vaevaeina ma si tama lena, ma o le a lava foi mo le tatou aiga i le taeao.’ O lea na matou tuuina atu ai loa ma ia le afa o le matou falaoamata. Sa ia aveina ma faapea mai, ‘Ia faamanuia outou e le Alii ina ia outou le manao atu.’

"O le taeao na sosoo ai ina ua matou o atu e aumai le falaoamata, e toe tasi lava le kuata o le falaoamata o lo o totoe ai i totonus o le apa. O le mea lava lea e tasi na tupu i aso taitasi o le vaiaso poo le sili atu foi, seia oo ina ua mafai ona matou maua le isi a matou taga falaoamata. O lea sa matou le mananao atu ai" (quoted in Richard Cottam Shipp, *Champions of Light* [Orem: Randall Book, 1983], p. 82).

Talanoaga

- O le a sou manatu na faapefea ona fesoasoani le vaiga mamao e faavavau ia Iosefa Samita ma Charles Pulsipher i nei tulaga na oo iai?
 - O le a se mea na e aoaoina mai nei tala e uiga i le faatumauina o se vaiga mamao e faavavau i lou olaga?
-

Faa'iuga

Ia faamalamalama atu afai tatou te atinaeina se vaiga mamao e faavavau, o le a maua e i tatou ni uiga lelei. O le a tatou mauaina se fiafia uiga ese ma le filemu i le olaga, ma o le a mafai ona faamalosia ai isi e ala mai i a tatou faataitaiga.

Molimau

Ia tuuina atu lau molimau i tamaitai talavou e uiga i le ala na fesoasoani ai se vaiga mamao e faavavau i lou olaga.

Gaoioiga Fautuaina

Fai atu i le vasega e saunia se lisi o mea e mafai ona latou faia i le taimi nei ina ia maua ai e i latou se vaiga mamao e sili atu mo o latou olaga. Atonu o le a latou manatu e saili se molimau i le moni o le Eklesia, maua se malamalamaaga sili atu e uiga i le misiona a le Faaola ma lana togiola, saunia mo le mauaina o se faamanuiaga faapeteriaka, ma faatoilaloina vaivaiga e pei o le faatalalē poo le loto ita.

Foiaina o Tulaga Tuu Faafeagai

FAAMOEMOEGA O le a aoaoina ai e tamaitai talavou taitoatasi ala latou te taliaina ma foiaina ai tulaga faafeagai, faanoanoaga, ma mea e atuatuvale ai.

SAUNIUNIGA

1. Ia saunia ni penitala ma ni pepa mo tagata o le vasega.
2. Tusi i luga o le laupapa mau o lo o i le vaega lona lua o le lesona pe a mafai.
3. Ia tofia ni tamaitai talavou e faamatala mai soo se tala, mau, poo ni upu sii e te manao iai.

**FAUTUAGA MO
LE FAALAUTENEINA
O LE LESONA**

Faatomuaga

Ia faitau atu e ni tamaitai o le vasega tala nei:

1. Na manao lava le teine o Toni e maua sana sikolasipi ina ia mafai ai ona aoga i le kolisi. Sa lelei lava ona togi, ae o lea o lo o ia manao nei ia na o togi sili ona lelei ina ia mafai ai ona maua se sikolasipi. Sa matua suesue lava Toni i le tausaga atoa ma sa saunia o ia.

I le vaiaso na fai ai suega faaiu na ma'i ai Toni. Na matua tiga lava lona ulu ma mu ona mata. Sa sue o ia i le suega, ae talu ai ona o lo o ma'i o ia, o le ala lea na le lelei ai lona mafaufau.

O le iuga na tupu, na le maua e Toni se sikolasipi. "Aisea ua oo mai ai ia te au lea mea?" "Aisea ua tupu ai lenei mea ia te au?"

2. Sa na o le sefulu tausaga o Mele ae maliu lona tina. O lona tama o se tagata lelei tele, ae sa le lelei o ia i le puipuiga o lona aiga ina ia mafuta faatasi pea. Sa tuuina atu Mele i se tasi o aiga e fai ma tamafai, ma sa faia o ia e pei o se tavini. Sa oo ina fouvale o ia ma sa tuuina atu ai loa o ia i se aiga e fiafia iai, ae ona o le ma'i o le tina o lea aiga na ia alu ese ai.

E sefulufitu ane tausaga o Mele ua tolu ni aiga na nofo ai ma avea ma tamafai. I se tasi aso na ia faamatala atu ai i se fautua o le aoga, "E leai se tasi e pito i sili ona faigata lona olaga e pei o a'u. Ou te le'i mauaina lava se nofoaga ua ou ta'ua o se aiga."

3. Na fanau mai lava Sieni ma le ma'i o le gugu. A o faaaaoao ona savavali isi tamaiti, ae o le taimi lena sa faasimā uma ai vae o Sieni. A'o amata ona o atu isi tamaiti i le aoga, ae o le taimi lena o lo o i le falemai ia Sieni mo lona taotoga lona iva. A'o amata ona faiuo isi tamaitai talavou, ae o le taimi lea ua alu Sieni i le nofoa faataavalevale ina ua maea lona taotoga lona luasefulutasi.

Sa umi o tauivi o ia ma faigata i le taumafaiga o ana meaaoga, ae sa sili atu ona tele taimi na tau faavaivai ai. "O nisi taimi ou te tomanatu ai pe aisea ua na o au ai ua tupu ai nei mea," sa ia fai atu ai i lona tina.

4. O Pela o se tamaitai atamai tele ma sa tele lava ni ana uo, o ni tama ma ni teine ae sa lei alu lava e eva. Sa filifilia o ia e avea ma se tasi o au ofisa o le latou vasega faauu. I le avea ma se au ofisa, o lea sa ia faamoemoe e auai atu i le siva a le vasega faauu. Ina ua oo mai le taimi o le siva, sa leai se tama e o ma Pela i le siva. Sa ia lagona lona toilalo.

"E leai se isi mea ou te manatu ua matuai faalumaina ai lava au," lana tagi. "O mea faapenei e le taitai lava tupu i se isi na o au lava!"

(O le a tuuina mai faaiuga o nei tala i se taimi mulimuli o le lesona.)

- O le a se tulaga ua tutusa lelei ai nei tamaitai talavou? (Sa latou feagai ma ni faigata e aunoa ma so latou malamalamaga pe aisea.)

Talanoaga

Gaoioiga tusitusi	Ia tufa atu pepa ma penitala. Fai atu i tamaitai talavou taitoatasi e tusi i lalo se tulaga faigata, se mea e tuu faafeagai, poo se faafitauli o lo o feagai nei ma ia. Ia faamalamalama atu e leai se isi o le a vaai i lana pepa. O le pepa e mo le lelei o le tamaitai talavou lava ia.
Faamatalaga a le faiaoga	O Tulaga Tuu Faafeagai ma Faanoanoaga e Aoga e Maua ai e i Tatou se Aoaoga Ia faamalamalama atu e tele mea i lenei olaga ua iai ni tulaga tuufaafeagai. Ia fai atu i tamaitai talavou e ta'u mai nisi o ia tulaga tuufaafeagai. Ia faamamafaina atu ua le gata i tulaga tuufaafeagai o le itu faaletino o le olaga ae ua tuufaafeagai foi o tatou lagona e pei o le alofa ma le ita, o le lotomalie ma le lotoleaga, fafia ma le faanoanoa. E le faapea ua talafeagai ona tutupu mai o nei mea. O se vaega o le fuafuaga a lo tatou Tama Faalelagi le iai o le faafeagai i mea uma lava.
Laupapa	Tusi i luga o le laupapa: <i>Aisea e tatau ai ona iai le tuufaafeagai o mea uma lava?</i> Aua le taliina e tamaitai talavou le fesili i le taimi lea. Tusi i lalo ifo o le fesili le <i>Mataupu Faavae ma Feagaiga 122:7</i> . Ia faamalamalama atu o le vaega lenei o le Mataupu Faavae ma Feagaiga na tuuina mai ia Iosefa Samita ao iai o ia i le falepuipui o Liberty. Faitau faatasi ma tamaitai talavou le fuaiupu lea.
Talanoaina o mau	Tusi mau nei i luga o le laupapa ma fai atu e faitau. Ia talanoaina pe faapefea ona fesoasoani nei mau taitasi ina ia tatou malamalama ai e uiga i tulaga tuufaafeagai. Mataupu Faavae ma Feagaiga 24:8 Mataupu Faavae ma Feagaiga 29:39 Mataupu Faavae ma Feagaiga 58:2-4 Mataupu Faavae ma Feagaiga 136:31
Aotelega	Ia faamalamalama atu i tamaitai talavou, o mea tuufaafeagai ma faanoanoaga e aoga mo lo tatou alualu i luma. E le tatau ona tatou fefefe pe loto vaivai i mea tuufaafeagai. O lo tatou faalatalata atu i lo tatou Tama oi le Lagi o le a mafai ai ona tatou maua le malosi e manumalo ai, ma ia avea nei puapuaga ma mea e faapaiaina mo lo tatou manuia.
Laupapa	E Mafai e Tamaitai Talavou Taitoatasi Ona Foiaina Faanoanoaga ma Mea e Atuatuvale ai Ia faamalamalama atu na faamatalaina mai e Peresitene Ezra Taft Benson auala e sefululua tatou te mafai ona foiaina ai faanoanoaga, mea e atuatuvale ai, ma le loto vaivai (tagai i le "Aua le Atuatuvale O Outou Loto," <i>O Le Liahona</i> , Fepuari 1975, itulau 34.) Ia tusi upu autu taitasi i luga o le laupapa ma talanoaina, ia faaaogaina upu sii ua tuuina atu i lalo e pei ona manaomia. (O upu sii uma e mai le tautalaga a Peresitene Benson.) Ia faamalosia tamaitai talavou e tusitusia i lalo ni faamatalaga e talanoaina. Ia faamalamalama atu o le tele o faafitauli atonu na o le tasi poo le lua ni tali e manaomia ai. 1. Salamo: "E faatupuina e le agasala le lē mafuta atu o le tagata i le Atua ma e atuatuvale ai le agaga. . . . Soo se tulafono lava e tausia, e aumaia ai se faamanuiaga faapitoa. Soo se tulafono lava e solia, e aumaia ai puapuaga faapitoa. O i latou uma ua mafatia i avega, ua tatau ona o mai i le Alii, aua e avehofie lana amo o lana avega foi e māmā ia." 2. Tatalo: "O le tatalo i taimi e manaomia ai, o se meaalofa sili lea. E amata mai lava i nai mea faatauvaa seia oo atu i mea faigata, ona mafai e le tatalo ona fesootai atu i tatou ma le Atua, o le puna sili o lo tatou saogalemu ma lo tatou fautua." 3. Auauna Atu: "O lou tuuina atu o oe lava e auauna atu i galuega amiontonu i isi, e mafai ona siitia ai ou manatu ma aveese ai lou mafaufau mai faafitauli tau ia te oe lava, poo le faatulagaina lelei ai foi. 'A e iloa loa ua fai si ou faanoanoa po ua loto vaivai,' na saunoa mai ai Peresitene Lorenzo Snow, 'ia e vaai i ou tafatafa ma saili se tasi o i se tulaga e sili atu ona leaga nai lo oe; ia e alu atu ia te ia ma saili poo le a lena faafitauli, ma e taumafai e aveesea i le malamalama na tuuina atu e le Alii i ou luga; ma o le mea muamua lava o le a e iloa, o le a mou ese atu lou faanoanoa, e te faalogoina se malamalama, ma o le a faatasi ai le Agaga o le Alii ia te oe, ma o le a foliga mai ua faamalamalama mea uma.' (Conference Report, 6 Apr. 1899, pp. 2-3.)" 4. Galuega: "O galuega o so tatou faamanuiaga, e le o so tatou faasalaga. . . . E tatau ona tatou galulue mo le tausia o tatou manaoga faaleagaga, faalemafaufau, le va

ma tagata, ma mea faaletino o manaomia e i tatou ma isi ua tofia iai tatou ina ia tatou fesoasoani iai. O lo o iai i le Ekalesia a Iesu Keriso galuega e tele e faia e alualu ai i luma le malo o le Atua. O tagata taitoatasi uma lava o se faifeautalai, ma o le faia o gafa o aiga ma galuega faalemalumalu, afiafi faaleaiga, ma maua se valaauga faale-Ekalesia, ma faalauteleina lena valaauga, ua na o nisi ia o galuega itiiti e tatau ona tatou faia.”

5. Soifua Maloloina: “O le tulaga e iai le malosi o le tino e aafia ai ma le agaga. O le pogai lena na tuuina mai ai i ai tatou e le Alii le Upu o le Poto. Na ia fetalai mai foi e tatau ona tatau vave momoe ma ia vave feala.”

E tatau ona tatou ‘ai meaai lelei e malosi ai le tino, ma ia lelei le malologa ma faia faamalositino e tatau ai ma taalogia aoga ia sui ai le malosi ma siitia ai le agaga.

6. Faitau i tusi: “E toatele tagata e feagai ma taimi o o latou puapuaga e liliu atu i le Tusi a Mamona ma faamalamalamaina, toe faafouina ai le faalogo, ma faamafanafanaina.

“O le tusi o salamo i le Feagaiga Tuai o lo o iai se meaai faapitoa mo le agaga o se tasi ua faanoanoa. . . . O upu a perofeta, ae maise lava le peresitene o le Ekalesia, o ni mea taua ia e tatau ona faitau iai ma e mafai ona maua ai se taitaiga ma se faamafanafanaga i taimi o faanoanoaga.”

7. Faamanuiaga: “I se taimi faapitoa e lutia ai, poo se taimi e foufou mai ai ni faafitauli . . . e mafai e se tasi ona saili atu mo se faamanuiaga e tuuina mai e le perisitua. . . . E faamanuiaina foi e le faamanatuga agaga (MFF 20: 77, 79) o i latou uma o e taumamafa iai ma le agavaa.”

8. Anapogi: “O le anapogi i lea vaitaimi ma lea vaitaimi e mafai ai ona manino ma faamalosia le tino ma le agaga, . . . Ina ia aoga se anapogi, e tatau lava ona faaopoopo iai ma le tatalo ma le manatunatu loloto; ma o se faamanuiaga pe afai e mafai ona manatunatu loloto se tasi i tusitusiga paia, faapea ma le pogai ua anapogi ai.”

9. Uo: “O le faaou atu i uo moni o ē e mafai ona faalogo mai ia te oe, ma fetufaai ma oe mea e te olioli ai, ma fesoasoani e tauave i lau avega, ma fautuaina sao oe o se mea sili atu lea ona taugata. . . .

“O le manatu sili lava, e tatau ona avea lou aiga ma uo e te pito faalatalata iai. A o le mea sili, e tatau ona tatou saili ia avea ma se uo a lo tatou Tāma oi le Lagi ma lo tatou tuagane o Iesu Keriso.”

10. Musika: “E mafai e ni musika musuia ona faatumuina le agaga i mafaufauga faalelagi, ma uunaiina ai se tasi ia faia amioga tonu, pe maua ai foi le filemu i le agaga. . . . Na tuuina mai e Elder Boyd K. Packer se fautuaga poto e faapea, o le taulotoina o viiga o Siona . . . [e fesoasoani] e aveesea ai i fafo mafaufauga faavaivai loto.”

11. Tumau: “E iai taimi e tatau ai lava ona e onosai ma le amiontonu, ma tetee le tiapololeia oo ina tuua oe e lona agaga faavaivai loto.

“. . . . A o e faafeagai ma ou tofotofoga, e mafai ona e toe manatunatu i mea uma ua tuanai sa e manumalo ai, ma maitau faamanuiaga ua e maua ma lou faamoemoe mautinoa o le a sosoo mai ai ma ni faamanuiaga sili atu pe afai o le a e faamaoni.”

12. Sini: “O fanau uma taitoatasi a le Atua e manaomia ona latou faatutū ni sini, o ni sini pupuu ma ni sini uumi. O se tagata e taumafai malosi atu i luma e faataunuina ni sini aoga, o le a le pine ona manumalo lea i le faavaivai, ma o le taimi lava e faataunuina ai se sini e mafai foi ona toe faatutūina ai nisi sini.”

Ia faamalamalama atu o nei auala e mafai ona fesoasoani i ai tatou e foaina faanoanoaga, mafatiaga, poo atugaluga foi. Fai atu i tamaitai talavou e filifili se auala se tasi poo le sili atu foi o auala o lo o i luga e fesoasoani i ai latou e manumalo ai i le tulaga tuufaafeagai sa latou tusia i a latou pepa.

O o Tatou Faigata e Mafai ona Faatupulaia ai lo Tatou Malosi ma le Agaalofa

Laupapa

Tusi i luga o le laupapa mafaufauga nei na saunia e Elder Hugh B. Brown (na sii mai i se tautalaga a Marvin J. Ashton, “O le a se Mea e Tatau Ona Tatou Faia?” *Speeches of the Year*, 1975 [Provo: Brigham Young University Press, 1975], p. 21):

Faamatalaga
a le faiaoga

Tala

"O tagata tamalii e le gata ina latou onosai i faafitauli; ae latou te faaaogaina foi."

Ia ta'u atu i tamaitai talavou o le a e faaumaina atu tala sa e faamatalaina atu i le amataga o le lesona, i le ta'u atu lea i ai latou o le mea tonu na tupu i ia tamaitai. Afai e manaomia, ia toe iloiloina otooto tala o lo o i le faatomuaga o le lesona.

1. Talu ai ona sa le lava se tupe a Toni e aoga ai i le kolisi, sa tonu loa ia te ia e faigaluega ma faaputuputu se tupe mo se tausaga e tasi ona alu ai lea i le kolisi. Sa ia maua se galuega sa fai ma failautusi i se aoga faapitoa mo tagata e le atoatoa o latou tino. Talu ai ona o lea galuega sa ia faia, na tonu ai ia te ia e avea o ia ma se fomai mo le tautala, ae le o mataupu faapisinisi e pei ona sa ia filifilia muamua. Na aoaoina ia te ia e lea galuega le tigaalofa, alofa, ma le onosai, ma na tuuina atu ai foi ia te ia se avanoa e auaua atu ai.
2. Mai tofotofoga uma lava na oo ia Mele, sa tumau pea ona faalatalata atu o ia i le Ekalesia. Ina ua sefuluiva ona tausaga, na fetoui o ia ma se faifeautalai ua uma mai sana misiona, ma sa la faaipoipo loa. "Ou te le mautinoa pe aisea na ala ai ona ou oo i mea na ou oo iai," lana tala mai. "Masalo ai na tofotofoina lo'u faatuatua i le talalelei. Poo le a lava le pogai, ou te iloa ou te talisapaia ma le faafetai la'u tane, le ma fanau, ma lo'u aiga, e sili atu nai lo isi tamaitai ua ou vaai iai. Ou te faafetai sa mafai ona ou onosai i le faafeagai ai ma o'u faafitauli."
3. Na faauuina Sieni mai le aoga maualuga ma maua sana galuega e fai ma failautusi. E momoli lava o ia ma toe aami e lona tina i le galuega i aso taitasi. Sa le manao o ia e faalagolago i isi ae sa ia iloa onosai i ona faafitauli. E faapea le faamatalaga a lona tina e uiga ia Sieni, "Ua atinae Sieni se agaga malu ma le onosai. E o atu ia te ia tagata mo sana fautuaga ma ni ana apoapoaga pe a iai ni mea e faalavelavea ai o latou mafaufau. O faafitauli e oo i ai latou e masani lava o ni faafitauli faatauvaa ia, pe a faatusatusa atu i faafitauli na oo ia Sieni, ae latou te o ese atu ma le agaga fiafia pe a uma ona latou talanoa ia Sieni, ma e fiafia foi Sieni ua mafai ona fesoasoani i nisi auala. Ua avea lava o ia ma se faamanuiaga i le tele o tagata; ua tele tausaga ua mavae atu ae ou te lei faalogo lava i se faitioga mai ia te ia, e tusa lava pe o le a le tiga o lo o ia tauaveina."
4. Na faatoa amata lava ona alu Pela e tafafao faamasani ma se tama ina ua aoga i le kolisi. Ua faapea mai nei o ia e uiga i le lesona lea na ia aoaoina i lona alu i le siva a le latou vasega faauu, "Sa ou faapea ailoga a galo ia te au le mea na ou oo iai, ae ua matua galonimo lava. Ua fai nei so'u toalua ma ua maua sa'u fanau aulelei e toalima. O le tiga ma le tulaga mafatia o lena mea na ou oo iai, na moni lava, ae ua alu ese. A oo mai nei ni faafitauli ia te au, ou te manatua ai lava lena mea na ou oo iai, ma ou mafaufau ai faapea, 'E tatau foi ona alu ese atu lenei faafitauli!'"

Tala

Faamatala atu le tala lenei e uiga i se tamaitai talavou o lē na fesoasoani iai le Alii ma ia foiaina ai se faafitauli matuia ma avea o se auauna faamaoni a le Alii.

Na fanau mai Emily Ellen Swain Squires i Egelani i le 1852. O lona tina o se tagata o le Ekalesia, ma ina ua sefulutasi tausaga o Ellen, sa auina atu loa o ia ma nisi tagata o le Ekalesia e nonofo ma uso o lona tina i Utah. O le isi vaega toatele o le aiga ua fuafua e faatasi atu ma ia pe a lava se seleni. Na fai si umi ma faigata le faigamalaga, aemaise lava mo se teineitiiti e sefulutasi tausaga ua ia tuua lona tina ma lona aiga i Egelani.

Sa ia savalia le ala atoa seia oo atu i Utah, ma sa ia amoina se taga o iai lapisi a pafalō ma fasi laau mo le tafuina o le afi. Na masaesae ona seevae, ma o lea na ia savali ai e aunoa ma ni seevae i le tele o le faigamalaga, ma o le tele o taimi e lavelavea ai ona vae ma tafetotoi. O lona ofu ua masaesae ma palapalā. Sa matuai lagona lava e ia le tuua na o ia ma o le faigamalaga na matuai umi lava ma sa ia manatu pe na aoga ea le taumafai i aso taitasi.

O se tasi aso na ia lagonaina ai ua ia le mafai lava ona toe laasia se isi mamao, ae sa iai se mea na tupu na fesoasoani ai ia te ia. Sa ia vaaia se poviai ua le amanaiaina o tutu ane i tafatatafa o le ala ma vaaia i taavale soloanua o pasi ane. Sa leai se tasi e tu ma vaaia ia te ia pe talanoa foi iai. Ae sa tu iai Emily ma pōpō le tua o le poviai ma faainu ia te ia. Sa naunau le poviai e mulimuli atu ia te ia, aua ua tuua foi na o ia. Sa matuai fiafia lava Emily ona ua iai se isi e mafai ona valaau iai. Sa ia faaaluina lona taimi e saili mai ai ni vaovao poo nisi mea e ai ma ia (poviai). Sa iai pea o ia i tafatatafa o Emily i le taimi atoa o le faigamalaga, ma sa iloa e Emily lona fiafia tele ua iai nai lo se isi lava taimi o le faigamalaga. Sa matuai

fiafia lava o ia i lana uo fou ma ua le toe lagona foi e ia le tiga o ona vae ma le vaivai o lona tino, ma e foliga mai e le umi le faigamalaga. E lei leva ae taunuū o ia i le Aai o Sate Leki ma sa faafeiloaia o ia e ona aiga.

Sa lei umi ona taunuū i le Aai o Sate Leki ae leiloa le povī, ma e masani lava ona manatunatu o ia pe o le a le mea ua tupu i lana uo. Sa tupu a'e o ia ma avea ma tamaitai, ma faaipoipo atu i se tagata amiotonu o le Ekalesia, ma maua sana fanau. Sa faaaauau pea ona feagai o ia ma faafitauli, ae sa ia foiaina uma lava ma auauna atu i le Alii ma le mamalu mo le tele o tausaga. (tagai ia Laura Squires Robinson, "The Child's Journey," in *Treasures of Pioneer History*, comp. Kate B. Carter, 6 vols. [Salt Lake City: Daughters of Utah Pioneers, 1953], 2:115 -18).

- Na faapefea ona foiaina e lenei tamaitai talavou tulaga tuufafeagai i lona olaga? Na faapefea ona fesoasoani le Alii ia te ia? O le a se mea ua e manatu na ia aoaoina mai tulaga na oo ia te ia ao ia savalia luga o atumauga?

Faamatalaga
a le faiaoga

Ia faamalamalama atu i tamaitai talavou faapea, ao latou foiaina o latou faafitauli, o le a faamalosia i latou, o le a avea ma tagata matutua, ma faateleina lo latou alolofa. Ia faitauina e le vasega le Mataupu Faavae ma Feagaiga e 121: 7-8. Ia valaaulia tamaitai talavou e fetufaai mai ni mea na oo iai o latou olaga i lo latou foiaina lea o ni o latou faafitauli, ma tuuina atu lau molimau.

Gaoioiga Fautuaina

1. Ia asiati atu o se vasega, i se falemai poo se nofoaga o nonofo ai tagata matutua.
2. Mo nisi tulaga faapitoa poo se faeasaite, ia iai se tagata e tuuina atu se tautalaga faapitoa, o se tasi na ia foiaina ni faafitauli i lona olaga ma tuuina mai pe na faapefea e nei mea na oo i lona olaga ona aumaia le tuputupua'e ma le malosiaga.

FAAMOEMOEGA	O le a malamalama ai tamaitai talavou taitoatasi o le saolotoga e o faatasi ma le tiutetauave.
SAUNIUNIGA	<ol style="list-style-type: none">1. Ia saunia e tusi le ata o lo o faaalia i le lesona i luga o le laupapa.2. Ia tofia ni tamaitai talavou e faamatala mai ni tala, mau, poo ni upu sii e te manao iai.
FAUTUAGA MO LE FAALAUATELEINA O LE LESONA	<p>O le Saolotoga o le Mana lea ma le Aia e Filifili ai</p> <p>Faitau atu i tamaitai talavou upu sii nei o lo o i lalo:</p> <p>“O le aia tatau e taitai ai le olaga, o se meaalofa sili lea a le Atua e pito atu i le tuuina mai o le ola lava ia i le tagata” (David O. McKay, in Conference Report, Apr. 1950, p. 32).</p> <ul style="list-style-type: none">• O le a le mana poo le aia tatau lea e taitaiina ai e se tasi lona olaga? (Saolotoga) <p>Faitau faauma upu sii:</p> <p>“O le saolotoga o se mea lea na te faagaeetiaina le alualu i luma o le tagata. O le faamoemoega lea o le Alii ina ia avea le tagata ia faapei o ia. Ina ia ausia la e le tagata lea tulaga, na tatau ai i Lē na Foafaina i tatou i le taimi muamua ona faasaoloto le tagata” (David O. McKay, in Conference Report, Apr. 1950, p. 32).</p> <ul style="list-style-type: none">• Aisea e taua ai le saolotoga i le alualu i luma o se tagata?
Faamatalaga a le faiaoga	Ia faamalamalama atu faapea, o le fesoasoani mai o le Alii ma le faaaogaina tatau o lo tatou saolotoga, e mafai ai ona tatou toe foi atu i lo tatou Tama Faalelagi.
Faamatalaga a le faiaoga	<p>O Filifiliga Sao E Faateleina ai le Saolotoga</p> <p>Ia faamalamalama atu i tamaitai talavou a tatou faaaogaina lo tatou saolotoga, ua tatou faia se filifiliga. O filifiliga uma e aumaia ai nisi o taunuuga.</p>
Talanoaga i le laupapa	Ia tusi se laina mai luga agai i lalo i le ogatotonu o le laupapa. Tusi le upu saolotoga i le ogatotonu o le laupapa i le pito i luga. Ia tusi se laina e faalava i le laina lena na tusi muamua. Ia tusi ai ni aū i pito e lua o le laina faalava. (Ia tagai i le faataitaiga o le laupapa lena ua uma ona tusia atu.)
	Ia tau atu i tamaitai talavou le tala ia Nifae ma ona uso o lo o faamalamalama lelei mai ai le faaaogaina o le saolotoga faapea ma ona taunuuga. Na tauina atu e Liae i ona atalii ua faatonuina o ia e le Alii e ala mai i se miti, e auina atu i latou e o e aumai papatusi apamemea mai ia Lapana.
	Fai atu i tamaitai talavou e faitau le 1 Nifae 3:5 ia iloa ai manatu sa ia Lamana ma Lemuelu e uiga i lea olega.
	<ul style="list-style-type: none">• O a ni uiga o Lamana ma Lemuelu na faaalia e uiga i lea olega?
	Faitau le 1 Nifae 3:7.
	<ul style="list-style-type: none">• O le a le filifiliga na faia e Nifae?
	<ul style="list-style-type: none">• O le a se meaalofa sili na faaaogaina e Nifae, Lamana, ma Lemuelu? (O le meaalofa o le saolotoga.)

Ia tusi i luga a'e o le aū i le itu taumatau o le ata upu ia, *Filifiliga a Nifae*. I luga o le aū i le itu tauagavale ia tusi ai le, *Filifiliga a Lamana ma Lemuelu*.

Ia tusi i lalo ifo o le aū i le itu taumatau le, *Faatuatua i le Faaola ma le Usiusitai i lona Tama*. Ia faamalamalama na faaaogaina e Nifae lona faatuatua i le Alii ma talitonu ma usitai i lona tama.

Ia tusi lalo ifo o le aū i le itu tauagavale le, Leai se Faatuatua ma le Lē Usiusitai i lo la Tama. Ia faamalamalama atu sa mumusu Lamana ma Lemuelu e faaaoga lo la faatuatua i le Alii poo lo la tama.

Ia faaaauau le tala i le faamalamalamaina atu lea na iu lava ina gauai Lamana ma Lemuelu e o ma Nifae. Ina ua mavae taumafaiga le manuia e lua na taumafai iai e aumaia papatusi, sa mumusu loa i laua e toe taumafai.

Ina ia faamalamalamaina le leai o se faatuatua sa ia Lamana ma Lemuelu, ia faitau le 1 Nifae 3:31.

Ia faamalamalama atu ua tatou aoaoina mai lenei mau, sa faalagolago Lamana ma Lemuelu i le malamalamala faaletagata i le faia o a la faaiuga.

Ia tusi i lalo o le aū i le itu tauagavale le, *Faalagolago i Mafaufauga Faaletagata*.

Faitau le 1 Nifae 4: 1-3.

• O le a sou manatu o le a se mea na faia muamua e Nifae ina ia faamalosia ai lona faatuatua i le Alii? (Suesue i tusitusiga paia, e aofia ai tusi a Mose, ma tatalo e le aunoa i le Alii.) Mulimuli ane, na faamatalaina e Nifae le isi auala na maua ai lona faatuatua.

Fai i se tamaitai talavou e faitau mai le 1 Nifae 4:6.

Ia tusi i lalo ifo o le aū i le itu taumatau le, *Faalagolago i tusitusiga paia ma musumusuga a le Agaga Paia*.

Ia faamalamalama atu sa faaeteete Nifae i lona faaaogaina o lona saolotoga e tausia ai poloaiga. Ia tusi i le itu a Nifae i mea o tusia i le laupapa ia, *Tausia o Poloaiga*.

Na faaaogaina e Lamana ma Lemuelu lo laua saolotoga e mulimuli ai i ala o le agasala. Ia tusi i le itu a Lamana ma Lemuelu i mea o tusia i le laupapa upu ia, *Solia poloaiga*.

Ia faamalamalama atu faapea, talu ai na faaaoga e Nifae lona saolotoga e faalatalata atu ai o ia i lona Tama oi le Lagi, na pito i saoloto ai o ia mai tulaga e muta ai le taumafai faaletagata, ma o lea na maua ai e ia le tulaga agavaa e maua ai musumusuga mai le Agaga Paia. Na taitaiina Nifae e le Agaga Paia i le aumaia o papatusi mai ia Lapana. (Atonu e te manao e toe iloilo lenei tala, o lo o maua i le 1 Nifae 4:7-38.)


• Aisea na le maua ai e Lamana ma Lemuelu lea fesoasoani? (Na la teena lea fesoasoani e ala i filifiliga sa laua faia.)

Ia tusi i le pito i luga o le laupapa le, *Saolotoga e Filifili ai* (2 Nifae 2:27-28).

Faitau faatasi ma tamaitai talavou le mau lea. Ia faamalamalama atu o taunuuga o le auala na filifilia e Lamana ma Lemuelu o le saisaitia, oti, ma le faanoanoa. I le faaiuga o le aū i le itu a Lamana ma Lemuelu, tusi ai upu ia, *E tau atu i le saisaitia, oti, ma le faanoanoa*.

O taunuuga o le ala na filifilia e Nifae, o le saolotoga, ola faavavau, ma le olioli. I le faaiuga o le aū i le itu a Nifae, ia tusi ai upu ia, *E tau atu i le saolotoga, ola faavavau, ma le olioli*.

Faamatalaga i luga
o le laupapa ua
maea ona saunia



Talanoaina o le mau

- O a ni saolotoga faateleina na maua e Nifae ona o ana faaiuga na ia faia? (Atonu e aofia ai i tali nei ia: Sa saoloto o ia e maua le taitaiga a le Agaga Paia, saoloto e alualu i luma faaletagata lava ia, saoloto e ulu atu i le malo selesitila, saoloto e faamalosia ona uso a tagata, saoloto e faia le galuega a le Alii, saoloto e maua musumusuga ma faaaliga, ma saoloto e ola e aunoa ma le tiga o le agasala.)

Fai i tamaitai talavou e faiatou le Kalatia 5:1.

- O a ni auala na saisaitia ai Lamana ma Lemuelu?

Ia faamalamalama atu na tofu lava Nifae ma ona uso ma le saolotoga a le tagata lava ia. Ona sa eseese ona faaaoga e i latou o o latou saolotoga, o lea na eseese ai foi taunuuga e faavavau o a latou mea na fai. Ia tau atu i tamaitai talavou o i latou foi e iai o latou saolotoga. E ia te i latou le mana e filifili ai o latou taunuuga e faavavau. Afai latou te faia filifiliga sa'o, o le a latou faateleina foi lo latou saolotoga.

Ia fai atu i tamaitai talavou e tuu mai nisi o faataitaiga o tagata i aso nei e faaali mai ai lo latou faaaogaina o lo latou saolotoga e pei ona faaaogaina e Nifae poo le faaaogaina foi e pei o Lamana ma Lemuelu. Atonu e te manao e fetufaai atu nisi o faataitaiga e te manao iai.

E Tele Filifiliga e Sili Atu Pe a Faia A'o Le'i Tupu Mai Se Faalavelave

Tala

Faamatala atu le tala lenei:

Sa uo Paula ma Karen, ma sa toaaga foi i laua uma i le uarota lava e tasi. Na filifili Paula o le a ia faaaogaina lona saolotoga e tausia ai poloaiga. Na filifili foi o ia i le mea na te faia ma ta'u atu i se tasi, pe afai e taumafai se isi e faaososo o ia e fai se mea sese. E masani lava ona manatunatu Paula i ana tautinoga pe a 'ai o ia i le faamanatuga. E le'i faaaluinava lava e Karen se taimi e filifili ai se mea na te faia poo se mea foi na te le faia.

I se tasi po na iai faatasi i laua i se pati e faamanatu ai le faaiuga o le tausaga faaleaoaoga. Na ulu atu i le pati se alii talavou ma se pusa pia ma amata loa ona tufatufa atu faataamilo i tagata o lo o i totonu o le potu.

Ua uma ona fai le filifiliga a Paula. "Leai, faafetai," lana tala atu ma le mautinoa a'o tulei atu pea agai atu ia te ia le apa pia. E toatele isi tagata na taumafai e faatosina Paula ia talia le apa pia, ae na teena pea e ia ma alu ese atu loa ma le pati. Na tuuina atu foi le apa pia ia Karen. Sa faataupupula iai mo sina taimi, ma manatunatu poo le a se mea e tatau ona ia faia. "Se tago iai," sa faapea mai ai se leo i ona talane. "Tago e inu." Na iloa e Karen e le sa'o, ae toetoe lava o tagata uma sa iai e inu pia uma. "Aisea, e te le o iloa ai le mea lena e te misia?. Se tago iai; aua e te faaleagaina le tatou pati. E te le afaina ai lava i se miti se tasi!" E ui lava ina sa ia iloa le mea sa'o, ae na iu lava ina matuu atu Karen i tala a tagata ma inu ai loa i le apa pia.

Talanoaga

- O le fea o tamaitai talavou na faigata atu le filifiliga na ia faia?
- Aisea na faigofie ai le filifiliga a Paula?
- O le a le mea na faigata ai le filifiliga a Karen?
- O a ni filifiliga i le va o le sa'o ma le sese atonu e manaomia lou faia i lenei tausaga?
- O a ni ituaiga filifiliga e mafai ona faia a'o le'i tupu mai se faalavelave?
- E mafai faapefea i le fuafua mamao atu o ni filifiliga ona faafaigofieina ai filifiliga e faia?

Molimau

Ta'u atu i tamaitai talavou e mafai ona latou filifili nei e tausia poloaiga. O le ituaiga faaaogaina lea o lo latou saolotoga e toe taitaiina atu ai i latou i lo latou Tama oi le Lagi.

Ia tuuina atu lau molimau e uiga i le meaalofa o le saolotoga ma lona taua tele o le faaaogaina tatau. Ia faamanatu atu i tamaitai talavou ua uma ona outou faataitaia i se tulaga lelei lo outou saolotoga ina ua outou filifili e o mai i lenei lalolagi ma faitino ai.

Gaoioiga Fautuaina

1. Ia fuafuaina se afiafi e suesue ai tusitusiga paia e iloa ai pe na faapefea ona faaaoga e tagata oi tusitusiga paia lo latou saolotoga.
2. Ia fai atu i tamaitai talavou ia latou nonofo lelei i lalo ma manatunatu i lenei vaiaso pe a latou faia se filifiliga, ma iloilo pe o ia faaaogaina le faatuata i le Alii o Iesu Keriso ma mataupu oi tusitusiga paia, pe o ia mulimuli i mataupu a tagata.

FAAMOEMOEGA	O le a malamalama lelei ai tamaitai talavou taitoatasi i le faaaogaina o le mataupu o le usiusitai.
SAUNIUNIGA	<ol style="list-style-type: none"> Pule oe pe fai: Ia saunia se tamai pepa laititi mo tamaitai talavou taitoatasi. Tagai i le faataitaiga o lo o i le faaiuga o le lesona. Ia tofia ni tamaitai talavou e faamatala mai soo se tala, mau, poo ni upu sii e te manao iai.
FAUTUAGA MO LE FAALAUATELEINA O LE LESONA	<p>O le Usiusitai o le Uluai Tulafono Lea o le Lagi</p> <p>Tusi i luga o le laupapa: <i>O le usiusitai o le uluai tulafono lea o le lagi.</i></p> <ul style="list-style-type: none"> Aisea e tatau ai ona tatou usiusitai mo lo tatou toe foi atu i le lagi? (E le mafai ona tatou usitaia tulafono ia e toe taitaiina atu ai i tatou i le lagi, sei vagana ua iai lo tatou agaga naunautai ma le usiusitai.) <p>Fai i tamaitai talavou e faitau le Ieremia e 7: 23-24.</p> <ul style="list-style-type: none"> O le a le mea e tupu i ē le usiusitai? (Latou te agai i tua ae le alualu i luma.) <p>Faitau atu upu sii nei mai ia Elder James E. Talmage: “O le usiusitai o se vaega lea o le alualu i luma, siitiaina i luga, tuputupu a'e, ma le atiniaeina” (“Heaven’s First Law,” in <i>Sunday Night Radio Talks</i>, 2 Mar. 1930 [Salt Lake City: Deseret Book Co., n.d], p. 1).</p> <p>Ia faamalamalama atu o se tasi o faamoemoega autu faasaienisi o le sailia lea o ni tulafono faaopoopo. A maua loa e saienitisi ia tulafono maualuluga atu ma usiusitai iai, e ofoofogia ni mea o le a tutupu mai ai. O le tulaueelele manuia o tagata i le masina, o se faataitaiga lea o le taua o le usiusitai. Ua faaaluina e tagata ni tausaga e tele e uai atu ai e suesue ma usiusitai i nei tulafono faanatura e puleaina le kalave, o le tuua e vaalele tetele o le laueelele, ma isi mea. O le iuga o lo latou usiusitai o le tulaueelele manuia lea o se tagata i le masina.</p> <p>Faitau atu le upu sii lenei:</p> <p>“Ia aua nei o tatou faia se faaiuga faapea o le usiusitai o se mea lea e maua mai ai le malosiaga. . . ? E le mafai ona maua e le tagata le atoatoa i mea faaletino poo mea faaleagaga sei vagana ua faagaoioia, faaaoga lena ituaiga malosiaga sili, o le usiusitai” (James E. Talmage, “Heaven’s First Law,” p.4).</p> <p>Ia faamalamalama atu e pei lava ona tatou maua mea aoga i le usiusitai i tulafono masani, ua faapena foi lo tatou mauaina o mea aoga mai le usiusitai i tulafono faaleagaga. Na faaali mai le Alii ia Iosefa Samita le mataupu taua e faataatau i le mana o le usiusitai. Faitau le Mataupu Faavae ma Feagaiga e 130: 18-19.</p> <ul style="list-style-type: none"> E faapefea ona mafai ona tatou faateleina lo tatou malamalama ma le atamai? (E ala mai i le filifilīga ma le usiusitai.) <p>Ia faitau nei loa le Mataupu Faavae ma Feagaiga e 130: 20-21.</p> <ul style="list-style-type: none"> E faapefea ona tatou alualu i luma ma maua faamanuiaga e pei ona fetalai mai ai le Alii?
Talanoaina o le mau	
Upu sii	
Faamatalaga a le faiaoga	
Upu sii	
Talanoaina o le mau	

Ia faamalamalama atu ua finagalo le Alii ia alualu i luma lana fanau ma tutupu a'e faaleagaga. Ua ia silafia ua na o le usiusitai lava i tulafono e faavavau e mafai ai lea tulaga. O lo o faamanino mai e le mau lenei lea tulaga.

Faitau faatasi ma le vasega le Mataupu Faavae ma Feagaiga e 82: 8-10.

- O le a se mea o lo o ta'uina mai e lenei mau e uiga i le mana o le usiusitai?

Ia faamalamalama atu o le usiusitai e taua tele mo lo tatou alualu i luma e faavavau, o le mafuaaga lea ua taua ai o le uluui tulafono o le lagi.

O le Usiusitai e Sau Mai le Faatuatua i le Atua

Talanoaina o le mau

Faitau le Mose e 5: 5-7.

- O le a sou manatu aisea na usiusitai ai Atamu i le Alii e ui lava sa le'i malamalam o ia i le mafuaaga? (Sa lava lona faatuatuaaina o le Alii aua na te iloa o mea tonu uma lava e fai mai ai o ia.)

Fai atu i tamaitai talavou pe na latou usiusitai i taimi na latou le malamalamai ai i le pogai. Fai atu i ai latou e faamatala mai ni mea na latou oo iai.

Faamatalaga
a le faiaga

Ia faamalamalama atu o nisi tagata e faitio tele i isi i lo latou usiusitai i le Atua poo ana perofeta e aunoa ma le iloa pe aisea. O le mea moni lava, o i latou e usiusitai i le Alii e aunoa ma le iloa pe aisea, ua latou faia lena mea aua latou te alolofa ma faatuatuaaina o ia.

Ua latou iloa lona faatuatuaaina ona o ni mea na latou oo iai.

Upu sii

Faitau le upu sii lenei mai ia Iosefa Samita:

"Soo se mea e finagalo iai le Alii ua tonu ia, e tusa lava pe o le a, e ui lava atonu e le mafai ona tatou malamalamai lona mafuaaga, ae seiloga lava ua tupu mai ia tulaga ona tatou iloa ai lea o le pogai" (*Teachings of the Prophet Joseph Smith*, sel. Joseph Fielding Smith [Salt Lake City: Deseret Book Co., 1938], p. 256).

Tala

Ua faamatalaina mai e le tala lenei lea vaega:

"I se tasi taeao o le tau totogo a'e, sa galue ai [Ephraim K. Hanks] i le fauina o se fale i le [Aai o Sate Leki]. Na toeititi lava maea le fogafale i lalo, ma sa faatoa amata lava ona ia folaina piliki ae sau loa ma Brigham Young i lana taavale toso ma faapea mai, 'Ephraim, o le a le mafafia o lena puipui simā?'

"Sa tali atu Ephraim e valu inisi le mafafia.

"Sa fai atu Brigham Young, 'Ephraim, tago e toe talepe uma i lalo ae toe fau ia faaluaina le mafafia.' Ona, . . . toe liliu loa lea o lana taavale toso ma alu ese atu.

"E tele aso na la'uina mai ai e Ephraim maa mai le Ensign Peak, ma sa ia totogiina lelei foi se tagata e folaina piliki lea e faaaoga ai le namu e faatulaga lelei ai piliki. Sa faigata tele ia te ia ona toe fai foi iai nisi galuega faaopoopo atoa ma le tau e toe fau ai. . . .

"Ae ui i lea, sa toe faafesootai e Ephraim le tagata fola piliki e toe faaluaina le mafafia o le puipui, ma o le taeao na sosoo ai na toe amata ai foi ona la'u mai maa.

"O le masina na sosoo ai, na maea ai ona toe fausia ma faaluaina le mafafia o le puipui simā i le sefuluono inisi. A'o latou amata ona faapipi'iina iviivi o le fale, ae amata loa ona agi mai se afa malosi lava. Na matua maligi lava timuga, na mafua ai ona tafe solo le vai i lea itu ma lea itu. Sa na o ni nai minute lava ae lolovaia le fogafale pito i lalo o le fale fou, ae na tu pea lava puipui malolosi o le fale ma lagolagoina ai le fale e le i afaina. I ni nai aso mulimuli ane, sa toe faaluina ai i fafo le vai, ma sa latou faamaeaina ai loa ona faapipi'i iviivi, ma sa faatatau lava le samala a le alii o Ephraim i le fati o le pese 'Faafetai mo le Perofeta' " (Sidney A. Hanks and Ephraim K. Hanks, *Scouting for the Mormons on the Great Frontier* [Salt Lake City : Deseret Book Co., 1948], pp. 79-80).

Faamatalaga
a le faiaoga

Na saunoa mai Elder Boyd K. Packer: “O le usiusitai i le Atua e mafai ona avea ma tulaga pito i maualuga o le faailoaina atu o le tutoatasi. Se'i manatu ane i le tuuina atu ia te ia o le mea e tasi, le meaalofa e tasi, lena na te le aveeseaina lava. . . .”

“O le usiusitai - o le mea e le aveesea faamalosi e le Atua - o le a ia taliaina pe afaia e tuuina atu ma le loto malie. Ma o le a ia toe faafoiina mai lea ia te oe le saolotoga lena e seāseā ona e moe miti iai - le saolotoga e lagona ma iloa ai, le saolotoga e faia ai, ma le saolotoga e avea ai oe ma ituaiga tagata o e iai, a itiiti mai e sautua afe e sili ai nai lo mea tatou te tuuina atu ia te ia. O le tulaga uiga ese lava, o le ki i le saolotoga o le usiusitai” (*Usiusitai*, Brigham Young University Speeches of the Year [Provo, 7Dec. 1971], pp. 3-4).

- Aisea e te manatu ai o le usiusitai o le ki lea i le saolotoga?

Ia faamalamalama atu o le usiusitai moni i le Atua e le o le usiusitai e aunoa ma le iloa pe aisea. O le usiusitai e tupu mai i le faatuatua i le Atua.

Talanoaina o le mau

E Oo Mai Faamanuiaga iai Tatou Pe A Tatou Usiusitai

- O a faamanuiaga e mafai ona oo mai ia te i tatou pe a tatou usiusitai?

Faitau le Mataupu Faavae ma Feagaiga e 59:23.

- Aisea e te manatu ai e sili ona filemu i latou o ē usiusitai i lenei lalolagi?

Ia faamalamalama atu o le fafia ma le filemu o nisi na o faamanuiaga o le usiusitai. O le usiusitai foi e mafai ai ona avea i tatou ma ituaiga tagata e finagalo iai le Atua ia tatou foliga iai. Faitau le upu sii lenei mai ai Peresitene Heber J. Grant:

“O lo o iai se leo itiiti ma le filemu o lo o ta'u maia i ai tatou mea sa'o, ma afaia tatou te faalogo atu i lena leo itiiti ma le filemu, o le a tatou tuputupu a'e ma faateleina lo tatou malosi ma le mana, i le molimau ma le agavaa, e le gata i le ola ai i le talalelei, ae o le a musuia ai foi isi ia faapea foi ona latou faia.

“O la'u tatalo faatauanau, ia lagona i loto o alii ma tamaitai uma o i latou moni lava o ni tusiata o o latou olga” (“The Path of Safety,” *Improvement Era*, Dec. 1937, p. 735).

Tala

O le tala lenei o lo o faamatalaina mai ai nisi o faamanuiaga na oo mai i tagata o le Ekalesia ona o lo latou usiusitai:

I se taulaga laitiiti i Peleseuma, na fetaui ai ni faifeautalai ma se fafine ua maliu lana tane, ma lana fanau e toafa. Na taliaina e lenei aiga le talalelei ma le fafia tele ma faaalia le naunau ia papatiso. Ina ua aoao lenei tina e uiga i le sefuluai, sa faapea ona faapopoleina lea tina talavou, aua sa laitiiti lava sina fasi tuge na maua e ola ai i latou. Sa ia faaali atu i faifeautalai mea e alu iai ana tuge uma, ma faamatala atu o pene uma lava e faaluina i mea aoga.

E faapefea ona latou faasaoina le sefulu pasene ma mafai pea ona ola? E oo foi i faifeautalai laua, sa lulu o la ulu i le atuatuvala. I le faaali atu o lo la faatuatua i le Alii faapea ma ana folafolaga o le a tatalaina mai pupuni o le lagi, na fai atu ai faifeautalai i lea tina ia faalagolago i le Alii. Na malilie iai le tina ma lana tama pito matua, ma na papatisoina. E fa masina na latou tauivi ai, ae sa totogiina pea la latou sefuluai.

I le lona lima o masina na maua mai ai se tusi mai le malo o Peleseuma e faamatala mai ai o le tuge o lo o maua e le tina ona o le maliu o lana tane, na sese ona fuafua. O le a le gata ina latou lafoina mai se tuge faaopoopo, ae o le a auina mai foi faatasi ma se siaki e totogi ai tuge ia na lei maua ona o le sese ona fuafua. E moni lava na tausia e le alii lana folafolaga.

Faamatalaga
a le faiaoga

Ia faamalamalama atu e le faapea e vave lava ona tuuina mai i ai tatou faamanuiaga i taimi uma. E silasila mai le Alii i le olaga lenei mai se vaaiga mamao e faavavau ma na te silafia mea e silisili ona lelei mo i tatou.

	Faa'iuga
Mau ma le aotelega a le faiaoga	Faitau le Ioane e 14: 15, 21. Ia faamalamalama atu o faamanuiaga e maua mai le usiusitai i le Alii e matalasi naua. E sili atu le aoga nai lo soo se taumafaiga tatou te tautiga ai i le tausaina o ana poloaiga.
Pepa e tufaina atu	Atonu e te manao e tufaina atu se tamai pepa malō i tamaitai talavou taitoatasi o lo o tusia ai i luga le Usiusitai ma mau nei e faamaoniaina ai: Ieremia 7: 23-24; Mataupu Faavae ma Feagaiga 130: 18-21; Mataupu Faavae me Feagaiga 59: 23; Mataupu Faavae ma Feagaiga 82: 8-10; Ioane 14:15, 21; ma le 1 Korinito 2:9. Fai atu i tamaitai talavou e suesue mau nei i le faagasologa o le vaiaso ma taumafai ia usiusitai i poloaiga a le Alii.

<i>Usiusitai</i>
Ieremia 7: 23-24
Mataupu Faavae ma Feagaiga 130: 18-21
Mataupu Faavae ma Feagaiga 59: 23
Mataupu Faavae ma Feagaiga 82: 8-10
Ioane 14: 15, 21
1 Korinito 2:9

FAAMOEMOEGA	O le a iloa ai e tamaitai talavou taitoatasi o le salamō o se vaega taua o le alualu i luma.
SAUNIUNIGA	<ol style="list-style-type: none">1. Ia saunia se pepa ma se penitala mo tagata uma taitoatasi o le vasega.2. Pule oe pe fai: Ia saunia se pepa lautele e tusia ai le <i>Mataupu Faavae ma Feagaiga</i> 18:13. Atonu e te manao e fai se kopi o lenei mau mo tamaitai talavou uma o le vasega.3. Ia tofia ni tamaitai talavou e faamatala mai ni tala, mau, poo ni upu sii e te manao iai.4. Afai e maua i lo outou eria, ia faaali le ata o le “Repentance: It’s Never Too Late,” o lo i le ata vitio o le <i>Family Home Evening Video Supplement</i> 2 (53277).
FAUTUAGA MO LE FAALAUATELEINA O LE LESONA	Faatomuaga <p>Ia tuu atu se mau o nei mau i tamaitai talavou taitoatasi uma o le vasega: Isaia 1:16-18; Alema 34:33; MFF 58:42-43. Fai atu i ai latou uma taitoatasi e faitau a latou mau ma tauloto ona tauaofai lea o lona uiga mo tagata uma o le vasega.</p> <ul style="list-style-type: none">• O le a sou manatu o le a le autu o le lesona o le asō? <p>Ia faamalamalama atu o lenei lesona o le a talanoaina ai le taua o le mataupu o le salamō.</p>
Faamatalaga a le faiāoga	E Manaomia lo Tatou Salamō i Aso Taitasi <p>Ia faamalamalama atu o lo tatou faamoemoega i le o mai i lenei lalolagi, ia tuputupu a'e ma alualu i luma. Ae o i tatou uma lava tatou te faia ni mea sese i lea tulaga o le tuputupu a'e ma le alualu i luma, e le taumate ona o lo tatou lē faautauta poo le vaivai, pe ona o lo tatou le fia usiusitai. Talu ai ona ua tatou faia ia mea sese, ua manaomia ai ona tatou salamō. Afai o le a tatou lē salamō, o le a le mafai ona avea i tatou faapei o lo tatou Tama Faalelagi.</p>
Upu sii	<p>Faitau le faamatalaga lenei: “E leai lava se aso i se olaga o se tagata e le taua ai le salamō mo lona lava lelei ma le alualu i luma e faavavau” (Spencer W. Kimball, <i>The Miracle of Forgiveness</i> [Salt Lake City: Bookcraft, 1969], p. 32).</p>
Talanoaga i le laupapa	<p>Ia faamalamalama atu, atonu o le a tatou manatu sei vagana ua tatou faia se agasala matuia ona faatoa manaomia lea ona tatou salamō. Ae o le mea moni lava, e manaomia e i tatou uma ona salamō i aso taitasi.</p> <ul style="list-style-type: none">• Aisea e taua ai le salamō i aso taitasi? O a ni mea atonu e sese ona tatou faia o le a manaomia ai ona salamō i aso taitasi? <p>Fai atu i tamaitai talavou e ta'u mai nisi o vaivaiga faaletagata e masani ona vaaia lena e mafai ona tiga ai i latou faapea foi ma isi. (O nisi vaivaiga atonu e aofia ai le faitatala; pepelo; faa'ole'ole; gaoi; mafaufauga lē mamā; faamatala o ni tala le lelei; taufusifusi poo le tautagotago; le migao, le usiusitai, poo le faatosina i upu ma amioga; filifilia o ituaiga uo sese; ma le auai atu i ituaiga gaoioiga sese.)</p> <ul style="list-style-type: none">• E faapefea e nei vaivaiga poo nei agasala ona taofia i tatou mai le alualu i luma ina ia avea faapei o lo tatou Tama Faalelagi?• E faapefea ona aafia ai o tatou lagona i ai tatou lava?• E faapefea ona aafia ai lo tatou sootaga ma isi faapea ma lo tatou Alii?

Tala

Faamatala atu le tala lenei:

Sa toaga lava Janice i le lotu. E lelei lava lona aiga faapea ana ue, ae i ni nai masina talu ai nei lava na tupu a'e ai ia te ia se agaga faatuiese ma le faanoanoa. Na ia ta'u atu i ona matua o lona olaga ua faale-lelei ma ua a'oa'ogatā ma matele i le ituaiga olaga o lo o ola ai lona aiga. Na ia manatu ua lava lona matua e na te faia ai soo se filifiliga lava e manao iai, ma e manao foi na te faia nisi o mea fiafia o lo o ia vaai o faia e nisi o tagata talavou.

E lei pine ae amata ona tuai mai Janice i le fale, ma e musu foi e ta'u atu i lona aiga le mea sa iai. Ua le toe alu i le lotu. Ua masani foi ona tuai i le aoga ma o nisi taimi e misi uma ai ana vasega.

Sa masani ona loto vaivai o ia ma o nisi taimi e umi lava se taimi o nofonofo na o ia i totonu o lona potu. Na te le'i avea lava se tasi o ana ue fou i lona aiga pe talanoa foi iai. O le manogi o ona lavalava na iloa ai e lona aiga mea o lo o ia faia nei ua ese lava ma mea na aoaoina ai o ia, ma sa fiafia ai muamua.

Talanoaga

- O le a se lumanai o Janice pe afai e faaaauau pea e ia ona uiga faatuiese?

- O a ni mea e mafai ona tutupu mai i lona olaga pe afai e suia o ia?

- E faapefea ona afaina ai o ia faalemafaufau ma lona alualu i luma faaleagaga i filifiliga na te faia?

Upu sii

Na folafola mai e Peresitene Spencer W. Kimball: "Talu mai lava le amataga sa iai se lalolagi o ituaiga agasala eseese. O le tele o na agasala e aofia ai mea e afaina ai isi, ae o agasala uma lava ua faasagatau mai lea i ai tatou ma le Atua, aua e faamutaina e agasala lo tatou alualu i luma, faagataina lo tatou tuputupu a'e, ma faaesea ai i tatou mai tagata lelei, aafiaga lelei, ma mai lo tatou Alii" (*Faith Precedes the Miracle* [Salt Lake City: Deseret Book Co., 1972], p. 174).

Ia faamalamalama atu afai o le a tumau ai pea Janice i ona uiga o iai nei, o le a faapea lava ona faaesea o ia mai aafiaga a tagata lelei, taofia ai o ia mai le tuputupu a'e faaletino, faalemafaufau, ma faaleagaga, ma o le a le toe taitaiina e le Agaga Paia. Afai e salamō o ia, o le a mafai ona ia toe faafouina o ia lava ma toe amata ona alualu i luma ma faatupuina.

O le Salamō na te Aumaia le Filemu ma le Fiafia i o Tatou Olaga

Faamatalaga
a le fiafia

Ia faamalamalama atu e alofa lo tatou Tama Faalelagi i ai tatou uma taitoatasi ma e finagalo o Ia ina ia tatou fiafia. Talu ai ona o lona alofa i ai tatou, o lea ua ia tuuina mai ai le mataupu o le salamō lea e fesoasoani i ai tatou e foiaina ai mea sese tatou te faia. Afai tatou te salamō, o le a mafai loa ona aoga le togiola a Iesu Keriso i o tatou olaga. Afai tatou te le salamō, o le a le mafai ona faamagaloina i tatou e le Alii.

O le mea e tatau ona tatou pito manaomia o le avea lea e faapei o le Faaola. Afai tatou te salamō, ua tatou faaali atu o lo o iai lea faanaunauga. Afai tatou te salamō i aso taitasi, ua faasolosolo atu lava ona tatou faaatoatoaina i tatou, ma tatou maua le fiafia ma le olioli, ma avea ai i tatou faapei o le Faaola.

- O a ni laasga e tatau ona tatou uia ina ia salamō ai? Ia tuuina atu i tamaitai talavou e talanoaina.

Ia mautinoa ua iloa e tamaitai talavou e ao i le tagata ona ia iloa o ia ua agasala, ma lagona ai lona salamō, ma ta'uta'u atu lana agasala i le Alii ma se tasi na ia sese iai, ma faia mea uma na te mafai e faasa'o ai mea sese na ia faia, ona ia le toe faia lava lea o lena agasala.

Talanoaga
i le laupapa

Ia faamalamalama atu faapea, talu ai e faia e i tatou uma lava mea sese, ua oo foi i ai tatou uma lava ni faalogona le lelei na aumaia e na mea sese. E oo lava i mea sese laiti e faatupuina ai lo tatou le fiafia. O mea sese pito i tugā e faatupuina ai le loloto o le umi ona faanoanoa. Fai atu i tamaitai talavou e faamatala mai nisi o faalogona na oo i ai latou, pe na latou vaaia foi i nisi, na mafua mai ona o ni mea sese na faia.

Ia tusi i se koluma i luga o le laupapa tali a tamaitai talavou ma talanoaina ma i latou na tali. (O tali atonu e aofia ai le, lagona ta'usalaina, faanoanoa, puapuagatia, leai se faamoemoe, le to'a, faavauvau, ma lagona uma lava faapena.) Ia faamamafa atu le manatu lea - e le mafai ona tatou fiafia pe a tatou agasala.

Faitau le Alema e 41:10.

- Ia faamalamalama atu faapea, ua iloa uma lava foi e i tatou lagona o le faasa'oina o o tatou sese, o ni faalogona o le salamō. Fai atu i tamaitai talavou e faamatala mai nisi o nei faalogona. Tusi o latou manatu i le isi koluma i luga o le laupapa, ma talanoaina na manatu. (Atonu e aofia ai i ia manatu le filemu, fiafia, toafilemu, mapu, matafafia, olioli, ma upu faapena.)
- Faamatalaga a le faiaga
- Fai atu i tamaitai talavou e manatunatu i le eseesega i le va o upu i lisi e lua oi le laupapa ma filifili pe o a ituaiga faalogona e fia mananao ai i latou. Ia faamalamalama atu o le salamō o le ki lea i le olioli ma le filemu i o latou olaga.
- Upu sii
- Ia faamalamalama atu ua aoaoina mai e taitai o le Ekalesia ni lesona taua e uiga i le salamō. A lava le taimi, ia faitau ma talanoaina faamatalaga nei:
1. "O le avega pito i mamafa e tauaveina e se tasi i lenei olaga o le avega lea o le agasala" (Harold B. Lee, in Conference Report, Apr. 1973, p. 177; poo le *Ensign*, July 1973, p. 122).
 2. "O le salamō o le ki lava lea i se olaga sili atu ma le fiafia. . . . A toe fanaufouina agaga, a toe suia olaga,— ona oo mai ai lea o le vavega sili e faamatagofieina ai, ma faamafanafanaina ai ma faagaeetiaina ai. A lamatia loa e le oti faaleagaga, ma e nai lo o le oti faaleagaga i le taimi nei, o lo o iai le toe fanaufouina, pe a tuleieseina e le ola le oti - a tupu mai lenei mea, o se vavega lea o vavega" (Spencer W. Kimball, *O Le Vavega o le Faamagalo Atu*, itulau 28, 362).
 3. "E itiiti lava meaalofa e sili atu ona manaomia nai lo o le mafaufau mama - o se loto lea ua maua le filemu. Ua na o le mana o lo tatou Faaola o Iesu Keriso e mafai ona fofoina ai le loto mafatia" (J. Richard Clarke, "Confession," *The New Era*, Nov. 1980, p.4).
 4. "E ala mai i le salamō ona mafai e le Alii o Iesu Keriso ona faia lana vavega o le faamalolo, ma tuuina mai i ai tatou le malosi pe a tatou vaivai, ma le ola maloloina pe a tatou mama'i, ma le faamoemoe pe a tatou loto vaivai, ma le alofa pe a tatou lagona ua leai so tatou alofa, atoa ma le malamalama pe a tatou saili i le upu moni" (Spencer W. Kimball, "Give the Lord Your Loyalty," *Ensign*, Mar. 1980, p. 4).
-

Faaiuga

Mau ma pepa e tufaina atu

Ia faaali atu le pepa lautele o lo o tusi ai le Mataupu Faavae ma Feagaiga e 18:13, ma fai atu i tamaitai talavou e faitau le fuaiupu. Ia tuuina atu i tamaitai talavou taitoatas se kopi o le mau na e sauniaina. Fai atu i iai e tuu a latou kopi i se mea e mafai ona vaai pea lava iai ma avea o se faamanatu o le salamō e aumaia ai le filemu ma le olioli i le olaga lenei ma le ola e faavavau pe a mavae lenei olaga.

Fai atu i tamaitai talavou e taumafai e fai ma ana masani le salamō i aso taitasi. Atonu e mafai ona aofia ai le manatunatu loloto i mea e faia i le aso, ma taumafai e toe faasa'o mea sese na ia faia i isi pe a manaomia, ma ole atu mo le faamagaloga ma le taitaiga e ala i le tatalo.

Faatinoga o le Lesona

Ia tufa atu i tamaitai o le vasega pepa ma penitala. Fai atu i tamaitai talavou taitoatas e mafaufau i se mea o le a ia manao e suia i ona mafaufauga ma amioga. Fai iai e tusi i lalo se mea o le a ia faia e suia ai ona uiga ma amioga. Fai atu iai e tuu lana tautinoga i se mea e mafai ona faamanatu atu ai ia te ia i vaiaso o le a sosoo ai.

Faamagaloina o i Tatou Lava

FAAMOEMOEGA O le a iloa ai e tamaitai talavou taitoatasi le taua o lona faamagaloina o ia lava.

SAUNIUNIGA

1. Ia saunia se maa, se tusi faitau, poo se isi lava mea e tusa o le 1 i le 2 pauna le mamafa.
2. Pule oe pe fai: Ia saunia se fagu telē e pu laititi le gutu (tagai i le vaega lona tolu o le lesona). E tatau ona lava le lapoa o le gutu o le fagu ia ofi ai le lima i totolu, a ia lava foi lona laititi ia le mafai ona ofi mai ai i fafo se moto e uumau. Ia saunia foi se maa poo se mea e tuu i totolu o le fagu.
3. Ia tofia ni tamaitai talavou e faamatala mai ni tala, ni mau, poo ni upu sii e te manao iai. Faaaliga: O isi lesona ua talanoaina ai le matapu o le faamagalo atu o isi. O le lesona lenei e faatatau i lou faamagaloina o oe lava.

**FAUTUAGA MO
LE FAALAUATELEINA
O LE LESONA**

O le Fua o le Agasala e Mamafa

Faaaliga A o amataina le vasega, ia fai atu i se tamaitai talavou ia u'u i lona lima se maa poo se isi mea e 1 pe 2 pauna le mamafa ao faaloloa mai agai i luma lona lima. Fai atu iai e u'u pea faapena le maa ao faitauina atu le tala lenei.

Tala "Sa alu se sopo a se vaega o tamaitai talavou i luga o le mauga, ma sa latou malolo ao le'i amataina ona latou a'eaina se ala umi o se mauga tafatō.

O Julie o le tagata pito sili lea ona malosi na iai o le vaega ma e masani lava ona muamua i luma o ia e fuafua atu iai le savavali a la latou vaega, ma o nisi taimi e faigata ai i le isi vaega ona mulimuli iai. O le aso lea na mafaufau ai nisi tamaitai talavou e fai se latou togafiti ia te ia. A'o malolo o ia ma inu fiafia lana vaiinu, na latou fetagofi lemu atu ma tatala lana ato faafafa ma nanā ai i totolu se maa lapoa lava.

Ina ua uma le taimi o le latou malologa, na tau fai amo loa a latou faafafa ma amata loa ona sopoia le auala o le mauga tafatō. Sa le iloa e Julie i le taimi muamua le mamafa o le faaopoopoga lea na te tauaveina, peitai, ina ua tau levaleva ane na amata loa ona lagona e ia le mamafa o lana faafafa ma na amata ai ona le lavā o ia. O le taimi muamua lea na ia manatua ai lona telegese ma savavali faatasi ai ma tamaitai telegegese o le latou vaega.

Faatoa iloa lava e Julie ae ua toeititi taunu i le tumutumu o le mauga le pogai na mamafa ai lana faafafa ma le ala na vaivai ai o ia. I le taimi muamua na ita ai o ia, peitai na ia iloa sa faalili o ia e ana uo ona o lona malosi tele. Ona alu ai lea o le latou taliē ma le latou vaega i le maa le aoga lea na ia tauaveina mamao atu i luga o le mauga.

Ina ua aveese le maa mamafa mai lana faafafa, sa toe lagona ai e Julie le malosi, ma sa ia toe savali foi i le vave sa masani ona savali ai muamua i luma o lana vaega.

Faamatalaga a le faiaga

Fai atu i le tamaitai talavou o lo o ia uuina pea le maa e tuu i lalo Fai iai pe ua le lavā, ona tuu lea e fai mai sana tala e uiiga i le mamafa e tusa lava poo se mea e le mamafa tele e oo lava ina mamafa pe a umi ona e uuina. Ia e fai atu iai e ui lava e le masani ona tatou tauaveina solo ni maa, ae o nisi taimi tatou te tauaveina ai isi ituiga avega mamafa e le aoga ma vaivai ai e pei o le maa na tauaveina e Julie. O maa poo mea mamafa tatou te tauaveina o a tatou agasala.

Talanoaga

- Aisea e mamafa ai le avega o le agasala ma faigata ona tauave? (Afai tatou te iloa le mea e finagalo iai lo tatou Tama Faalelagi tatou te faia ae le faia, ona tatou mamā lea ma lagona le tausalaina. Tatou te manatua mea tatou te toilalo ai ona tatou popole ai lava lea, ma avea ma maa mamafa poo se mea mamafa i o tatou mafaufau.)

- E mafai faapefea ona aafia o tatou olaga i le tauaveina o le mamafa o le agasala?

Ia faamalamalama atu o nisi tagata ua le talafeagai ona latou tauaveina le mamafa o agasala ua uma ona latou salamō mai ai.

O Le a Faamagaloina i Tatou e le Alii pe a Tatou Salamō

Faamatalaga
a le faiāoga

Ia faamalamalama atu o nisi taimi e foliga mai ai ua tele naunau a tatou solitulafono pe ua tugā foi, tatou te lagona ai ua leai so tatou faamoemoe e foiaina ai a tatou agasala. O nisi taimi e tusa lava pe tatou te taumafai e salamō, tatou te popole lava faapea e le o faamagaloina i tatou e le Alii.

Talanoaga

- Aisea e taumafai ai Satani ina ia tatou talitonu ua sili atu lo tatou agasala mai le mea e gata ai lo tatou faamoemoe mo se faamagaloga? (Ona tatou le salamō ai lea, ma o le a faateteleina lo tatou agasala.)

Upu sii

Na faamalamalama mai e Peresitene Spencer W. Kimball e mafai e tagata uma lava ona maua le faamanuiaga o le faamagaloina: “O nisi taimi e matua pulea ai lava se tagata e le lagona o le tausalaina ma matua mamafa ai lava ia te ia, ma a oo ina tepa i tua le tagata ma salamō ma iloa atu le mataga ma le inosia o le agasala, ona toetoe ai lea a lofituina o ia ma faapea ai, ‘Pe mafai ea e le Alii ona faamagalo au? Pe mafai ea ona ou faamagaloina au lava ia?’ Ae a oo se tasi i le loloto o le loto vaivai ma lagona le leai o se faamoemoe i lona tulaga, ma afai e tagi atu o ia i le Atua i le faatuatua mo lona alofa mutimutivale, o le a oo mai se leo e ati e musumusu atu i lona agaga, ‘Ua faamagaloina au agasala’ ” (O Le Vavega o le Faamagalo Atu [Salt Lake City: Bookcraft, 1969], p. 344).

O Mau

Ia faitauina e tamaitai talavou le Mataupu Faavae ma Feagaiga e 58:42-43 ma le Mosaea e 4:2-3.

- O le a le folafolaga a le Alii o lo o i le mau mai le Mataupu Faavae ma Feagaiga? (Afafai tatou te salamō, o le a ia faamagaloina a tatou agasala, ma na te le toe manatua lava.)
- O le a le mea na tupu i tagata o le Tupu o Peniamina ina ia aumaia ai ia te i latou le fiafia tele, e pei ona faamatalaina mai i le Mosaea?
- O le a sou manatu e faapefea ona iloa e le tagata ua faamagaloina o ia e le Alii?

Upu sii

Na aoao mai Peresitene Harold B. Lee:

“A oo mai le taimi ua uma ai ona e faia mea uma e te mafai a i au agasala, poo ai lava oe, poo fea lava o e iai, . . . ona e manao loa lea i lena tali mautinoa pe ua talia pe le'i taliaina foi oe e le Alii. I au sailiiliga i lou loto, afai e te saili ma maua lena filemu i lou loto, o le faailoga lena e te iloa ai ua taliaina e le Alii lou salamō. O le a taumafai Satani e sui lou mafaufau ma o nisi taimi na te faatalitonuina oe e faapea o lea ua e faia se isi mea sese, ma atonu o le a e alu ai pea faapena e te le toe liliu i tua. O se tasi lena o mea pito i sese. O le vavega o le faamagaloina, ua avanoa mo i latou uma o e liliu ese mai i a latou mea leaga na faia ma le toe foi iai” (Harold B. Lee, in Conference Report, Apr. 1973, pp. 177-78; poo le *Ensign*, July 1973, p. 122).

O Le Faamagaloina o i Tatou Lava o se Vaega Taula Lea o le Salamō

Fesili e manatunatu
i ai

Fai atu i tamaitai talavou e mafaufau pe aisea e taua ai lo latou faamagaloina o i latou lava pe a latou salamō i a latou agasala. Ona tuu atu lea o le faaaoaoga lenei.

Faaaoaoga
(pule oe pe fai)

Tofii se tamaitai talavou e tuu lona lima i totonu o le fagu lena e iai i totonu se maa poo se mea i le ta'ele. Fai iai e u'u a'e i luga le maa ma ave i fafo mai le fagu. A'o ia uuina le maa i lana moto, o le a lautele ai lona lima ma le mafai ai ona ia aveina a'e i fafo le maa mai le fagu. e tatau ia te ia ona tuu ai pea le maa ina ia mafai ona ave i fafo lona lima.

Faamatalaga
a le faiāoga

Ia faamalamalama atu e mafai e le faaaoaoga lenei ona aoao ai i tatou e uiga i a tatou agasala. Se'i vagana ua tatou tuu ese a tatou agasala, ona faatoa mafai lea ona tatou saoloto. Afai tatou te tumau pea i a tatou agasala, o le a tatou le saoloto e alualu i luma e pei ona tatau ona tatou iai. O se tasi o auala e mafua ai ona tatou tumau i a tatou agasala o le lē faamagaloina lea o i tatou lava.

Talanoaina o le mau	Fai atu i tamaitai talavou e faitau le Mataupu Faavae ma Feagaiga e 64:9-10.
Tala	<ul style="list-style-type: none"> O le a sou manatu aisea na poloaiina ai i tatou e le Alii e faamagalo atu i tagata uma lava? Aisea ua e manatu ai e taua tele lo tatou faamagaloina o i tatou lava? <p>O le tala lenei na faamatalaina e Elder Sterling W. Sill, o lo o faailoa mai ai le taua o lo tatou faamagaloina o i tatou lava.</p>
Talanoaga	<p>“I se taimi ua mavae, na ou talanoa ai i se tamaitai e 53 ona tausaga o lē sa ia solia le tulafono o le ola mama a‘o 18 ona tausaga. Na ia malamalamā i le matuia o lana agasala, ae talu ai na ia salamō i le tele o taimi ua mafai ai ona tatou faalagolago i le folafolaga a le Alii ua ia faamagaloina o ia. Ae na te le‘i faamagaloina o ia lava. Aua na ia lagona lona le mama ma le toilalo, na ia aloese mai ana uo, musu e faaipoipo, ma oo ai ina faaesea o ia mai fegalegaleaiga ma tulaga faaleagaga. E 35 tausaga o ia tuuina lava o ia i lalo ma le matua inoino ma tuuaiina e ia o ia lava. I lona toe tepa i tua i lana agasala i lona olaga, na ia liliuina ai o ia i se tulaga maualalo atu i le ituaga tagata matagofie na finagalo ai le Atua ia avea ai o ia. O lana agasala i le 18 o ona tausaga na matuui matuia lava. Ae mo le 35 tausaga na ia faaopoopoina atu iai i lana agasala lona faamaimauina o le mea pito i sili ona taua i le lalolagi, o le matagofie o le olaga o se tagata” (<i>What Doth It Profit</i> [Salt Lake City: Bookcraft, 1965], p. 183).</p> <ul style="list-style-type: none"> Aisea e faigata ai ona tatou faamagaloina i tatou lava? Fai atu i tamaitai talavou e ta‘u mai ni mea faapitoa lava o lo o taofia ai i latou mai lo latou faamagaloina o i latou lava. Atonu e te manao e tusi nei mea i luga o le laupapa. <p>Atonu e aofia ai mea nei: Ua tatou lagona o le agasala e fai si leaga; e le lava lo tatou faatuatua i le Togiola; tatou te le malamalamā i le tele o le alofa o le Alii i ai tatou; ua mua ona alu o tatou mafaufau i mea sese tatou te faia ae le lava i mea o lo o sa‘o ona tatou faia; tatou te fefefe e faamagalo i tatou lava ma agai i luma.</p>
Upu sii	<p>Iloilo le upu sii lenei:</p> <p>“Soo se tasi o lo o ia te ia pea le lagona o le tausalaina ae ua leva ona salamō o ia, atonu e mafai ona ia taumafai e fesili ifo ia te ia lava fesili nei:</p> <ol style="list-style-type: none"> Pe ua ou faataunuina ea laasaga uma o le salamō (faailoa atu, faanoanoa, ta‘uta‘u atu pe a talafeagai ai, toe faafouina, ma mea uma lava faapena)? Pe ua ou ole atu ea i le Alii mo se faamagaloga? Pe ua ou tuu atu ea i le Alii na te tauaveina la‘u avega i lo‘u faalagolago lea i lona mana na te faia lena mea faapea ma lona alofa ia te a‘u? Pe ua ou faamagaloina ea atoatoa a‘u i mea sese na ou faia?” (Dale F. Pearson, “I Have a Question,” <i>Ensign</i>, July 1980, p. 32). <p>Ia faitau e tamaitai talavou le Mataupu Faavae ma Feagaiga e 88:33.</p> <ul style="list-style-type: none"> O le a se tulaga e avea ai le faamagaloina o se meaalofa mai le Atua? E faapefea ona faatatau lenei mau i le meaalofa o le faamagaloina? Aisea e tatau ai ona tatou maua le faatuatua ao le‘i mafai atoatoa e i tatou ona talia le meaalofa o le faamagaloina? <p>“E masani lava ona le aoga le faamagaloga a le Atua talu ai le lē faamagaloina e le tagata agasala o ia lava. O le a se tauleleia i le Atua o le aveesea o a tatou mea leaga mai lona mafaufau, pe afai tatou te tumau pea ona tuu atu i le tiapolo e pulea o tatou mafaufau e ala i lo tatou mafaufau pea lava pea iai?” (Sterling W. Sill, <i>What Doth It Profit</i>, p. 179).</p>

Faaīuga

Ia faamalamalamā atu na folafola mai i ai tatou e le Alii o le a ia faamagalo ma faagalo i a tatou agasala pe afai tatou te salamō. E pule lava i tatou pe tatou te faamagalo i tatou lava ma salamō. O nisi taimi e faigofie ona faamagalo atu i isi nai lo le faamagaloina o i tatou lava. E tatau ona tatou faaaogaina le faatuatua i le Atua ma i tatou lava, ma aveese mai i o tatou olaga mea sese na faia i le taimi ua tuanai.

Mau

Ia faamalamalama atu na faamatalaina mai e Alema le faamagaloina o ia i le Alema e 36:16-21. Ia faitauina e tamaitai talavou fuaiupu nei.

Fai atu i tamaitai talavou afai o iai ni a latou agasala e le i salamō mai ai, e mafai ona latou maua le filemu ma le fiafia e ala lea i le salamō. Ia tautino atu i ai latou e mafai ona faamagaloina i latou ma latou maua le loto filemu. E mafai ona latou faagalo i mea sese na latou faia ma tuu ese mai o latou olaga na mea sese.

O Le Foai Atu ma le Taulaga

FAAMOEMOEGA O le a malamalama ai tamaitai talavou taitoatasi ma naunau e ola i tulafono o le faapaiaga ma le foai atu.

SAUNIUNIGA

1. Ia saunia se pepa malō matagofie mo tagata taitoatasi uma o le vasega e te tusia ai upu nei i luga mai le Mosaea 2:34: "Ua outou iloa ua ia te outou e faavavau e toe taui atu i lo outou Tama faalelagi, ina ia tuuina atu ia te ia outou lava ma mea uma ua ia outou."
2. Ia tofia ni tamaitai talavou e faamatala mai ni tala, mau, poo ni upu sii e te manao iai.

**FAUTUAGA MO
LE FAALAUATELEINA
O LE LESONA**

Tulaga aoaoina

Faatomuaga

Ia tuuina atu faataitaiga nei o ni auala na tautiga ai tagata talavou e fesoasoani i isi, pe o le faaaoga foi o faataitaiga o ni taulaga na faia e ni tagata talavou e te iloaina.

1. Na ofo Janice e avea o ia ma uso matua o Connie, se teineitiiti e valu tausaga le matua na maliu lona tama i le kanesa. E faaalu lava e Janice le lua itula i vaiaso taitasi e faifai mea faatasi ai ma Connie.
 2. Na faaalu faatasi e Tamaitai Talavou ma Alii Talavou o le uarota se tasi afiafi e fesoasoani ai e faamamaina ma toe lipeaina se fale e tuu ai manu a se tasi alii fai lafumanu e le auai i le Ekalesia na gau lona lima.
 3. Na telefoni atu Juanita ia Mary ma fai atu iai o le a la o la te savaval i se isi taimi. O lona tuagane laititi o lo o ma'i, ma o lea ua ia nofo ai i le fale ao malaga atu ona matua i le malumalu.
 - O a ni auala na fesiliglia ai oe e tuuina atu lou taimi ma au taleni e fesoasoani ai i isi tagata?
- Ia faamalamalama atu o le lesona lenei e faatatau tonu lava i le tulafono o le taulaga ma le foai atu na faaali mai e le Alii e ala mai i ana perofeta. Ia faamalamalama atu o le agavaa o le tamaitai e malamalama ai ma ola i nei tulafono o le a aafia tele ai le fafia o lona olaga i le lalolagi ma le faavavau.

O le Taulaga ma le Foai Atu o ni Tulafono Faaselesitila

Talanoaga

- E faapefea ona e faamatalaina le upu *taulaga*? (O le tuua o se mea taua ona o se mea sili atu ona aoga.)
- O le a sou manatu o le a le uiga o le upu *foai atu*? (Ia faapaiaina; ia tuuina atu pe gauai atu.)

Ia faamalamalama atu o le foai atu ma le taulaga o ni tulafono e faavavau ma na tuuina mai e le Alii a'o le'i foafoaina le lalolagi.

Upu sii

Na faamatalaina mai e Elder Bruce R. McConkie uiga o nei tulafono:

"O le taulaga ma le foai atu o ni mea e le tuukseseseina. O le tulafono o le foai atu, o lo tatou faapaiaina lea o o tatou taimi, o a tatou taleni, ma a tatou tupe ma mea totino mo le Ekalesia; e tatau ona avanoa na mea i le tele e manaomia ai, ina ia faalauteleina ai le finagalo o le Alii i luga o le fogaeleele."

	<p>“O le tulafono o le taulaga o lo tatou naunau lea e tuuina atu mea uma ua ia te i tatou e avea ma taulaga mo le upu moni - o a tatou amio ma uiga; lo tatou mamalu ma viiga; o le taulelei o o tatou igoa i tagata; o o tatou fale, fanua, ma aiga: o mea uma lava, e oo lava i o tatou ola pe a manaomia” (in Conference Report, Apr. 1975, p. 74; poo le <i>Ensign</i>, May 1975, p. 50).</p>
Faamatalaga a le faiaoga	<p>Ia faamalamalama atu o le tulafono o le foai atu ma le taulaga na faamatalaina atu ia Atamu e se agelu. Ina ua maea ona tulieseia Atamu ma Eva mai le faatoaga o Etena, na poloaiina loa i laua e le Alii e tatau ona avea ma taulaga ia te ia ulumatua uma o a lafumanu. Na usiusitai Atamu i lenei poloaiga.</p>
Talanoaga o le mau	<p>Ia faitauina e se tamaitai talavou le Mose 5; 6-8.</p> <ul style="list-style-type: none"> • O le a lea mea o le <i>faatusa</i>? (O se mea e tutusa, e fai ma sui, pe foliga i se isi mea.) • O le a le mea na <i>faatusa</i> iai e le agelu le taulaga a Atamu? (Afai e tatau ai, ia toe faitau e le vasega le fuaiupu e 7.) • E tusa ai ma le faamatalaga a le agelu, o le a se mea e tatau ona faia e Atamu i le suafa o le Alo? (Afai e tatau ai, ia toe faitau le fuaiupu e 8.) <p>Ia faamalamalama atu sa ta'u atu e le agelu ia Atamu ia le na o le osi atu o taulaga i manu i luga o le fata faitaulaga i le suafa o le Alo, poo le tatalo atu i le suafa o le Alo, poo le alu foi i le lotu i le suafa o le Alo. Ae na ia ta'uina atu ia Atamu, “Ia faia mea uma e te faia i le suafa o le Alo.”</p> <ul style="list-style-type: none"> • E mafai faapefea ona tatou faia mea uma e faia i le suafa o le Alo? • E mafai faapefea e lo tatou faia o mea uma i le suafa o Iesu Keriso ona fesoasoani i ai tatou ina ia tatou ola ai i le tulafono o le foai atu? <p>Na aoao mai e Iesu ina ua mavae lona toetu mai, e tatau ona eseese le faiga o taulaga ma taulaga na osia e Atamu.</p> <p>Ia faitau le 3 Nifae 9:19-20.</p> <ul style="list-style-type: none"> • O le a lona uiga o le tuuina atu i le Alii o le “loto momomo ma le agaga salamō”? (Ia salamō faamaoni ma naunau ma le loto maualalo e usiusitai i le finagalo o le Tama Faalelagi.) <p>Ia faitau e se tamaitai talavou le Mataupu Faavae ma Feagaiga e 88:22.</p> <p>Ia faamalamalama atu o tulafono o le taulaga ma le foai atu o ni tulafono faaselesitila; afai tatou te naunau e maua le mamalu faaselesitila, e tatau ona tatou ola ai i nei tulafono.</p> <p>O tulafono o le taulaga ma le foai atu e tele mea e manaomia ai mai i ai tatou taitoatasi. Ua manaomia ai i nisi taimi mea o lo o tatou naunau iai, malosi, taimi, poo mea faaletino e atinae ai le malo o lo tatou Tama i le lalolagi. O nisi taimi atonu e foliga mai e faigata ona ola i nei tulafono. Ae ui i lea, a'o faateleina lo tatou malamalama ma lo tatou faatuatua, o le a amata ona tatou iloa faamanuiaga matagofie ua faavanoaina mo e usiusitai.</p>
Faamatalaga a le faiaoga	<p>Na aoao mai le Perofeta o Iosefa Samita: “O se talitonuga e le faapea atu e ao ona foai atu mea uma e fai ma taulaga, e le maua lava e lena talitonuga le malosi e tatau ona iai e maua ai le faatuatua e manaomia e taitaiina ai i le ola ma le faaolataga; aua talu mai lava le amataga o le tagata, e le mafai ona maua le faatuatua e fiafia ai i le olaga ma le faaolataga, sei vagana ua tuuina atu mea uma lava faaletino e fai ma taulaga. Na ala mai i lea taulaga, ma na o le pau lava lea o le taulaga na faauuina e le Atua ina ia olioli ai tagata i le ola e faavavau” (<i>Lectures on Faith</i>, comp. N. B. Lundwall [Salt Lake City: N. B. Lundwall, n.d.], p. 58).</p>
Upu sii	

O le Taulaga ma le Foai Atu e Aumaia ai le Fiafia i o Tatou Olaga

Tala	<p>Faamatala ma talanoaina le tala lenei na faamatala e se peresitene o le Nofoaga Tutotonu e Aoaoina ai Faifeautalai i Provo i Utah:</p> <p>“O lo o ou mafaufau e uiga i se alii talavou sa iai i le Nofoaga Tutotonu e Aoaoina ai Faifeautalai i le tausaga ma le afa ua mavae, o lē sa sauniuni e auauna atu i Iapani. Na</p>
------	--

matou faatonuina ni pepa i le ofisa o le BYU e maua ai pepa ulufale mo le taaloga lakapi mulimuli a le BYU. Na maua uma lava pepa na fuafuaina mo i matou e nonofo ai i nofo i le itu i matu o le malae. . . . ma na matou faasilasilaina atu i faifeautalai ua faatagaina i latou uma lava e o i le taaloga i le aoauli e sosoo ai. Na sau lenei alii talavou e vaai a'u ma fesili mai, 'Peresitene Pinegar, pe tatau ia te au ona ou alu i le taaloga lakapi taeao?'

"Sa ou manatu ai ua ma'i o ia. Sa ou faapea atu, 'E te le fia matamata i le taaloga?'

"Na ia faapea mai, 'Se e te le silafia lo'u fia matamata tele i le taaloga! Sa ou taalo i le au lakapi a se kolisi i tausaga e lua. Ae ina ua ou sau i le Nofoaga e Aoaoina ai Faifeautalai, na faia sa'u tautinoga ia te au lava atoa ma le Alii o le a ou aoaoaina uma lesona e valu a faifeautalai i le gagana Iapani. Afai ou te alu i lena taaloga taeao, o le a ou le faataunuina la'u sini.'

"Ioe, sa tuuina atu loa iai se faatagaga ia te ia e nofo ai e suesue ma aoao.

"Sa ou toe feiloai ia te ia i nai vайаsio mulimuli ane. O le mea moni, o le toe lima lena iai o aso ona malaga ese atu ai lea o ia i Iapani. Na ia sau ia te au i le potu 'ai ma faapea mai, 'Peresitene Pinegar, e te manatuaina a'u? O a'u o le faifeautalai lea sa le'i alu i le taaloga lakapi ona sa ou manao ou te aoaoina lesona a faifeautalai. O le asō lea na pasi ai la'u lesona lona valu.' Sa ia faaaau pea, 'E tatau ona e faafogfa i le mea na tupu ia te au i le aso lena sa ou nofo ai ou te le alu i le taaloga lakapi. Talu mai lava lena taimi ua mafai ona ou taulotoina i le gagana Iapani i se aso e tasi ni laina e luasefulu; I lena aso, le aso lea na ou tautiga ai - ma na ou lagona o se taulaga lava lena mea - na ou taulotoina ai laina e 120. Talu mai lena taimi ua faaaauquina pea ona ou alualu i luma, ma o le asō e pasi ai la'u lesona lona valu' " (Max L. Pinegar, "Serious About the Things to Be Done" in *Speeches of the Year*, 1978 [Provo: Brigham Young University Press, 1979], pp. 55-56).

- Na faapefea ona aumaia e le taulaga a lena alii talavou le fiafia ma faamanuiaga i lona olaga?

Tala

Faamatala ma talanoaina le tala lena e uiga i tagata o le Ekalesia na faamanuiaina ona o a latou taulaga.

O tagata na amataina le Ekalesia na tulieseina mai e tagata leaga mai Navu, Ilinoi i le 1846. Ae o le faitau selau o le Au Paia na le mafai ona malaga atu ma isi. O lo latou matitiva na le mafai ai ona faatau mai ni mea na latou manaomia mo le malaga poo le mama'i tele o i latou. Mulimuli ane i lea lava tausaga, na faamalosia ai foi e tagata leaga i latou nei e o ese. E le tele ni mea na latou maua, ma sa latou faatutuina lava ni tolauapiga i mea na mafai ona latou maua i le malulu, timuga, e aunoa ma le lava o ni meaai, lavalava, poo ni mea e nonofo ai. e toatele na mama'i e aunoa ma le mauaina o mea e talafeagai ma le olaga.

I lea taimi sili ona faigata, na tuuina mai ai e le Alii se vavega i le Au Paia o lo o mafatia. Mo le tele o maila i le a'e i luga ma le o ifo i lalo o le vaitafe na latou tolauapi ai, na toulu ifo ai le anoanoa'i o manulele i le mea o lo o latou tolauapi ai. Na foliga mai ua tau le manava nei manufelelei, ma o le tele lava na toulu tonu ifo lava i o latou faleie ma na mafai lava e tamaiti ona aveina a'e i luga i o latou lima. E afe ma afe manulele na pu'eina, ma na fafagaina ai tagata mama'i ma matitiva i nei meaai mananaia.

Na toe tupu foi se tasi o vavega i se isi taimi vave lava. Na faalogo Brigham Young i le tulaga o nei tagata o le Au Paia ma na ia faavave loa ona faatulagaina se vaega latou te avatuina ni faleie ma nisi mea e manaomiaina mo i latou ma aumaia i latou ia faatasia ma isi tagata o le Ekalesia. E toatele tagata na ofo e fesoasoani atu i se taulaga faaletagata lava ia, ma e le'i umi lava ae mauaina loa e le Au Paia o lo o puapuagatia se fesoasoani mai a latou uo. (Tagai i le B. H. Roberts, *A Comprehensive History of the Church*, 3:134-36.)

- O a ni taulaga na faia e nei tagata o le Ekalesia i lona faatoa amataina? Na faapefea ona faamanuiaina i latou e le Alii?

Tulaga iloiloina ma le talanoaga

Ia filifili mai e oe mai faamatalaga o tusia i lalo poo fea o na faamatalaga e talafeagai ma lau vasega. A uma ona faitau leotole atu faamatalaga taitasi, ona fai lea i le vasega e talanoaina fesili nei. (Ia tusia fesili na i le laupapa a'o le'i amataina le lesona.)

- O le a se lagona e oo i se tamaitai talavou i lea tulaga?
- E faapefea ona ia faia se taulaga?

- O le a faapefea ona aafia o ia ma isi tagata i sana taulaga?

Ia fesoasoani atu i tamaitai talavou ia malamalama o le taumafai e ola i tulafono o le foai atu ma le taulaga, o le a fesoasoani i ai latou e faafetaiai atu ai ma le lē manatu faapito ma le malosi i tulaga le fiafia, manatu fetotoai, ma le lē onosai, faapena foi i le taimi, taleni, ma tupe.

1. O Mele o se tamaitai na liliu mai i le Ekalesia. Ua le o toe umi se taimi ona faaipoipo lea o ia, ma e manao o ia e faaipoipo i le malumalu. O ona matua o ni tagata lotu ese ma ua la uunaiina o ia e faaipoipo i se mea e mafai ona auai i laua. Na la tuuaiina o ia faapea e manatu faapito i lona le manatu i le mea o lo o la mananao iai.
2. O Carol o se taitai i le aoga. Ina ua manumalo lana aoga i le siamupini i le tauvaga a le setete, na valaaulaina o ia i se pati tele lava na faia e sami ai le manumalo. Na uunaiina Carol e ana uo e auai i mea o lo o latou faia, ia na o le tasi lava sana inu i le taimi na fepasai ai ipu pia.
3. Ina ua taisefulufitu tausaga o Jean ma Mike, na amata loa ona la tafafao ma eva faamasani. Na faapopoleina i laua e uiga i lagona o le tasi i le tasi aua na mananao lava i laua e alu le misiona a Mike.
4. Ina ua uma ona faauu Elisapeta mai le kolisi na maua e ia se avanoa sili e malaga ai i atunuu mamao, o se avanoa e seāseā lava ona maua. Na valaauna e le epikopo ia Elisapeta e alu e ave sana misiona.
5. E fiafia tele Emi e faasee i le aisa, ae ua tau leai se aisa i lenei taumalulu. I se taeao o se tasi Aso Sa, na telefonu mai ai John ma valaaulia o ia latou te o atu i se tasi o nofoaga faasee o lo o mafiaia ai le aisa fou, pe tusa ma le sefululua inisi.
6. O Mrs. Mahler o se tina matua e nofotoatasi. A iai se tagata e talanoa ma ia, e alu se itula o talanoa o ia e le malolo. Na feiloi o ia ma Jane i le aualatele ma amata loa ona ia talanoa iai e uiga i le tama tama a lona uso i Siamani. Na fia alu i le fale Jane aua ua oo i le taimi o le meaai o le afiafi.
7. Na faatonuina se taimi e alu ai Julie e vaai le epikopo i le 7:10 i le afiafi ma na taunuutu o ia i le 7:00 i le afiafi lava lena. O lo o faatalanoaina e le epikopo se tasi tagata. E ta le 8:00 i le afiafi o faatali pea Julie mo le epikopo.
8. E fiafia tele Katerina i musika, siva, teineiti laiti, ma fugalaau piniki. Na talosaga iai le epikopo e faiaoga i le vasega a le Peraimeri e na o tama laiti lava.
9. Na faaaluina e Diane le fitu itula i le aoga ae fa itula na galue ai i le faleoloa o meaai. Ina ua taunuutu o ia i le fale, sa ia alu loa 'ai, fesoasoani i le fufuluina o ipu, fai ana meaaoga mo le lua itula, ona sauni loa lea o ia e moe. Na vaai atu o ia i ana tusitusiga paia o taatitia mai i luga o lana kesi. Na manao o ia e suesue iai, ae na matua le lavā lava o ia ma ua fia moe.

Faauga

Faamatalaga
a le faiaga

Ia faamalamalama atu, i le lauga a le Tupu o Peniamina na tuuina atu i tagata Sa Nifaē sa ia faamatalaina atu ai ia tulafono o le taulaga ma le foai atu. Na ia otootoina ia tulafono i se fuaiupu e tasi e faapea: "Ua outou nofo aitalafu e faavavau i lo outou Tama oi le Lagi, e tuuina atu ia te la outou lava ma mea uma ua ia te outou" (Mosaea 2:34).

Pepa e tufaina atu

Ia tuuina atu ia tofu tamaitai talavou taitoatasi uma ma se pepa malō o tusia ai upu sii ua uma ona tusia. Ia fautua atu iai e tuu a latou pepa na i se mea e iloa gofie ai ma faamanatu atu ai i le tagata lava ia e tusia tulafono o le foai atu ma le taulaga.

O le Suia o le Loto

FAAMOEMOEGA O le a malamalama ai tamaitai talavou taitoatasi ma saili mo se suiga o le loto.

SAUNIUNIGA 1. Ia saunia e faamatala atu e oe poo se tamaitai talavou le tala pe na faapefea ona iloa e Alema le suia o le loto. O lo o maua lenei tala i le Mosaea e 27 ma le Alema e 36.
2. Ia tofia ni tamaitai talavou e faamatala mai ni tala, mau, poo ni upu sii e te manao iai.

FAUTUAGA MO
LE FAALAUATELEINA
O LE LESONA **E Manaomia le Suia o le Loto i le Avea Faapei o le Atua**
Talanoaga Ina ia faamatala atu le lesona ia fai atu i tamaitai talavou fesili nei:
• Pe tou te iloa ni tagata liliu mai i le Eklesia na papatisoina ma avea ma tagata malolosi ma totoa o le Eklesia? Pe tou te iloa ni tagata liliu mai i le Eklesia na papatisoina ae oo ane i se taimi mulimuli ua avea ma ni tagata vaivai i le Eklesia?
• Pe tou te iloa ea ni tagata na avea mai lava ma tagata o le Eklesia i o latou olaga atoa o ē na le totoa e ola i poloaiga ma auauna atu i le Alii?
Ia faamalamalama atu o nei tagata uma na papatisoina ma avea ma tagata o le Eklesia.
• O le a le eseesege o tagata o ē e auauna atu i le Alii ma le naunautai ma le alofa , ma i latou o ē e avea ma ni tagata le malolosi pe le manatu foi i le Eklesia? Ia tuu atu se avanoa i tamaitai talavou e talanoaina ai.
Ia faamalamalama atu e iai se igoa i tusitusiga paia o se mea pito i sili ona taua e iloa ai le eseesege o le loto toa ma tagata e le manatu i le Eklesia. O lenei uiga e ta'ua o le *suia o le loto*.
Ia faamalamalama atu e avea le loto ma faatusa o nisi o o tatou mafaufauga pito i taua faapea ma lagona. Fai atu i tamaitai talavou e ta'u mai nisi o ia mafaufauga ma lagona. Atonu o le a aofia i la latou lisi le alofa, lagona loloto, naunautai, faatuatuaina, ma le loto toa.
• A tautala tusitusiga paia e uiga i le suia o le loto, o le a le ituaiga suia e te manatu o lo o latou talanoa iai? Tuu atu i tamaitai talavou latou te talanoaina.
Ia mautinoia ia latou malamalama o le suia o le loto, o se suiga lena i le olaga atoa o se tagata o ona mafaufauga, lagona, manaoga, ma amioga, o mea uma lava e sau mai le loto. E tuuina atu e ia lona alofa, naunautai, atamai, ma taleni i le Alii ma na o le tasi lava lona manao, ia auauna atu i le Alii.
O lenei suia o le mea mea na fetalai ai le Alii ina ua ia poloai mai, "Ia outou auauna atu ia te ia ma o outou loto atoa, mafaufaufau atoa, manatu atoa ma le malosi atoa" (MFF 4:2).
Fai atu i se tamaitai talavou e faitau mai le Mosaea e 3:19.
• O le a se mea o lo o ta'u mai i ai tatou e lenei mau e uiga i le suia o le loto? Tuu atu i tamaitai talavou e talanoaina.
Ia faamalamalama atu ua ta'u mai e lenei mau le suiga e mafai ona tupu mai i se tagata. O le tagata o le lalolagi o se igoa lea o se tagata e sili atu lona pupū i mea faalelalolagi nai lo le Atua. Afai e faia e se tagata faapena mea o lo o faamatala mai i lenei fuaiupu, e pei o le faatuatua i le Togiola, agamalu, lotomaualalo, e mafai ai ona avea i tatou ma au paia.
• Aisea e te manatu ai e tatau ona suia le loto o le tagata ina ia avea ai faapei o le Atua?

Ia faamalamalama atu, sei vagana ua tuuina atu ma le naunautai le olaga atoa o se tagata i le Alii, o le a le mafai ona agavaa mo le malo selesitila. O le suia o le loto, o se laasaga moomia i le avea faapei o le Atua.

Ua Aoao Mai i Tatou e Tusitusiga Paia i le Ala e Mafai ai Ona Suia o Tatou Loto

Talanoaina o le mau

Ia faamalamalama atu o lo o i le tusi a Mosaea se tala tusia o le lauga a le Tupu o Peniamina na tuuina atu i lona nuu ina ua ia iloa ua lata ona oti o ia. Na ia aoao lona nuu e uiga i le Togiola ma le manaomia ona latou salamō. Sa matua mamana lava lenei lauga aua o tagata uma na faalogo iai na suia ai o latou loto. E ala i lo tatou aoao i uiga o tagata na faaalia, ma mea na ia ta'u atu i ai latou, e mafai ai ona tatou iloa mea e ao ona tatou fai pe afai e tatau ona suia o tatou loto.

Ia faitauina e se tamaitai talavou le Mosaea e 4:1-2.

- O le a se manaoga sili na oo i nei tagata ina ua uma ona latou faalogo i upu a le Tupu o Peniamina? (Na latou mananao ia latou salamō ma faamagaloina e ala i le Togiola a Keriso.)

Fai atu i se tamaitai talavou e faitau le tala a le Tupu o Peniamina na faia ina ua ia vaai ua salamō tagata (Mosaea 4:6-7).

- O le a se mea na ta'u atu e le Tupu o Peniamina i tagata e tatau ona latou faia ina ia latou maua ai le faaolataga? (Ia malamalama i le Atua ma le Togiola, faalagolago i le Atua, ia tumau i le tausiga o poloaiga, ma ia tumau pea i le faamaoni seia iu o latou ola.)

Na fesili le Tupu o Peniamina i tagata pe o latou talitonu i ana upu ae pe o latou faalagolago i le Alii ma faamaoni i o latou olaga atoa.. Fai atu i se tamaitai talavou e faitau le tali a tagata o lo o i le Mosaea 5:2, 5. Ia faamalamalama atu faapea, o le manaoga pito sili sa i nei tagata o le auauna atu lea i le Alii.

Iloiloga

Ia toe iloiloina faatasi ma tamaitai talavou laasaga na mulimuli ai nei tagata ina ia suia ai o latou loto ma olaga:

1. Na latou aoao e uiga ia Keriso ma ana poloaiga mai le Tupu o Peniamina.
2. Na latou faatuatua ia Keriso, talitonu i le mana o lana Togiola, ma mananao e salamō ia latou agasala.
3. Na faamagaloina i latou e ala mai i le alofa mutimutivale o le Alii, ma na latou lagona le filemu ma le olioli.
4. Na latou faia se feagaiga o le a latou tausia poloaiga ma faia mea lelei i aso o totoe o o latou olaga.

Ia faamalamalama atu o laasaga lava nei e tasi e mafai ona tatou mulimuli ai e suia ai o tatou loto ma olaga, ina ia tatou ola atoatoa e tusa ai ma le finagalo o le Alii.

O Le Suia o le Loto e Mafai Ona Tupu i Se Taimi Vave poo le Faasolosolo Lemu Mai Foi

Faamatalaga a
le faiaoga ma
le talanoaga

Ia faamalamalama atu na vave ona suia loto ma olaga o le nuu o le Tupu o Peniamina, peitai o le tele lava o tagata e faasolosolo lemu mai. E mulimuli i latou i laasaga lava e tasi na uia e le nuu o le Tupu o Peniamina, ae e faia faapena e i latou i o latou olaga atoa.

- Pe na outou aoao ea e uiga i le Togiola a Keriso atoa ma poloaiga? O fea na outou aoao ai i nei mea?
- Pe na iai se tasi o outou na salamo i se agasala ma lagona ua faamagaloina e le Alii? Fai atu i tamaitai talavou pe afai latou te mananao e faamatala mai ni o latou lagona na iai ina ua faamagaloina i latou.
- Pe na iai ea se taimi na e manao ai e faia se mea na e iloa e sese ae na e alo ese mai le faia aua na e manao e te usiusitai i le Alii? Ia toe fai atu foi i tamaitai talavou e faamatala mai soo se mea na oo i ai latou. Atonu e te manao e ta'u atu se mea na oo ia te oe.

Ia faamalamalama atu afai na faia e tamaitai talavou nei mea, ua amata ona latou iloa le uiga o le suia o le loto. Ia faamalamalama atu e tatau ona latou taumafai ia tele lo latou faatuatua i le Togiola, ma ia mafai ona latou usiusitai atoatoa i poloaiga. Ma o

Tala mai tusitusiga paia	le a faasolosolo lemu ona pei i latou o le nuu o le Tupu o Peniamina, o le a latou iloa o le a alu ese lo latou naunau e faia le leaga. O lo latou faanaunauga atoatoa lava, o le usiusitai lea i le Alii ma auaua atu i o latou uso a tagata.
Faamatala e oe pe fai foi i se tamaitai talavou na te faamatalaina le tala i le mea na oo ia Alema ua na ia iloa ai le suia o le loto . O lo o maua le tala i le Mosaea e 27 ma le Alema e 36.	A uma ona faamatalaina le tala, ona fai lea i se tamaitai talavou e faitau le Alema 36:18-21. Ia faamalamalama atu na iloa e Alema lava ia o le salamō ma le naunautai i le Alii e mafai ona maua ai le olioli sili.
Molimau	Ia tuuina atu lau molimau o le salamō ma le usiusitai i poloaiga e aumaia ai le olioli sili i lenei olaga.

Faaiguag

Upu sii	Ia faamalamalama atu faapea, o nisi taimi ua ta'u mai ai i tusitusiga paia le suia o le loto, o le toe fanaufouina. Na faamatalaina e Peresitene David O. McKay se mea na oo ia te ia na fesoasoani ia te ia e malamalama ai i le taua o le suia o le loto ma lou olaga: "Na . . . ou moe, ma sa ou vaaia i se faaaliga o se mea e leai se mea e gata mai ai le maoae. I se mamao sa ou iloa atu ai se aai sinasina matagofie. E ui sa mamao ese, ae na foliga mai na ou iloa atu ni laau ma ni fua suamalie naua, ma ni lau laau ninii matagofie ma felanulanuai, atoa ma ni fugalaau matalatala atoatoa ua tauluuluola i soo se mea. Na foliga mai na atagia mai i le lagi maninoa i luga le ataata matagofie mai o ia lanu. Ona ou iloa atu lea o le motu o tagata o faalatalata atu i le aai. O tagata taitoatasni na ofu i se ofu sinasina talaloa, ma se ie paepae e fusi i lona ulu. Na faafuasei lava ona uai atu lo'u loto i lo latou Taitai, ma e ui sa na o autafa o ona fofoga ma lona tino na ou iloa atu, na ou iloa lava o Ia o lo'u Faaola! O le susulu o ona fofoga o se tulaga ofoo fogia tele i le vaai iai! Na atagia mai i ona fofoga le filemu na foliga mai e leai se mea e gata mai ai - o se mea paia naua!" "Na ou malamalama o lena aai o ia e ana lea. O le Aai Faavavau; ma o tagata na mulimuli atu ia te ia na mau ai iina i le filemu ma le fiafia e faavavau. "Ae o ai i latou na? "E foliga mai na silafia e le Faaola o'u mafaufauga, ma sa ia tali mai e ala i le faasino atu i se 'afa li'o na vaaia i o latou luga a'e, ma o luga iina na tusia ai ni mataitusi auro upu nei: " 'O i Latou Nei Na Manumalo i le Lalolagi – O E Na Toe Fanaufouina Mai Lava!'" (<i>Cherished Experiences from the Writings of President David O. McKay</i> , comp. Clare Middlemiss [Salt Lake City: Deseret Book Co., 1965], p. 102).
---------	--

Faatinoga o le Lesona

Ia fautua atu e faitau e tamaitai talavou le Mosaea mataupu e 2 e oo i le 5, ina ia latou malamalama lelei ai i lona uiga o le suia o le loto.

FAAMOEMOEGA	O le a aoaoina ai e tamaitai talavou taitoatasi pe faapefea ona avea tusitusiga paia ma mea taua i lona olaga.
SAUNIUNIGA	<ol style="list-style-type: none">1. Ia tofia ni tamaitai talavou e faamatala mai ni tala, mau, poo ni upu sii e te manao iai.2. Afai e maua i lo outou atunuu, ia faaali le ata o le “Flood the Earth with the Book of Mormon,” o lo o i le ata vitio o le Family Home Evening Video Supplement 2 (53277).
FAUTUAGA MO LE FAALAUATELEINA O LE LESONA	E Mafai e Tusitusiga Paia Ona Taitaia i Tatou ma Fesoasoani i ai Tatou e Faafetaiaia Lu'i i Aso Taitasi
Tala	<p>Ia faamatala atu le lesona ma le tala lenei na faamatalaina e Peresitene Harold B. Lee:</p> <p>“I tausaga ua mavae sa faamatala mai ai e le peresitene o le Misiona a Suetena se tala i se mea na tupu, ao iai o ia i se vaa e malaga atu i motu laiti e tele i le agai atu i Finilani. Ao ia vaavaai ao alu atu le vaa i luga o le vasa, sa maitauina e ia le faigata o le alavaa o lo o malaga atu ai lenei vaa i totonus o ia motu eseese. Sa faapea o ia, Aisea na te le avea ai i matou i le isi motu la e tuu mai o e sili atu le matagofie, nai lo lenei nofoaga mataga?</p> <p>“Na faapea mai o ia, ‘A'o o'u nofo iina ma vaavaai ma mafaufau, na ou vaaia ni mea e foliga mai e pei o ni ‘ausalu e oso a'e i luga ma toe mou atu i lalo o le vasa i o matou luma atu. Ona ou iloa ai lea e iai se tasi ua ia fuafuaina le alavaa saogalemu i totonus o lenei vasa faigata, ma tuuina mai nei taiala e taitaiina ai i matou i le saogalemu.’</p> <p>“Ona tau mai lea e ia le aoaoga taua lenei: ‘E faapena foi inisiria a le Atua ua latou faailoa mai le ala saogalemu i ai tatou, ma o lena ala saogalemu o lo o tusia lea i le talalelei a Iesu Keriso, e le mafai lava ona sese ai se tasi, e pei ona sa taitaia ai lo matou vaa i lena vasa faigata agai i le saogalemu’ (“Saili Tali i Tusitusiga Paia,” <i>Liahona</i>, Tesema 1973, itulau 2-3).</p>
Talanoaga	<p>Fai atu i tamaitai talavou e mafaufau i ni auala e mafai ai e tusitusiga paia ona taitaia o latou olaga i le ala sao ma le saogalemu e toe foi atu ai i lo latou Tama Faalelagi. Ia taitaiina atu le talanoaga i se tulaga ia faailoa mai ai mea nei:</p> <ol style="list-style-type: none">1. E fesoasoani tusitusiga paia i ai tatou ia tatou iloa ai lo tatou Tama Faalelagi ma lona Alo o Iesu Keriso (tagai i le Ioane 17:3).2. O le faitau i tusitusiga paia e mafai ai ona tatou maua se molimau ia Iesu Keriso ma lana talalelei.3. E mafai ona tatou aoao mai i faataitaiga a Keriso. (Afai e lava le taimi, ona fai atu lea i tamaitai talavou e manatunatu i nisi o mea na tutupu i le soifuaga o Iesu e mafai ona avea ma faataitaiga i o latou lava olaga.)4. E mafai ona tatou aoao mai faaaaoaoga a le au perofeta ma tagata o lo o ta'u mai i tusitusiga paia.5. Ua faatonu mai i tatou e tusitusiga paia i mea uma e tatau ona tatou iloa ma fai e toe foi atu ai i le afioaga o lo tatou Tama Faalelagi (tagai i le 2 Timoteo 3:15-16; MFF 33:16).6. Ua tuuina mai e tusitusiga paia i ai tatou musumusuga ma faamafanafanaga e faafetaiaia ai lui o aso taitasi. <ul style="list-style-type: none">• Pe tou te iloa ea ona saili tali i o outou faafitalui i aso taitasi i tusitusiga paia? E faapefea ona e faaaogaina tusitusiga paia ina ia fesoasoani ia te oe i le foiaina o ni ou faafitalui?

Gaoioiga e
faaaogaina ai le mau
ma tulaga aoaoina

- Pe o iai se mau e te fiafia tele iai na fesoasoani ia te oe e te faafetaiaia ai lui i lou olaga? Ia faamalamalama atu o le a outou aoaoina nei o se vasega auala e maua ai tali i tusitusiga paia.

Ia tuuina atu tulaga aoaoina nei i tagata o le vasega. A maea ona tuuina atu tulaga aoaoina ona tuu atu lea o ni nai minute e sue ai tali i tusitusiga paia e mafai ona fesoasoani e foia ai le faafitauli. Ona fai atu lea iai e faamatala mai i le vasega le mea na latou aoaoina. Atonu e manaoia lou tuu atu o ni faatonuga ototo i le vasega i le ala e faaaoga ai le faasino upu o lo o ia latou tusitusiga paia. Atonu e te manao latou te galulue i ni vaega.

Tulaga Aoaoina 1

Sa tauivi pea Shauna ma lona faatuatua e uiga i le mana o le tatalo. Na ia lagona na te le o maua ni tali i ana talosaga pe a tatalo, ma na amata ona le talitonu i le faatuatua ma ona talitonuga na iai ao teineitiiti. Na fai iai lona fautua mo Tamaitai Talavou e na te faia se tamai tusi e tusia ai igoa o tusi o lo o taua mai ai mea e uiga i tatalo, ia faaaoga lava na o tusitusiga paia. Ia sue mai nisi o mau tou te manatu o le a fesoasoani ia te ia e toe maua ai lona faatuatua e uiga i le tatalo.

Tulaga Aoaoina 2

Na iloa e Maria ua pepelo soo lava lona tuagane e sefulufa tausaga o Lene i ona matua e uiga i le mea o lo o alu iai ma le mea o lo o ia faia. Na taumafai Maria e talanoa atu i ai, ae na o le mea e ita ai lona tuagane. Na tausisi lava Lene faapea e leai se afaina o lona ta'u atu o ni pepelo laiti. Sa faia e ia ina ia fiafia ai lona tina i lona alu ese soo ma ana uo. Na tofia Maria e lona tama na te faia le lesona o le afiafi faaleaiga i le Aso Gafua e sosoo ai. Sa tonu ia Maria na te faia le lesona e uiga i le taua o le faamaoni. Ia sue mai ni mau atonu e fesoasoani ia Maria e faatalitonu ai Lene e uiga i le taua o le faamaoni.

Tulaga Aoaoina 3

Faatoa maliu lava le tina o Sera i le kanesa. Na nutimomoia ai lava le loto o Sera. Aisea ua faatagaina ai e le Alii lenei mea e tupu i lona tina aulelei? O le lelei ia o lona tina toe talavou. Sa tatalo faatauanau lona aiga ia faamaloloina lona ma'i, ma na fesoasoani foi le epikopo i lona tama e faauu lona tina. I le faaogaina la o upu taiala o le *oti* ma le *toetu*, o a ni mau e mafai ona outou sueina mai e faamafanafanaina ai Sera?

Talanoaga
i le laupapa

E Mafai Ona Tatou Avea Tusitusiga Paia o ni Mea Taua i o Tatou Olaga

Ia faamalamalama atu e tele ni auala e mafai ona tatou aoaoina ai tusitusiga paia. O le sailia o tali mo faafitauli faapitoa, e na o le tasi lava le ala. Fai i tamaitai talavou e ta'u mai ni auala e aoaoina ai tusitusiga paia. Atonu e te manao e tusi a latou tali i le laupapa. O tali atonu e aofia ai mea nei:

1. E mafai ona tatou faitauina atoa lava mai le amataga e oo i le faaiuga.
2. E mafai ona tatou aoaoina feauaua'i i mataupu e faaaoga ai le faasino upu poo le tusi lesona o Aoaoga Faavae o le Talalelei e avea ma taiala.
3. E mafai ona tatou mulimuli i lesona a le Aoga Sa ma le Seminare.
4. E mafai ona tatou tuufaatasia ma taulotoina se lisi o mau faapitoa e fesoasoani i ai tatou ma musuia ai. (O le lisi o mau a le seminare o se mea lelei lena e amata ai.)
5. E mafai ona tatou sailia ni tali i se mea faapitoa o manaoia poo se faafitauli.

Ia faamalamalama atu e leai se auala e tasi faapea e sili. E tatau lava i tamaitai talavou taitoatasi ona filifili o ia pe o le fea le auala e sili ia te ia.

- O a ni mea e masani ona taofia tagata mai le faitauina o tusitusiga paia i aso taitasi?
- O le a se mea e mafai ona tatou faia e foia ai nei mea e faalavelavea ai le faitauina o tusitusiga paia?

Upu sii

Ua uunaiina i tatou e Elder Carlos E. Asay ia tatou manatunatu i le taimi tatou te faaaluina e aoao ai tusitusiga paia, o se taimi o le faatalanoaga patino ma le Alii. Na ia saunoa mai e faapea:

"Ou te fefe i le toatele o i tatou ua mua ona vevesi i lea aso ma lea aso a ua le talisapaia tusitusiga paia. Ua tatou taumafai e faataunu a tatou feagaiga na faia ma fomai, loia, ma tagata fai pisinisi. Ae ua tatou le manatu lava i lo tatou tolopoina o a tatou faatalanoaga ma le Atua -le tolopoina o le aoaoina o tusitusiga paia. Leitioa a tupu mai le vaivai o o tatou agaga ma tatou le iloa le ala e ola ai. O le a sili atu pe afai o le a tatou fuafua e faaaogaina le sefululima i le luasefulu minute i le aso, e avea ma taimi paia e fatauina ai tusitusiga paia. O ituaiga faatalanoaga faapena ma le Atua o le a fesoasoani ia i tatou e iloa ai lona siufofoga, ma mafai ai e i tatou ona maua le taitaiga i a tatou mataupu uma lava. E tatau ona tatou vaai atu i le Atua e ala i tusitusiga paia" (in Conference Report, Oct. 1978, p. 79; or *Ensign*, Nov. 1978, pp. 53-54).

Talanoaga

- E faapefea ona fesoasoani ia te oe le fautuaga a Elder Asay e te lagona ai le musumusuga a le Agaga ao e duesue i tusitusiga paia?
- Aisea e taua ai le fuafuaina o se taimi mo le duesueina o tusitusiga paia?
- Aisea e itiiti ai ona faamalieina lou loto i le le duesue soo i tusitusiga paia, nai lo o le duesue e le aunoa i tusitusiga paia?

Tala

Ina ia fesoasoani i tamaitai talavou ia malamalama i le taua o le duesue ma le naunautai i tusitusiga paia, ia faamatala atu iai le tala lenei:

Na liliu mai Sarah Pea Rich i le Ekalesia i le 1835 ina ua sefulufitu ona tausaga. Sa nonofo o ia ma lona aiga i le setete o Illinois, ma na oo mai ai ni alii faifeautalai Mamona se toalua i lo latou eria ma fai a le la talaiga. Sa la'ua ta'uina mai i lo latou aiga ma o latou tuaoi e uiga i le Perofeta o Iosefa Samita ma le faaliliuina o le Tusi a Mamona mai papatusi auro.

Sa naunau lava Sarah e fia vaai i le Tusi a Mamona ma sa ia fesili atu i se tasi o faifeautalai pe mafai ona ia vaai i lea tusi. Na ia faapea mai: "Sa ou alu atu i lo'u potu ma ou faaluina lena afiafi atoa ma le po atoa i le fatauina o le tusi. Sa ou matuai maofa i lona faasino upu. Na tuua e le tusi se lagona faagaeetia i lo'u mafaufau e le mafai ona faagaloina. Na foliga mai e tu mai pea i o'u luma i le tele o vaiaso na mulimuli ane ai."

O le taeao na sosoo ai na malaga atu ai i la'ua i Katelani i Ohio, ma la tuua ai se lagona faagaeetia i mafaufau o le aiga o Pea. Na manatu le aiga ailoga latou te toe feiloai ma faifeautalai. Na tusi e Sarah faapea: "Ina ua la tuua i matou mo le ono masina, sa ou miti e uiga ia te i laua. Sa ou miti i le po o le Aso Faraile o le a oo mai i laua i lo matou fale i le afiafi e sosoo ai, ao lei goto le la, ma e faatoa vaaia lava i laua i se ala umi i luma tonu o le fale."

O le taeao na sosoo ai na fuafua ai lona tama ma lona tina e malaga atu i le taulaga. Na fai iai Sarah e vave mai ona na te mautinoaina lelei lava e o mai nanei faifeautalai. Na ata lona tama ma fai atu iai e leiloa pe ua leaga lona ulu, ona o faifeautalai o lo o latou valavala i le fia selau maila. E lei umi ae malaga atu loa i laua i le taulaga. Ae peitai, sa amata loa ona sauniuni Sarah mo le taunu mai o faifeautalai.

Sa faamaumaumauina e Sarah e faapea: Ua tauau lava ina uma atu le aso, ua amata ona ou vaai atu, i le auala mo nei alii. E moni lava, ao lei goto le la, sa ou vaaia i laua, i le mea tonu lava na ou miti na ou vaaia ai i laua. Sa ou feiloai atu ia te i laua i luma o le faapaologa, ma fesili atu i le taimi o le aso ua iai. 'Sa ou vaavaaia lava oulu pe lula te o mai,' sa ou fai atu ai. 'Aisea,' na tali mai ai le tasi o i laua, 'na e faalogo ma te o mai?' 'E leai,' sa ou fai atu ai, 'sa ou miti anapo o le a oulu o mai, ma sa ou lagona lava e mautinoa le a oulu o mai.' 'E sa'o,' na fai mai ai le tasi faifeau, 'na ma'ua miti foi e ma te toe foi mai iinei ma papatisoina oe ma faatuina se ekalesia i lenei vaega.'

Na foi mai matua o Sarah mai le taulaga ma na maofa i la'ua ina ua la vaaia faifeautalai o lo o i le latou fale. Na aoaoina e faifeautalai le aiga ma le toatele o o latou tuaoi. Na la nonofo ai pea iina seia uma ona la faatuina le ekalesia o ni tagata e fitusefulu, e aofia ai Sarah, o lona tama, tina, ma lona uso. (Quoted in John Henry Evans, *Charles Coulson Rich: Pioneer Builder of the West* [New York: Macmillan Co., 1936], pp. 38-40.)

- O le a sou manatu i se lagona o Sarah e uiga i le Tusi a Mamona?
- O le a se mea e mafai ona e aoaoina mai ona lagona e uiga i le duesueina o tusitusiga paia?

	Faa'iuga
Upu sii	<p>Faitau atu le faantuaga lenei mai ia Elder Howard W. Hunter:</p> <p>“E moni o lē e suesue i tusitusiga paia i aso uma, e tele atu mea na te faataunuina nai lo lē na te faaaluina se taimi umi lava i se aso e tasi ona ia misia lea faatoa toe faaauau ai. E le gata i le tatau ona tatou aoaoina i aso taitasi, ae tatau foi ona iai se taimi faapitoa e faatuina i aso taitasi e mafai ai ona tatou faitauina e le faalavelaveina. . .</p> <p>“O le kuata itula o se taimi laititi tele, peitai o le a ofo i le tele o le malamalama ma le poto e mafai ona maua ai i se mataupu aoga ma taua. O le mea taua, ia aua lava nei iai se isi mea e faalavelave i le taimi tatou te suesueina ai tusitusiga paia” (Conference Report, Oct. 1979, p. 91; poo le <i>Ensign</i>, Nov. 1979, p. 64).</p>
Molimau	Ia faamatala atu ou lagona e uiga i le taua o le faalatalata atu i le Alii e ala lea i le suesue i tusitusiga paia. Tuu atu le avanoa i tamaitai talavou e faamatala mai ai o latou lagona e uiga i le mataupu.

Faatinoga o le Lesona

Ia fautua atu pe afai e le o iai se polokalama a tamaitai talavou mo le suesueina o tusitusiga paia, ina ia latou amataina i le vaiaso o muamua. Atonu o le a mananao tamaitai talavou e lipoti atu ia te oe e le tagata lava ia ona lagaona e uiga i se mea na te iloaina.

FAAMOEMOEGA	O le a malamalama ai tamaitai talavou taitoatasi i le taua o le auauna atu i le Eklesia faapea ma auala e mafai ona ia auauna atu ai.
SAUNIUNIGA	<ol style="list-style-type: none"> 1. Ia saunia ia tofu tamaitai talavou taitoatasi ma se penitala ma se pepa. 2. Ia tofia se tagata o le vasega e faamatala mai se tulaga na oo iai ao auauna atu o ia i le Eklesia (tagai i le vaega lona tolu o le lesona). 3. Ia tofia ni tamaitai talavou e faamatala mai ni tala, mau, poo ni upu sii e te manao iai.
FAUTUAGA MO LE FAALAUTENEINA O LE LESONA	E Tatau Ona Tatou Auauna Atu ma le Naunautai i le Eklesia Ia faamatala atu i tamaitai talavou e uiga i faamanuiaga ua oo mai i lou olaga ona o lou maua o le avanoa e te faiaoga ai i lenei vasega. Ia ta'u atu ai mea na e tautiga ai faapea ma taui ua e lagona ua tuuina mai ia te oe e tusa ai ma lou auauna atu. Fesoasoani i tamaitai talavou ia lagona o le auauna atu i le Eklesia o se vaega taua o lou olaga.
Faamatalaga a le faiāoga	Ia tusi i luga o le laupapa: <i>O le Eklesia a Iesu Keriso o le Au Paia o Aso e Gata Ai.</i> Ona fesili atu lea o fesili nei: <ul style="list-style-type: none"> • O le Eklesia a ai tatou te auai ai? (O le Eklesia a Iesu Keriso.) • O ai na fuafuaina le auala e tatau ona faatulagaina ai le Eklesia? (O Iesu Keriso. Na ia faailoa mai le faatulagaga lenei e ala mai i ana perofeta.)
Talanoaga i le laupapa	Ia faamalamalama atu o le faatulagaina o la tatou Eklesia e ese lava mai isi eklesia e tele. O o tatou taitai i iunite e le o ni alii e aoaoina faapitoa e taitaiina le Eklesia ma avea faapea o sa latou galuega tumau. O i latou o ni tagata o le Eklesia lava ia o e latou te tuuina atu o latou taimi ma le naunautai e aunoa ma se totogi.
Faamatalaga a le faiāoga ma le talanoaga	Ia faamanatu atu i tamaitai talavou e toatele tagata e aafia i le faatulagaina o se paranesi e tasi poo se uarota. Fai atu iai e ta'u mai igoa o tofiga eseese e tele i a latou paranesi poo uarota e mafai ona latou ta'uina mai. Atonu o le a iai i le latou lisi le peresitene o le paranesi poo le epikopo, o ona fesoasoani, o failautusi, au peresitene o ausilali, faiāoga o ausilali, faiāoga asiasi, faiāoga o aiga, au peresitene o vasega, ma tulaga uma lava faapena. <ul style="list-style-type: none"> • O le a sou manatu aisea na faavaeina ai e le Alii lana Eklesia ia toatele ni tagata e auauna atu ai? Fai atu i tamaitai talavou e ta'u mai ni mafuaaga ona tusi lea o mafuaaga na i luga o le laupapa.
Talanoaga i le laupapa	Atonu e aofia ai vaega nei: <ol style="list-style-type: none"> 1. A toatele tagata e auauna atu o le a mafai foi ona latou faamanuiaina nisi tagata e toatele o manaomia le fesoasoani. 2. A talosagaina tagata e auauna atu i tofiga eseese, o le a latou atinae ai a latou taleni na semanu e le faaaogaina lava. 3. A talosagaina tagata e fesoasoani atu i isi, o le a aoaoina ai e i latou ona alofa ma auauna atu i o latou uso a tagata. <ul style="list-style-type: none"> • O a ni taleni e mafai ona faatupuina e se tamaitai talavou pe afai e valaaufina e avea ma peresitene o se vasega a Tamaitai Talavou? Ia uunaiina tamaitai talavou e ta'u mai ni taleni se tele latou te mafaiā.

Tala

Ia faamatala atu le tala lenei:

“Na malamalama atoatoa Tania, le peresitene o se vasega a Tamaitai Talavou mai Tasmania i lona tiutetauave o le avea ma taitai o le au talavou o aso nei. Ina ua mavae se asiasiga a se uso o le au peresitene aoao o Tamaitai Talavou sa asiasi atu iai, sa tusia loa e Tania se tusi faapea:

“ ‘Ina ua mavae le po muamua, na matua musuia lava ma faatumulia a’u i le Agaga. Ou te le mafai ona manatuaina pe na ou faalogoina muamua faapea. Na ou alu i lena po i le fale ma tatalo i lo’u Tama oi le Lagi ma olega atu iai mo le malosiaga ma lana fesoasoani ina ia mafai ona maua e tamaitai lē toaaga o le vasega a le Lora le manao e toe foi mai. O le po lena na ou faalogoina ai le filemu moni ua ufitia ai lou tino atoa. Ina ua ou toe faalogoina oe, na oo mai ai foi le lagona lava lena ia te au, ma ou iloaiai le malosi ma le silisili ese o le Agaga Paia. Sa lei pine loa ae ou tusi atu i tamaitai nei. Ou te alofa tele i a’u tamaitai i totonu o le faalapotopotoga a Tamaitai Talavou aua e tutusa lelei manaoga ma sini latou te fetufaai ma mea foi o lo o ou faamoemoe e mauaina. Ou te iloa e iai se aso ou te tali atu ai i le Alii, o lea o le a ou faamalosi ai ma galulue faatasai ai ma o’u taitai. O le a ou le ola i se molimau e maua mai se tasi; o le a ou maua lava e a’u ia sa’u molimau e ala i le galue malosi’’ (Ruth H. Funk, “Exceedingly Young,” *New Era*, June 1977, p. 48).

Talanoaga

- O a ni auala na faamanuiaina ai e Tania olaga o tamaitai talavou i lana vasega?
- Na faapefea ona avea le valaauga o Tania ma fesoasoani ia te ia na te iloa ai le ala e alofa ai ma auauna atu?

Ia faamalamalama atu, e ui o le auauna atu i le Ekalesia o se tasi lea o auala pito sili e auauna atu ai i isi ma avea ai faapei o le Atua, ae toatele tagata ua auauna atu ma le musuā pe ua le auauna atu foi.

• O a nisi o mafuaaga e le mananao ai tagata e auauna atu i le Ekalesia? (Ua latou manatu e le taua le auauna atu i le Ekalesia; ua latou lagona e le lava so latou taimi, malosi, poo le agavaa.)

Upu sii

Faitau atu le saunoaga lenei mai ia Elder Franklin D. Richards e uiga i le faataunuina o valaauga faale-Ekalesia:

“Ae tatou te le’i teena se talosaga e auauna atu ona ua e lagona e te pisi tele, atonu e te manao e faafaigofie ma toe faia se iloiloga fou o le mea moni e te iloa e taua. Ia toe iloiolina au mea e tatau ona faamuamua, ma manatu i au feagaiga ma le Alii na e osi feagaiga ai e tuuina atu lou taimi, taleni, ma mea uma lava mo le atinaeina o le malo o le Atua.

“A’o e faafaigofieina lou olaga i lou faamuamua lea o mea e tatau ona muamua, ae faaitiitia le faia o gaoioiga e itiiti lo latou taua, e le taumate o le a e maua ai se taimi e talia ai tofiga faale-Ekalesia. . . .

“E le gata i lena, o nisi taimi e talosagaina ai i tatou e talia ni tofiga i le Ekalesia ia tatou te lagona tatou te le o agavaa e taulimaina, ma tatou taumafai ai e fai atu e leai talu ai lo tatou fefefe. Ua ou iloa i le tele lava o tulaga, o le olaga o se faasologa lea o ni tofiga ia tatou te lagona e tatou te le o saunia atoatoa ai e faia, peitai a tatou talia na tofiga ma faia la tatou vaega, o le a faamanuiaina i tatou e le Alii i le atamai e sili atu nai lo le mea e masani ona tatou iloa, ma o tulaga faapena e tatou te oo moni atu ai lava i mea i tua atu o lo tatou malamalama. O le a faapea ona tatou tuputupu a’e e ala i le faasilia o taumafaiga tatou te faia nai lo o le tulaga sa tatou iai i le taimi ua tuanai” (“Fesili ma Tali,” *O le Liahona*, Iuni 1979, itulau 11).

• O le a se mea na saunoa mai ai Elder Richards e tatau ona tatou faia pe a tatou lagona ua tatou pisi tele e auauna atu? Pe afai ua tatou lagona e tatou te le o agavaa?

E Mafai Ona Tatou Auauna Atu e Ala Lea i le Fesoasoani Atu i Isi Tagata o le Ekalesia

Talanoaga
i le laupapa

Ia faamalamalama atu e tele ni auala e mafai ona tatou auauna atu ai i le Ekalesia e ese mai le faataunuina o se tofiga. E mafai ona tatou auauna atu i ia auala i taimi uma. Fai atu i tamaitai talavou e ta’u mai nisi o ia auala. Ia tusi se lisi e pei o le lisi lenei i luga o le laupapa:

	<p>Totogi a tatou sefuluai. Totogi taulaga anapogi. Galue i galuega o le uelefea. Auauna atu i tagata o le Ekalesia o ē tatou te faifaimea faatasi. Lagolagoina faifeautalai i a tatou tuge, tusi, ma talosaga. Ia saili gafa. A iai ni tatou pepa faataga mo le malumalu, ia faia galuega mo e ua maliliu.</p>
Tala	<p>Ia faamatala atu le tala lenei e uiga i ni alii talavou totoa se toatolu e tai sefuluvalu tausaga o ē na tuuina atu se auaunaga silisili mo o latou tagata o le Ekalesia.</p> <p>“I le 1856, e sili atu ma le afe o tatou tagata . . . na latou fetaiai ma ni faafitauli tugā a'o latou laasia atumauga ma agai atu i le [Vanu o Sate Lek]. Talu ai ona o nisi o mafuaaga le maalofia, na tuai ai ona latou amataina. Na maua i latou e le aisa ma le malulu i nofoaga maualuluga o Wyoming. O lo latou tulaga iina ua matuai faigata lava, faatasi ai ma le otu i aso uma e le aunoa.</p> <p>“Na silafaina e Peresitene Brigham Young lo latou tulaga ina o le a amata le konafesi aoao o Oketopa. Na le'i pine ae ona valaauna ni vaega, ni taavale toso, o nisi e aveina, atoa ma ni mea e ave e faasaoina ai nisi o le Au Paia o lo o pagatia. . . .</p> <p>“Ina ua latou oo atu i le Vaitafe Suamalie i le aso 3 o Novema, sa vaia poloka aisa o lo o opeopea mai i le vai malulu. Ina ua sao uma ese atu nei tagata, ma lo latou vaivai tele, na foliga mai e le toe iai se faamoemoe e mafai ona toe laasia lena vaitafe. E foliga mai o le savali atu i le otu pe a e oo atu i totonu o lena vai malulu tele. O alii sa malolosi ua na o le saofafai i luga o le eleele o lo o to'a ai le aisa ma fetagisi, sa faapena foi fafine ma tamaiti. O le toatele e le i faigofie ia te i latou ona latou feagai ma lena faigata.</p> <p>“. . . ‘E toatolu ni alii talavou e tai sefuluvalu tausaga na malaga mai i le vaega lea na o mai e laveai atu i latou nei, ma le ofo tele o i latou na vaai iai, na latou sapaiā uma toetoe o le afa o i latou uma nei mai le isi itu i le isi itu o le vaitafe malulu. E tulaga ese le mea na oo iai, ma o le faailoaina atu e uiga ese, e na o ni nai tausaga mulimuli ane ae maliliu uma nei alii talavou e toatolu ona o le aafiaga o le auaunaga sa latou faia. Ina ua faalogo Peresitene Brigham Young i lenei galuega toa, na tagi ai o ia pei o se tamaititi, ma ia mulimuli ane ona faalauiolaina mai faalauitele, “o le galuega na faia ma le mautinoia o C. Allen Huntington, George W. Grant, ma David P. Kimball o le a faalolaina e faavavau i le Malo Selesitila o le Atua, lalolagi e leai se iuga.”’ (Solomon F. Kimball, <i>Improvement Era</i>, Feb. 1914, p. 288.)</p> <p>“Manatu outou, o nei alii sa na o le a se mea na uunaiina ai nei alii talavou e faia se taulaga silisili faapea?</p> <ul style="list-style-type: none"> • O le a sou manatu o le a se mea na uunaiina ai nei alii talavou e faia se taulaga silisili faapea? • O le a se mea na mafai ona e aoaoina mai lenei tala e uiga i le auauna atu i tagata o le Ekalesia tou te faifaimea faatasi? (Tagai i le Mosaea 2:17; Mataio 25:34-40.)
Faamatalaga a le faiaoga	<p>E Tatau Ona Tatou Saunia Nei e Auauna Atu I Le Ekalesia</p> <p>Ia faamanatu atu i tamaitai talavou tofiga e tele i a latou uarota poo paranesi na latou ta'uina mai i le amataga o le lesona. Ia faamalamalama atu e le taumate o le a valaauna i latou e auauna atu i se tasi o nei tofiga i ni tausaga oi luma.</p> <ul style="list-style-type: none"> • O le a se tomai e tatau ona maua e se faiaoga o le Aoga Sa? Poo se peresitene o le Aualofa? Tuu atu i tamaitai talavou e tali mai. <p>Ia faamalamalama atu ua tatau i tamaitai talavou ona sauniuni atu nei e faataunuina tofiga ua saunia e le Alii mo i latou i lana ekalesia.</p>
Upu sii	<p>Faitau atu le saunoaga lenei mai ia Elder M. Russell Ballard:</p> <p>“E faapefea ona silafia i mafaufau o i latou e iai le tiutetauave o le faalauteleina o le valaauga? . . . E tatau ona ou ta'uina atu ia te outou lo'u manatu e uiga iai. Ou te talitonu</p>

i faaaliga - e faapena foi outou - ma ou te talitonu o lo o faamasani le Alii ma oe i le taimi nei. O outou na faifeautalai o lo o sauni atu nei e o atu i a outou misiona, aua lava ne'i outou tuuina atu ia uma sina aso e tasi ae tou te le'i faailoa atu i le Alii e faatuatuaaina oe, ma e faalagolagoina oe, ma o oe o se tagata galue punouai, ma o oe o se tagata e tuuina atu atoa oe i le galuega, ma o lo o e 'au ma ia, aua o lo o faamasani mai o ia i alii talavou ma tamaitai talavou o lenei Ekalesia i ona po nei. . . . O aso uma lava o lou olaga o lo o faamasani mai o ia ia te oe. Ma a uma loa ona silasila mai o Ia ia te oe ma ua faapea foi ona e faaali atu iai ma faailoa atu iai lou faamaoni e ala i lou auauna atu, ma lou naunau e tausisi e faamuamua mea e tatau ona faamuamua i lou olaga, ona oo mai ai lea o le manaomia o se lagolago maualuga, se peresitene o le Peraimeri, se peresitene o le Aualofa, se epikopo, poo se peresitene o le siteki; ona faailoa atu ai lea e le Alii i le taitai perisitua e tuuina atu le valaauga, ua saunia oe aua na e ola e tusa ai ma tautinoga ma folafolaga na e faia muamua ae e te le'i fanau mai" ("Speaking Today," *Ensign*, Mar. 1979, p. 71).

- O le a se mea e mafai ona e faia e faaali atu ai i le Alii i aso uma e faatuatuaaina oe ma uai atu lou loto ia te ia? Tuu atu i tamaitai talavou latou te talanoaina. (Tagai i le Iosua 24:15.)

Gaoioiga

Ia tufa atu i tamaitai talavou pepa ma penitala. Ia faia o se gaoioiga puupuu e faia e le vasega, ia fai atu i tamaitai talavou taitoatasi e tusi i lalo ni mafuaaga ma ni uiga lelei se tolu o le a mafai ai e le tamaitai o lo o nofo i ona tafatafa ona auauna atu ma le atoatoa. Fai atu i tamaitai talavou e faamatala ototo mai o latou lagona ma manatu. Fai atu i tamaitai talavou uma taitoatasi e tuuina atu ana faamatalaga na tusia i le tagata tonu o le vasega na tusi agai iai.

Lipoti ma
le talanoaga

Fai atu i se tasi o le vasega o iai sona tofiga i le Ekalesia e faamatala mai pe na faapefea ona valaaquina o ia e le epikopo poo le peresitene o le paranesi, poo a ni ona lagona ina ua valaaquina o ia, pe na faapefea ona ia saunia mo le valaauga, e faapefea ona ia fuafuaina lona taimi, ma poo a nisi o faafitauli ma taui o lana auaunaga. Afai e leai se tasi o le vasega e iai sona valaauga i le Ekalesia, ia valaaulia se isi tagata talavou o lo o auauna atu ina ia fetaufaa mai ona manatu, poo le faamatala mai foi nisi mea na tutupu e talafeagai ai ma le auauna atu i le Ekalesia.

Faaiuga

Upu sii

Ia faamalamalama atu atonu o le a faapea mai tagata talavou, ua laiti tele i latou mo le auauna atu i le Alii. Na toe faamaonia mai e se Peresitene Aoao o Tamaitai Talavou i ai tatou e faapea: "O se mea masani lava le faapopoleina pe a oo mai se valaauga faale Ekalesia ia te oe. Ae ui i lea, o le valaaquina o taitai talavou o se finagalo moni lava o le Alii e tusa ai ma le talafaasolopito. Sa lei faatuai ona valaaquina e Ia o taitai talavou mo ona faamoemoega e faavavau, fesoasoani e saunia i latou, ma auina atu i latou i o latou valaauga fou. . . . O taitai talavou i aso nei ua aafia i le galuega paia ma le matagofie o le laveaiina o agaga. . . .

" . . . Pe a oo ina iloiloina talafaamaumau tusia o le talafaasolopito o taitai talavou o lenei augatupulaga e i latou o e o le a mulimuli mai, atonu o le a faitauina faapea: 'Na valaaquina i latou e le Atua; na matua iti naua i latou; sa taitaiina i latou e le Agaga; sa latou taufai amoina e le tasi le avega a le tasi; sa avea i latou ma ni auauna a le Alii' " (Ruth H. Funk, "Exceedingly Young," pp. 47-49).

Faatinoga o le Lesona

1. Fai atu i tamaitai talavou e tusi i lalo ni auala o lo o auauna atu ai i latou i le Ekalesia i le taimi nei, i le lagolagoina o polokalama faale Ekalesia ma faataunuina tofiga faale Ekalesia, pe tele pe itiiti. Fai atu iai e taumafai e faaopoopo iai se mea e tasi i lena lisi.
2. Fai atu i tamaitai talavou e filifili loa nei ina ia oo mai le taimi e valaaquina ai e faataunuina se tofiga faale Ekalesia o le a latou faapea ona faia.
3. Ia filifili e i latou o se vaega, pe o le tagata lava ia, ni tagata eseese o galulue i le uarota poo le paranesi e latou te tusi atu iai ni tusi, e tau atu iai lo latou talisapaia ma le faafetai i na tagata e tusa ma o latou taimi ma taumafaiga i o latou tofiga faale Ekalesia.

FAAMOEMOEGA	O le a malamalama ai tamaitai talavou taitoatasi i le taua o le galuega auauna atu i le alalafaga.
-------------	--

SAUNIUNIGA	<ol style="list-style-type: none"> Ia su'e mai se ata o se nofoaga ta'uta'ua i lo outou alalafaga. Pule oe pe fai: Ia saunia se faafanua o lo outou motu, atunu, aai. Ia otioti i ni vaega se fa (poo le sili atu foi pe a e manao iai) e pei o se paso. O luma o fasi pepa nei ia tusia ai se igoa o se nofoaga mo se galuega auauna atu i le alalafaga, e pei ona faaalia i le faataitaiga. E mafai ona aofia ai ia galuega tau le soifua maloloina, fesoasoani lautele, aafiaga faapolokiki, ma taumafaiga tau i tu ma aganuu. O tua ia tusia ai ni fautuaga mo ni nofoaga o ni galuega auauna atu i le alalafaga mai le tou eria. E mafai ona outou faaaogaina fautuaga mai le vaega lona tolu o le lesona ma faaopoopo iai ni a outou lava fautuaga.
------------	---



3. Ia tofia ni tamaitai talavou e faamatala mai ni tala, mau, poo ni upu sii e te manao iai.

FAUTUAGA MO LE FAALAUATELEINA O LE LESONA	
---	--

Ata ma le faamatalaga a le faiaga	<p>Faatomuaga</p> <p>Faaali atu le ata o se nofoaga ta'uta'ua i lo outou alalafaga.</p> <p>Ia faamalamalama atu o se alalafaga e nonofo ai tagata o se nuu i se eria e tasi ma tausia faatasi ni tulafono se tele, fetufaai mea e fafia iai, ma tu ma aganuu. E tusa pe o le a le telē poo le laitiiti o lena alalafaga, e tofu uma lava tagata o lo o nonofo ai ma se aafiaga i isi tagata o lo o nonofo ai. E mafai e se tamaitai talavou ona avea ma aafiaga lelei i lona alalafaga e ala lea i lona aafia i galuega auauna atu i le alalafaga.</p>
--------------------------------------	---

Talanoaga ma le laupapa	<p>E Taua Tele Le Auauna Atu o Tamaitai Talavou i le Alalafaga</p> <ul style="list-style-type: none"> Aisea e te manatu ai e taua tele le auauna atu o le Au Paia o Aso e Gata Ai i o latou alalafaga? Ia tuuina atu i tamaitai talavou latou te talanoaina, ma tusi a latou tali i luga o le laupapa. <p>Atonu e aofia ai manatu nei:</p> <ol style="list-style-type: none"> E toatele tagata i le alalafaga e manaomia se fesoasoani ae toaitiiti tagata e mafai ona fesoasoani atu i ai latou.
----------------------------	--

2. A'o tatou auauna atu i le alalafaga, e mafai ona tatou fetufaa'i atu faamanuiaga o le talalelei ma tagata e latou te le o maua na faamanuiaga.
3. Tatou te mananao i o tatou alalafaga ina ia avea o ni nofoaga lelei atoatoa e tausia ai o tatou aiga, ma e tele mea e mafai ona tatou faia ia tumau ai uiga maualuga faatonuina.
- Talanoaga
- O a vaega o tagata i lo outou alalafaga e manaomia se fesoasoani? (O le a eseese lava vaega o tagata e tusa ai ma le tulaga o iai lo outou alalafaga, peitai e mafai ona aofia ai tagata nei; o tagata matutua ua tuua na o i latou ma ua le toe mafai ona latou faia mea latou te manaomia, o tagata mamai i le falemai, o fanau e le lelei le tausiga, o tagata sulufai mai isi atunu, ma tagata o iai ni mea e faaletou i o latou tino po o mafaufau.)
- Ia faamalamalama atu e masani lava ona iai ni faalapotopotoga a le malo poo nisi foi faalapotopotoga e fesoasoani i nei tagata, peitai ua le mafai ona latou faia mea uma e manaomia ona faia.
- Tala
- Faamatala atu le tala moni lenei:
- O Linda o se tamaitai talavou mai le Iunait Setete e nofo i se aai e mamao ese mai lona aiga. E nofo o ia i se fale mautotogi ma na ia maitauina o tagata latou te tuaoi o ni tagata mai nisi atunu ma e le mafai ona latou tautatala lelei i le gagana Faaperetania. Sa le mautonu o ia ma sa fai si ona fefe e feiloai i ai latou, ae i se tasi aso na ia filifili ai e mafaufau i se mea e mafai ona ia faia ina ia mafai ai ona faamasani i ai latou. Sa ia faia se kuka manaia lava a lona atunu ma alu atu ma avatu i ai latou. Na latou fiafia ona ua iai sa latou uo e mafai ona latou aoao ai la latou Faaperetania. Na latou valaaulia o ia latou te fai'aiga i le afiafi, ma e le'i pine ae latou masani lelei ma ia.
- O se tasi o ia tuaoi o se tamaitiiti e sefululua tausaga o lē sa matuai faigata lava ona alu atu i le aoga ona o le vaivai o lana Igilisi. Na ofo iai Linda e mafai ona alu atu faalua i lo latou aiga i le vайaso ma fesoasoani ia te ia i lana faitautusi. Na galue malosi le tamaitiiti, ma e le'i umi ae avea i la'ua ma Linda o se uo lelei, ma e masani ona la o e 'au'au i le vai, o i tifaga, ma faifai mea faatasi na fesoasoani ia te ia e aoao e uiga i lona atunu fou.
- O le a sou manatu o a ni lagona o lenei tamaitiiti ma lona aiga e uiga i le galuega auauna atu a Linda sa faia mo i latou?
- Ia faamalamalama atu a tatou auauna atu i le alalafaga, e mafai ona tatou fetufaa'i faamanuiaga o le talalelei ma i latou e le o mauaina ia faamanuiaga.
- Upu sii
- Na saunoa mai Elder L. Tom Perry e faapea:
- "Ua faamanuiaina lava i tatou i le malamalamo o le talalelei e taitaiina ma faasinoina i tatou ma faatonuina o tatou olaga. E ala mai i lo tatou malamalamo ma le suesue i tusitusiga paia, ona tatou maua le malamalamaga i tulafono a le Alii, ia e tatau ona tatou pulea ai a tatou amioga faalelalolagi. E tusa ai la ma lenei faamanuiaga sili, ua faapea foi ona oo mai ai i ai tatou se tiutetauave o le avea ma se vaega o nuu o lo o tatou nonofo ai. E tatau ona avea a tatou faatosinaga ma aafiaga ma mea e puipuia ai tulaga tau le amio i totolu o nuu ma alalafaga, ma totolu o taulaga ma aai o lo o iai o tatou aiga i soo se vaega o le lalolagi. Ou te tuuina atu ia te outou se lui, ia outou aafia i le taumafaiga o le siitia i luga o le tulaga lelei o le amio i totolu o nuu o lo o iai o outou aiga" (L. Tom Perry, *O le Liahona*, Oketopa 1977, itulau 61).
- Talanoaga
- Afai sa e auauna atu i le nuu faatasi ma ni tagata e le o ni uso o le Ekalesia, o a ni auala e mafai ona e fetufaa'i atu ai faamanuiaga o le talalelei ma i latou? Ia uunaiina tamaitai talavou e mafaufau i ni auala se tele e mafai ona latou manatunatu iai.
- Atonu o le a latou ta'uina mai ni mea e pei o le avea ma se faataitaiga i galuega faa-Kerisiano, uunaia i latou ia tausia tulaga maualuga taule amio i galuega faalenuu, ma saili avanoa e talanoa atu iai e uiga i le ala e faamanuiaina ai olaga i le talalelei.
- Ia faamalamalama atu, a'o galulue faatasi tamaitai talavou e auauna atu i lo latou alalafaga, o le a latou fesoasoani e faaleleia lo latou nuu mo le lumanai. O nei sao e mafai ona aoga mo a latou lava fanau i se aso o lumanai.
- Aisea e te manatu ai e toatele tagata latou te le galulue auauna atu i o latou alalafaga? Ia tuuina atu i tamaitai talavou e tuuina mai nisi o mafuaaga eseese.
- Ia faamalamalama atu talu ai e tau i tatou i se aiga, i se ekalesia, ma se nuu, o le mea lea e tele ai ina manaomia ona tatou faia. O le upu sii lenei o le a fesoasoani i ai tatou ina ia tatou malamalamo ai i mea e tatau ona tatou faamuamua:

Upu sii

"A'o tatau ona iai tagata o le Au Paia o Aso e Gata Ai i galuega faalenuu, e tatau ona latou faapalenii o latou olaga. E tatau ona latou faamuamua o latou aiga. E le tatau ona tuulafoaiina gaoioiga faale Ekalesia. . . .

"O se tagata faatulagaina lelei o le Au Paia o Aso e Gata Ai, e masani ona maua sona taimi e aafia ai i galuega faalenuu ma manatu alofa. Ina ia faia lena mea, atonu o le a ia misia faatasipoo le faalua le matamata i ni ata i le televisi, pe misia ai foi sana taalogea e tasi i le masina - ae o se mea aoga le misia o na mea uma. E le gata i lena, e *taua tele* pe afai e tatou te maua ni ituaiga nuu tatou te manaomia mo le fuga mai ai atoatoa o le ola i le talalelei, ma o lona taui o le olioli" (Wendell J. Ashton, *Ensign*, Dec. 1977, pp. 24-25).

- O a nisi o mea e mafai ona e faia ina ia lava ai se taimi e te auauna atu ai i le alalafaga i lou olaga?

E Tele Auala e Mafai Ona Auauna Atu ai Tamaitai Talavou i le Alalafaga

Gaoioiga e faaaoga
ai le faafanua

Ia faamalamalama atu e tele auala e mafai ona tatou galulue auauna atu ai i o tatou alalafaga. Tufatufa atu vaega o le faafanua mo galuega auauna atu. Fai atu i se tamaitai talavou e faitau leotele mai taitasi lisi ma faaopoopo iai pe afai e iai ni ana auala. Fesili atu i isi tagata o le vasega mo ni fautuaga. A maea ona faiatua le lisi, e tatau ona faapipi e le tamaitai talavou lana vaega o le faafanua i le puipui poo se pepa lautele i lona tulaga sa'o e tatau ona iai.

Galuega Auauna Atu Tau le Soifua Maloloina: Asiasi atu ma talanoa i tagata matutua o lou lava aiga ma ou tuaoi; su'i lavalava ma fai ni meaai mo tagata mama'i; vaai ma tausi tamaiti mama'i i se falema'i poo lou tuaoi; faitau atu ni tusi i tagata matutua; ave ni teufugalaau i tagata mama'i i le falema'i o ē e leai ni aiga; i aso malolo faapitoa, ia manatua ia fai se mea mo tagata mama'i.

Aafiaga faapoletiki: Tufa atu i tagata o tuaoi faamatalaga tusia e uiga i mataupu tau i le alalafaga poo tagata o tausinio i tofiga faalemaloo, uunaiina tagata e palota; auai i fonotaga o mataupu faalenuu.

Galuega fesoasoani: Fesoasoani e faatulaga pe taitai vaega talavou e fesoasoani ai i talavou e atinaeina ni tomai; faataitai le su'is'u'i, kuka, poo galuega taulima i ai latou o lo o i nofoaga mo tamaiti ua leai ni matua ma aoga i alalafaga poo i latou e le atoatoa le malosi o le tino po o le mafaufau; aoao atu le tomai o le gagana ia i latou e le mafai ona tautatala i lau gagana; faitau atu mo i latou e tauaso.

Taumafaiga tau le tu ma aganuu: Ofo atu e te alu e tufa polokalama o mea faalenuu ma polokalama o musika; auauna atu e fai ma taiala e taitai se malaga asiasi atu i le alalafaga; auai i polokalama faamusika, au faaili, au faipese, poo ni galuega auauna atu i faalapotopotoga faapena.

Faamatalaga
a le faiaoga

Fai atu i tamaitai talavou o le faafanua lea ua uma ona saunia, o se ata o ni mea tetele pe laiti e mafai ona faia e faaleleia ai le alalafaga.

Fai atu i tamaitai talavou e fetufaai mai soo se mea na tupu ia te i latou i se galuega auauna atu i le alalafaga. Fetufaai atu foi ni ou manatu, poo le faamatala atu se tasi o nei tala.

Tala

O le potu e sui ai lavalava i le vai taele o le nuu, e matuai mataga lava. E panupanu uma ai vali laugutu i puipui, o kapoti e maosiosia uma ma tusitusi ai igoa, ma ie faamalamua eleelea ma masaesae. E toatele tamaitai talavou i le taulaga na fai mai ua le toe fiafia i latou e o e taele i le vai taele ona o tulaga ua iai foliga o le fale. Na faiatua atu e le faiaoga aau i tamaitai talavou se manatu o le a latou valiina ma teuteuina faalelei le potu e sui ai o latou lavalava pe a oo i le tuuaga o le taumafanafana. Na aoina e tamaitai talavou se tupe e faatau ai vali ma ni ie faamalamua fou mai tagata na latou faaaogaina le vai taele. Na latou valia le fale ma tautau ie faamalamua fou, ma fai ni mea e tautau ai laau totō na ofoina mai e nisi. Na iloa uma e tagata le toe foliga matagofie mai o le fale ma faia ai e i latou ni tala matagofie e uiga i tamaitai talavou na latou faia ia galuega. Na fiafia tamaitai e taele ma 'au'au i le vai faapea foi ma isi tagata uma e masani ona taele ai i le vai.

Tala

Na talosagaina se tamaitai talavou e nofo latalata i se iunivesite e sana uo e fesoasoani e tufa atu polokalama o faafiafiaga eseese e faia i le fale tifaga o le iunivesite. Sa le totogia o ia i lana galuega auauna atu, ae na faatagaina o ia e nofo i se nofoa o avanoa i taimi

uma lava e amata ai se polokalama. Na matamata o ia i polokalama faamusika, siva, ma tala faakonaseti. Na avea lona faia o lena galuega o le tufa o polokalama ma mea ua ia talisapaia ai i lona olaga atoa mea tau tala faamusika ma faakonaseti.

Talanoaga Ia faamalamalama atu e ui lava o le auauna atu o se galuega le manatu faapito, peitai e maua e lē na te faia na galuega mea lelei e tele ma le tuputupu a'e faaletagata lava ia. Ia talanoaina nisi o ia mea aoga, e pei o le atinaeina o taleni, mauaina o le malamalama, tuputupua'e faaleagaga, ma le atinaeina o le alofa mo isi o lo o puapuagatia.

Faaiuga

Faamatalaga Ia faamalamalama atu o le a manaomia e tamaitai talavou taitoatasi ona maua e ia o ni ana taleni ma le agavaa, faatasi ai ma se taimi e mafai ona ia auauna atu ai i galuega faalenuu. O lona auauna atu o le a mafai ai e ia ona aumaia aafiaga faale-Au Paia o Aso e Gata Ai ma uiga lelei i totonu o le alalafaga. E le gata i lena o le a faatupuina foi e ia se amio o le auauna atu, o le a tumau ai i lona olaga atoa.

Faatinoga o le Lesona

1. Ia fautua atu i tamaitai talavou e fuafua o latou taimi ma filifili se galuega auauna atu i le alalafaga e fetaui tonu ma a latou fuafuaga.
2. Ia auai o se vasega i se galuega faalevaega e faia mo le alalafaga.

Ola i se Olaga Mamā

Faaaliga i le faiaoga

Na aoao mai i ai tatou e le Alii e ala mai i tusitusiga paia ma ana perofeta, lana tulaga faatonuina o le olaga faaletino i augatupulaga taitasi. O le mou ese atu o ia tulaga faatonuina mai le laolagi ua siomia ai i tatou, ua tulai mai ai se vanu tele i le va o mea e talaina e le lalolagi ma mea e faatagaina e le Alii. E ao ina tatou iloa le tulaga faatonuina a le Alii i le olaga faaletino ina ia tatou ola ai.

A'o e tuuina atu lesona i lenei iunite, e tatau lava ona e faaeteete ia mautinoa ua aoaoina tamaitai talavou i tulaga faatonuina a le Alii i se auala talafeagai lelei ma tulaga ua iai lo latou matutua ma le saunia mo na mea e ta'uina atu. O sootaga vavalalata i le va o fautua ma tamaitai talavou e masani ona oo atu ai i ni talanoaga faasamasamanoa e uiga tonu lava i faaososoga faaletino poo ni fesili. I le avea ai ma se fautua, o lou tiute o le tali atu lea i fesili e talafeagai ai, ae ia taumafai pea e uunai tamaitai talavou e fesili atu i o latou matua.

Ina ia fesoasoani atu ia te oe ina ia e tali atu ma le talafeagai, ia faitau ma le faaeteete le tamai tusi *Mo Le Malosi o le Autalavou* (34285 890). O le tusi o le *A Parent's Guide* (31125) o le a avea ma se risosi e fesoasoani tele ia te oe. Na saunia ina ia fesoasoani i matua i le aoaoina o a latou fanau e uiga i feusuaigna faaleulugalii ma saunia ai a latou fanau ina ia mulimuli i le fuafuaga a le Alii i le faaaogaina o feusuaigna faaleulugalii.

Ia manatua e na o le epikopo lava na te fesili atu ni fesili e uiga i le legavia ma isi tulaga tau le tino i ana faatalanoaga (tagai i le *Tusi Taulima a Taitai o Tamaitai Talavou*, itulau 16, ma le *Tusi Taulima a Taitai o le Perisitua Mekisateko*, itulau 20). Ia uunaiia tamaitai talavou ina ia latou feiloai ma le epikopo pe afai latou te mananao e talanoa iai e uiga i le talafeagai o a latou amioga.

I totonu o nei lesona, e manaomia le faalagolago i le taitaiga a le Agaga i lou filifilia poo le a le mea o le a aoao atu, pe faapefea ona aoao atu, ae poo a taimi talafeagai e tuuina atu ai nei mataupu. E tatau ona faatapulaaina talanoaga ia na o vaega na e aoao mai e perofeta ma o lo o iai foi i totonu o le lesona.

E talafeaga lelei le ata vitio o le *Morality for Youth* o lo o i le kaseti vitio o le *Come Unto Me* e saunia e fai ma faatomuaga poo le faaiuga foi o le lesona i lenei iunite. E le lava le taimi o le vasega e faaali ai le ata ma le talanoaga e faapena foi i le lesona; o lea la, e tatau ona iai se isi vasega e faaali ai na o le ata ma talanoaina ai.

O Tagata Taitoatasi Uma e Paia ma Faavavau

FAAMOEMOEGA	O le a talisapaia uma ai e tamaitai talavou taitoatasi uiga paia ma le faavavau o tagata taitoatasi.
SAUNIUNIGA	<p>1. Ata 13 ma le 14, O Tamaitai Talavou o Atunu Eseese, o lo o maua i le faaiuga o le tusi lesona.</p> <p>2. Ia aumai ni totigilima se tele o ituaiga sitaili ma ie eseese.</p> <p>3. Ia saunia se pepa e tufaina atu o mau taitasi nei ma le fesili mo tamaitai talavou taitoatasi.</p> <p>1. 1 Samuelu 16:7</p> <p>2. Mataio 25:40</p> <p>3. Roma 12:10</p> <p>4. Mataupu Faavae ma Feagaiga 18:10</p> <p>Ua e iloa le taua o agaga, mata e te manao e faia se mea e lagona ai e se tasi o ia e le aoga?</p> <p>4. Ia valaaulia se tina ma sana pepe e asiiasi atu i le vasega. Fai atu i le tina e faaaoga ni nai minute na te faaali atu ai ona lagona e uiga i le taua tele o lana tama ma faamanuiaga o le tausiaina o se tasi o fanau a le Tama Faalelagi.</p> <p>5. Ia tofia se tasi o le vasega na te faamatalaina mai le tala o lo o i le vaega lona tolu o le lesona.</p> <p>6. Ia tofia ni tamaitai talavou e faamatala mai ni tala, mau, poo ni upu sii e te manao iai.</p>
FAUTUAGA MO LE FAALAU TELEINA O LE LESONA	E Faavavau, Paia, ma Faalelagi Olaga o Tagata Uma Lava
Faamatalaina o le ata	Faaali atu le ata o tamaitai talavou mai atunu eseese. Fai atu i le vasega e ta'u mai le atunu e o mai ai tagata taitoatasi. O tali o: ata muamua, Ausetalia; ata 2, Filipaina; ata 3, Iapani; ata 4, Amerika.
Lesona faatino	<p>Faaali atu totigilima e tele. Ia faamalamalama atu o nei totigilima e maua i soo se ituaiga lapoa lava, lanu, ituaiga ie e fai ai, ma e maua mai i le tele o vaega o le lalolagi. E tofu lava le totigi lima ma le pogai autu faapitoa e tasi - ia ufiifi ai le lima. O le iai o se totigilima e aunoa ma le iai o le lima, o le a leai le ola ma le faamoemoega. Ia faamalamalama atu o le lima e mafai ona faatusatusa i le agaga o le tagata.</p> <ul style="list-style-type: none"> • Afai o le lima o le faatusa lea o le agaga o le tagata, o le a la le mea e faatusa iai le totigi lima? <p>Ia faamaulu totigilima eseese ma fesili atu:</p> <ul style="list-style-type: none"> • O le a se fesootaiga ua outou vaai iai i le va o le ata o tamaitai talavou ma totigilima? <p>Ia faamalamalama atu o le tino faaletino, o lo o faatusaina i le totigilima, o lo o faaofuina ai se fanau faaleagaga a le Atua, o lo o faatusaina i le lima. O le ofu i fafo, o o tatou tino, e eseese lava e pei ona eseese o totigilima, ae o totonu o i tatou uma lava o ni fanau faaleagaga a lo tatou Tama Faalelagi, na faia i lona faatusa. (Tagai i le Boyd K. Packer, <i>Teach Ye Diligently</i> [Salt Lake City: Deseret Book Co., 1975], pp. 230-37.)</p>

Talanoaga i le laupapa	<p>Ia toe tagai i le ata o tamaitai talavou.</p> <ul style="list-style-type: none"> • O a ni eseesege i le itu faaletino i le va o nei tamaitai talavou? Ia tusia a latou tali i le itu tauagavale o le laupapa i lalo o le ulutala <i>Eseesega</i>: lauulu, mata, lanu o le pa'u, foliga, lavalava. <p>Ia talanoaina pe faapeflea ona tali atu tagata i nisi taimi i se auala sese ia i latou e eseese a latou tu, aganuu, tino, atunuu mai i ai latou. Ia tuuina mai e tamaitai talavou ni tali i nisi o nei tali e le lelei, ma tusi i le itu taumatau o le laupapa i lalo o le ulutala <i>Tali atu i Eseesega</i>: faaese mai i ai latou, aloese ai, manatu alofa iai, fefe, faifai i igoa, le amanaia.</p> <p>Ia faamalamalama atu o o tatou uiga i isi tagata e masani lava ona faapogai mai i le vaiga faaletino (totigilima). Ae o le agaga e faavavau (le lima) e le gata lona taua. O le faiga tatou te faia ai soo se tagata lava, e tatau lava ona faaaautu i lo tatou iloa lea o tagata uma taitoatasi, tusa lava poo le a le atunuu poo aganuu, e paia ma faavavau.</p>
Tala	<p>Tufa atu fasi pepa o lo o iai mau ma le fesili. Ia mautino ua tofu tamaitai talavou taitoatasi o le vasega ma tusi faavae o le Eklesia. Ia faatonu i latou e tau lava ina ia uu le fasi pepa sei maea ona faitauina le tala.</p> <p>Na uu mai e Anela le pepa i lona lima ma savali i lo latou aiga ma le manatunatu loloto—ma taumafai malosi e mafaufau i le mea ua vevesi ai lona mafaufau. Sa leai lava se eseesege tele o le lesona a Sister Bentley e uiga i le taua o agaga mai le tele o isi ana lesona. Ae o se mea na ia ta'uina maia na lagona ai e Anela lona tausalaina.</p> <p>Sa taua e Sister Bentley le tele o tulaga e uiga i le matautia o le iai o ni uo e faaesea. Na ia tautala e uiga i le suia o le upu <i>tau faaese</i> i le <i>faaaofia</i> ma lona uiga o le faaaumeaina o tagata le toaaga, tagata matamumuli, ma i latou e mai ni atunuu ese poo ni aganuu ese. Sa foliga mai i le tautalaga a Sister Bentley e pei e manatu o ia e tatau i le tupulaga ona alolofa i tagata uma lava.</p> <p>O le mea moni e le o faatatauina le faamatalaga a Sister Bentley ia aofia ai ma Mele, o le manatu lea o Anela. E masani lava ona filemu o ia ma lē faifai mea faatasi ma isi. Ae pe sa le iloa ea e Sister Bentley o Ingrid o se tagata e sau mai se isi atunuu? E leai ma se tasi e mafai ona malamalamia ia te ia. Sa tau mafaufau Anela pe na faalogo Sister Bentley o ula o ia ma ana uo i ofu o Julie e ofu atu i le lotu. O le mea moni lava e tatau lava i tagata uma ona filifili ana lava uo. E le gata i lena, o isi foi tamaitai talavou atonu e le mananao e auai i gaoioiga a le Eklesia. Aisea e tatau ai fua ona tatou manatu ia te i latou, o lona manatu lea.</p> <p>A o mafaufau Anela pe aisea lava ua vevesi ai lona mafaufau ona o le lesona, sa ia iloa le pepa maanuminumi lea e i lona lima. O le mea tonu la lena - o mau na ma le fesili mulimuli lea na fesili mai ai Sister Bentley. Sa manino lelei lava ia mau, ae sa manaomia se tali o le fesili.</p>
Faitauina o le mau	<p>Fai atu i tamaitai talavou e sue ma faitau mau o lo o i a latou fasi pepa ona faitau ai lea o le fesili.</p> <ul style="list-style-type: none"> • E faapeflea ona avea le faitau i nei mau ma mea tatou te manatunatu ai i o tatou uiga e faia atu i isi? <p>Ia faamalamalama atu o le Alii o le na foafoaina tagata uma lava. O lo o ia fetalai mai i tusitusiga paia, e paia ma faavavau lana fanau uma, ma e finagalo o ia ina ia tatou alolofa atu i a te i latou e aunoa ma lo tatou vaai i le ituiga, tu ma aganuu, poo le tulaga.</p>

O Le Fanau Mai E Le O Le Amataga Lea O Le Olaga

Upu sii	<p>Ia faamalamalama atu a fanau mai e se tina sana tama, ua fanau mai se atalii/afafine faaleagaga o le Atua i la le tino. Na saunoa mai Elder Bruce R. McConkie:</p> <p>“Sa fananau mai muamua i tatou o ni fanau faaleagaga a le Atua lo tatou Tama Faalelagi. Sa tatou mau ma Ia i se taimi. Sa lei amataina o tatou olaga i lenei olaga faaleagaga. O o latou tino faaletino o se suiga o le tulaga mo le agaga e faavavau sa mau muamua i le afioaga o le Atua lo tatou Tama Faalelagi. O le fanau mai o se suiga o le tulaga. O se ala fou e ola ai” (“Households of Faith,” <i>Ensign</i>, Apr. 1971, p. 6).</p>
---------	---

Tina ma le pepe	<p>Ia faailoa atu i le vasega le tina ma le pepe. Ia faamatala atu e le tina ona lagona i le taua o le tele o lana pepe ma faamanuiaga o le tausiaina o se tasi o fanau a lo tatou Tama Faalelagi.</p> <p>Ia faamamalama atu e pei ona taua i le tina o lana tama, e faapena foi le taua o tagata taitoatasi uma i lo tatou Tama oi le Lagi.</p>
-----------------	--

E Tatau Ona Tatou Fesoasoani Atu i Isi Ia Latou Lagonaina Lo Latou Alofagia Ma Lo Latou Taua	
Tala	<p>Ia faitauina atu e le tagata o le vasega lea na tofia le tala lenei e uiga i se faiaoga o le seminare na ia faia se vavega.</p> <p>“Sa iai se teine i le vasega seminare sa foliga mai na le aoga iai se fesoasoani ma leai foi se faamoemoe e mafai ona fesoasoani atu iai se tasi. Sa ou taumafai e faamalosiau atu ia te ia; sa ou lagona lona manao e fia auai ma lona fia faia o se mea. Ae ina ua talosagaina o ia e tali mai, pe faia se tatalo, pe faitau foi se mau, e taumafai lava o ia i se taimi ona amata foi lea ona tagi ma toe foi i lona nofoa. Sa lagona e tagata o le vasega le alofa tele ia te ia, ae o le mea moni sa iai foi nisi o le vasega sa matuiā a latou upu na fai ia te ia.</p> <p>“E toetoe lava e le selua lona ulu, leaga ona ofu, ma e masani lava ona fai mai i le vasega ni ona totini e le tutusa. A vave mai o ia i le vasega, e toetoe lava o nofoa uma i ona tafatafa e avanoa e le nofo ai se isi. Afai e tuai mai o ia i le vasega, ona faatoa mafai lea ona nofo i tafatafa o se tasi ona ua pau lea o se nofoa o avanoa.</p> <p>“Na ou iloa lelei le talaaga o lona olaga na ou malamalama ai i le pogai e faapena ai ona uiga. O lona tina o se tamaitai ua oti lava tane ma e toetoe lava a leai se tipe na te maua.</p> <p>“Sa i le vasega lena le peresitene o le aoga maualuga ma le teine na filifilia e avea ma masiofo o le aoga. Na le gata i lo laua lalelei ma le atamamai, ae sa faapea foi ona talenia i laua ma tele gaoioiga sa auai iai.</p> <p>“Na oo i se tasi aso o'u valaauiina i laua e o mai i lo'u ofisa ma ou fesili iai pe la te fia faia se vavega. Sa fiafia i laua i lea mea. Sa ou ta'u atu i ai laua o nisi vavega e faasolosolo malie lava ona taunu, peitai o ni vavega lava. Ona matou talanoa laitiiti lea e uiga i lea teine, ma sa ou faatonuina i laua i le mea e fai. O mea na ou faatonuina ai le peresitene o le aoga e fai o le mata fiafia atu lea ma tautala i le teine i taimi uma lava e vaai ai o ia i le teine i le aoga. Ona pau lava lena. Sa tau le avea e ia le teine e o e tafafao; sa le tau tu foi ia e talanoa atu i le teine; sa tau le faia foi e ia se mea e sili atu i lo lea - ae sa tau lava na o le faaali atu o le fiafia, poo le faapea atu foi ‘Ou te manatu o oe o se teine tele ‘ poo le ‘Talofa , o a mai oe i le asō?’</p> <p>“Sa talia e le masiofo lalelei o le aoga le tofiga o le savavali faatasi ma le teine mai le aoga maualuga i le isi ituala o iai le seminare. E na o le pau lava lena. Sa le tau faaaofia e ia le teine i le li'o o ana uo ae sa tau lava na o le savavali faatasi atu ma toe foi mai le seminare i aso uma. Na pau le mea na tatau ona faia e ia o le savavali faanatinati atu ia o faatasi ma le teine, poo le faatuai foi o lana savavali seia oo atu le teine ona la savavali faatasi lea i le isi itu o le auala ma talatalanoa i soo se mea e fia talanoa iai.</p> <p>“Sa faapea ona faia e lea alii ma lea tamaitai mea na faatonuina ai i laua ma le filemu ma le naunautai, ma sa le ta'uina lava i se isi. Sa le pine ae faataunuuina le vavega. I se tasi aso na ou vaaia ai se suiga laitiiti ua oo i lea teine. Na alu le taimi atoa o le vasega o o'u tau mafaufau poo le a lea suiga. Ona ou vaaia lea, ua selu faalelei e ia lona ulu i lena aso. O se mea lena na tupu!</p> <p>“Sa faaaauauina pea lea suiga i le masina poo le lua foi na sosoo ai. Na faauo ma talatalanoa atu iai la matou masiofo o le aoga ia te ia i lena vaitaimi. Sa le mafai ona la savavali na o i laua ma lea teine ona sa mulimuli atu foi ia te ia ana uo e masani ai. O lea sa faaopoopo atu foi iai ma isi teine i le la vaega, ma sa le pine ae faifai mea faatasi i aso taitasi lea teine ma le tele o teine lauloa o le aoga.</p> <p>“E tele naua faamatalaga matagofie e mafai ona faamatalaina e uiga i lenei vavega. Na suia lava e lenei tamaitai o ia lava, na alu atu i le kolisi, maua se galuega lelei, faaipoipo i le malumalu, ma o i latou sa latou silafiaina o ia i le suiga tele na oo i lea teine ae o se tamaitai sa auleaga lava i le taimi o talavou” (Boyd K. Packer, <i>Teach Ye Diligently</i> [Salt Lake City: Deseret Book Co., 1975], pp. 149-50).</p>

Talanoaga

- O le a le mafuaaga na matuai suia ai lenei tamaitai talavou?
 - E mafai faapefea e i tatou taitoatasi ona fesoasoani i isi tagata ia latou lagonaina lo latou alofagia ma lo latou taua?
 - O le a sou manatu o le a se mea na aoaoina e le masiofo ma le peresitene o le aoga e uiga i le taua o agaga?
-

Faaiuga

Iloiloga

Ia toe iloiloina le fesili na tusiaina i fasi pepa a tamaitai talavou. Ia faamalamalama atu a'ō aapa atu tamaitai talavou e faauo mai e o siomia i latou, o le a mafai ona faia e i latou ni vavega i olaga o isi tagata ma aumaia le fiafia i o latou lava olaga.

Faatinoga o le Lesona

1. Fai atu i tamaitai talavou taitoatasi e faauo mai ma alofa atu i se tasi e la te masani o lo o manaomia le faaaumeaina mai. Ia toe tulitatao atu lenei fautuaga i vaiaso o lumanai.
2. Afai o iai ni tagata sailiili poo ni tagata e le toaaga i le vasega, ia manatunatu i le gauai atu o tagata o le vasega ia te ia ina ia ona lagonaina le alofagia tele o ia ma lona taua.

FAAMOEMOEGA O le a aloese mai ai tamaitai talavou taitoatasi mai le lē faamaoni ma ona iuga.

SAUNIUNIGA Ia tofia ni tamaitai talavou e faamatala mai ni tala, mau, poo ni upu sii e te manao iai.

FAUTUAGA MO
LE FAALAUATELEINA
O LE LESONA

Faamatatalaga
a le faiāoga

Talanoaga

Upu sii

Ua Poloaiina i Tatou ia Faamaoni

- E iai nisi o outou ua vaai i se mailei poo se matāsele e faaaoga i meaola? E faapei ona foliga?

Ia faamalamalama atu ua tele senituri o faaaoga e tagata mailei, matāsele, ma lua e eli i le palapala e maileia ai pe fasi mate ai foi se manu vaefa. E faaaoga foi e Satani ituaiga mailei eseese ma matāsele ma lua e maileia ai pe oo ai foi ina fasi mate ai le Agaga Paia o lo o i totonus o i tatou. O se tasi o ana mailei taatele o le lē faamaoni.

Fai atu i tamaitai talavou e ta'u mai ni ituaiga lē faamaoni. Atonu e te manao e tusia nai vaega i se koluma i le itu tauagavale o le laupapa. O ni tali e tatau ai e aofia ai le pepelo, faa'ole'ole, tautala pepelo, le faaaogaina tatau le taimi, solia tulafono tau taavale, le galue e tusa ai ma le totogi i le aso, le totogia aitalafu tupe, le ta'ua le sao atoatoa.

Faitau atu le upu sii lenei mai ia Elder Gordon B. Hinckley: "Sa tusia i le aao o le Alii le tulafono i papa maa i luga o le mauga o Sinai: 'Aua e te gaoi.' (Esoto 20:15.) Sa leai se faalautelega poo se fuafuaga. Ma sa faapea ona aumaia faatasi lena tautinoga ma isi poloiga e tolu, ma o le solia o ia tulafono taitasi o le lē faamaoni lava lena: 'Aua e te mulilua,' 'Aua e te molimau pepelo.' 'Aua e te manao fua.' (Esoto 20:14, 16-17.)" (*O Le Liahona*, Oketopa 1976, itulau 60).

Ia faamalamalama atu o le faamaoni o se tasi lea o mataupu faavae o le talalelei. E toatele tagata e faia mai o le faamaoni o se aiaiga pito sili lea, ae peitai o le faamaoni e sili atu nai lo o se aiaiga - o se auala fiafia o le olaga.

O Le Lē Faamaoni e Tele Naua Ona Iuga Faafeagai

Talanoaga i le laupapa

- O a nisi iuga o le lē faamaoni?

Atonu e te manao e tusia tali a tamaitai talavou i se koluma i le itu taumatau o le laupapa.

Tulaga aoaoina
ma le talanoaga

Ia faamatala atu tulaga aoaoina nei i tamaitai talavou. Ia tuuina atu se taimi i ai latou e talanoaina ai tulaga aoaoina, e filifili ai pe o le a ni iuga e maua mai i le lē faamaoni i tulaga aoaoina taitasi. Faaopoopo atu a latou faamatatalaga i le lisi o lo o i le itu taumatau o le laupapa.

Tulaga aoaoina 1

O lo o e nofo ese mai lou aiga i se fale totogi ma sau uo teine lelei lava. E te fetufaai lava au mea faatasi ma ia pe a fai atu o ia na te fia faaaogaina. E le'i leva talu ai nei lava na e vaaia ai lona faaaogaina o nisi o au mea e te le'i faatagaina o ia e faaaoga. Ona ia tuu ai lea ia te ia na mea mo se taimi umi lava, ma e oo ane i le taimi na ia toe faafai ane ai, ua masaesae ma palapala. O le a se aafiaga o le lua sootaga ma lau uo i nei ituaiga amio? Afai e te faia ni uiga faapena, faamata o le a suia faapefea uiga o isi tagata agai ia te oe?

Tulaga aoaoina 2

Na faalogo Sara o fai ni taumuimuiga le alofa a nisi e uiga ia Karma. Na iloa e ia e pepelo na faamatalaga, ae sa ia le tautala ia puipuia ai Karma. E mafai faapefea ona ta'ua Sara o se tagata ua tausalaina i le lē faamaoni? A toe fai foi e Sara lena tala pepelo, o le a faapefea ona afaina ai o ia? O le a aafia ai faapefea ia Karma? O le a se lagona e oo ia Sara pe ana fai e na te faaalia atu le mea moni?

Tulaga aoaoina 3

E foliga mai e le taitai ona lava se tupe a le aiga o Peta mo mea uma e manao ai o ia. E toetoe lava o aso uma e fai atu ai o ia i ona matua mo se mea fou na vaai iai o ia o fafia ai se tasi. Talu ai e le mafai ona maua e ona matua mea uma e fai atu ai o ia, ua amata nei ona manatunatu o ia i ni auala e maua mai ai ni mea e ia lava. E mafai faapefea e le manao fua ona taitaiina se tasi i le lē faamaoni? Faamata o a ni iuga e oo iai Peta i lona manao fua?

A maea le talanoaga, e tatau ona aofia i le lisi vaega nei:

Le faalagolagoina o oe e tagata
Loto faamaoni ua mou atu
Lepetia fesootaiga ma uo ma tagata o le aiga
Faatupuina uiga leaga
Leai se faaaloalo
Alu ese le Agaga Paia
Faaititia le manatu taua o le tagata ia te ia lava

- O ai e puapuagatia pe a lē faamaoni se tagata? Tuu atu i tamaitai talavou e talanoaina. Ia faamamafa atu o le toatele o tagata e mafatia, e aofia ai ma le tagata ua lē faamaoni.

E Aumaia e le Faamaoni le Fiafia

Upu sii

Faitau atu le upu sii lenei mai ia Peresitene Howard W. Hunter: "E masani ona tatou talanoa i mau mai tusitusiga paia, 'E tatau ona maua e le tagata le olioli.' E iai le olioli e oo mai i le tagata e faamaoni. O le a ou ta'uina atu pe faapefea. O lona uiga o lea tulaga o lou mafai lea ona iai se lua fesootaiga ma le Matai ma mafai ona e maua le Agaga o le Agaga Paia. O lou solia o le mataupu o le faamaoni o le a taofia ai oe mai le mauaina o nei faamanuiaga silisili e lua. . . . Afai o le a tatou mauaina le mafutaga ma le Matai ma le Agaga o le Agaga Paia, e tatau ona tatou faamaoni i ai tatou lava, faamaoni i le Atua, ma o tatou uso a tagata. O lona iuga o le olioli moni" ("Basic Concepts of Honesty," *New Era*, Feb. 1978, p. 5).

"E masani ona tatou talanoa i mau mai tusitusiga paia, 'E tatau ona maua e le tagata le olioli.' E iai le olioli e oo mai i le tagata e faamaoni. O le a ou ta'uina atu pe faapefea. O lona uiga o lea tulaga o lou mafai lea ona iai se lua fesootaiga ma le Matai ma mafai ona e maua le Agaga o le Agaga Paia. O lou solia o le mataupu o le faamaoni o le a taofia ai oe mai le mauaina o nei faamanuiaga silisili e lua. . . . Afai o le a tatou mauaina le mafutaga ma le Matai ma le Agaga o le Agaga Paia, e tatau ona tatou faamaoni i ai tatou lava, faamaoni i le Atua, ma o tatou uso a tagata. O lona iuga o le olioli moni" ("Basic Concepts of Honesty," *New Era*, Feb. 1978, p. 5).

- O a ni auala e mafai ai e le faamaoni ona fesoasoani i ai tatou ia maua le mafutaga ma le Faaola ma le taitaiga a le Agaga Paia?

Tala

Faamatala atu le tala lenei e uiga i se tamaitai talavou Aferika o lē na faamanuiaina o ia lava faapea ai ma isi ona o lona faamaoni:

"I le taeao lava anala na ou alu atu ai i le ofisa faaitumalo i Dombo Tombo, ma a'o ou tu ai i le laina na pa'u ifo ai se \$20 pepa a se tasi tina i lalo o le palapala. Sa ou vaaia ua pa'u ifo ma ou ta'uina atu i le tina lea e uiga iai. Sa ia aveina a'e i luga ma faapea mai, 'Faafetai lava.'

"O le toatele o tagata sa iai i le laina na faapea mai ia te au, 'Matuai e valea tele. E ese lou faavalevalea. Aisea na e le aveina ai le tupe ma faatau ai ni au mea e te manao iai?'

"Ae sa ou faapea atu, 'Leai, e le tatau ona ou faia se mea faapena aua o au o se afafine o le Atua.'

"Ina ua tau uma atu le pisa o isi tagata, sa faapea lemu mai se tamā matua sa tu i o'u tua, 'E te alu i le lotu? E foliga mai o oe o se teine lelei tele.'

"Ma sa ou faapea atu, 'Ioe ou te alu i le lotu.'

"Ma sa ia faapea mai, 'O le a le igoa o lau ekalesia?'

"Sa ou faapea atu, 'E faaigoa o le Eklesia a Iesu Keriso o le Au Paia o Aso e Gata Ai. Afai e te manao iai, e mafai ona e alu atu i le Fale Faafafia i Dombo Tombo i afiafi o Aso Lua i le 5:30 poo Aso Sa i le afa o le sefulu ma o le a ta feiloai ai iina.'

"Ma sa faapea mai le tamā lea, 'Oi, ia ua lelei! o lea ou alu atu!'

"O lea na ou matuai fiafia ai lava i le mea na ou faia i lenei aso" (Esinath Mutumanji, "Today in Dombo Tombo," *New Era*, May 1992, p. 44).

- Na faapefea ona faamanuiaina e lenei tamaitai lona ia lava olaga e ala i le faamaoni?
Na faapefea ona ia faamanuiaina olaga o isi?

Tala

Faamatala atu le tala lenei e uiga i se tasi o taitai a le Alii i Amerika i Saute na ia aoao ina ia faamaoni:

"Ina ua ono tausaga o Ben Pantoja o Santiago i Chile, na o atu ai ona matua e fai mai le faatau mo lo latou aiga i se tasi aai e latalata ane. Ina ua o ese atu i laua, sa faapea atu le uso matua o Ben e valu ona tausaga, 'Ta o e faatau se ta asikulimi.'

"O lea la, o se asikulimi mo Ben ma lona tuafafine laititi o se mea faapitoa lava. Na la fai atu i le alii matua lea pe o le a le latou mea o le a fai i le tupe. Na ia faapea atu na fai atu lo latou tamā afai e mananao i laua i se mea suamalie e mafai ona ia aveina se tupe mai le pusa o lo o teuina ai le paketi a lo latou aiga. Na iloa lelei e Ben i lona loto e le moni lea mea, ae o le manatu i le asikulimi na tea ese ai lona lagona mai le mea moni.

"Na 'ai a latou asikulimi. Ina ua foi mai o latou matua i le fale, na alu atu le tina o Ben i le pusa e tuu iai le sui na totoe mai i le la malaga atu i le maketi ma ia iloaina ai ua leai le tupe. Sa fesiligia tamaiti ma iloa ai le mea moni.

"Na tonu i le mafaufau o Ben Pantoja i lena po o le a ia le toe lē faamaoni, o le a ia le toe feteenai ma le mea na te iloa e sa'o. O le aso o lo o avea ai o ia ma se tasi o taitai filifilia i Amerika i Saute aua sa ia tausia le mea sa'o" (Lynn Mickelsen, "Stretching the Truth," *New Era*, apr. 1992, p. 4).

Tala a tagata o le vasega

Fai atu i tamaitai talavou e fetufaai mai ni mea na tutupu ia latou e faaalia ai o le faamaoni e aumaia ai le fiafia.

Fesili e manatunatu iai

Fai atu i tamaitai talavou e vaai lelei i o latou olaga ma filifili pe iai se mea e manaomia lo latou taofia i le taimi nei ina ia latou faamaoni ai. Ia faamalamalama atu e mafai ona tatou taofia i le asō ina ia mafai ona tatou lelei ai i o tatou olaga atoa.

Faaiguag

Upu sii ma le laupapa

Na tuuina mai e Elder Marvin Ashton i ai tatou se taiala e tatou te iloa ai pe o faamaoni se mea. Ia na ona fesili ifo ia te oe lava, " 'Pe sa'o? Pe moni? ae le o le faapea ifo 'Pe vave, lelei, avanoa, pe maua ai se mea?' " Ona e mulimuli ai lea i lau tali faamaoni. (*O Le Liahona*, Iulai 1982, itulau e 13).

Tusi fesili nei e lua i luga o le laupapa: "Pe sa'o? Pe moni?"

Ia uunai tamaitai talavou e fesili ifo lava le tagata ia te ia lava i fesili nei pe a tulai mai ni fesili e uiga i se mea pe faamaoni.

FAAMOEMOEGA	O le a iloa ai e tamaitai talavou taitoatasi le mea e oo iai lona lumanai ona o filifiliga ma mea na ia faia e uiga i faauoga faamasani.
SAUNIUNIGA	<ol style="list-style-type: none"> 1. Ia saunia ni pepa ma ni penitala. 2. Afai e maua i lo outou eria ia faaali atu le ata vitio o le "Chastity: As a Man Soweth," poo le "The Importance of Proper Dating," o lo o i le kaseti vitio o le Family Home Evening Video Supplement 2 (53277). 3. Ia tofia ni tamaitai talavou e faamatala mai ni tala, mau, poo ni upu sii e te manao iai.
FAUTUAGA MO LE FAALAUTELEINA O LE LESONA	E Pa'ū Lava I Le Tamaitai Talavou Ia Ana Amioga ma Alii Talavou
Talanoaga o le mau	<p>Faitau le 2 Nifae 10:23. Ia faamalamalama atu na tuuina mai e le Atua le mana e filifili ai. E ui ina vave ona tatou faia nisi o a tatou filifiliga, o nisi e manaomia ona mafaufa muamua iai ma fuafua ia maufinoa o le a aumaia ai ni taunuuga moomia e faavavau. I nai tausaga o lumanai, o le a faia ai e tamaitai talavou ni filifiliga taua tele e uiga i alii talavou.</p>
Talanoaga i le laupapa	<p>O a nisi o filifiliga taua e tatau ona e faia e uiga i alii talavou?</p> <p>Ia tusia a latou tali i luga o le laupapa. O fautuaga nei atonu e faaolaola ai le talanoaga. Pe o le a ou faaou ea i tama lotu ese? Pe o le a ou faaou ea i tama ulaula tapaa ma inu pia? Pe o le a ou faaou ea i le tama e toatasi a'o ou talavou? O a tulaga faatapulaa o le solomili i le tama e tatau ona ou tausisi iai ou te le faia ae ou te le'i faaipoipo? O a tulaga faatonuina i le faiga o o'u ofu, gagana, ma a'u mea e fai o le a iai? O a ni uiga e tatau ona iai i se tama ou te faaou iai? Pe o le a mulimuli ea o'u mafaufauga i se ala tumau o le amio mama? Pe o le a ou ola ea i se olaga e tusa ai ma tulaga faatonuina o le talalelei? Fai atu i tamaitai talavou e talanoaina pe aisea e taua tele ai nei filifiliga.</p>
Faamatalaga a le faiaoga	<p>Ia faamalamalama atu o filifiliga e faia e tamaitai talavou faapea ma mea latou te faia i alii talavou i tausaga o lo latou tuputupu a'e e le taumate o le a sili atu ona afaina ai lo latou lava fafia i le lumanai faapea ma le fafia o o latou aiga, nai lo o filifiliga e faia i soo se taimi lava o lo latou olaga.</p>
Talanoaga	<p>Ua Saunia E Le Alii Apoapoiga E Fesoasoani Ai I Tamaitai Talavou I a Latou Faauoga</p> <ul style="list-style-type: none"> • O a ni auala o le a fesoasoani mai ai le Alii ma lana Ekalesia ia te oe i au fesootaiga ma alii talavou? <p>O manatu nei atonu e talanoaina: o tali i tatalo e faia ma le loto faamaoni; taitaiga a le Agaga Paia; o tali mai tusitusiga paia; o fautuaga mai matua; o fautuaga mai taitai o le Ekalesia; faiaoga; ma isi; ma aoaoga e maua mai sauniga faamanatuga, vasega a le Aoga Sa ma Tamaitai Talavou, ma konafesi.</p>
Upu sii	<p>Ia faamalamalama atu o upu sii nei ua na o se faataitaiga o faatonuga e tuuina atu ia i latou e taitai o le Ekalesia e uiga i fesootaiga i faauoga. Ia faitauina e tamaitai talavou nei faamatalaga. A maea ona faitauina atu upu sii taitasi, ia fesili atu i tamaitai talavou: O le a sou faalogona e uiga i lenei fautuaga? O le a sou manatu e mafai faapefea ona avea lenei fautuaga ma se faamanuiaga ia te oe?</p>

1. "Ia manatua tamaitai talavou le taua o faauoga faamasani. . . . E finagalo lo tatou Tama Faalelagi ia outou faauo atu i ni alii talavou faamaoni o le Ekalesia, o e o le a agavaa e avatu oe i le malumalu ma faaipoipo ai i le ala a le Alii. O le a iai se agaga fou i Siona pe a fai atu tamaitai talavou i a latou uo tama, 'Afai e te le mafai ona maua sau pepa faataga o le malumalu, o lona uiga ou te le mafai ona faapipii atu lo'u olaga ia te oe, e tusa lava poo le faaletino!' . . .

"O'u tuafafine laiti e, o lo o iai ni o matou faamoemoega mo outou. O lo o iai ni mea silisili o lo o matou faamoemoeina mai ia te outou. Aua ne'i gata lo outou taumafai i mea ua finagalo le Alii ia outou oo iai" (Ezra Taft Benson, "I Tamaitai Talavou o le Ekalesia," O Le Liahona, Ianuari, 1987, itulau. 27).

2. "Ia amata nei loa ona sauniuni mo se faaipoipoga i le malumalu. O faauoga faamasani tatau o se vaega o lena sauniuniga.

I aganuu e talafeagai ai le faauo, aua tou te faatali seja sefuluono ou tausaga. E le manaomia ona faauo uma le tupulaga poo le mananao foi iai. . .

"A amata ona e faauo, ia o i ni vaega poo ni tafaoga faamasani taitoalua. Ia alo ese mai le o atu na o ouluu. Ia mautinoa ia feiloai ma faamasani ou matua ia i latou e tou te faauo iai. Mulimuli ane o le a oo mai le taimi e filifilia ai na o le tasi. Atonu e te manao e valaaulia atu i latou o lo o outou faauo i gaoioiga a lo outou aiga.

"Ia fuafuaina ma faatulagaina ni gaoioiga lelei pe a outou faatasi. Ia faia ni mea e fesoasoani ai ia te oe ia iloa lelei le isi. Ia faaeteete i le o atu i nofoaga e tou te fetaiai ai ma faaososoga, ae ia tau o nofoaga e lelei sona siosiomaga.

"Talu ai ona o le faauo o se sauniuniga mo le faaipoipoga, ia faauo atu na o i latou e maualuluga o latou tulaga, ma i latou o e tou te fegalegaleai e mafai ai ona e tausia ai pea tulaga o le talalelei a Iesu Keriso" (Mo le Malosi o le Au Talavou, itulau 7).

E Tatau Ona Tatou Faatapulaaina Tulaga e Faaali Atu Ai Le Alofa Naunau e Pei Ona Faatuina e le Alii e Ala Mai i Ana Perofeta

Faamatalaga
a le faiaga

Ia faamalamalama atu na tuuina mai foi e perofeta ni fautuaga musuia e uiga i lagona o le alofa i sootaga o faauoga faamasani. Ina ia mulimuli tamaitai talavou i le fautuaga, e iai nisi upu e manaomia ia malamalamia iai tamaitai talavou.

• O le a le eseesega o le *alofa* ma le *tuinanau*? (O le alofa e le manatu faapito ma e saili le lelei mo le isi tagata. O le tuinanau e le mafai ona teena, e manatu faapito mo na o manaoga o feusuaigna faaleulugalii.)

Upu sii

Faitau atu le upu sii lenei mai ia Peresitene Spencer W. Kimball:

"Afai ua alofa moni le tasi i le isi, e sili atu i le isi ona oti mo le tagata lena nai lo o lona manu'a. I le taimi o faalogona lelei, e tuleiina ese atu ai i le isi faitotoa le alofa ae ulu mai i le isi faitotoa le tuinanau. O lou alofa ua suia i le manaoga e le mafai ona taofiofia. . . .

"Pe a tosina atu le le faaipoipo i le tuinanau lea na te faatosinaina mai feusuaigna ma faalogona, ua latou tuuina atu i le tino atoa na te pulea ma tuuina atu le agaga ia saisaitia. E faigata tele ona manatu e mafai e se tasi ona faaigoa lea mea o le alofa" (Spencer W. Kimball, Faith Precedes Miracle [Sale Lake City: Deseret Book Co., 1972], p. 154).

Tulaga o perofeta

Ia faamalamalama atu afai e tausia e tamaitai talavou a latou fesootaiga faamasani i faauoga i le fiafia ma le mama, e tatau ona latou tausia le faaalia atu o lo latou alofa i tulaga faatapulaaina ua uma ona faatuina e le Alii e ala mai i ana perofeta. Ia tuuina atu e oe, pe tuuina atu foi e tamaitai talavou, ia tulaga nei mo le faaalia atu o le alofa i taimi o faauoga:

Kisi: "O le kisi o le faailoga o le alofa. O le kisi o le faailoga o le alofa, ae le o se faailoga o le tuinanau—ae e mafai ona faapena. Aua nei e faatagaina se kisi i le lua faauoga e avea o se tuinanau. O le tau fusifusi ma le tau tagotago o uiga tuinanau; e le o le alofa lena. . . . Ou te le amanaaina oe pe a e kisi atu i le isi pe a maea nisi o a outou tafaoga faamasani; e le o se kisi o le alofa faitino, ae o se kisi o le alofa" (Spencer W. Kimball, Lauga i faifeautalai, 2 Ianuari, 1959).

O le Tuua na o Ouluu: "I faatalanoaga a ulugalii laiti, faapena foi ma ulugalii matutua, e masani lava ona ta'uina mai ia te au e feagai lava nei ulugalii ma faafitauli i le pogisa,

i le leva o le po, ma nofoaga le talafeagai. . . O le taavale lava ua avea ma nofoaga masani o faafitauli" (Spencer W. Kimball, O Le Vavega O Le Faamagalo Atu, itulau 225).

Taufusifusi ma le Tautagotago: "O nisi o agasala faalefeusuai ua masani ai o tatou tagata talavou o le taufusifusi ma le tautagotago. Ua le gata ina fai nei uiga faalefeusuai ua le fetaui ma e masani ona oo atu ai i le faitaaga, ma'i to, ma le faapa'u pepe—o agasala mataga uma—ae o totonu o i latou o ni tiapolo" (Spencer W. Kimball, O Le Vavega O Le Faamagalo Atu, itulau, 65).

Talanoaga o le mau

Ia faamalamalama atu ua tuuina mai nei tulaga e se Tama Faalelagi alofa. O lagona o le alofa ua faauuina e le Atua. Ae ua fautuaina i tatou ia puleaina nei lagona ma mafaufauga ae aua nei o latou puleaina i tatou.

Ia faitauina e tamaitai talavou le Alema 38:12.

- O le a se auala e mafai ai e le puleaina o o tatou lagona ona faatumuina i tatou i le alofa moni?

Ia faamalamalama atu o nisi taimi o a tatou filifiliga e puleaina o tatou lagona ma tausia tulaga a le Alii e le faigofie, ae o nei filifiliga e tele so latou sao i lo tatou fiafiaga e le uma.

E Mafai Ona Tatou Faavaeina ni Taiala i le Taimi Nei

Talanoaga
i le laupapa

I le faaaogaina o upu sii i lenei lesona ma tu ma aganuu i lo outou alalafaga, ia tuu atu i le vasega ia latou atinaeina ni taiala ia mananao ai tamaitai talavou e mulimuli ai i a latou fesootaiga ma alii talavou. Ia faamaumauina nei mea i luga o le laupapa. Ia tuuina atu i tamaitai talavou taitoatasi se pepa ma se penitala ma ia tuuina atu ia latou tusia ma faamaumau i lalo nei taiala mo i latou.

O taiala atonu e aofia ai vaega nei:

1. O le a ou faauo atu na o alii talavou lava e ola i tulaga faatonuina o le Ekalesia.
2. O le a na o gaoioiga lava e tutusa ma tulaga faatonuina o le Ekalesia ou te auai atu iai.
3. O le a ou le faia tulaga o le pa' i tino ma le feusuai seia ou faaipoipo.
4. O le a ou tausisi i tulaga aupito sili tau le ola mama ma le teuteuina mama o le tino, le faiga o ou lavalava, o upu ou te tautala ai, ma mea ou te faia.
5. O le a ou faia se lisi o uiga manaomia e tatau ona iai i alii talavou ou te faauo faamasani iai.
6. O le a ou toe foi mai i lou aiga mai tafaoga faamasani ma le mama ma lo'u le maasiasi.
7. O le a ou talanoa ma o'u matua i mea na ou faia i a' u tafaoga faamasani.

Ia faamamafa atu e mafai e tamaitai talavou taitoatasi ona atoatoa, ma tauaogaina i a latou fesootaiga ma alii talavou pe afai na te faia filifiliga sao ma mulimuli i fautuaga a le Alii.

Faaiuga

Ia faamalamalama atu o filifiliga o faauoga faamasani e faia e tamaitai talavou ma fesootaiga latou te atinaeina ma alii talavou o le a tele se aafiaga i o latou olaga e oo atu i le faavavau. Ia fautua atu i tagata o le vasega ina ia tuu a latou lisi o taiala i se mea e mafai ona latou vaai pea iai i taimi uma.

Tulaga Manaomia o se Faaipoipoga

FAAMOEMOEGA O le a faavaeina ai e tamaitai talavou taitoatasi se sini e mulimuli iai mo lana lava faaipoipoga.

SAUNIUNIGA

1. Ata 15, O le Povi ma le Avega (62233), o lo o i le pito i tua o le tusi lesona.
2. Ia saunia ia tofu tamaitai talavou taitoatasi ma se pepa ma se penitala.
3. Ia saunia se pepa lautele e tusi ai mea nei: "E le taumateina o le faaipoipoga o se filifiliga aupito taua lena o filifiliga uma ma pito i o'oo'o ona iuga, aua e le gata ina maua ai le fiafia i le taimi nei ae faapena foi le olioli e faavavau." (Spencer W. Kimball.)
4. Pule oe pe fai: Ia saunia se pepa e tufa atu lena o lo o fautuaina atu i le faaiuga o le lesona.
5. Ia tofia ni tamaitai talavou e faamatala mai ni tala, mau, poo ni upu sii e te manao iai.

**FAUTUAGA MO
LE FAALAUTELINA
O LE LESONA**

Tala

Faatomuaga

Ia faamalamalama atu sa iai se tasi alii fai pisinisi lauiloa ma faaaloalogia na fesiliglia pe o a ni itu na mafua ai ona solosolo manuia i tausaga e luasefululima le pisinisi a i laua ma lana soa ma olioli ai i laua i lo la vafealoai faapisinisi. "E tele naunau itu na mafua ai, peitai afai ou te filifilia na o se itu se tasi, ou te faapea atu ona o le lelei o le soa na ou filifilia. O lenei filifiliga sa le faia i se laki poo se taumatemate e pei o le tele o pisinisi fou. Sa ou nofo i lalo ma fai se lisi o ni uiga ma ni amioga na ou manao e tatau ona iai i la'u soa pisinisi i le lumanai. Na ou fialoa pe tutusa o ma talitonuga, tulaga, ma sini faamoemoeina mo le pisinisi sa ou faia. E le gata i lena, sa le faapea e na o se fesootaiga puupuu lenei fesootaiga. Na tatau ona ou suea se fesootaiga e umi se taimi e tumau ai, ma ina ua ou maua se tasi na ia te ia nei tulaga uma e faigata ona maua ma ia te ia foi ni sini sa ia te au, sa faatuina loa la ma pisinisi. Sa iai ni taimi sa faalelelei ai ae sa iai foi taimi na olaola ai, ae i na taimi uma lava, sa ma tausisi pea i sini na ma faatutuina, ma sa ma galulue faatas, ma sa fai lava le vaega a le tagata ia ina ia manuia ai le pisinisi."

Talanoaga

Fai atu i tamaitai talavou e ta'u mai nisi o mea e manaomia sa faatuina e lenei alii fai pisinisi i le filifiliga o sana soa.

Ia faamalamalama atu ua tatou maua le avanoa e filifili ai se soa mo se tulaga e sili atu le taua nai lo se pisinisi fou. Ia fesili atu i tamaitai talavou pe o le a so latou manatu o le a le mea lea e faasino iai lau faamatalaga. (O se soa faaipoipo.) Tusi i luga o le laupapa upu ia: O se soa faaipoipo faavavau ma fiafia.

O Sini Amiontonu e Taitaiina ai i Tatou i le Filifilia o se Soa Faaipoipo

Faamatalaga a le faiaoga

Ia faamalamalama atu e toatele tagata e tele lo latou taimi e faaalu i lo latou filifiliaina o se soa faipisinisi, se fale, poo le sueina foi o se taavale, nai lo le taimi e faaalu i le filifilia o se soa faaipoipo. Ia atonu ua faapogai lea itu ona o le faigofie i ai tatou ona alofa i se tasi ma tuu atu ai i o tatou lagona e puleaina a tatou amioga. Atonu o le a tatou iloaina ane mulimuli o le tagata lea sa tatou alofa iai atonu e le o ia te ia tulaga ia sa tatou faamoemoeina ia maua e se soa faaipoipo. O se faaipoipoga faanatinati, e pei lava o se feagaiga faapisinisi le mautinoa, e mafai ona iu i se faaipoipoga e tatalaina poo se olaga faaleaiga le fiafia. E tele taimi e mafai ai ona aloese i le amataga, mai lea ituaign faanoanoa pe afai e faatuina ni sini e manaomia ma mulimuli iai.

Pepa lautele	Ia faaali atu le pepa lautele lena sa e sauniaina. Ia faamalamalama atu na saunoa mai Peresitene
Gaoioiga	Spencer W. Kimball e faapea: Atonu o le faaipoipoga o se filifiliga aupito taua lena o filifiliga uma ma pito i o'oo'o ona iuga, aua e le gata ina maua ai le fiafia i le taimi nei ae faapena foi le olioli e faavavau" Marriage and Divorce [Salt Lake City: Deseret Book Co., 1976], p. 11).
Faamatalaga a le faiaoga	Ia tuu atu i tamaitai talavou fasi pepa ma penitala. Fai atu iai e tusi mai ni a latou lisi o uiga e latou te faamoemoe ia maua i ni a latou soa e fia faaipoipo iai i le lumanai. Fai i tamaitai talavou e tuu a latou lisi e vaai iai i se taimi mulimuli ane i le lesona. Faamanatu atu ia te i latou talu ai o le a faaipoipo i latou i e na latou feoai faamasani, e tatau ona avea le lisi lava lea e tasi ma taiala i a latou faauoga faamasani.
Ata ma le talanoaga	Ia faamalamalama atu i tamaitai talavou o le a latou mafuta ma a latou soa faaipoipo i le faavavau. E tatau ona latou faavaeina ni tulaga i ni vaega sili ona taua e taitaiina ai i latou i le filifiliga o lea tagata. O se tasi o ia tulaga o lo o maua i tusitusiga paia. Fai atu i tamaitai talavou taitoatas i sue ma faitau le 2 Korinito 6:14.
Faamatalaga a le faiaoga	Fesili atu i tamaitai talavou pe o le a le uiga o le "amo gatasi". Faaali atu le ata o le povi ma le avega.
Talanoaga	Ia faamalamalama atu o manu vaefa e pei o povi ma soloanua sa faaaogaina ma o lo o faaaogaina pea i le tele o vaega o le lalolagi e latou te faia galuega mamafa e pei o le tosaina o se taavale toso ma le suotosinaina o fanua. O se amo, o se laau e soo faatasi ai manu vaefa i ulu ma ua. Sa le pine ae iloa afai e "gatasi le amo" a manu vaefa poo le paleni, o le a faia lava e le manu lava ia lana vaega o le galuega ma amo lana lava itu. Ana fai sa "amo le gatasi" poo le le paleni, semanu e le mafai ona galulue faatasi ia manu o se au. Atonu o le a faamalosia le isi manu e muamua i luma pe na te tauaveina uma foi le mamafa o le avega, ao faagesegese atu le isi i tua ma tiga le ua. E mafai ona faatusa lenei manatu i le faaipoipoga. E iai nisi tulaga o le faaipoipoga e manaomia ai e le ulugalii ona gatasi le amo la te tauaveina. O se tasi o ia tulaga o talitonuga faalelotu.
Faamatalaga a le faiaoga ma le talanoaga	Fesili atu i tamaitai talavou pe o a ni vaega e tatau ona gatasi ai le amo e tauaveina e se ulugalii, ao le i faamoemoe i laua e faaipoipo. O nisi o a latou tali atonu e aofia ai tulaga o le ola mama, gaoioiga faale Ekalesia ma galuega auauna atu, o sini mo le aiga ma tulaga tau aoaoga, o mea e fiafia iai ma talaaga o o latou olaga.
	• Faamata o le a se mea e tupu pe afai e le gatasi le amo a le ulugalii i vaega nei?
	Ia faamalamalama atu o tagata uma lava e eseese o latou uiga ma a latou taleni. O tagata taitoatas iuma lava e tatau ona aoao e tuu atu ma fetuutuunai ma a latou soa, ma e mafai e se soa ua faaipoipo ona fetuutuunai ma le isi i o le eseesege. Ae peitai, e iai nisi vaega e le o se mea lelei le fetuutuunai. O le mea pito i sili ona taua o le gatasi lea o le amo a le ulugalii i a la sini e faavavau, ma agai atu i laua i le faamoemoega lava e tasi. E manaomia ona tauave e le tagata lava ia lana lava avega e tatau ona tauave i le vafealoai faalefaaipoipoga.
	Na faia e se tamaitai talavou le fesili lenei o se tasi o ana fesili pito i sili ona taua, "O a ni lagona o se alii talavou e uiga i le Alii?"
	• O le a faapefea ona avea le tali i lenei fesili ma taiala i le filifiliga o se soa faaipoipo?
	Ia faamalamalama atu sa iai se tasi tamaitai talavou na faatumutumuina lava i lana lisi le sini na manaomia e ia, ia maua e ia se toalua e le itaita gofie e pei o tagata o lona aiga ao tuputupu ae o ia. Na iai foi se tasi tamaitai talavou na ia iloa e tele galuega auauna atu na faia e lona aiga mo le Ekalesia, ma maua ai faamanuiaga e tele ona o lenei mea. Sa ia faatuina se sini e faapea e ao i se alii o le a avea ma ana soa i le lumanai ona maua e ia le naunau e tuuina atu lea lava ituaiga auauna atu, e pei o le mea sa faia e lona aiga ma uunaiina lona aiga ia faapena ona faia e i latou. Sa iai foi se tasi tamaitai talavou na tatau ia te ia ona iloilo pe mata e mafai ona avea o ia ma se ava na te lagolagoina se alii talavou o lē sa mafaufau e fai ma ana matata le auai i taaloga faapolofesa. Na tatau ia te ia ona filifili pe mata o le a avea lea matata e mafai ai e ia ma lana tane ona faataunuuiina sini ma tulaga o le olaga faaleaiga na ia faatuina e fia maua e ia pe a faaipoipo.
	Fai atu i tamaitai talavou e fetufaai mai nisi o sini poo tulaga faapitoa o lo o fia maua e i latou i se soa e fia faaipoipo iai.

Faamatalaga
a le faiaoga

E Tatau Ona Tatou Tumau Faamaoni i Tulaga Amiotonu

Ia faamalamalama atu faapea e tatau i tamaitai talavou ona iloilo o latou olaga ma ia mautinoia o lo o latou ola ai i tulaga latou te manaomiaina mai a latou soa i le lumanaia.

Sa faamatalaina e Elder David B. Haight se tala e uiga i se tamaitai talavou o le sa ia faatuina se sini e faaipoipo i se alii talavou o ia te ia tulaga mama maualuga uma e pei o lo o ia te ia. Sa ia faatumauina pea lenei tulaga maualuga i le taimi atoa o ana faauoga.

“Ou te manatua le molimau a se tasi tamaitai talavou i se konafesi faalesiteki lea na ia faamatala mai ai e uiga i tausaga sa feoai faamasani ai o ia ma lana uo tama. Na fesoasoani lona tina ia te ia malamalama i faafitauli atonu e tutupu mai. O lenei ua avea o ia ma se ava talavou . . . , ma mafai ona vaai atu i lona toalua o nofo mai i le mea o iai le pulelao i le falesa . . . ma mitamita ai i lana tane, ma manatua e ia le la faamasaniga matagofie faaleuo atoa ma lo la vafealoai: na faaipoipo i le malumalu, e leai se mea na tau natia, e leai foi se mea e faanoanoa ai. Na ia faamatala i faaososoga na oo ia laua. Peitai o la laua lava sini o le malumalu. Na la iloa le eseesege o le kisi ma le tau fusifusi. Na la iloa e faifailemu lava ona alu ese atu le ola mama. Na mafaufauina lelei lava a la fuafuaga, ma aloese mai le faatu o le taavale i se auala tuufua ma le tuneva o le po na o i laua” (“The Uttermost Part of the Earth,” in Speeches of the Year, 1978 [Provo: Brigham Young University Press, 1979], pp. 168-69).

Talanoaga

- O a ni mea lelei na tutupu talu ai le mulimuli o lenei tamaitai talavou i tulaga na ia faatuina?

Tala

Na faamatala mai e Elder Marvin J. Ashton se tala i se tamaitai talavou o lē sa faatuina se tulaga o le faaipoipoga faalemalumalu ma na faamanuiaina aua sa mulimuli ai i lana tulaga:

“Sa faapea mai ia te au se uso o le au peresitene o le siteki, ‘E tele se itu na fesoasoani mai ai lo’u toalua i le mauaina o lenei valaauga lea ua ou oo mai ia i maua. A o ma feoai faamasani, sa ou le toaga i le Ekalesia. Na ou lototele lava i se tasi po ma ou ole atu ia te ia ma te faaipoipo. I lenei olega sa ia le faapea mai ioe pe faapea mai foi leai. Sa ia faapea mai, ‘Ifea?’ Sa ou faaaluina nisi masina e tele na sosoo ai e faasa’osa’o ai lo’u olaga ina ia mafai ona ou aveina o ia i le malumalu. Sa faia ni ana fuafuaga, ma sa tele naunau lo’u alofa ia te ia e toe suia ai le auala ou te agai iai ia ogatasi ma ana sini. Na ou iloa le mea e tatau ona faia ma le mea e tatau ona ou alu i ai pe afai ou te manao ma te o faatasai ma ia i ona tafatafa’ ” (Yellow Ribbons and Charted Discourses,” New Era, July 1981, p. 16).

Talanoaga

- Faamata o le a le ituaiga faaipoipoga e maua e ia pe ana fai e le tumau o ia i le faamaoni i ana sini?

Faaieu

Toe tagai i le pepa lautele na faaaoga i le vaega lona lua o le lesona. Ia faamamafa atu le taua o le faatutuina o tulaga amiontu ina ia mafai ai e tamaitai talavou taitoatasi ona tauaveina tutusa a latou avega i se sootaga faalefaaipoipoga e fiafia ma faavavau.

Afai ua e sauniaina pepa e tufa atu i tamaitai talavou, ia tufa atu loa.



Gaoioiga

Fai atu i tamaitai talavou e toe vaai i a latou lisi na tusia i le amataga o le lesona. Ia o lenei la ua uma ona faalogo i latou i le lesona, ia fai atu iai e toe iloiloina a latou lisi pe toe faaopoopo iai nisi manatu. Fai atu iai e teu a latou lisi na i totonu o tusi o o latou talaaga, e fai ma vaai iai e fai ma taiala i a latou feoaiga faamasani ma tama ma filifiliga latou te faia e uiga i a latou faaipoipoga.

O Le Afioga A Le Atua E Avea Ma Tapasa

Lesona

37

FAAMOEMOEGA

O le a iloiloina ai e tamaitai talavou taitoatasi le auala na te faaaoga ai le afioga a le Atua e avea ma tapasa i le feagai ai ma mafaufauga o le lalolagi.

SAUNIUNIGA

1. Ia aumai se ata o le Peresitene o lo o iai nei o le Ekalesia.
2. Ia saunia se pepa lautele e tuu ai ni ata, o ulutala o nusipepa o lo o faaali mai ai nisi o filosofia poo mafaufauga o le lalolagi ma lu'i e tatau ona faafeagai ma tamaitai talavou o lo outou nuu. I le isi itu o le pepa lautele ia faatu ai se ata o le perofeta ma tusi faavae o le Ekalesia. Ia tuu i le va o ata na e lua ni ata o ni tamaitai talavou o lau vasega.
3. Ia tofia ni tamaitai talavou e sauni ni lipoti mai ulutala e te filifiliaina mai mea e maua ai le fesaosaoni i le faaiuga o lenei lesona. Ia saunia e tuu atu i tamaitai talavou taitoatasi faamatalaga taua mai tusi aoga e uiga i lana ulutala ua tofia o ia e fai ai lana lipoti. Atonu e te manao e tuuina atu ia te ia ni faamatalaga aoga faaopoopo mai tusitusiga paia, o mekasini a le Ekalesia, ma mai lauga o konafesi aoo. Ia faatapulaa le taimi e tuu atu i tamaitai talavou taitoatasi o le a faia a latou lipoti, ia fetau i lelei ma le faiga o lau lesona.
4. Ia saunia ni fesili ma ni mea e maua ai le fesoasoani o le a mafai ona e otootoina atu ai ma fesoasoani i lipoti a tamaitai talavou.
5. Pule oe pe fai: Ia saunia se pepa e tufaina atu mo tamaitai talavou taitoatasi (tagai i le faaiuga o le lesona).
6. Ia tofia ni tamaitai talavou e faamatala mai ni tala, mau, poo ni upu sii e te manao iai.

FAUTUAGA MO LE FAALAUATELEINA O LE LESONA

Talanoaina o le pepa lautele

O Tamaitai Talavou Uma Lava e Faafeagai Ma Lu'i

Ia faaali atu le pepa lautele ua e sauniaina. Ia faamalamalama atu o lo o faaali mai ai nisi o filosofia ma lu'itau o lo o faafeagai ma tamaitai talavou i aso nei. Ia tuu atu i tamaitai talavou e ta'u mai nisi o filosofia faalelalolagi e mafai ona latou vaai atu iai i le pepa lautele. Ia tusi nei tali i luga o le laupapa. (Tagai i nisi o tali e ono tuuina mai i le laupapa o faamalamalamaga ua uma ona tusia.)

- O ai le tusitala o nei lu'itau ma filosofia pepelo? (O Satani.)
- E faapefea ona mafai e nei filosofia ona lepetia tamaitai talavou?

Ia faamalamalama atu e lagolagoina e Satani filosofia pepelo e faasese ai tagata ma taitaieseina ai i latou. E le tatau ona faaseseina i tatou, ae peitai. Ua faamanuiaina i tatou i lo tatou mauaina lea o tusitusiga paia ma aoaoga a perofeta o aso nei e faafetaiaia ai aafiaga taitasi uma a le tiapolo e pei ona lisiina i luga o le laupapa.

<i>O Filosofia Faalelalolagi</i>	<i>O Mataupu o le Talalelei ma Upu Moni</i>
Tatala faaipoipoga	Faaipoipoga
Le manaomia le iai o se fanau	Faamatua
Faapau pepe	Faapaiaina o le olaga
Amioga le mama	Amio lelei ma le legavia
Tusi ata mataga ma mekasini leaga	Tusitusiga paia ma tusi lelei
Ulaula tapaa, inu ava malosi, fualaaau oona	Upu o le poto
Suesuega i fetu	Suesuega o tino faaleagaga

O Tulaga Faatonuina e Faafetaiaia ai Lu'i o Lo o Maua i Tusitusiga Paia

Talanoaga o le mau

Fai atu i tamaitai talavou e sue ma faitau le 2 Nifae 31:20.

- O le a le mea o lo o fautuaina mai e Nifae tatou te faia? (Fetaomi atu i luma ma le faamaoni ia Keriso, alofa atu i le Atua ma tagata uma, fafia i le afioga a Keriso, ma tumau e oo i le iuga.)

Fai atu i tamaitai talavou e sue ma faitau le 1 Peteru 1:24-25.

- O le a se mea o lo o aoao mai e lenei mau e uiga i le eseesege o filosofia o tagata ma le afioga a le Atua?

O le mea e faaali atu

Ia tosina atu mafaufau o tamaitai talavou i le ata o le perofeta ma tusi faavae o le Ekalesia o lo o faaali mai. Ia faamalamalamatau e mafai e tamaitai talavou ona iloa upu moni mai le Tama e pei ona aoao mai e le au perofeta ma pei foi ona iai i tusitusiga paia.

Lipoti a tagata
o le vasega

Ia valaauna tamaitai talavou ia na tofia muamua e tuuina mai a latou lipoti e faatatau i mea e maua mai ai le fesoasoani i le faaiuga o le lesona. Ia faamalamalamatau o nei lipoti o lo o faaali mai ai pe mafai faapefea e le afioga a le Atua ona faaaogaina e avea ma tapasa e faafeagai ai ma filosofia faalelalolagi. A o faaiuina lipoti taitasi, ia tusi mataupu o le talalelei i luga o le laupapa ia faafeagai ma tulaga taufaasese e pei ona faaali atu.

Ia mautinoa ia manino mau ma manatu taua o mataupu. Ia faamamafa atu auala o le a manumalo ai upu moni o le talalelei i manatu sese a Satani. Ia fuafua lelei taimi o lipoti taitasi ina ia fetaui lelei ma le taimi o le vasega.

Faaiuga

Faitauina o le mau
poo le pepa e
tufaina atu

Ia faamalamalamatau o mau nei ua tuuina mai ai ni fautuaga mo le aloese mai aafiaga a Satani ma ola e tusa ai ma aoaoga moni:

Faataoto 3:5-6
Alema 37:35,37
Moronae 7:16-17
Mataupu Faavae ma Feagaiga 18:18

E mafai ona faitauina leotele e tamaitai talavou, poo le tufaina atu foi i tamaitai talavou pepa o lo o i ai mau e ave latou te suesue ai i le pale.

Gaoioiga Fautuaina

1. Afai o i ai se lui faapitoa i se tamaitai talavou i le aloese mai filosofia faalelalolagi, ia fesoasoani atu ia te ia e faitau ma aoao loloto i afioga a le Alii ma ana perofeta sei maaua e ia se lagona puipua ma le filemu.
2. Ia iai se failauga agavaa ua uma ona faatagaina mai e le taitai perisitua na te taitaia se faeasaite e uiga i se mataupu e tasi pe sili atu foi mai le lesona. Ia faaavanoa se taimi e fai ai fesili ma talanoaina lena mataupu faatasi ma tamaitai talavou pe a maea le tautalaga.

MEA E MAUA MAI AI LE FESOASOANI

1. *Faaipoipoga*

“Ua aoaoina i tatou e aoga le faaipoipoga mo le faataunuina o le fuafuaga a le Atua, o le saunia lea o se faatulagaga mo le fanau mai i la le tino ua uma ona faamaoniaina, ma saunia tagata uma o le aiga mo le ola e faavavau. ‘O le faaipoipoga na faapaiaina e le Atua i le tagata,’ na fetalai mai ai le Alii, ‘ina ia faatumuina ai foi le lalolagi i le fuataga atoatoa o le tagata, e tusa ma lona foafoaga a o le i faia le lalolagi’ (MFF 49:15-17).

“Ua faavaeina lo tatou talitonuga i le faaipoipoga i upu moni faaalia ae le o manatu o tagata. Na aoao mai le Aposetolo o Paulo, ‘E leai se tane pe a leai se fafine, e leai foi se fafine pe a leai se tane, i le Alii’ (1 Korinito 11:11). Na faamalamalama mai e Peresitene Spencer W. Kimball e faapea, “A aunoa ma le faaipoipoga tatau ai ma le manuia, e le faaeaina lava le tagata” (Marriage and Divorce [Salt Lake City: Deseret Book Co., 1976], p. 24)” (Dallin H. Oaks, O Le Liahona, Ianuari, 1994, itulau 86).

2. *Fanauina o Fanau*

“Na saunoa mai Peresitene [Spencer W.] Kimball e faapea, ‘O se loto faapito tele lava le mumusu o se ulugalii faaipoipo e fanauina ni a laua fanau ae ua la mafai’ (Ensign, May 1979, p. 6). A tolopo e ulugalii faaipoipo le fanauina mai o fanau se i taunu a laua sini faaletamaoaiga, o le gasolo pea o le taimi e mautinoa ai lo la faaititia tele o le mafai ona la auai i le fuafuaga a le Tama oi le Lagi mo ana fanau agaga uma. E le tatau i tagata faamaoni o le Au Paia o Aso e Gata Ai ona manatu i fanau o se faalavelave i le mea ua ta’ua e le lalolagi o le “faataunuuga o faamoemoega o le tagata lava ia.” O a tatau feagaiga ma le Atua ma le autu moni o le ola, ua autu tonu lava i fanau iti ua latou manaomia lo tatou taimi, lo tatou alofa, ma a tatou taulaga.

“E toafia le aofai o se fanau a se ulugalii e tatau ona iai? Le aofai uma lava e mafai ona la tausia! Ae o le tausia o fanau e loloto atu nai lo o le tuuina atu ia te i latou o le ola. E tatau ona alofagaina fanau, aoaoina, fafagaina, faalavalavaina, malutaina, ma amata lelei i latou i auala e avea ai i latou o ni matua lelei” (Dallin H. Oaks, O Le Liahona, Ianuari, 1994, itulau 87).

“O le ata faavae mo le olaga faaleaiga na faatuina talu mai le faavaeina o le lalolagi, ua faaavanoa mai ai le fanau mai o fanau ma tausia e se tama ma se tina o le tane ma le ava ua faaipoipoina i le tulafono. O le avea ma matua o se tiute ma se avanoa paia, ua talia aloaia ai fanau o ni ‘tofi mai le Alii.’ (Salamo 127:3)” (Howard W. Hunter, O Le Liahona, Ianuari, 1995, itulau 9).

3. *Faapau Pepe*

“O le faapau pepe o se mea leaga lea ua tuputupu ae o lo o tatou tetee atu iai. O le mea moni o le agasala matuia le fuafua e faapau se pepe, e faigata lava ona ta’umiotonuina. E toeitiiti lava a le talitonu i le faapea, e faapau se pepe ina ia le tauvalea ai pe le maasiasi ai, ma ia le oo ai i ni faafitauli poo ni tulaga e le avanoa ai, pe ina ia aloese ai i le faia o se tiutetauave. E mafai faapefea e se tasi ona gauai atu e faia se na ituiga taotoga, pe avea foi o se tasi foi e au iai i lena tulaga e ala i le totogi o se tupe pe uunaiina foi lena tagata e fai? Afai e iai ni tulaga faapitoa e seāseā tutupu mai e mafai ona faamaonia atu lona tatau ai, ioe, o le a seāseā lava ona tupu mai. Tatou te tuu i le pito i luga o le lisi o agasala e tetee iai, le agasala lea tatou te lapataiina malosi tagata e aloese mai ai.

“‘O le faapau pepe e tatau ona avea o se tasi o mea aupito leaga ma agasala i ona po nei, pe afai tatou te molimauina le tau faamata’u mai o le vaaia o le matamau (soona tuuina atu o lou tino) e taitaiina atu ai lava i le faia o feusuwaiga le mama faaleulugalii.’ (Priesthood Bulletin, Feb. 1973, p. 9.)” (Spencer W. Kimball, in Conference Report, Apr. 1974, p. 8; poo le Ensign, May 1974, p. 7).

4. *Tatalaina se Faaipoipoga*

“O le tatalaina o se faaipoipoga e le o se fofo lena i faigata, ae o se sola ese ma o se tulaga vaivai naua. Ua tatou iloa foi o le faataunuina o le sauniga o le faaipoipoga e le faapea e aumaia ai le fafia ma se faaipoipoga manuia. E le oo mai le fafia i le na o le oomi o se ki, e pei o se moli eletise; o le fafia o se tulaga o le mafaufau ma e sau mai totonus o le loto. E tatau ona sailia. E le mafai ona faataunuina i tupe; e le mafai foi ona maua e aunoa ma se taui” (Spencer W. Kimball, Marriage and Divorce [Salt Lake City: Deseret Book Co., 1976], p. 12).

5. Ola Mama ma le Legavia (tagai foi i le Mo Le Malosi o le Autalavou, itulau 14-16)

“Na faapea mai Solomona o le tau o se tamaitai amio lelei e ‘sili atu lona tau i penina’ (Faataoto 31:10). Tamaitai talavou e, ia vaai ma puipua lo outou mama e pei ona outou faia i o outou lava ola. Matou te mananao ia outou ola i ni olaga mama i o outou olaga atoa. Matou te mananao i le ola mama ia avea ma olaga tou te ola ai.

“Ioe, e mafai ona salamo se tasi mai se agasala o le ola mama. O le vavega o le faamagalo atu e moni, ma o le salamo faamaoni e taliaina e le Alii. Ae le matagofie i le Alii lona tagai atu i se tasi o faia ni agasala tau le feusuai i soo se ituaiga, ona faamoemoe lea e sau e ta'uta'u ma vave salamo o le a faamalieina ai le Alii” (Ezra Taft Benson, Ensign, Nov. 1986, p. 83).

“A o outou faia a outou filifiliga o le olaga, ia outou malamalamā lelei, o'u tuafafine e, e le ma suia le Atua, ma o ana feagaiga ma mataupu e le faamoemoe e suia. A oo ina malulu le la ma le toe susulu mai fetu, o le tulafono o le le gavia o le a tumau pea i le lalolagi a le Atua ma totonu o lana Ekalesia. O tulaga faatonuina tuai ua le lagolagoina e le Ekalesia ona e faapea ua leva ona iai, ae peitai ona ua faamaonia mai i tausaga e tele lo latou sa'o, ma ua faapea ona fetalai mai ai le Atua” (Spencer W. Kimball, Ensign, Nov. 1978, p. 105).

6. O Tusi Mataga ma Ata Leaga (tagai foi i le Mo le Malosi o le Autalavou, itulau, 11-12)

“Ua uunaiina tagata uma o le Ekalesia i soo se mea ina ia le gata i le tetee atu i le sosolo o le mala o tusi mataga ma ata leaga, a ia avea ma tagatanuu e aafia malosi i le taua e faasagatau atu i lenei fili tau faasese i tagata i le lalolagi atoa.

“O le tausaga ua mavae e piliona ma piliona tupe na faaaluina i le lalolagi atoa i ata tifaga mataga ma tusi leaga. O nei mea mataga ua faatumulia ai faletusi, fale mekasini, fale tifaga, faapea foi i faleoloa tetele, maketi, atoa foi ma faletalavai. . . .

“‘Ua tuu i lalo e ata leaga lona uiga taua o le feusuai ma le tulaga faaletagata. O le feusuai o se vaega matua faaeteetegata o la tatou fesootaiga faaletagata. A e saunoa i lena mea ma e tuu i lalo lona tulaga, ua avea e oe o se faiga faamanu, ma o le saunoa lava lena i lo tatou tulaga faaletagata.

“‘A o sosolo atu lena mea, o le a afaina ai o tatou tagata uma. O uiga faamataaitu e faaleaga i o tatou tagata. Na te osofaia lo tatou talitonuga faavae. O se osofaiga i talitonuga faaleaiga.’ (Larry Parrish, U.S Assistant Attorney, in ‘War on Pornography,’ p. 76.)” (Spencer W. Kimball, in Conference Report, Oct. 1976, pp. 5-6; poo le Ensign, Nov. 1976, pp. 5-6).

7. Upu o le Poto (tagai foi i le Mo Le Malosi o le Autalavou, itulau 12-13)

“O fualau oona, ‘. . . e matua tetee lava iai le Ekalesia e le aunoa i le matautia ma le faaaoga sese o fualau oona, po o mea oona uma lava faapena e iu ai lava ina avea ma vaisū , ma faaleagaina ai le tino poo le mafaufau, pe tuu ai foi i lalo lo tatou tulaga amio mama.’ Matou te faamamafaina atu lenei faamatalaga tonu” (Spencer W. Kimball, in Conference Report, Apr. 1974, p. 8; poo le Ensign, May 1974, p. 7).

“Atonu e iai lava se talitonuga o le lalolagi ia; ae ese la le talitonuga o le Ekalesia. Atonu o se mea masani lava i tagata o le lalolagi le faaaoga o tapaa; o le tulaga faatonuina a le Ekalesia e pei o se vaalele maualuga e le faia ai ni ulaulaga. Atonu o le talitonuga o le lalolagi e faatagaina alii ma tamaitai e inu pia; ae siitia e le Ekalesia a le Alii ona tagata i se talitonuga o le matua aloese mai ai” (Spencer W. Kimball, “President Kimball Speaks Out on Morality,” New Era, Nov. 1980, p. 41).

8. Manatu Faataulaitu e Uiga i Fetu

O manatu faataulaitu e uiga i fetu, o ni manatu sese ia ua taumafai e tau mai le lumanai o le olaga o se tasi, i le taumafai e faaliliu lona uiga o fetu i olaga o tagata. Sa masani ona faaseseina tupulaga anamua i mailei a tagata faataulaitu. O tagata malamalamā o le Ekalesia latou te faatuatuuanai i ia mea aua latou te iloa o mea na a Satani.

O saienisi o fetu, o se suesuega e uiga i fetu, lo latou foafoaga, lo latou fegasoloai, ma mea uma lava faapena. O saienitisi maoae lava o le talafaasolopito aoao o perofeta ia e pei o Mose, Aperaamo, ma Enoka. Na latou maua lo latou malamalamā mai le Alii lava ia. (Tagai i le MFF 88:41-47; Mose 1:27-39; Aperaamo 3:1-18.)

“E le mafai e fetu ona pulea au amioga. . . . Na tuuina mai e le Atua ia te oe le filifiliga saoloto, ma e le faatagaina e ia e oo lava i fetu ina ia latou aia i ai. O ia o Lē na foafoaina fetu ae na te le i foafoaina se talitonuga uiga ese o manatu faataulaitu e uiga i fetu” (editorial in Church News, 14 Oct. 1972, p. 16).

Faatumauina o le Ola Maloloina

O Uiga Lelei Tau le Ola Maloloina

FAAMOEMOEGA O le a malamalama ai tamaitai talavou taitoatasi i le taua o le tausisi i amioga lelei tau le ola maloloina.

SAUNIUNIGA

1. Ia saunia ni penitala ma ni pepa mo tagata o le vasega.
2. Ia tofia ni tamaitai talavou faamatala mai ni tala, mau, poo ni upu sii e te manao iai.

**FAUTUAGA MO
LE FAALAU TELEINA
O LE LESONA**

Iloiloga a le tagata lava ia

Faatomuaga

Tufa atu pepa ma penitala. Ia tusi e tamaitai talavou mea nei na latou faia i le 24 itula ua mavae.

1. Na ai uma meaai
2. Aofai o ipu vai ma isi mea suavaia na inuina
3. Aofai o itula na moe ai
4. Aofai o itula na alu i gaoioiga faaletino e pei galuega, taalogia, siva, poo faamalositino

Talanoaga

Fai atu fesili nei:

1. Pe o se talafaamaumau ea lenei o mea e masani ona e faia i le aso?
2. Pe o e taumafaina ea meaai maloloina e pei o meaai masoa, fualaau aina ma fualaau faisua, mea e gaosi mai le susu, fasi pov'i, i'a moa, ma fuamoa.?
3. Pe e te inuina ea le ono i le valu ipu vai i le aso?
4. Pe e te aloese ea mai le inuina o fualaau e faapae ai?
5. Pe lava ea lau moe ina ia malosi ai lou tino?
6. Pe lava ea lau faamalositino
7. E mafai faapefea ona e faaleleia lou ola maloloina i le tino?

Ua Tuuina Mai e le Alii Ni Taiala Mo Lo Tatou Ola Maloloina

Talanoaga o le mau

Ia faitau leotele mai e tamaitai talavou le Mataupu Faavae ma Feagaiga e 89 ma le Mataupu Faavae ma Feagaiga e 88:124.

A o faitauina mai ia mau, fai atu i tagata o le vasega e fautua mai ni taiala mai mau e tatau ona tuu i lalo o ulutala "E tatau ona e—" ma "E le tatau ona e -." Talanoaina nei taiala mai le Alii ina ia mautinoa ua malamalama tamaitai talavou i le taua o le fautuaga.

<i>E tatau ona e—</i>	<i>E le tatau ona e —</i>
Ai fualaau aina ma fualaau faisua	Inu ava malosi (pia)
Ai meaai masoa	Faaaoga tapaa
Ia ai vava aano o manufasi	Inu mea vevela
Ia lava le moe	Paie
Ia vave moe	Moe umi ia sili atu i le taimi e tatau ona moe ai
Ia vave ala	

Upu sii	Faitau ma talanoaina faamatalaga nei mai taitai o le Ekalesia e uiga i taiala a le Alii mo le ola maloloina lelei: <p>“O le Upu o le Poto i le mataupu e 89 o le Mataupu Faavae ma Feagaiga, e tumau pea i ona tulaga uma ma faamalamalamaga e pei ona iai i lena mataupu E leai se faaliliuga faatagaina o lena Upu o le Poto sei vagana ai le faamalamalamaga na tuuina mai e le Au Uso Taitai i pōpō fou o le Ekalesia ina ua folafolaina mai o ‘meainu vevela’ o lona uiga o le lauti ma le kofe.</p> <p>“O se faamatalaga e uiga i meainu o le kola, e le i tuuina mai lava aloaia e le Ekalesia se faamatalaga e uiga i lenei mataupu, ae peitai na lapatai mai ai taitai o le Ekalesia, ma e matou te fautua atu foi faapitoa i lenei taimi e uiga i le le tatau ona faaaoga o soo se vaiinu e iai se fualau poo se vailaau matautia e fai ma vaisū. Soo se vaiinu lava e iai ni mea e faatamaia ai le tino, e tatau ona aloese mai ai” (“Policies and Procedures,’ New Era, May 1972, p. 50).</p> <p>“E mafai ona aafia le agaga i le tulaga o iai le tino. O le pogai lena na tuuina mai ai i ai tatou e le Alii le Upu o le Poto. Sa fetalai mai foi o ia e tatau ona tatou vave momoe ma vave feala (tagai i le MFF 88:124), ma e le tatau ona sili atu la tatou taufetuli nai lo tatou malosi (tagai i le MFF 10:4), ma e tatau ona tatou faaaoga le faautauta i mea uma. I lona tulaga laufele, o le tele o meaai tatou te faaaogaina i lona tulaga o iai e aunoa ma le aveese o nisi vaega i lona faamamaina ma le faaopoopo iai o nisi mea, o le tele foi lea o lo tatou ola maloloina. E mafai ona afaina le mafaufau i meaai, ma o le le lava o isi elemene i le tino e mafai ona tupu ai le faanoanoa faalelemafaufau. O le siaki lelei o le tino i lea taimi ma lea taimi e saogalemu ai, ma atonu foi e iloa ai ni mea o faaletonu o le tino e mafai ona togafitia. E taua tele le faia o se malologa atoa ma faamalositino, ma o le savalivali e faasavilivili i le ea fou e mafai ona faafouina ai le agaga. O se vaega o lo tatou talitonuga faalelotu le faia o faafiafiaga, ma e tatau ona fesuiai le va o taimi e aafia ai i faafiafiaga, e oo lava foi i le faamoemoe e o atu i se faafiafiaga e mafai lava ona faagaeetia ai le agaga” (Ezra Taft Benson, “Aua le Atuuvalo o Outou Loto,” O Le Liahona, Fepuari 1975, itulau 35).</p>
Faamatalaga a le faiaga	Ia faamalamalama atu na tuuina mai e le Alii ni taiala patino mo le tausiga o o tatou tino. O le maua o le ola maloloina lelei faapea ma le malosi e faalagolago lava i le lagona e i ai tatou e uiga i nei taiala faapea ma le vave amata ona faia amioga lelei tau le ola maloloina i le olaga. O le a tatou maua faamanuiaga e fuafua i lo tatou usitaia o nei tulafono.
	• O a nisi o faamanuiaga ua folafola mai ia i latou o usiusitai i tulafono a le Alii? (tagai i le MFF 89:3, 18-21).
Talanoaga	O Faamanuiaga e Maua Mai Mea Lelei E Fiafia I Ai Tau Le Ola Maloloina, e Faaauau Atu Lava i Augatupulaga E Le i Fananau Mai Ia faamalamalama atu o le tausiaina lelei e tamaitai talavou o o latou tino i le taimi nei o le a aafia ai lo latou manuia ma le fiafia i le olaga ma o latou tiute i le lumanai i le avea ai o ni ava ma ni tina i lenei augatupulaga. Ia talanoaina ma tamaitai talavou fesili ia e i lalo. <ul style="list-style-type: none"> • Aisea e taua ai le maua o se tino maloloina, ae maise lava i tamaitai? • O le a se taua o lou ola maloloina ia te oe i le taimi nei? • O le a se taua o lou ola maloloina e te maua i le avea ai ma se ava ma se tina i le lumanai? • O le a se afaina o le a oo iai lau fanau e fananau mai i le lumanai ona o le mea o iai lou ola maloloina i le taimi nei?
Suega	Ia faanumera e tamaitai talavou a latou pepa mai le 1 e oo i le 7. Ia tusi e i latou ia le sa'o poo le sese mo faamatalaga uma taitasi e te faitauina atu. Faasa'o le suega.
Suega o le Sa'o ma le Sese	1. O le lē lelei o meaai a se tina e mafai ona aliai mai ai ni faafitauli tugā i sana pepe e le i fanau mai faapea foi ma ia. (Sao) 2. O le lē atoatoa o le tino ma le mafaufau e mafai ona oo atu i se tamaititi e le i fanau mai pe afai e faaaoga pea lava e lona tina le ava malosi i taimi uma. (Sao)

3. O fualaau e pei o heroine, kokeini, ma le mofini e le tupu mai ai se faaaletonu i se tamaititi e le i fanau mai. (Sese)
4. O nisi o faamai e maua mai i feusuaiga e mafai ona tauaso ai se tamaititi e lei fanau mai poo le mafai foi ona aafia ai le tamaititi i le taimi e fanau mai ai. (Sao)
5. O tina e ulaula tapaa i le taimi e mai to ai e maualuga lava le pasene o lefafano o a latou pepe ma le fanau i le taimi e lei tatau ona fanau ai. O a latou pepe e maualalo foi le mamafa faatulagaina i le taimi e fananau mai ai. (Sao)
6. E iai suiga e mafai ona tupu i le tino o le tamaititi e lei fanau mai ona o le faaaogaina e le tina o fualaau LSD. (Sao)
7. O le lē paleni o meaai ma le lē manogi o se meaai i se tamaitai a o talavou e mafai ona mafua ai lona le mauaina o ni fanau i se taimi oi luma o le olaga. (Sao)
- Faamatatalaga a
le faiaoga
- Ia faamalamalama atu o tamaitai talavou e latou te tausia faalelei o latou tino o le a sili atu le soifua maloloina lelei o a latou fanau ma o le a latou fiafia foi i lo latou ola maloloina i o latou olaga.
-

Mau ma le molimau

Faaiuga

Ia faitauina e tamaitai talavou le 1 Korinito 3:16-17. Ia tuuina atu lau molimau e uiga i le taua o o tatou tino ma le taua o le tausia o o tatou tino ia soifua maloloina i le mea e mafai ai.

Faitau atu le
faamatatalaga lenei

“A e tausia le Upu o le Poto . . . ma isi amioga lelei mo le soifua maloloina, o le a e saoloto ma e pulea lou lava olaga. O le a e maua le faamanuiaga o le mauaina o se tino lē faaleagaina, ma le mafaufau mataala, ma le malosi e te maua ai le fesoasoani ma le lagolago a lou Tama Faalelagi e ala i le Agaga Paia” (*Mo Le Malosi o le Autalavou, itulau 13-14*).

Faatinoga o le Lesona

Ia uunaia tamaitai talavou e filifili amioga tau le ola maloloina e latou te mananao e faaleleia, ma uunaiina i latou ia amata loa ona latou faaaoga le taimi e tatau ai mo le faia o lea mea. Ia filifili foi e oe se mea e tasi e tatau ona e faia. Tau atu i tamaitai talavou le mea lea ua e faamoemoe e fai. Ona vaai lea i lea taimi ma lea taimi po ua faataunuina ia uunaiina atili ai e fai.

O taumafaiga faalevasega e pei o polokalama faamalositino, tietiega uila, poo koleniga e mafai ona fesoasoani atu ai i tamaitai talavou e faaaauai ai a latou taumafaiga.

Atinaeina o le Vafealoai ma Lagona

O Le Iloaina O Lo Tatou Taua Taitoatasi

FAAMOEMOEGA O le a malamalama ai tamaitai talavou taitoatasi i lona taua o se afafine o le Atua.

SAUNIUNIGA Ia tofia ni tamaitai talavou e faamatala mai ni tala, mau, poo ni upu sii e te manao iai.

FAUTUAGA MO
LE FAALAUATELEINA
O LE LESONA

Tala

E Taua Uma Lava i Tatou I Le Avea Ai Ma Fanau a Le Atua

O le tala lenei na faamatatalaina mai e Elder Marvin J. Ashton:

"I ni nai vaiaso ua mavae i se aso pito i sili ona leaga iienei, ona o le malosi o le afa kiona, ma e mafua ona ou fai atu ona na fai lava si leaga tele naua o le tau i le taumalulu ua mavae atu nei, na feagai ai se alii talavou aulelei e galue i le vaegaau a le malo ma lana manamea lalelei o le a faaipoipo, ma se tulaga faigata i le la malaga mai i le Malumalu o Sate Leki e faia ai le la faaipoipoga. O le tamaitai e nofo i le isi itu o le Vanu o Sate Leki, ae o le alii e sau mai le isi taulaga e le mamao ese. Na tapunia auala i le tetele o le kiona ma le matagi i le po atoa ma le vaveao. Ina ua mavae itula e tele sa faatalitali ai ma le popole, na mafai loa e nisi o i matou ona fesoasoani ia i laua e o atu i le malumalu ma faataunuina a la fuafuaga mo le la faaipoipoga ao le i uma lena aso.

"Na matua faafetaia e i laua faapea o la aiga, ma uo mo le fesoasoani ma le la manatu alofa i lo la faataunuina o lenei fuafuaga aupito i taua na la tuupoina. Na faailoa mai e la'u uo - o le a tatou faaigoa ia Pili - lona agaga faafetai e faapea, 'Faafetai tele lava mo mea ua e faia ina ia mafai ai ona faataunuina la ma faaipoipoga. Ou te le malamalama pe aisea ua e uia ai nei mau faigata ina ia e fesoasoani mai ai ia te au. O le mea moni lava, o a'u ua na o se tagata noa.'

"Ou te mautinoa na matuai faamaoni lava le faamatatalaga a Pili i lona loto, peitai na ou tali atu iai ma le mautinoa ma lo'u faamoe alofa e faapea, 'Pili, ou te lei fesoasoani lava i se "tagata noa" i lo'u olaga. I le malo o lo tatou Tama Faalelagi e leai se mea e ta'u o se "tagata noa"' " (in Conference Report, Apr. 1973, p. 20; poo le *Ensign*, July 1973, p. 24).

- Aisea ua saunoa mai ai Elder Ashton e faapea "i le malo o lo tatou Tama Faalelagi, e leai se tagata e ta'u o se 'tagata noa' "?
- Aisea e lagona ai e se tasi o ia o se tagata noa?
- O ai ea oe i le malo o le Atua?

Ia faamalamalama atu e taua i tatou uma i le avea ai ma fanau a le Atua. I le faaaauauina mai pea e Elder Ashton o lana saunoaga, na ia faapea mai ai, e le fiafia lo tatou Tama Faalelagi pe a tatou faapea ifo i ai tatou lava o ni "tagata noa". I le avea ai ma fanau a le Atua, o i tatou o "se tasi".

Talanoaga

Talanoaga o le mau

Ia sue e tamaitai talavou le Mataupu Faavae ma Feagaiga e 18:10 ia latou aoao ai i se mataupu taua o le talalelei.

- Aisea e taua tele ai tagata taitoatasi uma lava i le Tama Faalelagi ma lona Alo o Iesu Keriso?

Ia mautinoa ua malamalama tamaitai talavou o tagata uma lava o fanau a le Atua, ma e alofa ia i tatou uma lava e sili atu nai lo mea e mafai ona tatou iloa. Na totogiina e Iesu Keriso le tau mo i tatou taitoatasi i lona tuuina atu lea o lona soifua mo i tatou ma tigaina ina ia togiola mo a tatou agasala.

E Ia Te I Tatou Taitoatasi Le Agavaa mo le Silisilise

Upu sii

Ia faamalamalama atu e toatele tagata latou te lagona o i latou lava o ni tagata masani e le mafai ona latou tuuina atu ni mea tulaga ese i le olaga. Ae na auina mai e le Alii tagata taitoatasi i le lalolagi ma se misiona taua e faataunuina. Na saunoa mai Epikopo H. Burke Peterson e faapea:

“O se tasi o lu’itau sili o le faatoilaloina lea o le lagona e le taua i tatou, e le faapitoa i tatou ma tulaga ese. Pe iai ea se taimi ua e manatu ai na auina mai e le Tama Faalelagi se tasi o ana fanau i lenei lalolagi i se auala faafuasei, e aunoa ma se faamoemoega o se galuega patino e faataunuina? . . .

“A'u uo pele e, o outou o se tupulaga tautupu. Na faamoemoaina outou tou te o mai i le lalolagi i lenei taimi mo se faamoemoega faapitoa. E le na o se vaega o outou, ae o outou uma. E i ai mea mo outou taitoatasi tou te faia e le mafai ona faia e se isi e pei foi o outou. Afai tou te le saunia e faia, o le a le faia lava. O la outou misiona e tutusa ma tulaga ese mo outou. Faamolemole aua nei outou tuuina atu i se isi lo outou avanoa. E le mafai e ia lena ona faia e pei ona outou faia. Afai o le a e faatagaina o Ia, ou te molimau atu o le a ouluva savavali faatasi ma lo tatou Tama oi le Lagi i le faigamalaga o le olaga ma musuia oe ina ia e iloa lou faamoemoega faapitoa iinei” (“Your Life Has a Purpose,” New Era, May 1979, pp. 4-5).

Tala

Ina ia fesoasoani i tamaitai talavou ia malamalama e faapea o tagata masani lava e mafai ona faia ni mea silisili, ia faamatala atu le tala lenei:

O George A. Smith o se alii talavou o ia ina ua faatoa liliu mai i le Ekalesia, ae faatoa uma lava ona faavaeina le Ekalesia. I le taimi lena na matuai sauaina ai lava tagata o le Au Paia i le setete o Misuri, ma e toatele na tulieseia mai o latou aiga. I le 1834 na taitaiina atu ai e le Perofeta o Iosefa Samita se vaega pe tusa ma le lua selau alii mai Katedani i Ohio, o iina sa iai le ofisa autu o le Ekalesia, agai atu i itumalo o Jackson i Misuri. O le igoa o lenei vaega o le Tolauapiga a Siona, ma sa latou savalia le fia afe o maila i la latou savaliga. O lo latou faamoemoega o le toe faafoiina atu lea o tagata o le Ekalesia i o latou fale ma fanua.

O George A. Smith na pito i laititi ai lava o le vaega. O se alii e sefuluono tausaga ma lapoia, ae faalemasani i le avea ma se fitafita. Na saunia e lona tina sona ofuvae mai se ie tusitusi o le faamalū ma sana ato faafafa mai nai fasi ie na iai. Na tuuina atu e lona tama ia te ia se pea seevae fou ma se fana tuai. Ina ua mavae nai aso o le latou savaliga, na matuai leaga lava ona vae i ona seevae, ua masae lona ofuvae, ma ua leaga foi lona pulou. E faale-lelei ona foliga. Ae sa mafai lava ona moe George i totonu o le faleie o le Perofeta ma faalogologo atu i le tele o ana fautuaga ma faatonuga i alii o le latou vaega. Na ia aoao i aso taitasi mai faataitaiga ma aaoaoga a Iosefa Samita.

Na savavali nei alii i le tele o maila i aso taitasi ma sa le mafai ona momoe i le po ona o le vevela ma le susū. O namu ma lago na avea ma faasoesa i le olaga, ma e le lava ma leaga meaai. Na faapea mai George o le vai i luga atu o le laufanua, e tumu i iniseti ninii e gai’o'i solo, ma na ia aoao e faamamaina ese i ona nifo pe a ia inuina. E toatele ni alii na faitio leotetele i le leaga o lea tulaga, ae sa mulimuli pea ma le naunautai ia George i faatonuga uma a le Perofeta.

Ina ua taunu le Tolauapiga a Siona i Misuri, na latou iloaina ai e le lagolagoina i latou e le kovana, e pei ona ia folafolaina atu o le a ia faia, ia latou taumafaiga ina ia toe maua mai o latou fale ma fanua. O le faamoemoega o lenei savaliga umi ma le faigata e foliga mai ua le aoga, ma sa matuai le fiafia lava nei alii. O nisi lava na toe faitio i le alii perofeta.

Ae peitai, mulimuli ane, o le taua o le savaliga na matuai manino lava. O i latou o e na tumau ma faamaoni i le Alii ma lana perofeta i lenei faigata umi naua, na latou aaoaina ai ni tomai faaletatai ma atinae se malosiaga mai a latou fegalegaleaiga ma Iosefa Samita. O le toatele o taitai o le Ekalesia i ona pōpō fou na filifilia mai nei alii faamaoni o le Tolauapiga a Siona.

O George A. Smith, o se alii talavou e sefuluono tausaga ma faalemasani, na faauuina o se Apostolo i le lima tausaga mulimuli ane. Na ia auauna faatasi mulimuli ane ma Brigham Young o se uso o le Au Peresitene Sili. O mea na ia aaoaina mai le Tolauapiga a Siona na saunia ai o ia i le tulaga taitai mo se taimi umi. Na o le pau lana mea sese o lona vaai maualalo lea i lona avanoa silisilise.

Talanoaga

- O a ni auala e pei ai i tatou o George A. Smith a o talavou i nisi taimi?

Ia faamalamalama atu o nisi taimi e le mafai ona tatou vaai i faamanuiaga ma sauniuniga a le Alii mo i tatou. Atonu tatou te lagona le lē masani ma le lē taua. Ae pei o George A. Smith, e mafai ona tatou tumau ma le faamaoni i le Alii ma ana perofeta ma tatou faia mea silisili, ma o le a iai se aso o le a tatou iloa ai ua saunia e le Alii i tatou ina ia tatou auauna atu ma le totoa i lona malo.

Faamatalaga
a le faiaga

E Tofu Uma i Tatou ma Vaivaiga Na e Mafai Ona Avea ma Malosiaga

Ia faamalamalama atu, i le olaga lenei e tofu uma lava i tatou ma vaivaiga e taofia ai i tatou mai le avea ma tagata silisili e tatau ona iai. Ae e mafai ona tatou foaina nei vaivaiga i le mea e gata mai ai lo tatou malosi ma atinaeina o ni malosiaga.

Tala

Faamatala atu le tala lenei i le vasega:

“Afai e ia te i tatou le naunau ia tatou taaaalo lelei i le taalogia o le olaga, ma afai tatou te taumafai pea lava ma faaaoao, e tatau lava ona tatou tumau seja oo i le iuga. E tatau ona tatou naunau e faatoilalo o tatou vaivaiga ma tumau ai iina i le taumafai ia maua so tatou ai e tusa lava pe o a toatuga. I le 1960 sa faia ai taalogia a le Olimipeka i Melepone i Ausetalia. O iina i le tulaga o le tagata e manumalo na tulai mai ai se tamaitai Amerika aulelei, umi ma enaena lona lauulu. Na tuuina atu ia te ia le pine auro. Na taufai faaili uma atu tama ma faapea atu, ‘O le tamaitai le la ua ia maua mea uma.’

“Na tafe ifo ona loimata i ona alafau ao ia tago atu ma aumai le pine auro. O le toatele o tagata na manatu na ootia lona loto i le taualumaga o le manumalo. O le mea na leiloa e le toatele o le aofia, o le tala i lona naunautai. I le lima o ona tausaga sa maua ai o ia i le ma'i pipili. Ina ua alu ese le ma'i ma ia, sa le toe mafai ona ia faaaogaina ona lima ma ona vae. Na ave o ia e ona matua i se faatanoa aau ma lo la faamoemoe o le a fesoasoani le vai ia te ia e tuu ai i luga ona lima a o ia taumafai e faaaoao e toe faaaoga ona lima. Ina ua mafai ona ia sii i luga lona lima mai le vai i lona lava malosi, sa tagi o ia i le fiafia. Ona fai ai lea ma ana sini le aau i le lautele o le faatanoa, ona aau ai lea i le umi o le faatanoa, sosoo ai ma le aau ma saga aau i le umi o le faatanoa. Sa taumafai pea lava o ia seja oo ina manumalo o ia i le pine auro i le tuuga aau i le Olimipeka i Melepone i Ausetalia. O se tasi lea ituaiga aau sili ona faigata (butterfly). O le a se mea e tupu pe ana fai e faavaivai pea Shelley Mann? O le a se mea e tupu pe ana fai e le aoao o ia e tumau?” (Norma Ashton, “Be a ‘Most Valuable Player,’ ” Improvement Era, Sept. 1965, p. 787).

Talanoaga

- Na faapefea ona aafia Shelley Mann i lea faama'i?
- O a ni ona uiga na aafia ai ana mea sa faia?
- O le a se mea na tatou aoaoina mai lana faataitaiga?

Talanoaga o le mau

Faitau faatasi le Eteru e 12:27.

- Aisea e tuuina mai ai e le Alii ia te i tatou vaivaiga?
- O ai e fesoasoani ia i tatou ina ia avea mea vaivai ma mea malolosi?
- O a ni mea e tatau ona tatou faia ina ia maua ai faamanuiaga o lo o folafolaina mai i le mau?

Ia faamalamalama atu afai tatou te faatuatua i le Alii ma faia mea uma tatou te mafaia, o le a mafai ona tatou faatoilaloina o tatou vaivaiga ma atinaeina se malosiaga tatou te manaomia e auauna atu ai ma le totoa ma le lelei i le Alii.

Atonu e te manao e fetufaaai atu se mea na tupu ia te oe i lou faatoilaloina o se vaivaiga ma atinaeina se malosiaga. E mafai foi e tamaitai talavou ona fetufaaai mai ni o latou manatu.

Faaieu

Mau

Toe faitau le Mataupu Faavae ma Feagaiga e 18:10. Ia tuuina atu lau molimau o tamaitai talavou uma lava i lau vasega e silisili lo latou taua i le Tama Faalelagi ma Iesu Keriso. O i latou uma e iai le avanoa e avea ai o ni auauna taua a le Alii.

FAAMOEMOEGA O le a iloa ai e tamaitai talavou taitoatasi o le alofa lelei mo ia lava e faateleina ai lona naunau e alofa atu i isi.

SAUNIUNIGA 1. Ia tofia se tagata o le vasega e faamatala mai le tala ia Enosa e pei ona iai i le Enosa 1:1-18.
2. Ia tofia ni tamaitai talavou e faamatala mai ni tala, mau, poo ni upu sii e te manao iai.

FAUTUAGA MO
LE FAALAUATELEINA
O LE LESONA

Faatomuaga

Fai atu i tamaitai talavou e iloilo le fesili lenei: O a ni uiga o se tagata e fiafia ia te ia lava? Ia tusia i luga o le laupapa manatu o tamaitai talavou ao tuuina mai. O manatu atonu e aofia ai mea nei:

E fiafia o ia.
E alofa i tagata o lona aiga ma ana uo.
E naunau na te faaalia ona sese.
E na te iloa mea o lo o manaomia e isi.
E mafai ona aoaoaina o ia.
E manao na te faafiafiaina isi.

Ia faamalamalama atu afai o le a lelei le lagona o le tagata ia te ia lava o le a fiafia ma mafai ona auaua atu i isi.

E Manaomia lo Tatou Alolofa ia i Tatou Lava i le Ala Sa'o

Faamatalaga
a le faiāoga

Ia faamalamalama atu e faigata i nisi taimi ona talia le manatu faapea e tatau ona tatou alolofa ia i tatou lava. Atonu o le a tatou faapea e tatau ona tatou alolofa atu i isi tagata, ae le o i tatou lava. Atonu o le a tatou faapea pe mafai faapefēa ona tatou alolofa ia i tatou lava e aunoa ma le iai ia te i tatou o le loto fefete.

Talanoaina o le mau

Ia faamalamalama atu na fetalai mai le Faaola lava ia ina ia tatau ona tatou alolofa ia i tatou lava. Ia faiāuina e se tagata o le vasega le Mataio e 22:36-39.

- O a ni mea o ta'u mai i nei fuaiupu e uiga i lo tatou alolofa ia i tatou lava?

Ia faamalamalama atu o lo o manino ona aoao mai i tatou e nei fuaiupu ina ia tatou alolofa atu i isi, ae o lo o aoao mai foi ina ia tatou alolofa ia i tatou lava. Na fetalai mai le Faaola e tatau ona tatou alolofa atu i isi e pei ona tatou alolofa ia i tatou lava. O lona uiga e tatau ona tatou alolofa ia i tatou lava e pei ona tatou alolofa atu i isi tagata.

Ia faamanatu atu i tamaitai talavou o lo o iai ni pogai sili e tatau ai ona tatou alolofa ia i tatou lava: o i tatou o fanau a le Atua, e tele a tatou taleni e mafai ona ofoina atu i isi, ua i ai tatou le agavaa e faatoilalo ai o tatou vaivaiga ma faamalosia, ua ia te i tatou le agavaa e avea ai faapei o le Atua i se aso.

- Aisea e te manatu ai e taua tele ona tatou alolofa ia i tatou lava? Ia tuuina atu i tamaitai talavou latou te talanoaina.

Ia mautinoa ua latou malamalama i manatu nei:

1. O i tatou o fanau a le Atua, ma afai tatou te le alolofa ia i tatou lava, o lona uiga ua tatou le faaaloalo i mea na foafainā e le Atua.

	<p>2. A tatou le fiafia ia i tatou lava, o le a masani ona tatou faanoanoa ma ta'uleaogaina. O le a le mafai foi ona tatou auauna atu i le Alii.</p> <p>3. O se tagata e le alofa ia te ia lava, e masani lava ona le mafai ona alofa atoatoa i isi tagata pe malamalama foi i le ala e mafai ai ona alofa isi ia te ia.</p> <p>4. A le fiafia se tagata ia te ia lava, o nisi taimi ua taumafai o ia ia maua le lagona o le talaina ma alofaina, i lona tuu lea i lalo o ia lava ia faamalieina ai isi tagata.</p>
Faamatalaga a le faiaga	<p>Ia faamalamalama atu o le alofa sa'o lava o le tagata ia te ia lava e le o se loto fefete poo se faamaualuga. O se tagata e alofa ia te ia lava i le ala sa'o na te iloaina o ia o se afafine o le Atua, ma e alofa le Atua ia te ia, ma e tele ana taleni. Ae na te iloaina foi o isi tagata o fanau foi a le Atua ma e tatau ona ia faaaogaina ana taleni e auauna atu ai ia te i latou.</p>
Talanoaga i le laupapa	<p>Fai atu i tamaitai talavou e ta'u mai ni auala e mafai ona latou faailoa mai ai latou te alolofa ia i latou lava i le ala sa'o. Ia tusi i luga o le laupapa o latou manatu ma talanoaina taitasi. Atonu e aoga le faamatalaga lenei e fesoasoani e faamalamalama ai nisi o auala:</p> <p>“Afafai e te alofa moni ia te oe lava, o le a e manatua o oe o se tagata faaletino, faalemafaufau, ma faaleagaga. O lou alofa ia te oe lava e pei ona finagalo ai le Atua ia te oe, o lona uiga ua e faaaogaina le malamalama e puipuia ai lou olaga, ma tausia lou ola maloloina ia mafai ai ona faataunuuiina lau misiona i le lalolagi. . . .</p> <p>“O le malosi faalemafaufau e aofia ai le iloa o le mamalu o le Atua o le malamalama lea. O le iloa o lenei mea, o le a e naunau ai ia faateleina lou malamalama ma le poto ma e alo ese ai mai tusitusiga faatalafatu, ata tifaga, ma talanoaga e faapogisaina ai lou mafaufau. O le a tatou alolofa i ai tatou lava i le ala sa'o ma naunautai i aoaoga a le Alii ma teuteuina o tatou manatu i le mama e le aunoa.</p> <p>“O lou tausia o oe lava ia e ola mama, o lou alofa lava lena ia te oe i le auala sa'o. . . .</p> <p>“O lou faamagaloina o oe lava ina ua lava ona e salamo i se agasala sa e faia, o se vaega taua lena o le alofa o le tagata ia te ia lava. . . .</p> <p>“O le faatusatusaina o oe lava i isi e mafai. . . ona tupu mai ai ni lagona leaga poo le lelei foi. . . . Ia e talia oe lava o se tagata faapitoa e aunoa ma lou faatusatusaina o oe i isi. O lou faia o lenei mea o le a fesoasoani ia te oe ia e alofa ia te oe lava i le ala sa'o e aunoa ma le loto fefete” (Clark Swain, “Q & A,” <i>New Era</i>, Mar. 1979, p. 38).</p> <p>Ia faamalamalama atu o se tamaitai talavou e alofa moni ia te ia lava, na te tausia o ia ina ia ola maloloina, ia ola mafaufau, ola mama, ma agalelei atu i tagata uma.</p>
Upu sii	

A Tatou Alolofa ia i Tatou Lava O Le A Mafai Ona Tatou Alolofa Atu i Isi	
Faamatalaga a le faiaga	<p>Ia faamalamalama atu afai tatou te aoao ia tatou alolofa i ai tatou lava, o le a saunia lelei ai i tatou e faalautele atu lo tatou alofa i isi. Afai e taua o tatou manatu i ai tatou lava, o le a mafai foi ona taua o tatou manatu i isi.</p> <ul style="list-style-type: none"> • Aisea e te manatu ai o se tamaitai talavou e alofa ia te ia lava o le a sili atu foi ona mafai ona auauna atu i isi tagata? Ia tuuina atu i tamaitai talavou latou te talanoaina. <p>Atonu o le a latou tuuina mai ni manatu faapenei: E tatau ona tatou lagona e taua i tatou, ma i ai se mea e mafai ona tatou tuuina atu a o tatou te lei maua le lagona mautinoa e fesoasoani i isi; afai o le a na ona tatou popole atoatoa lava e uiga i o tatou lava faafitauli, o le a leai se taimi poo se malosi e totoe i ai tatou e fesoasoani atu ai i isi; afai tatou te alolofa i ai tatou lava, o le a sili atu ona tatou mautinoa o le a alolofa foi isi i ai tatou ma mananao ia tatou fesoasoani i ai latou.</p> <p>Ia faamalamalama atu, ia tatou faitau i le Tusi a Mamona e uiga ia Enosa, le atalii o Iakopo o le atalii ia o Liae. Sa aaooina Enosa e lona tama ia faatuatua i le Atua, ae sa ia le faaaogaina mea na ia aaooina seia oo mai i le taimi lea.</p> <p>Fai atu i tagata o le vasega na tofiaina e faamatala mai le tala ia Enosa e pei ona maua i le Enosa 1:1-18. Ona talanoaina lea o le tala ia faaaoga ai fesili e pei o fesili nei:</p> <ul style="list-style-type: none"> • O le a se mea na faia e Enosa ina ia mafai ai ona faamagaloina ana agasala? (Na ia faatuatua ia Keriso, ma sa ia tatalo atu i le ao atoa ma le po.)
Tala	

- Na faapefea ona ia iloa ua faamagaloina ana agasala? (Na ia faalogoina le siufofoga o le Alii o fetalai mai ia te ia ua faamagaloina o ia.)
- O ai sa manatu iai o ia i le taimi lava na ia faalogo ai i le afioga a le Alii? (O ona uso, le au sa Nifaē ma le au sa Lamanā .)
- O le a se mea na ia manao ia faia e le Alii mo ona uso? (Ia faasaoina se tala tusia ina ia mafai ai e a latou fanau ona iloa le upu moni, pe afai ae le toe faatuatua tagata ma faumatia.)
- Aisea e te manatu ai sa manatu popole o ia i ona uso ina ua uma ona faamagaloina e le Alii ana agasala? Ia tuuina atu i tamaitai talavou latou te talanoaina.

Ia faamalamalama atu faapea, ina ua ia iloa e alofa le Alii ia te ia ma faamagalo i ana agasala, sa ia maua se lagona filemu i totonu ia te ia, ma alofa ia te ia lava nai lo se isi lava taimi muamua. Ina ua ia lagonaina lenei alofa ma le filemu, na faatumuina o ia i le alofa tele i ona uso ma manao ia faamanuiaina i latou e le Alii. Faitau le Enosa 1:19 e faaali atu ai faapea, ina ua mavae lea mea sa faaaluina loa E Enosa aso na totoe o lona olaga e taumafai e aoao ma fesoasoani ai i ona uso.

Upu sii

Ia faamalamalama atu, a o tatou faaali atu lo tatou alofa i isi e ala i a tatou upu ma galuega, tatou te maua ai se faalogona lelei e uiga i ai tatou lava. O le tele ona tatou alolofa i isi, o le faigofie foi lena ona tatou alolofa i ai tatou lava.

Na saunoa mai Peresitene Spencer W. Kimball e faapea: “E avea i tatou ma ni tagata pito maoae e ala i lo tatou auauna atu i isi. E faateleina lo tatou taua i lo tatou auauna atu i isi - e moni e faigofie atu ona tatou ‘maua’ i tatou lava aua e tele nisi tulaga o i tatou e tatau ona maua!” (“Small acts of Service,” *Ensign*, Dec. 1974, p. 2).

“O alii uma lava ma tamaitai o o tatou uso ma tuagane ua auina mai i le lalolagi e galueaiina lo tatou faaolataga, ma ua siomia tagata taitoatasi uma i faafitauli, ma fia maua e tagata taitoatasi uma le fesoasoani ma le alofa. Ua tatou faataunuina le fuafuaga a le Atua pe afai tatou te manatu taua i ai latou ma fesoasoani ia latou lagona a tatou upu ma galuega, e mafai ona latou maua, ma e taua i latou, ma o i tatou uma lava o fanau a le Atua. Afai tatou te ola i le poloaiga lenei a le Atua, o le a toe foi mai i ai tatou le manatu taua o i tatou i ai tatou lava, o se meaaalofa mai ia i latou na tatou manatu taua i ai” (Alice Colton Smith, “Let Every Man Esteem His Brother as Himself,” *Relief Society Magazine*, Aug. 1968, p. 625.)

Fai atu i tamaitai talavou e fetufaai mai ni mea na tutupu ia i latou i ni o latou lagona e uiga i ai latou lava ona sa latou fesoasoani atu i se isi. Ia saunia e tuuina atu foi ni ou lava lagona.

Faaiuga

Ia faamalamalama atu o le savali o lo o tusia i le Mataio 22:36-39 o lo o toe ta'uina mai pea i tusitusiga paia o ona po nei. Faitau le Mataupu Faavae ma Feagaiga 38:24. Faamanatu atu i tamaitai talavou a o tatou aoaoina ia alolofa ia i tatou lava i le auala e tatau ona faia ai, o le a mafai ona tatou auauna atu i o tatou uso a tagata ma maua ai se lagona lelei e uiga ia i tatou lava.

O le Faalagolagoina

FAAMOEMOEWA	O le a malamalama ai tamaitai talavou taitoatasi i le taua o le faalagolagoina.
SAUNIUNIGA	<ol style="list-style-type: none"> 1. Aumai se uati. 2. Ia saunia ni pepa ma ni penitala mo tagata uma o le vasega. 3. Ia tofia ni tamaitai talavou e faamatala mai ni tala, mau, poo ni upu sii e te manao iai.
FAUTUAGA MO LE FAALAUTELINA O LE LESONA	Faatomuaga
Lesona faatino	<p>Faaali atu le uati.</p> <p>Ia faamalamalama atu o se uati lelei poo se isi lava ituaiga uati, e taua tele pe afai e sa'o le taimi e ta'u mai ai. Ae tusa poo le a le manaia o se uati e faia i auro poo ni maa taua, e itiiti lava sona aoga pe afai e le mafai ona e faalagolagoina na te ta'uina mai le taimi sa'o.</p>
E Taua Tele Le Faalagolagoina	
Faamatalaga a le faiaoga	<p>Ia faamalamalama atu faapea na fuafuaina e se vasega a tamaitai talavou ma lo latou fautua se galuega latou te faia e fesoasoani atu ai i se tina matua ua maliu lana tane o Sister Morgan, i le faamamaina lea o lona lotoa. Sa tautino atu e tamaitai talavou o le a latou iai i le tale o Sister Morgan i le 9:00 i le taeao o le Aso Toonai ma a latou salu, suo, se moavao, ma oti laau mo galuega i le togalaau. I le Aso Toonai, sa na o le fautua ma se tamaitai talavou e toatasi na iai i le tale o Sister Morgan. E ui lava ina sa laua galulue mamafa sei oo ina ua ta le 1:00 i le aoauli, ae sa mafai lava ona la faataunuina e sili atu nai lo le la sini aua na o le toalua sa taumafai e faia le galuega a le toasefulu.</p>
Talanoaga	<p>Ia talanoaina pe faamata o le a ni lagona na oo i ai laua ia e toalua na tausia a la tautinoga.</p> <ul style="list-style-type: none"> • O le a se tiutetauave na iai i isi tamaitai o le vasega? • O a ni outou lagona agai i tagata e faia ni a latou tautinoga ae te'i ua le tausisi iai?
Laupapa	Ia talanoaina le uiga o le faalagolagoina. Ia tusi i le laupapa nisi o uiga e mafai ona faamatalaga mai ai se tagata faalagolagoina. (E mafai ona aofia ai i le lisi upu ia e pei o le faamoemoeina, faatuatuaina, maelega, mau'a'i.)
Upu sii	<p>A o faiataina atu upu sii nei, ia fai atu i tamaitai talavou ia faalogologo lelei mai i faataitaiga o tagata ua avea ma faatusa o le lē faalagolagoina. Ona fai lea i tamaitai e mafaufa i ni tagata i o latou olaga latou te faalagolagoina. Atonu o nisi nei o i latou e avea ma faataitaiga: o matua, faiaoga, epikopo, ave pasi, poo se fomai.</p> <p>"E iai se manatu mai i se filosofia mai Saina o Confucius o lo o ta'u mai ai le pogai e tutupu ai ni faafitauli e tele faaletagata ma faapea ma faafitauli lautele. 'O se tagata e le faalagolagoina, e matua leai lava sona aoga,' na ia saunoa mai ai. Ua faaalia mai i lenei faamatalaga le tele o mea sese i fesootaiga faaletagata - e le faalagolagoina, e le mafai ona faamoemoeina tagata e faia la latou vaega, e faia mea na latou fai mai o le a latou faia i le taimi e manaomia e faia ai. Ma o le pogai lea o le aliali mai i lea aso ma lea aso o le atuatuvale ma le faanoanoa. E faapea mai se tasi o le a ia saunia se mea pe a oo atu i lenei taimi, ae oo atu i ai e leai se mea ua saunia. E faanoai ae se tasi se mea na te faaaogaina ma faapea mai o le a ia toe totogiina maia pe toe faafoi mai i se taimi, ae le toe totogiina maia lava pe toe faafoi mai. E sainia e se tasi se feagaiga ma le loto iai e faia se galuega ae te'i ua na le faia. E mafai ona matua umi lava le lisi. O le tele lava o taimi e iai ni mafuaaga le maalofia e mafua ai, ae o nisi taimi e tutupu ai ona o le lē faalagolagoina—ma o nisi</p>

tulaga e le gata ina tiga ai le loto ae oso ai foi ma le fefe. O nei mea uma lava atonu e mafai ona faatusatasa i se faamalu lele (parachute) e na o sina taimi e matai ai, ia pe o le tu foi i taofi o se taavale e le o lelei uma. . . . Faapea la e le mafai ona tatou faalagolagoina folafolaga a le Atua. Faapea e le mafai e tagata o le vateatea ona faalagolago i fuafuaga ua uma ona faapolokalamaina e isi tagata mo a latou malaga i le vateatea, pe le mafai foi ona faamoemoeina le lalolagi e taamilo i le taamilosaga ua faalagolagoina e taamilo ai. Faapea e le mafai ona tatou faalagolagoina le tai, poo le la, poo vaitausaga foi. E le mafai ona te'i ua iai se olaga pe afai e te'i ua tupu mai fua nei tulaga, ae seloga e iai se faalagolagoina, faamoemoeina, ma le faamaoni, atoa ma le tumau, ona mafai lea ona tatou faalagolagoina nei mea. ‘O se tagata e le faalagolagoina, e matua leai lava se aoga’” (Richard L. Evans, “Reliable Once in a While,” *Ensign*, Oct. 1971, p. 9).

Mau

Fai atu i tamaitai talavou e sue ma faitau le Mataupu Faavae ma Feagaiga e 82:24.

- O a faamanuiaga o lo o teuina mo i latou o e tumau?

Faamatalaga
a le faiaoga

Fai atu i tamaitai talavou e mafaufau mo sina taimi e uiga i se taimi na latou le faia ai se mea na latou folafolaina atu e fai. Fai atu i ai latou e faamatala mai pe o a ni o latou lagona.

- O a nisi vaega o lou olaga e manaomia ona faalagolagoina ai oe? O le talanoaga e mafai ona aofia ai tiutetauave o le tagata lava ia i le fale, aoga, lotu, ma le galuega.

Mau

Ia sueina e le vasega ma faitau le 1 Nifae 3:7. Ia talanoaina uiga o Nifae ma le tulaga na avea ai o ia ma auauna maoae a le Alii ona o ona uiga.

Ia faamalamalama atu afai e tuuina mai ia te i tatou ni tiutetauave, o se mea lelei le tuuina atu o i tatou i lena tiutetauave e pei ona sa faia e Nifae ina ua valaauiina o ia e le Alii i se galuega faapitoa.

O Le Faalagolagoina e Fesoasoani ia i Tatou ia Faateleina le Loto Mautinoa ma le Alualu i Luma

Talanoaina o le tala

O le tala lenei na faamatalaina e Peresitene N. Eldon Tanner, ua ta'u mai ai le taua o le ola e tusa ma lo tatou talitonuga ma le taua o le faalagolagoina:

“Na faapea mai ia te au i se tasi aso se tamaloa ou te masani ai o se faatonu i se kamupani tele lava, ma o se taitai foi faalemalu: ‘Na matou valaau atu mo ni tagata talosaga o e ua saunia e talia se galuega i totonu o le malo. E tele tagata na talosaga mai, ae na o le toasefulu na matou filifilia. A o matou iloiloina lena toasefulu, na matou iloa ai o le isi o i latou o se tagata o la outou ekalesia, ma na faapena lava ona matou vave filifiliaina o ia.’

“Na ou fai atu, ‘Aisea na outou filifilia ai o ia?

“Na ia faapea mai, ‘Aua na matou iloa o le a le alu o ia e tafao i le po; na matou iloa e mafai ona matou faalagolagoina o ia, ma na matou iloa o le a faia e ia le galuega na tofia ia’” (“Dependability,” *Ensign*, Apr. 1974, pp. 4).

- E faapefea ona maua e tagata o le Ekalesia se ituaiga uiga faapena?
- O le a sou lagona pe a e faalogo e uiga i ni ituaiga tagata faapena?

Upu sii

Fai atu i tamaitai talavou e mafaufau e uiga i o latou lava olaga ao latou faalogologo mai i fesili o lo o i le upu sii lenei:

“E tatau i aso taitasi ona tatou faatali ma fesili ifo ia te i tatou lava: Pe o faalagolagoina ea au? Pe lava ea lo'u malosi ma ou naunau ia avea au ma se ituaiga tagata e mafai ona faalagolagoina e tagata uma? E tele ni tagata o lo o siomia i tatou e fai ma faataitaiga o i latou na maua ni avanoa e avea ai ma tagata lelei ma mafai ona maua ni galuega lelei, ma mafai ona fesoasoani atu i le lalolagi, ae peitai na le taulau o latou moomooga ona sa le tonu ia i latou e faia na mea, ma sa le lava lo latou malosi e taofia ai i latou i luga atu o na faamoemoega, ma tetee atu i faaosoosoga na oo atu ia i latou” (N. Eldon Tanner, “Dependability,” p. 4).

Faamatalaga
a le faiaoga

Ia faamalamalama atu afai e faalagolagoina i tatou, o le a le gata ina tatou alualu i luma ia tatou galuega, ae o le a tatou alualu foi i luma o ni tagata o le Ekalesia. A tatou faataunuuiina o tatou tiutetauave, tatou te maua se faalogo lelei e uiga ia i tatou lava. E tatou te le tau faia ni sisio e uiga i a tatou amioga pe nanā foi mai matua, tagata ao lafoga, taitai o aoga, poo le epikopo, poo soo se tasi lava o taitai ia i tatou. E mafai ona

tatou maua le lagona o le faalagolagoina i totonu ia i tatou lava, ma o le a faaaloalogia foi i tatou ma faalagolagoina e isi.

Tala

Ia tuuina atu i se tamaitai talavou e faitauina atu le tala lenei:

“Na tilotilo Cindy i le uati o lo o i luga o le faitotoa. . . . Matuai vave tele le alu o le itula ma sa ia le talitonu o lea ua toeitiiti ta le tasi. . . .

“‘Toe fai se isi a ta taaloga [tenisi],’ na fai atu ai Donna. ‘O le taaloga lena na uma atu nei o se mea mao. E faigofie lava ona e malo nei.’

“‘E le mafai ona ou taalo,’ na tali mai ai Cindy. ‘Toe lava o le taimi ou te tamoe ai i le fale lea e totoe, ou te alu ou te taele ae ou te le i alu atu i le falemai e fesoasoani ia Mrs. Holt i tala ma galuega taulima.’

“‘Oi, se matuai e valea!’ le tauemu atu a Donna ma atigū. O se mea valea tele lena mea e faaalu ai le taumafanafana, o le faaalu o ni aoauli se lua i le vaiaso e faifai mea faatasi ai ma tamaiti mama‘i.’

“‘E umi se taimi o le a nonofo ai tamaiti la i le falemai. E matua lagona lava e i latou le lagona o le tuua toatasi, ma sa ou folafola iai ou te alu atu,’ le tala lea a Cindy.

“‘Ia ta taaalo tau o le taaloga lea, e mafai lava ona fai se isi a ta taaloga e tasi,’ le tausisi mai lea a Donna. ‘E le faapea ua taua tele oe. O oe lava na e fai mai e le tele ni au mea e faia.’

“Na mafaufau pea Cindy i lenei mea i le tele o taimi. Na o le pau lava lana mea e fai o le tufa atu o pepa ma penivali poo seleulu poo soo se mea lava e manaomia. Ma sa fesoasoani foi o ia e tulei nofoa faataavalevale o tamaiti ma savavali i o latou tootoo. . . .

“‘Se ta mai le polo Cindy,’ o le fai mai lea a Donna ma lona le onosai.

“Na fefaataavaleai solo e Cindy le polo i luga o lana pate, ona lūlū lea o lona ulu. Donna, e le mafai ona ou taalo. Na ou tautino moni atu lava iai ou te alu atu, ma e le fetaui lena mea!’. . .

“Na faavave atu Cindy e taele ma sauni e alu atu i le falemai. Na popole o ia nei te‘i ua tuai, o lea na ia tamoe ai i poloka e valu mai lona aiga agai atu i le falemai.

“Na tiga ona vae a o faatopetope atu i luga lana savali i fasitepu o le falemai, ma totonu o le falemai agai i le potu na faatalitali mai ai tamaiti. Na to laititi lona sela a o ia tatalaina atu le faitotoa.

“‘E le i amataina e Mrs. Holt ona faitau atu ia tala,’ sa ia faapea ane ai ia te ia lava. ‘O lona uiga e foliga mai ou te le i tuai.’

“‘Ua sau Cindy!’ o le valaau lea a Dennis ina ua vaai atu ia Cindy. Na faasimā uma vae o Dennis e amata mai ona suilapalapa faasolo atu i lalo, ae sa le taitai lava manao e na te misia ia tala.

“Na faliu uma atu foi ma isi. ‘Cindy! Cindy! na latou valaau atu ai. E pei lava o se pese.

“Na ataata Mrs. Holt, ae sa vaaia e Cindy e iai se mea o faaletonu i lenei tamaitai laulu sinā e masani lava ona tali faatasi mai ma tamaiti.

“‘E te faama‘ima‘i?’ o le fesili lemu atu lea a Cindy.

“Na lūlū le ulu o Mrs. Holt. ‘Ua alu le aso o niniva lo‘u ulu. Sa ou leiloa pe mafai ona ou faatali sei e sau. Ia ae o lea ua e sau, ou te iloa o le a lelei mea uma.’

“Na faalogoina e Cindy le vevela a‘e o ona foliga, i lona manatua o le faaososoina o ia e Donna e nofo e toe fai se isi a la taaloga tenisi.

“‘Ou te le manao ou te alu ae tuu oe Cindy,’ o le tala lea a Mrs. Holt. ‘Ae e alolofa uma lava tamaiti ia te oe o lea e mafai ai ona ou alu i le fale ae ou te le toe tau popole fua. O se mea lelei tele lo‘u iloa e mafai ona ou faalagolagoina oe. Talu ai ona na o oe i le asō, atonu e lelei pe a e faitauina atu iai ni nai tala.’ . . .

“E lei faitauina muamua lava e Cindy ni tala i tamaiti. I le taimi muamua sa pei e tete lona leo ma pei e leo laititi ia te ia lava, ae na faasolosolo mai lava ina ua maua lona to‘a.

“‘Lelei tele lau faitau,’ le tala a Dennis. ‘E lelei e pei lava o isi tagata.’

"Na ata ia Cindy ma pōpō lemu le lima o le tamaititi. 'E mafua ona o outou uma lava o au uo.'

"Na vave ona uma atu lena aoauli - na vave tele.

" 'E te toe sau, a ea?' Na fesili atu ai Dennis ina o le a alu ese atu ia Cindy. 'Na e fai mai tatou te uo,' na ia toe faaopoopo atu ai ma le talotalo.

"Na toe foi atu Cindy ma fusi mai ia te ia. 'Tatou te uo. Ma ou te toe sau - ou te tautino atu.'

Ina ua tuua e Cindy le falemai, na ia iloa o le a ia tausia lana folafolaga - i soo se taimi e manaomia ai o ia.' " (Lucy Parr, "Nothing Important," *Friend*, June 1973, pp. 43-45).

Tālanoaga

- O le a sou manatu o le a se lagona na oo ia Cindy e uiga ia te ia lava?
 - Faamata o ai e mafatia pe ana fai e le tausia e Cindy lana tautinoga?
-

Faaīuga

Upu sii

E le tatau ona *toeitiiti* lava a faalagolagoina i tatou, ae e tatau lava ona faalagolagoina *pea*. Ia tatou faamaoni i nai mea iti, faapea foi i mea tetele. Pe mafai ea ona faalagolagoina au e faataunuuna soo se tofiga, pe o se [lauga e faia i le lotu], aoaoga i aiga, se asiasiga i se tagata mai, poo se valaauga e avea ma se faifeatalai a le siteki poo le misiona?" (N. Eldon Tanner, "Dependability," p. 5).

Faamatalaga
a le faiaoga

Ia faamalamalama atu e na o lo tatou tausia o a tatou tautinoga ma le talia atoatoa o le tiutetauave, e faaali ai lo tatou aoga moni, e pei lava ona faaali mai e le uati lona taua pe afai e mafai ona faalagolagoina e ta'u mai ai le taimi sa'o.

Faatinoga o le Lesona

Ia faia e tagata o le vasega se lisi o a latou tiutetauave mo le vaiaso a sau - o mea e pei o sauniga ma fonotaga faalelotu, feau e faia i le fale, tiutetauave faaleaiga, meaaoga, ma mea uma faapena. Ia uunaiia i latou e faia ni a latou tautinoga o le a faalagolagoina i latou i le faia o nei mea.

FAAMOEMOEWA	O le a saunia ai tamaitai talavou taitoatasi e feagai ma fesuiaiga.
SAUNIUNIGA	<ol style="list-style-type: none"> Ata 16, O se Anufe ua Liu Pepe. O lo o maua i le pito i tua o le tusi lesona. Afai e mafai, ia faia ni kopi o lenei ata mo tagata uma o le vasega. Fai atu i se tagata asiiasi mai poo se tagata o le vasega e faamatala mai se mea na ia oo i ai na alualu lelei ai lava mea uma i se fesuiaiga. Ia tofia ni tamaitai talavou e faamatala mai ni tala, mau, poo ni upu sii e te manao i ai.
FAUTUAGA MO LE FAALAUATELEINA O LE LESONA	Faatomuaga <p>Ia faamalamalama atu o se pepe e amata ona tupu mai se fuapepe ma tupu seja oo ina avea ma anufe. E fausia e le anufe se 'afu'afu ma nofo ai iina i se vaitaimi e foliga mai o lo o malolo, ae peitai o iina e liua vave ai o ia, o le taimi lea e faigofie ai lava ona faatamaia e ona fili, o se vaitaimi tulaga faigata. I le faiuga la o lea vaitaimi, afai e velasia tele ai lona tino, o le a le fefete lelei ai ona apaaau; afai o le a mago, o le a le malosi lelei. Ae afai o le a lelei mea uma, o le a avea le anufe ma mea na faamoemoeina ai - o le avea lea ma se pepe poo se lelefua.</p>
Ata	Faaali atu le ata o le anufe o lo o liu pepe. Ia faamalamalama atu e pei lava i tatou o le anufe, e tatau ona tatou oo i se suiga. O le suia - pe suia i totonu poo fafo, poo le faaletino poo le faaleagaga - o le a mafai ona matagofie atili ai i tatou pe afai e suia e tusa ai ma le fuafuaga a le Alii.
O le Suiga o se Vaega Masani o le Olaga	
Faamatalaga a le faiaga	Ia faamalamalama atu o le olaga e le faapea e tumau e le suia. O aso uma lava e aumaia ai se suiga i o tatou olaga. Ua ta'ua mai e faapea, e leai se mea e sili atu le tupu soo mai e pei o le suiga, aua o o tatou olaga e suia i taimi uma ma atinae.
Talanoaga i le laupapa	Fai atu i tamaitai talavou e ta'u mai nisi o suiga atonu e tutupu mai i olaga o tagata uma lava poo le olaga faaleaiga. Ia tusi a latou tali i luga o le laupapa. Atonu e aofia ai i o latou manatu vaega nei e pei o fanau mai, faaipoipo, oti, galuega, aoga, misiona, siitia ese atu i se isi mea, faavaeina se aiga. Atonu o isi manatu e aofia ai le maua i ma'i, faasolosolo ina matua, faalavelave faafuasei, tetea ma le toalua, leai se galuega, faatamaia o mea totino i se mu poo se lolo, ma le tele o tupe po o le leai o se tupe.
Faamatalaga a le faiaga	Ia faamalamalama atu o nisi o nei suiga e foliga mai e manaomia a o nisi e foliga mai e le manaomia. O se tulaga tupu fua lava lo tatou tulimatai atu i suiga e manaomia, ae o nisi taimi e tatou te mafaufau ai faatamaititi e leai ni suiga taua i o tatou olaga ma olaga o o tatou aiga e faapea e le manaomia.
Talanoaga	<p>Tagai i suiga o lo o tusia i le laupapa, ma fai atu i le vasega e manatunatu pe aisea e faigofie ai pe faigata ai isi suiga ma pe aisea latou te auamaia ai le tiga poo le fiafia.</p> <p>Ia faamalamalama atu o nisi taimi e oo lava i suiga lelei e mafai lava ona faigata.</p> <ul style="list-style-type: none"> • O a nisi o suiga e moomia atonu e manaomia ai ni fetuunaiga faigata? <p>Ia faamalamalama atu, mo se faataitaiga lenei, tatou te tulimatai atu i le faaipoipoga o se taualumaga fiafia. Peitai o nisi taimi e faanoanoa ai matua ona o le a le toe nofo mai ai le la tama faatasi ma i laua, ma atonu o le a faigata foi i le teine poo le tama faaipoipo ona alu ese atu o ia mai le lagona saogalemu sa iai i lona aiga. O se tamaitai talavou e alu ese</p>

atu o ia ma lona aiga ona o aoga poo se galuega, atonu ua faia e ia suiga moomia, ae atonu o le a maua ai e ia se lagona le saogalemu ma ma'i manatu ai. O se tamaitai talavou e tatau ona aoao na te tausia o ia lava i mea tau tupe, atonu o le a aoaoina e ia mea e tele, peitai atonu foi o le a tatau ia te ia ona matua tautiga ma faia ai e ia ni suiga i le ituaiga olaga e ola ai.

Faamatalaga
a le faiaoga

Ia faamalamalama atu i tamaitai talavou o suiga na latou talanoaina e mafai ona tutupu mai i olaga o tagata uma ma aiga uma i le taimi nei poo le lumanai. Soo se mea lava poo soo se taimi e tutupu mai ai ni suiga, e manaomia ina ia tatou malamalama, o se vaega lena o le tofotofoga i le olaga faaletino.

Upu sii

Na faamanatu mai e Peresitene Spencer W. Kimball i ai tatou e faapea: "Na tatou iloa lava a o tatou te lei fananau mai, na tatou o mai i le lalolagi ia maua ni tino ma le poto masani, ma na tatou iloa o le a tatou maua le olioli atoa foi ma le faanoanoa, o le tiga foi ma le lagona mafana, o mea faigofie ma mea faigata, o le ola maloloina ma le ma'i, o manuia ma faanoanoaga, ma na tatou iloa foi o le a tatou oti. Na tatou taliaina uma lava nei mea ma le loto fiafia, ma na tatou naunau e talia mea lelei atoa ma mea leaga" (*Tragedy or Destiny* [Provo: Brigham Young University Press, 1972], pp. 8-9).

E Mafai Ona Tatou Aoao ia Faamasani Lelei i Suiga

Faamatalaga
a le faiaoga

Ia faamalamalama atu o nisi taimi e saoloto ai i tatou e filifili suiga e oo mai i ai tatou, ae o nisi taimi tatou te le saoloto ai. Ae tatou te saoloto pea e filifili pe o le a le mea tatou te faia pe a oo mai suiga. A tutupu mai ni suiga i o tatou aiga, aemaise lava suiga e lei faamoemoeina ma lē moomiaina, e mafai lava ona tatou faamasani lelei iai.

Upu sii

Faitau atu le upu sii lenei:

"E iai se uiga i tagata faapea o suiga o se fili. O le toatele o i tatou e masalosalo i suiga, ma e masani lava ona tau ma tetee ia i ae tatou te lei maua pe o le a tonu lona uiga moni. Afai o le a manatunatu lelei ma le faaeteete i le suiga, o le a mafai ona maua se tulaga aupito tauia ma le loloto i le olaga" (Marvin J. Ashton, in Conference Report, Oct. 1979, p. 87; poo le *Ensign*, Nov. 1979, p. 61).

Talanoaga

- O a ni mea e mafai ona iloa ai le ituaiga tali e te tali atu ai i se suiga? Tuu atu i tamaitai talavou latou te talanoaina.

Ia faamalamalama atu o le mea aupito i taua lava e fesoasoani i se tagata e talia lelei ai se suiga e oo mai, o le faatuatua lea i le Alii atoa ma lona malamalama o le a Ia taitaiina o ia ma fesoasoani ia i tatou.

Tala

Faitau atu le tala lenei e faailoa ai le mafai e se tasi ona ia talia lelei o se suiga ona o lona faatuatua i le Alii.

"I se tasi Aso Toonai mafanafana ia Mati, na ou tei ane ai i luga i le suluia o o'u mata e le la i le taeao. A o momoe lava pea le isi vaega o lo matou aiga, sa ou tago atu loa fai o'u ofu ma ou alu ma fesavaliai i lo matou fanua i laau na matou totoina ai . . . A o o'u matamata i togalaau sa totoina atoa ma lo matou fale fou ma ona galuega uma lava, na oo mai ia te au le agaga faafetai ona o mea matagofie i le lalolagi ma le fiafia ua faamanuiaina ai i matou.

"Sa ma faailogaina ma lo'u toalua le luasefulu tausaga talu ona ma faaipoipo, ma na faatasi i le aso atoa. Na ma o atu ma aai i se tasi o faleaiga ma te pito i fiafia lava iai. Na ma manatunatu i tausaga o le ma mafutaga, lo ma liliu mai i le Ekalesia, le fananau mai o le ma fanau e toafitu, atoa ma sini ma faamoemoega na ma faataunuina. Na ma manatua ma le fiafia lo ma tootutuli faatasi ai i le fata faitaulaga i le Malumalu o Sate Leki i tausaga e iva na lumanai ai.

"I le faaiuga o lea aso faailogaina mo i ma'ua, na ma sauni atu ai e auai i le sauniga o le konafesi faalesiteki sa faia i le po o le Aso Toonai. A o solomuli ese atu le ma taavale, sa ou liliu atu ia Fili ma faapea atu, 'Pe e te mautinoa e leai se afaina o lo'u ofuina o le palausi mumu sesega lenei?'

"Na ia tali mai, 'E te aulelei lava i soo se ofu!'

"O upu mulimuli lava na ou te manatuaina na fai mai ai lo'u toalua ia te au.

A o ma tietie atu i le ma taavale agai atu i le falesa, na oso a'e se loli laititi agai i le ituala lea e alu atu ai le ma taavale. Na taumafai le avetaavale e pasia mai i tua isi taavale i se vaimea e iloa gatā atu ai e isi taavale o lo o omai. Na iloa e Fili ua le manuia taumafaiga uma ina ia foaina le fetaui o taavale ma o lea na oso mai ai loa ma faapau i o'u luga ina ia puipua au.

"O le isi leo na ou faalogoina o leo o tagata na o mai e laveai i ma'ua sa latou tipieseina apa o le ma taavale. Ina ua ou toe malamalama, na ou iloa ai ua oti lo'u toalua. E leai se isi na tau ta'uina maia ia te au. Ae ui i lea a o oo mai le malamalama ia te au, na faatumulia lo'u tino atoa i le to'a ma le filemu. Na musumusu mai le Agaga ia te au, 'ua uma le ola o Fili.' 'O le a lelei mea uma. O lou ola ua i o'u lima lea.'

"I le totonugalemu o nei fenumiaiga, o popolega, ma le aveesea o se tasi e sili ia te oe, e leai se isi taimi na sili ai ona ou malamalama muamua e pei o le taimi lenei, i le filemu na faasino iai Keriso ina ua ia fetalai mai: 'Ou te tuuina atu ia te outou le filemu, o lo'u filemu ou te avatu ia te outou: ou te le avatu ia te outou e pei ona avatu e le lalolagi. Aua le atuatuvale o outou loto, aua foi tou te matatau.' (Ioane 14:27)

"Na ou tigaina i le gau o lo'u ua ma isi o'u manua. Ae peitai i le taimi na avatu ai au i le falemai na fesiliglia au e le fomai ma ou lagonaina ai le popole o lo'u epikopo ma le peresitene o le siteki, sa ou tumau pea i le filemu. 'Aisea ua popole uma ai tagata?' Sa ou ofo. 'Pe latou te leiloaina ea o le a lelei mea uma?' . . .

Ina ua ou toe foi atu i lo'u aiga mai le falemai, sa taatia mai pea i luga o le ma pusatu i le mea sa ou tuuina ai i vайaso e fa ua te'a, le tusi faamanua na tuu mai e Fili ia te au o le ma aso faailogaina. Sa ou toe lagona ai foi le Agaga filemu a o'o toe fatauina upu na tusia ai e faapea: 'E le mafai ona ou malamalama i le tulaga o le a oo iai pe a tumau pea ona faaaauau lenei fiafia ma lenei alofa e tuputupu a'e seia oo i le faavavau. Ma le alofa tele lava, o Fili' " (Edith Rockwood, "Peace I Leave With You," *Ensign*, Apr. 1983, p-p. 30-31).

Talanoaga

• O a ni mea na fesoasoani i lenei tamaitai ina ia ona maua le lagona filemu i se taimi faigata o se suiga?

Talanoaga o le mau

Ia fatauina e tamaitai talavou le Ioane 14:27.

• Aisea e eseese ai le filemu na tuuina mai e Keriso ma le filemu o le lalolagi? (O lona filemu e faaaauauina ona i ai pea lava pea ma i tatou e tusa lava pe o a mea e tutupu mai ia i tatou.)

Faamatalaga a tagata
taitoatasi

Fai atu i le tagata asiasti poo se tasi o le vasega e faamatala mai se mea na oo iai, o se faataitaiga lelei o le mafai ona faamasani i se suiga e oo mai. O ia tulaga e mafai ona aofia ai le ma'i manatu i le alu ese atu i le aoga poo le misiona, faamasani e siitia atu i se isi nofoaga e nofo ai, le fefe i le fou atu i se aoga, le taulau fuafuaga faapitoa sa faia, faamasani i tulaga e faaletonu ai le tino poo le mafaufau, faamasani ma se faalavelave faafuasei poo se malu, poo nisi mea faapena.

Afai e lava le taimi, atonu e mananao tagata o le vasega e fetufaai mai ni tulaga na latou oo iai. Atonu e te manao e faamatala atu foi se mea na e oo iai.

Faaiuga

Faamanatu atu i tamaitai talavou talu ai e oo mai i olaga o tagata uma lava ni suiga, e ao i ai latou ona latou talia ma saunia mo na suiga. O lo tatou faalatalata atu i le Alii ma lo latou iloa e mafai ona atinaeina ai i latou mai lena suiga, o le a mafai ai ona latou faafeagai ma le lumanae e aunoa ma le fefe. Ia tuuina atu i tamaitai talavou ia kopi o le ata o le pepe, ia fesoasoani ia i latou e manatua ai e mafai ona latou faaaoga suiga e faaleleia ai o latou olaga.

Faatinoga o le Lesona

Ia fautua atu i tamaitai talavou ia latou talanoaina i a latou afiafi faaleaiga manatu o le lesona lenei ma faaaogaina i nisi o taualumaga faaleaiga o lo o faaalia ai se suiga.

FAAMOEMOEGA	O le a saili tamaitai talavou taitoatasi e faalelei atili ana fegalegaleaiga ma isi.
SAUNIUNIGA	<ol style="list-style-type: none"> 1. Ia saunia ni penitala ma ni pepa mo tamaitai talavou taitoatasi. 2. Ia tofia ni tamaitai talavou e faamatala mai ni tala, mau, poo ni upu sii e te manao iai.
FAUTUAGA MO LE FAALAUATELEINA O LE LESONA	Faatomuaga
Pepa Lautele ma le talanoaga	Ia faamalamalama atu faapea, sa tusia e se fatu solo ma o se alii faifeau foi i totonu o Peretania i le senituri sefulufitu, o John Donne, se solo na ia faapea mai ai, "E leai se tagata e tu faamauga" (Meditation 17). Atonu e te manao e tusi le fuaipu lenei i luga o le laupapa poo le faaali atu foi i luga o le pepa lautele. Fai atu i tagata o le vasega e talanoaina poo le a le uiga o lea faamatalaga.
O Le Tuputupu A'e e Mafua Mai i Fegalegaleaiga ma Isi	
Faamatalaga a le faiaga	Ia faamalamalama atu o le manaomaina o isi tagata o se vaega o le fuafuaga a le Alii. Ua auina mai i tatou i lenei lalolagi o se vaega o ni aiga, e matuai faalagolago atoatoa i isi, ma e tatou te manaomia ia fegalegaleaiga ma isi tagata i o tatou olaga atoa. Na silafia e le Atua lenei tulaga manaomia ina ua ia tuuafatasi Atamu ma Eva i le faatoaga o Etena ma ia fetalai atu faapea "e le lelei ina toatasi o le tagata" (Kenese 2:18).
Talanoaga	<ul style="list-style-type: none"> • O a ni auala e manaomia ai e i tatou isi tagata? Tuu atu i tamaitai talavou latou te talanoaina. <p>Atonu o le a latou ta'uina mai tatou te faalagolago i isi mo le puipuiga ma ia ola (aemaise lava pepe ma tamaiti laiti), ia aoaoina ma faatonutonuina, mo le foaiaina o faafitauli ma le faataunuina o galuega, mo le alofagiaina ma le maua o le olioli.</p> <ul style="list-style-type: none"> • O a ni auala e fesoasoani mai ai isi tagata ia i tatou ina ia tatou tuputupu a'e? <p>Ia tufa atu ia tofu tamaitai talavou taitoatasi ma se pepa ma se penitala. Fai atu iai e fai se lisi o nisi o mea na latou faataunuina faapea ma taleni.</p> <p>A maea loa ona latou faia lena lisi ona fai atu lea i ai latou taitoatasi e ta'u mai i le vasega nisi o mea o latou tusia i a latou lisi. Ia talanoaina e le vasega pe na faatupuina faapefea nei mea ua faataunuina poo taleni. Ia fesoasoani i tamaitai talavou ia latou iloa e ui lava e tatau ia i latou ona galulue ina ia faatupuina nisi o ia taleni, e le mafai e i latou ona faataunuina nisi o nei taleni e aunoa ma le fesoasoani iai o isi tagata. E pei o le faataitaiga lenei, e le mafai e se tamaitai talavou ona alu i le aoga e aunoa ma le fesoasoani a ona matua, au faatonu o aoga, faiaoga, ma tagata totogi lafoga. E le mafai e ia ona aoao e vali ata, taina se laau pese, tomai i se taalogea, pe faiaoga foi i se vasega e aunoa ma le aoaoina o ia e se tasi. E oo lava i le maua o se molimau e faalagolago lava i aoaoga ma faataitaiga a isi.</p>
Gaoioiga tusitusi	<p>Talanoaga o le mau</p> <p>Fai atu i tamaitai talavou e sue le Mataupu Faavae ma Feagaiga e 46:11-12. Ia faamalamalama atu o lo o fetalai mai le alii i nei mau e uiga i meaalofa faaleagaga.</p> <ul style="list-style-type: none"> • Pe tofu uma tagata ma se meaalofa faaleagaga? Pe tofu meaalofa uma tagata? <p>Ia faamalamalama atu ua tuuina mai e le Alii i tagata taitoatasi ni meaalofa faaleagaga, ma o le tele o a tatou meaalofa e eseese. Ua faamoemoeina e Ia i tatou ia tatou faaaoga</p>

meaalofa ua tatou maua e faaatoatoaina ai o tatou olaga ma faamanuiaina ai tagata o lo o siomia i tatou. Ua toe fetalai mai foi le Alii i lenei mau ia i tatou e uiga i lona manaomia tele o i tatou e fetufaaai ma isi nei meaalofa ma faatupuina.

	E Mafai Ona Tatou Aoao Ala e Faaleleia Atili ai a Tatou Fegalegaleaiga ma isi Tagata
Faamatalaga a le faiaoga	Ia faamalamalama atu e finagalo le Alii ia tatou aoao e faatamaoagaina e le tasi le olaga o le isi. Ae o le tele o tagata ua latou lagona faapea ua le lava lo latou lelei e tusa o le mea o loo latou loto i ai, i le atinaeina o se vafealoai aoga ma le faamalieloto ma isi. Ia faamalamalama atu e mafai e se tagata ona aoaoina ni taleni e manaomia e atinae ai se vafealoai ma isi.
Talanoaga i le laupapa	<ul style="list-style-type: none">• O a ni mea e mafai ona tatou faia e faaleleia atili ai a tatou fegalegaleaiga ma isi? Ia tuuina atu i tamaitai talavou latou te talanoaina, ma tusi o latou manatu i luga o le laupapa. Atonu e te manao e faamamafaina atu manatu nei:<ol style="list-style-type: none">1. Ia naunau e aapa atu i isi.2. Aua le faitio pe faamasino atu i isi.3. Tatalo ia maua le alofa e sili atu mo isi.Ia loloto le talanoaina o nei manatu ma tamaitai talavou, i le faaaogaina lea o o latou manatu ma fautuaga nei. <i>Ia Naunau e Aapa atu i Isi</i> Fai atu i tamaitai talavou e mafaufau i ni fesootaiga pito sili ona taua ma fiafia se lua pe tolu a i latou ma isi.<ul style="list-style-type: none">• Pe iai nisi o nei fesootaiga na atinaeina e aunoa ma lau fesoasoani ma au taumafaiga? O a ni mea sa tatau ona e faia ina ia lelei ai nei fesootaiga?Ia faamalamalama atu e tatau ia i tatou i taimi uma ona naunau e aapa atu i isi a o le i mafai e i tatou ona faatupuina se fesootaiga ma i latou. E le mafai ona tatou nofonofa ma faatalitali ia i latou se'i o mai ia i tatou.<ul style="list-style-type: none">• O a nisi o mafuaaga e fefefe ai tagata e aapa atu i isi ma taumafai e avea ma a latou uo? (Atonu e matamuli lena tagata, fefe i se mea o le a mafaufau ai le isi tagata e uiga ia te ia, pe ona o le tele foi o le faapalapala e taumafai.)• O a ni avanoa mo le tuputupu a'e atonu o le a misia e se tamaitai talavou pe afai e matamuli e aapa atu i isi? (Atonu o le a misia e ia avanoa e fetufaaai atu ai le talalelei, aoaoina ai ni lesona aoga mai nisi, olioli ai i fiafiaga e mafai ona maua mai i le na o le faatasai ai ma isi, poo le auai i gaoioiga faavaega.)Ia faamalamalama atu e masani lava ona mafai ona foaina e se tamaitai talavou lona matamuli e ala lea i lona ua'i atu i isi tagata nai lo ona lava lagona. Fai atu i tamaitai talavou e mafaufau e uiga i le tulaga lea: Faatoa tofia lava Karen e avea ma peresitene o lana vasega a Tamaitai Talavou. Sa leiloa lelei e ia tamaitai o lana vasega ona e matamuli i soo se isi lava e le i masani muamua iai. Na lagona e ia le lofituina o ia i le tiutetauave o le tatau ia te ia ona faamasani i tamaitai talavou ma fesoasoani ia te i latou. Na fefe o ia i faapea teine o ia o se taitai le lelei pe faapea foi e le lelei e pei o i latou.<ul style="list-style-type: none">• O le a se mea e mafai ona faia e Karen e fesoasoani ai ia te ia maua e ia le lototele e faataunuina ai ona tiutetauave?• O a ni mea atonu o le a misia e Karen pe afai e le faatoilaloina e ia lagona o le matamuli?<i>Aua le Faitio pe Faamasinoina Isi</i> Ia faitauina e tamaitai talavou le Mataupu Faavae ma Feagaiga e 88:124. Ia faamalamalama atu le fuaitau lea, "Ia tuu le faipona o le tasi i le tasi."<ul style="list-style-type: none">• O le a sou manatu aisea na poloaiina ai i tatou e le Alii ia aua le vaai atu pe mafaufau e uiga i pona o isi poo o latou sese? (E faigofie atu i ai tatou ona alofa i isi ma fesoasoani iai
Tulaga aoaoina	
Mau	

pe a tatou vaai atu i mea e malolosi ai, nai lo o latou pona; tatou te le iloa mea uma e uiga i isi tagata, ma o le mea lea e le o so tatou tulaga le faamasinoina o a latou amio; a amata loa ona tatou vaavaai atu i ni pona, o le a le mafai ona tatou iloa le lelei o isi tagata.)

Tala

Faitau atu le tala lenei e faailoa atu ai le taua o le lē faitio.:

“ ‘Na fesili Martha ia Tanya pe na ia iloaina le lē tumama o le isi tamaitai lea latou te potu faatasi. E lei iloaina e Tanya. Ae ina ua uma ona ta'u atu iai e Martha, sa amata loa ona ia maitauina. O le mea moni lava, ua amata ona faalavelave ia te ia. Na ia iloaina mulimuli ane, o ona lagona faitio e uiga ia Paula ua faalavelave i le la'ua masaniga faaleuo.

Sa faapea ifo Tanya ia te ia lava, “O le a se eseesege o le siitiaina a'e i luga o se tasi nai lo le tuleiina i lalo ina ia faafoliga atu ai o i tatou o ni tagata lelei.” Na ia iloaina e pei lava ona tatou manaomia le alofa ma le lagolagoina mai isi, ua faapena foi ona latou manaomia ma fia maua mai ia i tatou.

Fai atu i tamaitai talavou e mafaufau i se taimi na latou faitio ai se tasi o a latou uo. Ona fai atu lea i ai e mafaufau pe faamata o le a se lagona e oo i ai latou pe afai o lo o faitio mai foi isi tagata ia i latou e pei ona latou vaai atu i le isi tagata. Pe latou te faamoemoeina isi ia alolofa ia sili atu lo latou alofa ia i latou nai lo lo latou alolofa i isi?

Tatalo mo le Alofa Silisili

Talanoaga o le mau

Fai atu i tamaitai talavou e faitau le Moronae 7:46-48.

- O le a se mea o fai mai ai Moronae poo le a le alofa?
- Aisea ua outou manatu ai e tatau ona tatou tatalo atu i le Atua mo lenei alofa? (Afafai tatou te mananao e aoao ia alolofa e pei o Keriso, e tatau ona tatou maua lona fesoasoani i le faatupuina o lo tatou naunau ia alolofa.)

Pe e te tatalo atu ea ina ia e maua le naunau e alofa tele atu ai i se tagata faapitoa?

Ua faamatalaina mai i tala nei auala e mafai ona tatou faatupuina ai se fesootaiga malosi ma isi tagata. A uma ona faitau atu tala taitasi, ona fai atu lea i tamaitai talavou e talanoaina se mea na faia e le tagata o lo o ta'u mai i le tala e atinae ai le fesootaiga.

Tala

“Na o uma lava tamaitai talavou o la matou uarota i se latou gaoioiga na faia i se fale i luga o le mauga ma momoe ai. O Siera e matamuli ma le mautonu, ma o le taimi muamua lea faatoa auai i lea gaoioiga. O nisi o i matou na nonofo i lalo o le fola o le fale i lena afiafi ma fai a matou taalogia. E le i taalo muamua lava Siera ia i lea taalogia. Ae o au ma isi tamitai e masani ona matou taaalo ai i le taalogia. Na ou taalo i le malosi ou te masani ai ma le mataalia, i lo'u naunau lava ia sili la'u taalo i taimi uma e oo mai ai le faasologa, ma na maualuga lava lo'u loto i le tauvaga. O taimi uma lava e oo mai ai ia te au le avanoa ou te taalo ai, na amata ona ou vaaia le filemu ma le taalo mafaufau o Ana, se tasi tamaitai talavou. Sa le pine ae ou iloa o taimi uma lava e taalo ai o ia, e taalo faaeteete lava ina ia alu ai i luma ia Siera, ina ia malo mai Siera nai lo o le maua e ia o avanoa uma i taimi uma e oo atu ai ia te ia le faasologa. I le faaiuga la, sa le malo Siera, e le i malo foi Ana poo se isi lava o tamaitai e toalua na matou taaalo. Na ou malo i le taalogia, ma na ou iloaina mulimuli ane ai, na ou aoaoina se lesona e le galio ia te au: Sa ou le taalo i le taalogia ina ia ou malo ai. Na ou malo i le taalogia, ae semanu e sili atu lo'u fiafia pe ana malo Siera.

- O le a se mea o lo o ta'u mai e le tala e uiga i le tagata lea o lo o tautala? O le a se mea o lo o ta'u mai e uiga ia Ana? O le a moni lava se mea e taulia pe a taaalo faatasi i se taalogia se aega o tagata?

Tala

O se tasi tamaitai talavou o Diana lona igoa na te talisapaia lava se mea na faia e sana uo lelei mo ia e aunoa ma le tau faatonuina i se vaitaimi faigata o lona olaga. Ina ua sefulufitu ona tausaga, na matuai loto vaivai ai lava Diana. Na oo ina faateteleina lona loto vaivai ma oo ai lava ina manaomia ni togafitiga faafomai. Ina ua faalogo lana uo o Rachael e uiga i lenei mea, na fuafuaina lemu loa e ia ia mautinoia ia avanoa o ia i soo se taimi lava e manaomia ai o ia e Diana. E oo mai i le asō o lo o telefoni atu pea uo a Diana ia te ia, ma talatalanoa iai, savalivaliga uumi, taaalo tenisi, ma talanoaga uumi i mataupu e aofia ai lona ma'i, ma fesoasoani ia te ia e toe maua le malosi atoatoa i le tino ma gaoioiga.

- O a ni taleni faapitoa na faaalia e Rachel? O le a se taui o Rachael mo ana taumafaiga uma?

Faamatalaga
a le faiaoga

Faa'iuga

Ia faamalamalama atu na tuuina mai i tatou e le Alii mo le tasi i le tasi ina ia mafai ona fesoasoani atu i isi ina ia tuputupu a'e ma saunia mo le ola e faavavau. Tatou te faalagolago uma lava le tasi i le tasi ina ia avea ma tagata sili e tatau ona iai.

Faatinoga o le Lesona

Fai atu i tamaitai talavou taitoatasi e tusi se lisi o auala e mafai ona faaleleia atili ai e ia se fesootaiga e tasi i lona olaga. Fai atu iai e galue i nei mea i isi vaiaso o lo o sosoo ai.

*O Le Puleaina o Meatotino
a le Tagata Lava Ia*

Foiaina o le Ola i Faigata

FAAMOEMOEGA

O le a aoaoina ai e tamaitai talavou taitoatasi o le fuafua lelei ma le faautauta e mafai ai ona aloese mai le ola i se olaga faigata.

SAUNIUNIGA

1. Ia saunia ni penitala ma ni pepa mo tagata uma o le vasega.
2. Ia faia se lisi o faamatalaga nei i se pepa pe tusi foi i luga o le laupapa: Aloese mai le faia o mea e le taua; Ia faaleleia atili uiga galue ma suesue; la iloa le mea e agavaa ai ma le mea e le mafai ona faia.
3. Ia tofia ni tamaitai talavou e faamatala mai ni tala, mau, poo ni upu sii e te manao iai.

FAUTUAGA MO
LE FAALAUTELINA
O LE LESONA

Tala

Faatomuaga

Faamatala atu le tala lenei:

“Ina ua uma le meaai a Elena ma lona aiga, na alu loa o ia toe faitau lana pepa o lana galuega na tusia e pei ona faatonuina ai e le faiaoga, ma ina ua uma ona ia toe faasaoina mea e lua na sese i le lolomiga i le laau lomitusi, na tago loa o ia tuu i totonu o se faavaa palasitika lanu samasama. Sa ia mafaufau ifo faapea, ‘Luasefulufitu itulau.’ ‘Ou te faamoemoe o le a le toe iai se pepa faapenei le umi ou te faia. Ou te mautinoa o le a matuai fiafia lava lo matou faiaoga o Mr. Gilliam i lenei mataupu. Na tago Elena tuufaatasi lana pepa ma isi ana meaaoga. ‘Ua ou fiafia lava na ou tusia i le taimi na ou amataina ai aua semanu e le taitai ona uma e ave i le faiaoga taeao,’ lona mafaufau lea. ‘E tele naua mea o lo o faamoemoeina mai e le faiaoga lena mai ia te i matou tamaiti aoga o le tausaga i’u.’ Ina ua uma ana meaaoga, na alu atu loa i lalo Elena e matamata le televisie ma lona tuagane laitiiti a o le i o atu e momoe.

“E tolu fare i le faasolo atu agai i lalo o le atufalega lava lea e tasi, e nofo ai Paula le isi tamaitai o le vasega a Mr. Gilliam o mataupu lautele, o lo o faatopetope foi lana ia ‘ai i le meaai manaia na faia e lona tina, ae faapea atu, ‘Ia malie oe mama leaga ua tatau ona ou faatopetope ae ou alu atu e amata ona tusi la’u pepa o le aoga - ma faauma!’ ma faavave atu loa i lona potu. Na tumu luga o lana laulau tusitusi i pepa na tusia ai ni faamatalaga, ma o le tele lava o na pepa e manino mai na ia tusia faatatope. ‘O le mea sili na ou alu tusi mai nisi au faamatalaga mai au suesuega na faia i le faletusi anapo, ina ia mafai ona ou lolomiina i le laau lomitusi i le po atoa pe a tatau ai ia te au.’ Na ia tago tulei ese isi pepa ae sii ane iai lana laau lomitusi, ona ia tuu loa lea o le pepa i totonu o le laau lomitusi ma tilotilo i le faaupuga o pepa na ia tusia. ‘Na o le pau le mea e tatau ona ou faia o le aua le lolomiina le faaupuga lea na tusi faatatope muamua’ ma ia mapuea, ‘ae tuu ai foi le faaupuga lona lua lea na tusi faatatope. E tatau ona ave le pepa lenei taeao i le faiaoga ne’i te’i ua ou le pasi i le vasega. Ao amata ona ia taina lana faamatalaga e tasi o le pepa lea o le a faaaogaina e Mr. Gilliam e filifili ai le afa o ona togi i le kuata, sa ia faapea ifo, ‘O afea ea ou te aoao ai ia vave amata se mea?’ (na siitia mai le tusi a Ron Woods, “Taking Control of Your Life,” *New Era*, Sept. 1980, p. 12).

Talanoaga

Pe o le fea le tagata e te soo iai? O le fea pepa e sili ona faagaeetia ai le faiaoga? O le fea tamaitai e sili atu ona lelei ou lagona e uiga ia te ia?

E Mafai Ona Tatou Aloese Mai Se Olaga o FaigataFaamatalaga
a le faiaoga

Ia faamalamalama atu o le olaga o se mea e fausiaina mai i ni filifiliga laiti. E faamalosia i tatou i lea taimi ma lea taimi o le aso e filifili ai se isi tonu nai lo le isi, e auai i se gaoioiga e tasi ae tuu le isi. E taua tele lo tatou filifili ma le poto.

Upu sii	<p>Na saunoa mai Peresitene Spencer W. Kimball e faapea: O Iesu . . . na aoao mai le taua o le faaaogaina tatau o o tatou taimi. O lona uiga e le faapea o le a leai se taimi e fiafia ai, aua e tatau ona iai se taimi e mafaufau ai ma faafouina ai, ae e le tatau ona faamaumauina se taimi. O lo tatou fuafuaina lelei o o tatou taimi e taua tele, ma e mafai ona avea i tatou ma ni tagata lelei i le puleaina o le taimi e aunoa ma le faatatope poo le faasa'oina. O le taimi e le mafai ona toe faaaogaina. A ua pasi lava lea taimi, ua alu lava. O gaoioiga e le taua e mafai ona avea ma pulega sauva e pulea ai taimi o tagata. E taofia pea e gaoioiga e faafiafiaina ai i tatou nisi mea e avea ma pologa, ma tumau ai pea le le faia, ma ua tatou faatagaina ai pulega sauva e faaaauauina pea. O le puleaina ma le poto o taimi o le mea moni o le puleaina foi lea ma le poto o i tatou lava" ("Jesus: The Perfect Leader," <i>Ensign</i>, Aug. 1979, p. 6).</p>
Faamatalaga a le faiaoga	<p>Ia faamalamalama atu e tutusa uma lava le aofai o le taimi na tuuina mai ia te i tatou taitoatasi e tofu uma lava ma le tai luasefulufa itula i le aso. A tatou faamaimauina itula ua tatou maua, o le a tatou maua le lagona o le lofituina, faamalosia, atoa ma le lē puleaina. O le olaga e foliga mai o lea faafitauli ma lea faafitauli.</p>
Fasipepa o loo tusia ai upu	<p>Ia faamanino atu e toatele tagata e pisi, ma e faigofie tele ona tatou mauaina o tatou tagata i ni tulaga o faafitauli e tupu pea. Ae peitai, e mafai ona tatou aoao e aloese mai nei tulaga.</p> <p>Faapipii fasipepa o loo tusia ai upu na e sauniaina, poo le tusi o faamatalaga i luga o le laupapa. Ia talanoaina pe faapefea e manatu taitasi ona mafai ona fesoasoani i se tamaitai talavou e maua e ia le puleaina o lona lava taimi.</p> <ol style="list-style-type: none"> 1. <i>Faatulaga mea e tatau ona faamuamua.</i> Ia mafaufau i mea e tatau ona e faia; ona e filifili lea poo fea le mea e pito i sili ona taua. Ia fai muamua mea e pito sili ona taua. 2. <i>Aveese mea e le taua.</i> Atonu o le a e iloaina nisi o au gaoioiga e faamaimauina ai le taimi ma e leai se faaopoopoga tele i lou olaga. Ia aveese mea e le taua. 3. <i>Ia faaleleia atili ou uiga galue ma suesue.</i> Ia aoao i le auala e galue ma suesue ai. Ia vave amata ni galuega uumi a o le i oo i le taimi e manaomia ai. 4. Ia iloa le mea e agavaa ai ma mea e le mafai ona faia. Ia manatua e leai se tasi e mafai ona ia faia mea uma lava. Ia e faamaoni i mea e te mafai ona e faia. Ia aloese mai le faia o ni faatusatusaga le tatau o mea e te mafai ma mea e agavaa ai isi. <p>Fai atu i tamaitai talavou e fetufaai mai ni mea na tutupu ia i latou i lo latou faaaogaina o nei fautuaga.</p>
Tala	<p>Ia faamalamalama atu o se tasi tamaitai talavou na soifua i taimi o le pōpō fou o paonia a le Ekalesia na ia maua se tali na fesoasoani ia te ia i le faataunuina o ana sini i le aloese mai se olaga o faigata. O lona igoa o Ellis Teynolds Shipp, na avea ma uluai fomai tamaitai i totonu o Iutā.</p> <p>"I ona pōpō fou o lo'u talavou na ou faatulagaina ai sa'u lava fuafuaga o taimi ou te suesue ma aoao ai, lea na matua aoga lava ia te au ao alu pea le faagasologa o tausaga. Sa le mafai ona alu lo'u mafaufau i itula pisi o le ao i lesona i tusi, o lea na tonu ai ia te au e fai au meaaoga i vaveao. O lea la, na amata ona fai au meaaoga i le ta o le fa i vaveao, ma ou suesue ai mo le tolu itula atoatoa a o le i feala mai lo matou aiga" (<i>The Early Autobiography and Diary of Ellis Reynolds Shipp, M.D.</i>, comp. Ellis Shipp Musser [Salt Lake City: Deseret News Press, 1962] p. 64).</p> <ul style="list-style-type: none"> • O le a se mea e mafai ona tatou aoaoina mai le faataitaiga a Ellis Reynolds Shipp? <p>Ia faamalamalama atu e mafai ona tatou maua le faamanuaina ma le faamalieina pe afai tatou te faaeteete ma filifili ma le agaga tatalo mea tatou te faatagaina e faaaoga ai o tatou taimi.</p>

E Tatau Ona Tatou Faia Mea Uma i le Poto ma le Faatulagaga Tatau

Upu sii	<p>Ia faamalamalama atu ua silafia e le Alii e le mafai ona tatou faia mea uma tatou te mananao iai i lenei olaga. Na saunoa mai Elder M. Russell Ballard e faapea: "O le tau faamasani i le faigata ma fesuiaiga o luitau o le olaga i aso taitasi, ua le o se mea faigofie, e mafai ona fesouaina ai le lotogatasi o lo o tatou sailia. E toatele tagata lelei o lo o latou popole tele ma taumafai malosi ina ia faatumauina lea vaega, ae o nisi taimi e lofituina</p>
---------	--

Talanoaga o le mau

ai i latou ma faiaina ai E toatele tagata e mamafa ni mea o lo o latou manaomia mai matua, aiga, galuega, ekalesia, ma tofiga faalemalolo. O le tausiaina o mea uma ina ia tutusa e mafai ona avea o se faafitauli tele" (in Conference Report, Apr. 1987, p. 15; poo le *Ensign*, May 1987, pp. 13-14).

I le taimi o le olaga o Iosefa Samita ao talavou lava o ia ma faatoa uma foi ona manuia mai se tasi o faanoanoaga sili, na tuuina atu ai ia te ia e le Alii se fautuaga alofa. O lenei fautuaga e mafai foi ona faaaogaina ia i tatou uma lava o e le o mautonu i lo tatou le mafai lea ona puleaina o tatou olaga ma le manuia.

Ia faitauina e tamaitai talavou le Matapu Faavae ma Feagaiga 10:4.

- O le a se mea e mafai ona tatou aoaoina mai lenei mau e uiga i lo tatou puleaina o o tatou taimi ma lo tatou malosi?

Ia faamalamalama atu na lauga atu ai foi le Tupu o Peniamina i lenei lava autu e tasi ina ua ia tautala atu i tagata o sa Nifaē. Na ia faatonuina i latou ina ia latou ola atoatoa i le talalelei, ia fagaina i latou o fiaai, ma ia talai atu ia i latou o lo o manaomia le talaiga. Ae na ia faaopoopoina atu ai foi se lapataiga.

Ia faitauina e le vasega le Mosaea 4:27.

- E mafai faapefea ona tatou faaaogaina lenei fautuaga i o tatou olaga?

Ia faamalamalama atu e le finagalo le Alii ina ia tatou tamomoe pe galulue e sili atu nai lo le mea tatou te mafai. Ae ua ia faamoemoeina i tatou ina ia tatou atamamai ma faaaogaina le poto ma le faamasinoga tonu ina ia mafai ona tatou faataunuina mea na ua ia silafia e mafai ona tatou faia.

Faaiuga

Faamatalaga
a le faiaoga

Ia faamalamalama atu e faamasinoia i tatou uma mo le faaaogaina o o tatou taimi. E mafai ona tatou filifili pe o aoga o tatou aso ma faatulagaina lelei pe o faatumuina i le tele o faalavelave laiti. E finagalo le Alii tatou te auauna atu ia te ia i le mea e gata mai ai lo tatou mafai i aso taitasi.

Ia faamalamalama atu e lua meaalofa taua ua aumaia e le olaga ia i tatou—o le taimi ma le saolotoga e faaaoga ai lena taimi e tusa ma lo tatou manao. O le auala tatou te filifili e faaaoga ai lo tatou taimi e fuafua foi iai le ituaiga olaga tatou te ola ai.

Faatinoga o le Lesona

Ia tufa atu pepa ma penitala i tamaitai talavou. Fai atu iai e tusi i lalo pe faapefea ona latou faaaogaina se fautuaga se tasi poo le sili atu foi na talanoaina i le asō ina ia fesoasoani ia i latou e puleaina ma le poto o latou taimi.

FAAMOEMOEGA O le a aoaoina ai e tamaitai talavou taitoatasi pe faapefea ona ia filifili ma le poto se galuega.

SAUNIUNIGA

1. Ia saunia se pepa ma se penitala mo tamaitai talavou taitoatasi.
2. Pule oe pe fai: Ia aumai ni tamaitusi ma ni tusitusiga mai se ofisa e fuafuaina ni galuega. Tufa atu i tamaitai talavou e fiafia iai.
3. Ia tofia ni tamaitai talavou e faamatala mai ni tala, mau, poo ni upu sii e te manao iai.

**FAUTUAGA MO
LE FAALAUTENEINA
O LE LESONA**

Talanoaga

Faamatalaga
a le faiaga

Upu sii

Talanoaga

E Taua le Filifili o se Galuega

Ia tufa atu pepa ma penitala i tamaitai talavou. Fai atu iai e tusi i lalo ni galuega ua latou mafaufau iai mo i latou lava. A uma loa ona faia, ona fai atu lea i ai latou uma taitoatasi e tau mai pe o fea o galuega na ia tusia i lalo e pito sili ona fiafia iai pe aisea foi.

Ia faamalamalama atu, e tatau i tamaitai o le vasega ona mafaufau i ni galuega se lua e tatau ona faia: muamua, avea ma tausi aiga; lona lua, o se galuega e mafai e i latou ona maua ai se tupe e tausi ai le aiga pe a tatau ai lena mea. E toatele tamaitai e iloa mulimuli ane i o latou olaga, e matutua a'e loa le fanau ona latou maua loa lea o se taimi e aoga ai i se galuega.

Ia faamalamalama atu e taua le lē na o le filifili o se galuega, a ia faia foi ma le poto. O le galuega tatou te filifilia e mafai ona afaina ai o tatou olaga i itu e tele. Atonu o le a filifili ai le mea tatou te nonofo ai, ae o ai a tatou uo, ae o le a foi le umi tatou te aooga ai, ae pe fia foi le tupe tatou te faaluina i a tatou aoga, pe fia se tupe o le a tatou mauaina, ma pe fia foi se tupe e mafai ona tatou fesoasoani atu ai i tagata o o tatou aiga. Soo se galuega lava tatou te filifilia, e tatau ona tatou saunia e fai iai lo tatou auauanga silisili.

Na saunoa mai Elder Howard W. Hunter e faapea: "E iai ni mafuaaga faagaeetia mo o tatou tuafafine e mafua ai ona tatau ona fuafua e faigaluega. . . Matou te mananao ia maua e i latou le atamai uma ma aoaoga e mafai ona latou maua i mea tau galuega ao le'i faaipoipo i latou. Afai e maliliu a latou tane pe tetea foi ma a latou tane ae manaoia se galuega, matou te mananao ia maua ni galuega mamalu ma le tauia. Afai e le faaipoipo se tuafafine, e ia te ia le aia uma e faigaluega ai ia maua ai e ia le avanoa e faalautele ai ana taleni ma mea ua faamanuiaina ai" ("Prepare for Honorable Employment." Ensign, Nov. 1975, p. 124).

- E mafai faapefea ona faatamaoaigaina lou olaga i le galuega ua e filifilia i le taimi nei a o outou sauniuni atu mo le lumana?
- E mafai faapefea ona e faaaogaina au taleni i lenei galuega?
- E mafai faapefea ona faaaogaina mo le lelei o lou aiga?
- Pe mafai ea e lenei galuega ona tausia ai oe?

O Lo o iai ni Taiala e Mafai Ona Tatou Faaaogaina i le Filifiliga o se Galuega

Upu sii

Faitau atu le faamatalaga lenei mai ia Elder Howard W. Hunter o lo o tuuina mai ai nisi o taiala mo le filifiliaina o se galuega.

"O le galuega tatou te filifiliaina e tatau ona mamalu ma i ai lu'itau. O le mea moni lava, e manaomia ona tatou saili se galuega e fetaui lelei ma lo tatou manao, taleni, ma a tatou aoaoga. E tatau ona sili atu le galue a le tagata nai lo lona totogi; e tatau ona saunia o se mea e agavaa mo ia ma fafia iai - ma o se mea e tulimatai iai i aso taitasi.

"E mafai ona ou tuuina atu le faauigaina o le 'galuega mamalu.' O le faigaluega mamalu o le galue faamaoni lea. E faamaoni tulaga uma e tuuina atu ma e leai se taufaasese, pepelo, poo le faagaoi. O lona taunuuga poo le auaunaga e tulaga maualuga, ma e sili atu le mea e mauaina e le tagata e ana le galuega, le tagata faatau, poo le tagata nai lo le mea na ia faamoemoeina. O le faigaluega mamalu o se uiga tatau faaletagata. E aofia ai le lē tuuina i lalo o le vafealoi lelei ma tagata lautele poo le faaletino. Mo se faataitaiga, e le aofia ai le inu ava malosi i avetaavale, fualaau faasaina, poo le taalo tupe. O le faigaluega mamalu e aoga tele. E na te sauniaina mea lelei poo ni auaunaga e mafai ai ona avea le lalolagi ma se nofoaga lelei e nonofo ai" ("Prepare for Honorable Employment," pp. 122-23).

Faamatalaga
a le faiaga ma
le talanoaga

Ia faamalamalama atu o lo o iai ni taiala e mafai ona tatou faaaoga i le filifiliaina o se galuega o le a fesoasoani tele i le taimi nei faapea ma le lumana. Toe ililo taiala nei e tolu faatasi ma le vasega:

1. *Ia Aoao e Uiga ia i Tatou Lava*

Ia faamalamalama atu i le filifilia o se galuega, e fesoasoani tele lo tatou iloaina o mea e ttau ia i tatou, o a tatou sini, o mea tatou te fafia iai, ma taleni.

Ia faamalamalama atu e manaomia lo tatou mautinoaina e soo se galuega tatou te filifilia o le a faatagaina ai i tatou e faatumauina o tatou tulaga taua ma ausia a tatou sini. O mea e manaomia i galuega e le tatau ona avea ma se mea e tatou te solia ai tulafono a le Alii poo a tatou lava tulaga taua. E taua foi le iloiloina lelei o le siosiomaga o le galuega ma le aafiaga e mafai ona oo iai a tatou sini e faavavau. E tatau ona tatou aloese mai galuega e manaomia ai ona tatou fetuutuunai o tatou tulaga taua poo lo tatou liliu ese mai a tatou sini e faavavau.

- E faapefea ona aafia outou tulaga taua ma a outou sini i galuega ua outou filifilia?

Ia faamalamalama atu e ttau tele i tamaitai talavou ona ililo lelei mea e pito i fafia iai a o le i filifilia se galuega. O mea latou te fafia iai e aofia ai vasega e fafia iai i le aoga ma gaoioiga latou te faia i o latou taimi paganoa. O nisi o i latou atonu e faatupuina se fafia i se galuega, mai le faitau o se tusi poo le vaavaai foi i isi i a latou galuega ua filifilia.

Tala

Faamatala atu tala nei:

Sa iai se tasi vasega o tamaitai talavou sa faaaluina e i latou se aso se tasi o le masina e latou te faia fua ai ni galuega i le falemai. Ona o lea la aafiaga, na faatupuina ai i se tasi tamaitai talavou se manao e avea o ia ma se teine fomai e fai ma ana galuega, ma o lo o avea nei o ia ma supavaisa o teine fomai i se tasi o falemai tele.

O se tasi tamaitai talavou e fafia lava o ia i manu vaefa. Na ofo atu o ia e galue e aunoa ma se totogi i se ofisa o fomai manu e latalata ane i lona aiga. Mulimuli ane sa ofoina mai loa iai se galuega totogi mai lena ofisa, ma sa ia filifilia le galuega o le fomai manu e fai ma ana galuega.

O le fafia tele e suisui a o talavou, na liua i le avea ma se galuega a se tasi o tamaitai talavou. Na ia faatupuina lona atamai suisui i tausaga e tele, i lona su'ia lea o ona lava ofu ma ofu o lana fanau. Ina ua matutua a'e lana fanau, sa maua e ia se galuega suisui na te su'ia ofu mo se kamupani fai ata tifaga i le televise, i se fale e latalata ane i lona aiga. Ona o le lelei naua o lana suisui, na avea ai o ia ma faatonu o le matagaluega e su'ia ofu o tagata autu o tifaga i televise i le tausaga na sosoo ai.

Faamatalaga
a le faiaga

Ia faamalamalama atu e tatau foi ona tatou iloiloina mea tatou te mafaia ma a tatou taleni. O nisi tagata e iai ni a latou taleni i le tele o vaega eseese. O nisi latou te maua ni taleni e ala mai i le suesue ma faataitai. O mea e atamai ai se tagata e mafai ona aafia ai le filifilia o se galuega, pe manua pe le manua ai foi le taumafai o lena tagata.

Fai atu i tamaitai talavou e ililo a latou taleni ma mea latou te mafai ona faia o lo o iai i le taimi nei.

- O le a faapefea ona faaaoga nei mea i ni galuega ua outou filifiliaina?

2. Aoao e Uiga i Galuega

Ia faamalamalama atu, e le gata ina tatau ona aoao e uiga ia i tatou lava, e manaomia foi ona tatou aoao e uiga i galuega eseese e mafai ona maua.

- O a ni mea e mafai ona maua mai ai le fesoasoani i o tatou alalafaga mo sailiga e uiga i galuega?

Ia talanoaina mea e maua mai ai le fesoasoani o lo o avanoa, atonu e mafai on aofia ai ia fautua o aoga ma faiaga, faalapotopotoga faipisini i le alalafaga, aoga o matātā eseese, ma tagata o le alalafaga e iai ni o latou tomai i galuega.

Afai e iai nisi o tamaitai talavou na fesoasoani i ai latou nisi o nei tagata aoga i le faiga o se filifiliga, ona uunaiina lea o i latou e faamatala mai.

3. Faia ma le Agaga Tatalo Se Filifiliga

Upu sii

Ia faamalamalama atu o le tatalo o se vaega taua lena o le faiga o le filifiliga. Na tuuina mai e Elder Howard W. Hunter le fautuaga lenei i le autalavou: "E tatau ona tatalo pea lava pea i le taimi atoa o sue ai se galuega. A o tatou maua mai ni faamatalaga e uiga i galuega, ma faia ni filifiliga, ma maua aoaoga e tatau ai ma le poto masani, ona sue ai loa lea o ni galuega, o se mea taua le tuufaatasi o a tatou taumafaiga o le faalagolago o le tagata ia te ia lava, faatasi ma le lotomaualalo ma le agaga tatalo. O le filifiliga o le mea lea tatou te faia, ae faalauteleina e le Alii lo tatou poto pe afai tatou te saili atu ia te ia ma le naunautai" ("Prepare for Honorable Employment," p. 123).

Talanoaga o le mau

Ia faamalamalama atu ua faamoemoeina i tatou e le Alii tatou te faia filifiliga e uiga i a tatou lava galuega, ona ole atu lea ia te ia mo le faamaoniga i na filifiliga.

Faitau le Mataupu Faavae ma Feagaiga 9:7-9. O le a se mea o lo o aoao mai e lenei mau e uiga i le auala e fesoasoani mai ai le Alii i a tatou filifiliga o a tatou galuega?

Faaiuga

Ia faamalamalama atu o le filifiliga o se galuega o se filifiliga taua tele lea mo se tagata talavou. I le faaaogaina o taiala na tuuina atu i lenei lesona ma saili i le taitaiga a le Alii, o le a mafai ai e tamaitai talavou ona saunia e faia lenei filifiliga o se auala sili atu ona lelei mo i latou.

Faatinoga o le Lesona

Ia uunaiina tamaitai talavou taitoatasi e iloilo faamatalaga na tuuina atu i lenei lesona ma fuafua poo le a se mea e mafai ona ia faia e amata ai ona filifili se galuega pe afai na te le i faia lava.

Gaoioiga Fautuaina

Ia fuafuaina se fonotaga e faia i se afiafi e lipoti mai ai e tamaitai talavou ni galuega faapitoa e fafia iai i latou. Atonu o se avanoa lelei le faatalanoaina o tagata, ma asiasi i ofisa, ma faitau lomiga o nusipepa e uiga i galuega ua filifilia e tamaitai talavou.

FAAMOEMOEGA	O le a aoao ai e tamaitai talavou taitoatasi mataupu o le puleaina o tupe ma le atamai.
SAUNIUNIGA	Ia tofia ni tamaitai talavou e faamatala mai ni tala, mau, poo ni upu sii e te manao iai.
FAUTUAGA MO LE FAALAUATELEINA O LE LESONA	Ua Tuuina Mai e le Alii Ni Fautuaga Aoga e Uiga i Mea Tau Tupe
Laupapa	Tusi i luga o le laupapa: O le auala tatou te puleaina ai a tatou tupe e aafia uma ai vaega uma o o tatou olaga.
Talanoaga o le mau	<ul style="list-style-type: none"> • O a nisi auala i le puleaina o a tatou tupe e aafia ai o tatou olaga? <p>Ia faitauina e tamaitai talavou le Mataupu Faavae ma Feagaiga e 29:34.</p> <ul style="list-style-type: none"> • O a ni auala e mafai ai ona aafia i tatou i le faaleagaga i le puleaina o a tatou tupe? <p>Ia faamalamalama atu i tamaitai talavou o le aoao i le ala e pulea ai tupe ma le poto i le taimi nei, o le a aoga ia i tatou i le lumana. Afai tatou te faia mea sili tatou te mafaia, o le a fesoasoani mai le Alii ia i tatou i le puleaina o a tatou tupe ma le poto. Na ia tuuina mai e ala mai i taitai o lana Ekalesia ia taiala mo le faaaogaina o a tatou tupe.</p>
Laupapa	Ia tusi i luga o le laupapa vaega e ono o fautuaga e uiga i le puleaina o mea tau tupe o lo o lisiina atu i lalo. Fai atu i tamaitai talavou e faiatupu upu sii o lo o tuisaina atu i vaega taitasi ma talanoaina pe faapeafea ona mafai ona faaaoga le fautuaga i o latou olaga ma pe faapeafea ona mafai ona avea o se faamanuiaga ia i latou i le lumana. Atonu e te manao e tusi nisi o ia manatu autu i luga o le laupapa.
Upu sii ma le talanoaga	<p>1. <i>Tupe Foai mo le Ekalesia</i></p> <p>“E masani ona ou faapea pe mata tatou te iloa o le totogi o a tatou sefuluai e le o se meaalofa lena i le Alii ma le Ekalesia. O le totogiina o le sefuluai o le faamamaina lea o se aitalafu i le Alii. O le Alii o le puna lea o o tatou faamanuiaga uma lava e aofia ai ma le ola lava ia.</p> <p>“O le totogi o le sefuluai o se poloaiga, o se poloaiga ua iai faatasi ma se folafolaga. Afai tatou te usiusitai i lenei poloaiga, ua folafolaina mai ia i tatou, o le a tatou ‘manuia i le nuu.’ O lenei manuia e aofia ai le manuia i mea e sili atu nai lo o oloa faaletino—atonu e aofia ai le olioli i le ola maloloina ma le mafaufau malosi. E aofia ai le mautu o le aiga atoa ma le faateleina o le faaleagaga. Ou te faamoemoe lava o outou na e le o totogia atoa a outou sefuluai i le taimi nei, o le a outou saili atu i le faatuatua ma le malosi e faia ai faapea. A o e totogi atu lenei tiutetauave i Lē na faia oe, o le a e maua se fiafiaga aupito sili, ma o le fiafia i lena mea e na o i latou lava e faamaoni i lenei poloaiga latou te iloa” (N. Eldon Tanner, in Conference Report, Oct. 1979, p. 119; poo le <i>Ensign</i>, Nov. 1979, p. 81).</p> <p>2. <i>Aitalafu</i></p> <p>Ua finagalo le Au Peresitene Sili e uunaiina tagata uma o le Ekalesia ina ia mulimuli i le faataitaiga na tuuina mai e le Ekalesia ma ia ola ai e tusa ma le totogi ua ia maua. Soo se tasi lava e ola e sili atu lana faaaoga ma lana faaalu nai lo le totogi na te maua, ua ia valaaulia lava mala e oo mai. O tupe e nonō mai . . . e le o se totogi. O le aitalafu mai o se tupe e ola ai e le o se mea ua tonu, e tusa lava pe o se faaunega tupe e leai se tupe tului e faaopoopo iai poo le faatau mai ae totogi vaega. Matou te uunaiina tagata uma o le Ekalesia ia faaaoga ma le faaeteete mea e maua, aua le soona faaluvalaleina, a ia galulue malolosi, fuafua lelei ma tatau, faaputuputu, ma ia ola amiotonu” (J. Reuben Clark, Jr., quoted in “Making Money More Valuable,” <i>Relief Society Magazine</i>, Oct. 1957, p. 695).</p>

"E tatau ona e faia lava soo se mea e te mafaia e aloese ai mai le nofo aitalafu ma ia le nofo saisaitia. Ou te iloa e manaomia e outou ona aitalafu tupe e faatau ai o outou fale, pe faavave uma ai foi lau aoga, ma o nisi taimi e manaomia e faatau ai se taavale, peitai sei vagana ai la ia mea, e tatau lava ona totogi i taimi e te faatauina ai se mea" (Ezra Taft Benson, "The Gospel Teacher and His Message," address given to religious educators, 17 Sept. 1976).

3. *Teuina o Tupe*

"Afaí e te manao e te mauoa, ia teu au tupe e te maua. E mafai e le tagata valea ona maua tupe; ae na o le tagata poto e teu ma faaputuputu tupe mo lona lava lelei" (Brigham Young, *Discourses of Brigham Young*, p. 292).

"Ou te aioi atu ma le faaaloalo ia te outou ina ia outou ola i mataupu faavae o le galue, faaeteete i tupe, ma le ola e lē faalagolago. . . . Ia ola e tusa ai ma tupe e te maua. Ia tuu se vaega o tupe e te maua i totonu o se teugatupe" (Ezra Taft Benson, *The Teachings of Ezra Taft Benson* [Salt Lake City: Bookcraft, 1988], pp. 262-63).

"E tusa pe vave pe tuai i lou olaga, e tatau ona tatou aoao uma e puleaina o tatou tagata, o o tatou manaoga, ma mea tautupe tatou te naunau iai. E faamanuiaina lē e laitiiti tupe na te faaaluina nai lo tupe na te mauaina ma faaputu ese se isi vaega mo aso timuga" (N. Eldon Tanner, "Constancy Amid Change," *Ensign*, Nov. 1979, p. 81).

4. *Loto-Pulea*

"Afaí e le mafai ona e maua uma mea e te manao ai i le aso, ia e aoao e te ola e aunoa ma na mea e le mafai ona e faatauina ma totogi; ma ia e uunaiina ou manatu ma lou mafaufau ia e ola e tusa ai ma mea ua e maua" (Brigham Young, *Discourses of Brigham Young*, p. 293).

"Ua ou mauaina e leai se auala e mafai ai ona sili atu se tupe e te maua nai lo le tupe e mafai ona e faaalu. Ou te talitonu e le o le tele o le tupe e maua e se tagata e aumaia ai le filemu i lona mafaufau, ae o lona pulea lelei o ana tupe. E mafai ona avea le tupe ma se auauna usiusitai ae o se mataitufuga sauva foi. O e latou te pulea le tulaga e ola ai ia maua sina mea itiiti faaopoopo, ua latou pulea lelei o latou tulaga. O ē latou te faaalu a latou tupe e sili atu laitiiti ma o latou totogi, ua pulea i latou e o latou tulaga. O lo o saisaitia i latou na. . . . O le ki i le laitiiti o tupe tatou te faaaluina nai lo tupe tatou te maua e faigofie—e ta'ua o le loto pulea" (N. Eldon Tanner, "Constancy Amid Change," p. 81).

5. *Fuafuaina o le Faaaluina o Tupe*

"E le afaina pe o le a le tele poo le laitiiti o tupe tatou te maua e ola ai i vaiaso taitasi poo masina taitasi, e manaomia ia faaaoga ma le poto. E manaomia ona tatou filifili i le aofai o se tupe tatou te faaaluina ma ola ai. O nisi ua latou faapea mai o le ola ai e tusa ma se tupe ua fuafuaina e aveesea ai le malie o le olaga ma ua puipuia tele. Ae o i latou o ē aloese mai le lē aoga o le fuafuaina o le faaaluina o tupe e tatau ona pagatia i le tiga o le ola ai i fafo atu. O lo o fuafuaina le faaaluina o tupe a le Ekalesia. O pisinisi faamanuiaina o lo o fuafuaina lelei le faaaluina o latou tupe. O aiga o lo o saoloto mai le tele o aitalafu o lo o fuafuaina lelei le faaaluina o tupe. O taiala o le fuafuaina o le faaaluina o tupe o lo o uunaiina ai le tulaga lelei ma le pulega manuia" (Marvin J. Ashton, "It's No Fun Being Poor," *Ensign*, Sept. 1982, p. 75).

6. *Faamaoni*

"Ia faamaoni i au mea uma lava tautupe. O le manatu sili o le faamaoni e le mafai lava ona suia. E aoga i mea uma tatou te faia. I le avea ai ma ni taitai ma ni uso o le Ekalesia, e tatau ia i tatou ona avea ma faaaaoaoga o le faamaoni" (N. Eldon Tanner, in Conference Report, Oct. 1979, p. 121; poo le *Ensign*, Nov. 1979, p. 82).

"O le agasala le pepelo. O le lavelavea i mailei o le lē faamaoni ma le faa'ole'ole, e le o se mea e te'i ua tupu mai. O se pepelo laitiiti poo le lē faamaoni laitiiti, e taitaiina atu ai i le faia foi o se isi pepelo seia oo lava ina maua i totonu o le mailei o le faa'ole'ole. . . .

"I upu ma mea uma tatou te faia, e tatau lava ona tatou fesili ifo ia i tatou lava, 'Pe sa'o ea? Pe moni ea? ae le o le faapea ifo, 'Pe lelei, faamalie loto, avanoa, pe maua ai se mea?' " (Marvin J. Ashton, in Conference Report, Apr. 1982, pp. 11, 13; poo le *Ensign*, May 1982, pp. 9, 11).

E Mafai Ona Tatou Maua Le Fiafiaga Sili e Ala Lea i le Taulimaina ma le Poto o a tatou Tupe	
Faamatalaga a le faiaoga	Ia faamalamalama atu o tagata i le lalolagi atoa o lo o iai i ni tulaga esese o mea tautupe. Ae e mafai e tagata uma taitoatasi ona maua le filemu ma le fiafia silisili e ala lea i le puleaina ma le poto o soo se mea tautupe o lo o maua.
Tala	<p>Faamatala atu tala nei e uiga i ni tamaitai talavou na laua aoao e puleaina lelei a laua tupe.</p> <p>Na moemiti Siera i le fia malaga e tafao i se aai tele e masani lava ona tepa taulai iai. E toeitiiti atoa le lua tausaga o faia e ia ni fuafuaga ma faaputuputu sana tupe mo lea malaga. E tusa toe lua vaiaso oo i le aso na tuu e alu ese atu ai Siera i lana malaga, ae logoina loa o ia e lana fomai nifo o lona nifo o lo o faalavelave ia te ia, ua tatau ona togafititia. O le mea e lelei ai, sa iai sana tupe faaagaaga na teu mo mea faafuasei na totogi ai le tele o le pili o lona nifo, ae laitiiti lava se tupe o lana malaga na manaoemia e tala mai i tua e faauma ai le pili o lona nifo. Ina ia mafai pea ona alu o ia, o lea na ia filifili ai e aveese nisi mea na ia fuafua e ave, ae ia tatau lava ona alu. I le lua vaiaso na sosoo ai, na fiafia o ia ina ua malaga atu.</p> <ul style="list-style-type: none"> • Na faapefea ona taulimaina e Siera mea tautupe o ni tulaga faafuasei e tutupu mai? Aisea na mafai ai e ia ona faia faapea? <p>“Na faaipoipo lava Jim ma Connie ao aooga i laua i le kolisi. E ui sa utiuti le tulaga tautupe ia i laua, ae na naunau uma i laua e faauma a la aoga. Sa faigaluega Jim i le vaitaimi o le taumafanafana ao alu pea Connie i le aoga. Na mafai ona lava se tupe na maua e Jim mai lona totogi e totogi ai o la pili mo le toe tasi lava le tausaga.</p> <p>“Ina ia mafai la e Jim ona faauma lana aoga i lena tausaga, o lea na ia aveina ai ni ana mataupu se tele i le aoga ma faigaluega i Aso Toonai. Sa nonofo i laua i se tamai fale mautotogi e la te gafatia ona totogi i se tupe faatauvaa o lo o maua ma e masani ona muamua ona totogi a la sefuluai ma taulaga anapogi. Na la taumafai foi e tuu ese ni nai tālā mai masina taitasi i totonu o se teugatupe.</p> <p>“Ao le i faaiuina le tausaga, na la fanauina mai se tama tama. Na suesue ma le filiga ia Jim ma maua ona togi lelei, ma sa mafai foi e Connie ona faamaeaina lana aoga.</p> <p>“Ina ua uma le faauuga, na ofoina atu ia Jim se galuega e avea ma faiaoga. Talu ai ona o le la taumafai e fuafua lelei le faaaluina o a la tupe ma le atamai, o lea na sili atu ai le la tupe na faaputu. I ni nai tausaga mulimuli ane, na mafai ai ona la faatauina se laua fale e le tele naua.</p>
Talanoaga	Fai atu i tamaitai talavou e faamatala mai ni faataitaiga o le puleaina ma le tatau ma le faasaoina o tupe ua latou vaai iai. Fai atu i tamaitai talavou e fautua mai nisi mea e mafai e tamaitai talavou i la outou eria ona faia ina ia avea ai i latou o nisi e puleaina ma le poto tupe.

Faauga

Ia tuuina atu lau molimau i le taua o le puleaina ma le poto o tupe i lou olaga. Ia uunaia tamaitai talavou taitoatasi e faia soo se suiga i o latou olaga e talafeagai e amata ai le puleaina ma le faaeteete o a latou tupe.

Gaoioiga Fautuaina

Faatasi ai ma le faatagaga a le perisitua o lo o avea ma fautua, ia valaaulia se tasi o le uarota o lē na te puleaina lelei mea tautupe e fetufaai atu ni auala e fesoasoani ai i le puleaina ma le fuafuaina o tupe e faaalu.

Atinaeina o Tomai Faaleataitai

Savali a Perofeta o Aso e Gata Ai

FAAMOEMOEGA O le a malamalama ai tamaitai talavou taitoatasi i le taua o savali a perofeta o aso e gata ai o lo o tuuina atu i lenei lesona.

SAUNIUNIGA

1. Ia toe iloilo le lesona e 48 e uiga i le faatulagaina o lesona mai lauga o konafesi aoao. Ia saunia e tuuina atu faamatalaga o lenei lesona o le a aoga tele i tamaitai talavou i lau vasega.
2. Ia tofia ni tamaitai talavou e faamatala atu ni tala, mau, poo ni upu sii e te manao iai.

**FAUTUAGA MO
LE FAALAUATELEINA
O LE LESONA**

(O le vaega lenei na sii mai se lauga na tuuina atu i tamaitai talavou o le Ekalesia e Peresitene Ezra Taft Benson.)

“O'u tuafafine pele e, o se sauniga matagofie tele lenei sauniga. Matua maeu lenei avanoa taua e faatasi ai ma outou o afafine filifilia a lo tatou Tama oi le Lagi o lo o faapotopoto i falelotu uma i le lalolagi atoa! . . .

“Ua maualuluga lava o'u faamoemoega mo outou tuafafine talavou e! Ua maualuluga foi faamoemoega o lo tatou Tama oi le Lagi mo outou!

“Ua outou fananau mai i lenei vaitaimi mo se faamoemoega paia ma le mamalu. E le o se mea tupu fua mai le faapolopoloina o outou ia outou o mai i le lalolagi i le augatupulaga mulimuli lenei o le atoatoaga o taimi. Na muai faauuina i le faavavau lo outou fananau mai i le vaitaimi lenei.

“O outou o ni afafine tautupu o le Alii i aso e gata ai. O outou o se autalavou o se gafa tau tupu’ (*Hymns*, 1985, no. 255).

Faamalosia Lou Aiga

“O'u tuafafine talavou e, ua ou fafia tele ina ua ou vaia le toatele o nisi o outou o lo o outou faatasi ai ma o outou tina i lenei afiafi. Ou te apoapoi atu ia te outou taitoatasi ina ia outou faalatalata i o outou tina. Alofa ia te ia. Faaloalo iai. Faamamalu iai. Ia talia fautuaga a lou tina a o ia alofa ma faatonuina oe i le amiontonu. Faamamalu ma usiusitai i lou tama ao avea ai o ia ma ulu o le aiga e ala i le faataitai i ona uiga faaleagaga.

“Tamaitai talavou e, o le iunite faaleaiga e faavavau, ma e tatau ona faia mea uma lava i lou malosi ina ia faamalosia ai lena iunite. I totonu o lou lava aiga, ia uunaia afiafi faaleaiga ma ia avea o se tagata auai malosi. Ia uunaia tatalo faaleaiga. Ia outou tootutuli faatasi ma lou aiga i lena li'o paia. Ia faataunuina lau vaega e atinae ai le lotogatasi ma le feoeoea'i moni o le aiga.

“I ituaiga o aiga faapena e leai ni va faaletupulaga e iai. O le tasi lena o auupega a le tiapolo. O au uo sili ona taua e tatau ona iai, o ou lava uso ma tuagane ma lou tama ma lou tina. Alofa i lou aiga. Ia faaloalo ia te i latou. Ia iai sou popolega mo ou tuagane ma uso.

“Ia manatua, o le aiga o se tasi lea o ‘olo sili ona malosi a le Atua e tetee atu ai i amiogaleaga o nei ona po.

“Fesoasoani i le faatumauina o lou aiga ia malosi ma faalatalata atu ma ia agavaa mo faamanuiaga a lo tatou Tama oi le Lagi. A faapea e te faia, o le a e mauaina le faatuatua ma le faamoemoe ma le malosi, o le a faamanuiaina ai o outou olaga e faavavau.

Faitau Tusitusiga Paia i Aso Taitasi

“O le isi mea ou te apoapoi atu ai ia te outou tamaitai talavou, outou ina ia outou auai i se polokalama o le faitau ma suesue i tusitusiga paia i aso taitasi. Tatou te manatua le faataitaiga a lo tatou perofeta e pele ia i tatou o Spencer W. Kimball. Ao avea o ia ma se alii talavou i le sefulufa o ona tausaga, na ia taliaina le lui o le faitauina o le Tusi Paia mai le faavaa i le faavaa. O le tele o ana faitauga sa faia i se malamalama o se moli matagi e alu i le koale i luga o lona potu i le taualuga o le fale. Na ia faitauina i po uma seja oo ina ua ia faaumaina le 1,519 itulau, na ia faaaluina ai toeitiiti atoa le tausaga; ae na ia ausia lava lana sini.

“Mai tusi faavae e fa a le Ekalesia - le Tusi Paia, le Tusi a Mamona, le Mataupu Faavae ma Feagaiga, ma le Penina Tautele - ou te uunaiina faapitoa lava outou ina ia outou faitau pea ma faitau pea i le Tusi a Mamona ma mafaufau ma faaaoga ana aoaoga. O le Tusi a Mamona e pei ona taua e le Perofeta o Iosefa Samita o le ‘tusi ua sili ona sa'o i soo se tusi i le lalolagi ma o le maa ‘au’au o lo tatou faatuatuaga, ma o le a latalata atu ai se alii ma se tamaitai i le Atua i le ola ai i ona aoaoga, nai lo se isi lava tusi’ (*History of the Church*, 4:461).

“Tamaitai talavou e, o le a sua lou olaga e le Tusi a Mamona. O le a na faamalosia oe e tetee atu i mea leaga o ona po nei. O le a na aumaia le faaleagaga i lou olaga nai lo se isi lava tusi. O le a avea o se tusi sili ona taua e te faitau i ai i lou sauniuni atu e fetaiai ma lui o le olaga. O se tamaitai talavou na te iloa ma alofa i le Tusi a Mamona, ua na faitauina i le tele o taimi, ma iai sana molimau i lona moni, ma faaaogaina ona aoaoga o le a mafai ona tu e tetee atu i faiga leaga a le tiapolo ma o le a avea ma se aaupega malosi i aao o le Alii.

“Ae le gata i lea, ou te uunaiina outou, tuafafine talavou e, a o outou latalata atu i o outou tausaga talavou, ia e mauaina sou faamanuiaga faapeteriaka. Aoao lelei iai ma le faaeteete ma ia avea o se tusitusiga paia ia te oe - aua o lona tulaga moni lava lena. O se faamanuiaga faapeteriaka o se ‘faamatalaga faavaloga ma musuia o [lou olaga] lau misiona . . . faatasi ai ma ni faamanuiaga, lapataiga, ma fautuaga e pei ona musuia le peteriaka e tuuina atu’ (Heber J. Grant, J. Reuben Clark, Jr., David O. McKay, in *Messages of the First Presidency of The Church of Jesus Christ of Latter-day Saints*, comp. James R. Clark, 6 vols., Salt Lake City: Bookcraft, 1965 - 75, 6:194).

“Tamaitai talavou e, ia outou mauaina o outou faamanuiaga faapeteriaka e ala i le aafiaga a le tatalo ma le anapogi, ma faitau pea iai ina ia outou iloa le finagalo o le Atua mo outou.

Ia Auai i Sauniga Uma o le Ekalesia

“Ou te fia tautala atu nei ia te outou i le taua o lo outou auai i sauniga uma o le Ekalesia. O le auai ma le faatuatua i sauniga o le Ekalesia e aumaia ai faamanuiaga e le mafai ona e maua mai se isi lava auala.

“Auai i sauniga faamanatuga i Aso Sa taitasi. Faalogo lelei i savali. Tatalo mo le agaga o le malamalama ma le molimau. Ia tago atu i le faamanatuga ma lima mama ma le loto mama.

“Toaga i au vasega o le Aoga Sa i Aso Sa taitasi. Faalogo lelei i lesona ma auai i talanoaga a le vasega. O le poto atili i le talalelei ma le faatupulaia o le molimau o lona taunuuga lena.

“Toaga e auai i sauniga a Tamaitai Talavou i Aso Sa taitasi ma gaoioiga faalevaiaso. Aoao lelei i ou tiutetauave i le talalelei ma faataunuina ma le maelega.

“Ia auai e le aunoa i le seminare ma e faauu mai ai. O aoaoga a le seminare o se tasi lea o lagona faaleagaga tulaga ese e mafai ona maua e se tamaitai talavou.

“Tamaitai talavou e, ia auai ma le atoatoa i polokalama uma a le Ekalesia. Faatutu a outou sini ina ia ausia ma le atoatoa polokalama uma a le Ekalesia.

“O le Polokalama o le Alualu i Luma mo tamaitai talavou, o se polokalama sili ona lelei mo sini faatutuina. O lona faamoemoega o le fesoasoani lea ia te oe ina ia e atinaeina tulaga manaomia ma le mama o le avea ma se tamaitai talavou o le Au Paia o Aso e Gata Ai. Taumafai ia maua le Taui Aloaia a Tamaitai Talavou ma ia asoaina ma le fiafia le asoa auro. Aua le faatalale i lenei polokalama sili ona taua a le Ekalesia mo tamaitai talavou.

Lagolagoina Galuega Faafaifeatalai

“Ou te fia tautala atu nei ia te outou e uiga i le galuega faafaifeatalai i le malo o le Atua. E loloto o‘u lagona e uiga i lenei galuega. Ou te tatalo ina ia outou malamalama i faanaunauga o lo‘u loto.

“Na faapea mai le Perofeta o Iosefa Samita, ‘Ina ua uma mea uma lava ona tautalagia, [o lo tatou] tiute sili ma le taua o le talaiina atu lea o le Talalelei’ (*History of the Church*, 2:478).

“E finagalo le Alii ina ia auauna atu faamisiona alii talavou uma lava o le Ekalesia. I le taimi nei, e na o le tasi vae tolu o alii talavou uma o le Ekalesia o lo o mafai ona auauna atu faamisiona. E le fiafia le Alii i lea mea. E mafai ona sili atu mea tatou te faia. E tatau ona tatou faia ia lelei. E le gata ina manatu o le misiona o se tiute faaleperisitua, ae ao i alii talavou uma ona tulimatai agai i luma i lenei galuega sili ma le olioli sili ma sauniuni atu iai.

“E leai se mea e sili atu ona taua e faia e se alii talavou. E mafai ona faatali le aoga. E mafai ona tolopoina se sikolasipi. O sini faalegaluega e mafai ona tolopoina. Ioe, e oo lava i se faaipoipoga i le malumalu e tatau ona faatali sei maea ona auauna atu le alii talavou o se faafeatalai faamamaluina a le Alii.

“O lea la, aisea ua ou faamatalaina atu ai nei mea ia te outou tamaitai talavou i lenei afiafi? Aua o lo o ia te outou se aafiaga lelei i le faatosinaina o alii talavou e o atu e auauna faamisiona. Ia iloa e alii talavou o lo o outou faauo iai o lo o outou faamoemoaina i latou ina ia faataunuina o latou tiutetauave faafaifeatalai, ma e tou te mananao ia latou o atu e auauna atu i le galuega faamisiona, aua ua outou iloa o iina o lo o finagalo iai le Alii e tatau ona latou iai.

“Ia aloese mai faauoga faamasani mautu ma se alii talavou o lo o sauni atu mo le mauaina o lona valaauga e auauna atu faamisiona. Afai o le lua fesootaiga ua na o se faauoga, o le a faigofie ia te ia ona mafai ona fai lena faaiuga o le auauna atu ma o le a mafai foi ona ua‘i atu lona malosi atoa i lana galuega faamisiona nai lo o lana uo tamaitai o lo o i le fale. Ma afai e foi mai o ia ma le mamalu mai lana misiona, o le a avea o ia ma se tane lelei ma se tama, ma se tasi e umiaina le perisitua, aua sa ia auauna atu muamua o se faafeatalai.

“E le fesiligia tamaitai talavou faamaoni o le Au Paia o Aso e Gata Ai i le tele o lo latou aafiaga lelei i le fesoasoani atu i alii talavou i le faalauteleina o o latou perisitua ma faagauai i latou ia faia galuega lelei ma ia avea ma ni tagata sili ona lelei.

“Ia manatua tamaitai talavou e, e mafai foi ona outou maua le avanoa e auauna atu ai faamisiona. Ou te faafetai lava au ona o la‘u soa e faavavau na auauna atu o ia o se faafeatalai i Hawaii ae ma te le i faaipoipo i le Malumalu i Sate Leki, ma ou te fiafia lava aua e toatolu le fanau teine a la‘u fanau o lo o auauna atu faamisiona. O nisi o a tatou faafeatalai sili ona lelei o ni tamaitai. . . .

Ia Ola e Tusa ma Faamoemoega FaaleAtua

“Ou tuafafine talavou e, e iai o matou faamoemoega mo outou. E silisili ese mea o lo o matou faamoemoaina mai ia te outou. Aua le gata au taumafaiga i se mea itiiti ifo nai lo le mea e finagalo ai le Alii e te ausia.

“E pei ona saunoa mai le perofeta o Nifae i le 2 Nifae 31:20: ‘O le mea lea e tatau ai ona outou fetaomi atu i luma ma le faamaoni ia Keriso, ina ua iai le faamoemoe atoatoa lelei, i le ma le alofa atu i le Atua atoa ma tagata uma. O lea, afai tou te fetaomi atu i luma, o fiafia i le afioga a Keriso, ma tumau lava e oo i le iuga, faauta, o lo o faapea ona fetalai mai ai le Tama. Tou te maua le ola e faavavau.’

“Ioe, tuu mai ia te au se tamaitai talavou o lē e alofa i lona aiga, o lē e faitau ma mafaufau i tusitusiga paia i aso taitasi, o lē e iai sana molimau mumū o le Tusi a Mamona. Ia tuu mai ia te au se tamaitai talavou o lē auai atu ma le faatuatua i ana sauniga uma o le ekalesia, o sē ua faauu mai le seminare, o lē ua mauaina le Taui Aloaia o Tamaitai Talavou ma asoaina ma le fiafia! Ia tuu mai ia te au se tamaitai talavou o lē o lo o nofo taupou ma

lē o lo o faatumauina lona ola mama, o lē na te faasili le faaipoipo i le malumalu, ona ou tuuina atu ai lea o se tamaitai talavou o lē na te faia vavega mo le Alii i le taimi nei ma le faavavau atoa

“O lenei i le faiiuga, o‘u tuafafine talavou e, ou te alofa tele ma faaaloalo ia te outou! Ou te tatalo mo outou! Ua faatumulia lo‘u faamoemoe ia te outou! La manatua fautuaga na ou tuuina atu ia te outou i lenei afiafi. O le mea lena o lo o finagalo le Alii ia outou faalogo iai nei - i le asō .

“Ia outou ola e tusa ai ma faamoemoega faaleAtua ua ia te outou. Ia outou manatua poo ai outou ma le tofi paia ua outou maua - o le avea le ma afafine tau tupu o lo tatou Tāma oi le Lagi. Le ‘autalavou e, o le tofi tau tupu mamalu,’ ou te fai atu ia te outou ma lo‘u loto atoa, “Ia tauave pea, tauave pea, tauave peal!” (*Hymns*, 1985, no. 255), i le suafa o Iesu Keriso, amene” (“I Teine Talavou o le Ekalesia,” O Le Liahona, Ianuari 1987)

Ia Avea Atili Faapei o le Faaola

(O le vaega o lo o mulimuli mai na siitaina mai i lauga na tuuina mai e Peresitene Howard W. Hunter.)

“Ou te valaaulia tagata uma o le Ekalesia ia ola ma gaua‘i ia sili atu e tusa ma le soifuaga ma faataitaiga a le Alii o Iesu Keriso, aemaise lava le alofa mutimutivale ma le faamoemoe na ia faaali atu. Ou te tatalo ia agalelei tele atu le tasi i le tasi, faaaloalo tele atu, onosai tele atu, ma ia faamagaltele atu. . . .

“Ia tatou suesue i aoaoga uma a le Matai ma tautino atu atoatoa e mulimuli i lana faataitaiga. Ua Ia tuuina mai ia i tatou ‘o mea uma e tatau ai mo le ola ma le amio Atua.’ Ua ia valaaolina i ‘tatou i lona lelei e silisili lava’ ma ia ‘folafolaina mai o mea silisili ese lava ma le aoga: ina ia tofusia faatasai ai i [tatou] i le amio Atua’ (2 Peteru 1:3-4).

“Ou te talitonu i ia ‘mea silisili ese lava ma le aoga,’ ma ou te valaau atu ia i latou uma lava ua faafogofa mai i lo‘u leo e o mai e avatu. E tatau ona tatou taumafai e’ maua le amio Atua.’ E na o lena e mafai ona tatou maua moni ai le ‘filemu i lenei lalolagi ma le lalolagi a sau’ (MFF 59:23). . . .

“Ou te tuuina atu se molimau paia ma le faafetai o Iesu o le Keriso, o le Faaola o le lalolagi. E moni o Ia o le autu o a tatou tapuaiga ma le ki i lo tatou fiafia. Ia tatou mulimuli atu ia i le Alo o le Atua i ala uma, ma mea uma o le olaga. Ia tatou avea o Ia ma faataitaiga ma o tatou taiala.

“Ua tatou tuvae i se taimi o le talafaasolopito o le lalolagi ma le tuputupu a‘e o le Ekalesia ua tatau ai ona tatou mafaufau loloto i mea paia, ma avea atili faapei o le Faaola e pei ona finagalo i ai le Faaola i ona soo ia o latou faia. E tatau ia i tatou i avanoa uma ona fesili ifo ia i tatou lava, ‘Faamata o le a se mea e faia e Iesu?’ ona tatou galulue atili ai lea ma le lototoa e tusa ma le tali. E tatau ona tatou auai i le galuega, e pei ona auai o ia i le galuega a lona Tāma. E tatau ona tatou faia taumafaiga uma ia tatou avea ai atili faapei o Keriso, o se faataitaiga e toatasia ua atoatoa ma aunoa ma se agasala, ua vaaia i lenei lalolagi” (O Le Liahona, Ianuari 1995, itulau 103-104).

Ia Avea Le Malumalu ma Faailoga O Lo Outou Auai i le Ekalesia

“Ou te valaau atu i le Au Paia o Aso e Gata Ai ina ia tepa taulai i le malumalu o le Alii o se faailoga sili lea o lo outou auai i le Ekalesia. O le moomooga sili lava o lo‘u loto ina ia agavaa tagata uma o le Ekalesia e ulu atu i le malumalu. O le a fiafia ai le Alii pe a agavaa-uma tagata matutua o le Ekalesia ma tauaveina se pepa faataga o le malumalu. O mea e ao ina tatou faia tatou te agavaa ai mo se pepa faataga o le malumalu, o mea moni lava ia e mautinoa ai le fiafia o le tagata lava ia ma aiga. . . .

“Matou te toe faamamafaina atu ia faamanuiga faaletagata lava ia e maua mai i le tapuai i le malumalu ma le faapaiaaina ma le puipuia o lo o iai i totonu o ona puipui. O le maota o le Alii, o se nofoaga o faaaliga ma o le filemu. Pe a tatou auai atu i le malumalu, e anoaonai ma loloto mea tatou te aoaoina i le faamoemoega o le olaga ma le tulaga ese

o le taulaga togiola a le Alii o Iesu Keriso. Ia tatou avea le malumalu, ma sauniga i le malumalu, ma feagaiga i le malumalu ma faaipoipoga i le malumalu, o ni a tatou sini faamoemoeina i lenei lalolagi ma o ni mea silisili ua tatou iloa i lenei olaga. . . .

“Ia tatou saunia faifeautalai taitasi uma e ulu atu i le malumalu ma le agavaa ma avea lena ma aafiaga e sili atu nai lo le mauaina o se valaauga e alu atu e faamisiona. Ia tatou fuafua ma aoao ma uunaia a tatou fanau ia faaipoipo i le maota o le Alii. Ia tatou toe faamamafa atu malosi atili nai lo se isi lava taimi ua tuanai, le taua o le mea e te faaipoipo ai faapea foi ma le pule e avea ai oulua o se tane ma le ava.

“O a tatou taumafaiga uma i le folafolaina atu o le talalelei, faaatoatoaina o le Au Paia, ma le togiolaina o e ua maliliu, e tau uma lava i le malumalu paia. E mafua mai ona o sauniga o le malumalu e matuai taua naua; e le mafai ona tatou toe foi atu i le afioaga o le Atua e aunoa ma ia sauniga. Ou te uunaia tagata uma ia auai ma le agavaa i le malumalu poo le galue atu foi mo le aso e mafai ai ona e ulufale atu ai i lena maota paia ma maua ou sauniga ma feagaiga.

“Tau ina ia avea le uiga ma le matagofie ma le filemu o le malumalu ma mea ia oo atili mai ai i o tatou olaga i aso taitasi, ina ia oo mai ai le aso o le meleniuma, lena taimi na folafola mai o le a ‘latou tu‘i ai i a latou pelu e fai ma uamea o suotosina, o a latou tao foi e fai ma polo e teu a‘i vine; e le sii atu le pelu a le tasi nuu i le tasi nuu, latou te le toe aoao foi i taua . . . [ae] savavali i le malamalama o Ieova’ (Isaia 2:4-5)” (O Le Liahona, Ianuari 1995, itulau 104).

Mo le Faiaoga: Faatulagaina o Lesona Mai Lauga o Konafesi Aoao

Lesona

48

O upu a perofeta soifua o ni fesoasoani (risosi) sili ona lelei mo lesona faaopoopo. Afai e te manao i ni lesona faaopoopo, ia filifili lauga o konafesi sili ona lata mai o lo o tusia i le mekasini o le Ensign poo le O Le Liahona. O le saunia ma le tuuina atu o lesona o le a e maua ai ni avanoa taua e taitaia ai oe e le Agaga i le taulimaina o manaoga faapitoa o tagata o le vasega. E tatau ona vave faailoa atu i tamaitai talavou lauga o le a aoaoina ina ia latou saunia iai mo le talanoaga. I le faatulagaina o nei lesona, ia faaaoga ai aoaoga a le Au Pulega Aoao, lauga o konafesi, ma tusitusiga paia.

Ia mulimuli i le faatulagaga lava lea e tasi mo le sauniaina ma le tuuina atu o nei lesona e pei ona mulimuli ai i le tuuina atu o lesona i le tusi lesona. I le faaopoopo atu iai, o laasaga nei o lo o taua i lalo mo le sauniunga o le a fesoasoani tele ia te oe:

1. Ia filifili ma le agaga tatalo le mataupu faavae o le talalelei poo le manatu autu o lo o aoaoina i le lauga ua filifilia. Ia faatulaga ni manatu lagolago se lua pe tolu e lagolagoina ai le manatu autu.
2. Ia filifili le mea e te manao e faataunuu e tusa ai ma le taunuuga o le lesona. Mo se faataitaiga, pe e te manao i tagata o le vasega ia malamalama i se mataupu faavae o le talalelei, faatupuina i le faatuatua, atinae o se uiga faapitoa, pe uunaia ia suia a latou amio?
3. Ia faatulaga faamatalaga o le lesona. Saili ni mau faaopoopo e lagolagoina ai le lesona. Fesili atu i le pule o le potu tusi mo ni ata e talafegai ma le lesona.
4. Ia saunia ni fesili e faatatau i upu sii ma mau o lo o taua i le lauga. O le a le uiga o upu sii ma mau o lo o taua i le lauga? Ia faatatauina mau ma upu sii i tamaitai talavou (tagai i le 1 Nifae 19:23).
5. Ia filifili ni auala e aoao atu ai le lesona ina ia auai tagata o le vasega, ma ia tofia ni tagata o le vasega e auai i le tuuina atu o le lesona. Tagai i le tusi lea O Le Aoao Atu-leai Se Isi Valaauga E Sili Ai (33043 890) mo faamatalaga ma auala e aoao atu ai.

O faamatalaga nei e mulimuli mai atonu e aoga tele pe a sauniaina se lesona mai se lauga.

Autu o le lauga: _____

Mataupu o le talalelei poo le manatu autu: _____


Manatu e lagolagoina ai: _____

1. Ia faailoa atu le mataupu o le talalelei ma manatu e lagolagoina ai.
- Tusi le mataupu o le talalelei ma manatu e lagolagoina ai i luga o le laupapa. Faaaoga se lesona faatino, tala, ata, poo ni manatu e faatupuina ai ni fesili e faailoa mai ai le lesona.
2. Tuuina atu le vaega atoa o le lesona.
 - Ia sue ma faitauina mau o lo o i le lauga ma nisi mau faaopoopo e faamatala mai ai le mataupu o le talalelei.
 - Ia talanoaina pe o le a se mea o saunoa mai ai le alii ma ana perofeta e uiga i le mataupu o le talalelei.
 - Fai atu ni fesili e uiga i upu sii mai le lauga. Faatusatusa tala ma faataitaiga mai le lauga e faamatala ai le mataupu o le talalelei.
 - Ia talanoaina pe mafai faapefea e le ola ai i lenei mataupu ona faateleina lo tatou faatuatua ma fesoasoani ia i tatou e faia ni filifiliga amiontonu ma foiaina o tatou faafitauli.

- Fai atu ni fesili ma taitaiina le talanoaga ina ia fesoasoani ai i tamaitai talavou e faaaoga le mataupu o le talalelei i o latou olaga.
 - Ia valaaulia tagata o le vasega e fetufaai mai ni mea na tutupu i o latou olaga, o lagona, ma molimau e uiga i le autu o lo o outou talanoaina. Ia faaopoopo atu iai ou lagona.
3. Ia faaiuina i le aotelega o mea na aoaoina atu.
- Ia molimau atu i le moni o le mataupu o le talalelei na e aoaoina atu ma lona taua i lou olaga.



























13



4



3





O LE EKALEΣΙΑ Α
IESU KERISO
Ο ΛΕ ΑΥ ΠΑΙΑ Ο ΑΣΟ
Ε ΓΑΤΑ ΑΙ

